

CIMELIA

0

1121

FRAGMENTORVM  
M. TVLLII CICERONIS  
TOMI IIII.

Cum  
ANDR. PATRICII  
adnotationibus.



CVM PRIVILEGIO.

Venetis, apud Iordanum Zileum,  
M. D. LXI.





*Cim. 6. 421*

*1908 L 1187*

ELENCHVS EORVM,  
QVAE TOMVS QVISQVE  
CONTINEAT.

TOM. I. CONTINET

ORATIONES.

Pro M. Tullio.

L. Vareno.

P. Oppio.

M. Fundanio.

C. Cornelio, I.

C. Cornelio, II.

In competitores.

Pro Q. Gallio.

De proscriptorum liberis.

Contra Q. Metelli concionem.

De consulatu suo.

In Clodium, & Curionem.

De rege Ptolemao.

Pro M. Aemilio Scauro.

Pro A. Gabinio.

Item fragmenta orationum.

Pro P. Quintio.

M. Fonteio.

De lege agraria.

In L. Pisonem.

Item ex commentariis Caesarum.

A 2 TOM.



**TOM. II. CONTINET**

EPISTOLAS

CONTINET

- Ad Titinium.  
Cornelium Nepotem lib. ii.  
C. Cæsarem lib. iiii.  
Cæs. iuniorem lib. iiii.  
C. Panfam lib. iiii.  
A. Hirtium lib. x.  
M. Brutum lib. iiii.  
M. filium lib. i.  
Caluum. C. Cornelio. i.  
Catonem. C. Cornelio. i.  
Cerialiam. In competitoribus.  
L. Plancum. Pro Q. Gallio.

De proscriptorum liberis.  
Contra Q. Metellum conuentionem.

De conuentione.  
In Clodium & Pulcherum.

De lege Proletaria.  
Pro M. Aemilio Scauro.

Pro A. Gabio.  
Item fragmenta orationum.

Pro P. Quinctio.  
M. Porcio.

De lege agraria.  
In L. Plancum.

Item ex commentariis Caesarum.

TOM. A 2

**TOM. III. CONTINET**

PHILOSOPHICA.

- Oeconomicum à Xenophonte.  
Protagoram ex Platone.  
De repub. lib. vi.  
De iure ciuili liber.  
De auguriis liber.  
Hortensium, uel de philosophia.  
Catonem.  
De gloria.  
De consolatione.  
De suis consiliis.  
Item fragmenta librorum.  
Academicorum.  
De natura Deorum.  
De diuinatione.  
De legibus.  
De Fato.  
Timæi.

TOM. A 3



TOM. III. CONTINET

POEMATA.

Phænomena ex Arato.  
Alcyones.  
Limonem.  
Marium.  
Prognostica.  
De consulari suo lib. rrr.  
De suis temporibus.  
Iocularem libellum.  
Item fragmenta librorum incertorum.

AMPLISSIMO VIRO,  
PHILIPPO PADNEVIO,  
Episcopo Præmislien. & Craco-  
uien. des. regniq̃ue Poloniæ  
Procancellario, patrono  
incomparabili,

Andr. Patricius S. P. D.

INGVLARI quodam fato  
S fieri existimo, Philippe Ponti-  
fex, ut tua dignitas, Cicero-  
nisq̃. incolumitas, iisdem temporum  
uicissitudinibus contineri, iisdemq̃ue  
fortunæ momentis regi & administra-  
ri uideatur. Quàm diu enim tua di-  
gnitas, optimis omnibus artibus &  
studiis conciliata, superiorum tempo-  
rū iniuria latuit, latuerant multa quo-  
que præclara & diuina M. Ciceronis  
monumenta, quorum partim titulos  
tantum, & inscriptiones, partim ne  
has quidem tenebamus, omnibus ue-  
tustatis quodam inuidioso situ & squa-  
lore obsoletis. Postea quàm autem am-

A 4 plitudo



plitudo tua clarissimum quoddam ho-  
noris sui lumen semel efferre coepit, ita  
omnia illa, quasi semen quoddam ab-  
ditum, terræq. traditum, coeperunt de  
repente in lucem prodire, & enasci, ut  
deinceps cum tua dignitate nō solum  
iam communia, sed etiam propemo-  
dum æqualia incrementa habere uide-  
rentur. Etenim cum tu primum anno  
superiore, regni Procancellarius fa-  
ctus esses, collegerat in Italia Carolus  
Sigonius Mutinensis permulta eorum  
librorum fragmenta diligenter, colle-  
cta q. uulgo proposuerat, ad extinguen-  
dam aliqua ex parte sitim & cupidita-  
tem hominū, qui hæc iam tacitis men-  
tibus requirere uidebantur. Idemque  
cum deinde paulo post Præmislien.  
Pontifex renuntiatus esses, mea quo-  
que, eodem illo fato tuo stimulata ex-  
citataque cura, tantum in colligendis  
iisdem rebus elaborauit, ut ad ueterem  
illum Sigonii laborem atque industriā  
aliquis etiam diligentiae meae cumulus  
peculiaris accederet, qui non nulla ad  
ueterem

ueterem librorum illorum quasi for-  
tem de lucro adiiceret. quæ dum per-  
polio, ad aliquam ingenii nostri opi-  
nionem atque famam, tu quidem uix-  
dum Præmislien. Ecclesiæ admotus  
gubernaculis, amplioris rursus & tua  
uirtute dignioris Cracouiē. nauis cla-  
uum in Ecclesia prehendere, diis ho-  
minibusq. uocantibus, necesse habui-  
sti. Ego uero, præciso statim & inter-  
rupto laboris mei cursu in iis perpolien-  
dis rebus, totum id, cuiusmodi est, pu-  
blice uolui apparere; ut intelligatur,  
id quod toties iam loquimur, singulis  
tuis accessionibus, singulas quoque ea-  
rum rerum accessiones quasi è regio-  
ne respondere. Ac ego quidem quoti-  
es eius fati tui admirabilem quendam  
ordinem & progressum intueor, ip-  
siusq. rationem animo mecum & me-  
te perquirere studeo, nihil magis de-  
cuisse existimo, quam ut in insigni  
qualibet & manifesta dignitatis tuæ  
amplificatione, insignis quoque & ma-  
nifesta illis rebus accessio fieret, quæ  
tibi



tibi inter paucos nostrorum hominum  
ad omnem accessionem tuam, origi-  
nem causamq. præbuerunt. Sicut igi-  
tur in Rom. repub. quorum auspiciis  
res bene gesta fuit, ad eos, etiam si for-  
te proelio ipsi non interfuissent, omnē  
triumphi honorem deferri solitum fuis-  
se, accepimus: ita, cum fortuna qua-  
dam ac felicitate tua, ut ego quidem  
iudico, renascantur hæ nobis inter-  
mortuæ iam pridem Ciceronis reli-  
quæ, par esse putaui, hoc totū, quid-  
quid est, nostro labore aut erutum  
prorsus a fundamentis, aut perpoli-  
tum certe quidem, in tuo potissimum  
nomine emittere. Iam nunc autem il-  
lud quodammodo mente præcipiens  
auguror fore, ut, quando quidem tu  
Deo gratia ad hæc iam summa, & prorsus  
uirtuti tuæ debita præmia peruene-  
ris, inter cætera præclara quietis & o-  
tii istius tui monumenta, etiam hos,  
quos modo concisos edimus, M. Ci-  
ceronis libros, uel plenos omnino &  
integros, uel multo certe, quàm nunc  
sunt,

sunt, austiores, ex bibliothecæ tuæ scri-  
niis capiamus. Neque enim ego in  
hoc genere fortunam solum & felicitatem  
tuam admiror, sed etiam laudo  
industriam, ac diligentiam, qui, cum  
te adhuc resp. uacare iis rebus patere-  
tur, nec ita, uti nunc, totum tuum ani-  
mum ipsa occuparet, pleraque per te  
ipse collegeris, quæ ad uindicanda ab  
interitu & obliuione immortalia hæc  
scripta magnopere pertinere uideren-  
tur. quæ si unquam in lucem protule-  
ris, sicut certe, postea quàm in exo-  
ptatum hunc iam tranquillitatis por-  
tum deueneris, proferre poteris, non  
uereor ne mea me diuinitas fefellisse  
uideatur. Neque autem non summo  
consilio tu quidem in his quoque col-  
ligendis, & reficiendis naufragiis desu-  
dasti. Vidisti enim profecto, quod ui-  
dendum fuit, latere in his frustis &  
fragmentis diuitias Rom. linguæ: in  
qua tu, in illa adhuc ætate, sic excelle-  
bas, ut, in ipsa illa urbe hospes cum es-  
ses, in qua hæc olim nascebantur, ple-  
rosque



rosque in admirationem, & amorem  
tui adduceres; Paulum autem Iouium,  
qui tum in eo studio principatum fere  
illic obtinebat, etiam familiariter de-  
uincires. Quæ res etiam apud nos non  
solum pueritiam tuam Petro Tomitio,  
& deinde adolescentiam Ioanni Choinio,  
summis uiris, & maximis honoribus  
præditis, commendauit, sed etiam  
omnem tuam ætatem ita Regibus ip-  
sis charam reddidit, ut te grauissimis  
primum & difficillimis perfunctum le-  
gationibus, tandem regni sui Procan-  
cellarium, id autem est, totius sui im-  
perii & auctoritatis administrum, ac  
ueluti moderatorem, Rex hic Sigis-  
mundus Augustus esse uoluerit, dein-  
de uero Præmisliensi primum, nuncq̃  
adeo, ut dixi, Cracouiensi Episcopatu  
honestauerit. Quibus in muneribus  
omnibus quam fidem præstes reipub.  
quam regi ipsi obseruantiam, quem  
amorem ciuibus bene meritis, quod  
denique studium adferas ad salutem  
& dignitatem Ecclesiarum, utinam mi  
hi

suplor

hi uiam narrandi non præclusisses sin-  
gularibus tuis erga me beneficiis: qui-  
bus effecisti, ut uerissima mea uirtutis  
tuæ prædicatio hoc minus pöderis ha-  
beat, quod ab homine ingentibus tuis  
beneficiis obligatissimo proficiatur.  
Quo sane libentius etiam ad te hæc  
mitto: ut, cum meo de uirtutibus tuis  
sermoni auctoritatem omnem mirifi-  
ca tua gratia & liberalitate ipse detra-  
xeris, aliquod saltem interea testimo-  
nium habere possis gratissimæ meæ, &  
tibi debitæ uoluntatis. Bene uale!  
Dat. Vilnæ, in Lithuania, die XX. Iunii,  
anno Christi nat. M. D. LX.

.MOT



# AVCTORES, EX QVIBVS

HAEC FRAGMENTA COLLE-  
CTA FVERVNT.

Aquila.	Isidorus.
Asconius.	Lactantius.
Augustinus.	Macrobius.
Boethus.	Marcellinus.
Carisius.	Nonius.
Cicero.	Plinius.
Columella.	Priscianus.
Diomedes.	Quintilianus.
Donatus.	Seneca.
Festus.	Seruius.
Fortunatianus.	Suetonius.
Gellius.	Valerius.
Hieronymus.	Vlpianus.

TOM.

# M. TVLLII CICERONIS FRAGMENTORVM

TOMVS PRIMVS.

Qui continet orationes.

PRO M. TVLLIO

ORATIO I.

Deest principium,

Hoc indicium sic expectatur, ut non una rei  
statui, sed omnibus constitui putetur.

\*

Fundum habet in agro Tigurino M. Tullius pa-  
ternum.

\*

Quis hoc statuit unquam, aut cui concedi sine sum-  
mo omnium periculo potest, ut eum iure potue-  
rit occidere, à quo, metuisse se dicat, ne ipse  
posterius occideretur?

Si quis furem occiderit, iniuria occiderit, quam-  
obrem? quia ius constitutum nullum est. quid  
si se telo defenderit? [band] iniuria. quid  
ita? quia constitutum est.

Cætera desunt.



# Fragmenta

Pro L. Vareno orat. i i.

Deest principium.

Prisc. C. ANCHARIVS Rufus fuit è municipio Fulginate.

Prisc. \* in praefectura Fulginate.

Quint. l. 5. c. 13. Cum iter per agros, & loca sola faceret, cum Populeno, in familiam Ancharianam incidisse dixerunt: deinde Populenum occisum esse: illico Varenum uinctum, adseruatum, dum hic ostenderet, quid de eo fieri uellet.

Quint. l. 7. c. 1. lege de sicarijs commisit L. Varenus. Nam C. Varenum occidendo, et Cnæum uulnerando, et Salarium item occidendo cadit.

Quint. l. 4. c. 1. Tum C. Varenus is, qui à familia Anchariana occisus est. Hoc, quaeso, iudices diligenter attendite.

Prisc. l. 3. c. 3. \* L. ille Septimius diceret. etenim est ad L. Crassi eloquentiam gravis, et uehemens, et uolubilis. Erucius hic noster Antoniafter est.

Prisc. l. 12. Ea cædes si potissimum crimini datur, detur ei, cuius interfuit, non ei, cuius nihil interfuit.

Optio

# Ciceronis.

2

\*  
Optio uobis datur, utrum uelit, casu illo itinere Varenum esse usum, an huius persuasum, & induetum.

Quint. l. 5. c. 10.

Deum fidem.

Desunt reliqua.

PRISC.

Pro P. Oppio. Orat. i i i.

Deest principium.

V T R V M cum Cottam appetisset, aut cum ipse sese conaretur occidere, telum ei è manibus creptum est?

Quint. l. 5. c. 10.

\*  
Quos educere inuitos in prouinciam non potuit, eos inuitos retinere qui potuit?

Quint. ib.

\*  
At enim uerisimile non est, tantum scelus M. Cottam esse cõmentum. quid? hoc uerisimile est, tantum scelus Oppium esse conatum?

Quint. l. 11 c. 1.

\*  
Etenim multum posse ad salutem alterius, honorari multis: parum potuisse ad exitium, probro nemini fuit.

MARCEL.

\*  
O amorem mirum: ò beneuolentiam singularẽ.

QVINT.

Cætera desiderantur.

B

Pro



# Fragmenta

Pro M. Fundanio. Orat. l. iiii.

Deest principium.

Prisc. l. 7. **N**ON modo hoc à Iulio Annale, sed uix me hercule à Q. Mutone factum probari potest.

\*

Prisc. 16. **E**sset ne id, quod Meno nunciasset.

\*

**SERVIVS.** Arcades se profelenos esse asserunt.

\*

Plura desunt.

Pro C. Cornelio i. Orat. v.

Prisc. l. 6. **V**T AB Ioue optimo maximo, caterisq. dijs deabusq. omnibus opem & auxiliū petamus.

\*

Prisc. l. 2. \* ex promulgatione trinundinum dies ad ferendum, potestasq. uenisset.

\* uersu à primo circiter CLXI.

Asc. **P**ostulatur apud me prætorem primum de pecunijs repetundis. prospiciat uidelicet Cominius, quid agatur. uidelicet homines scæneos, in medium ad tentandum periculum proiectos.

Asc. **Q**uid Metellus summa nobilitate, ac uirtute, cum his iurasset, semel priuatum, priuatum parte publice legis deiectus est ratione, an ui, an ue ri suspicionem animi tollit, C. Curionis uirtus, ac

Ciceronis.

3

ac dignitas, & Q. Metelli adolescentia ad summam laudem omnibus rebus ornata.

\*

**L**egem, inquit, de libertinorum suffragijs Cornelius cum Manilio dedit. quid est hoc? dedit, antulit, an rogauit, an hortatus est? nam tulisse ridiculum est. quasi legem aliquam aut ad scribendum difficilem, aut ad excogitandum reconditam. quæ lex paucis his annis non modo scripta, sed etiam lata esset.

\*

**I**n quo cum multa reprehensa sint, tum in primis celeritas actionis.

\*

**P**etiuit tamen à me prætore maxima contestatione, ut causam Manilij defenderem.

\* uersu à primo DCCCCI.

**N**am cum is tribunus pl. duas leges tulisset in eo magistratu, unam perniciosam, alteram egregiam, quod summa rep. non hæsit, id ab illo ipso tribuno abiectum est. bonum autem, quod summa rep. manet, id extra ordinem fuit.

\*

**A**lijs ille in illum furorem magnis hominibus auctoribus impulsus est, qui aliquod institui ex plurimum disturbandorum iudiciorum perniciosissimum, temporibus suis accommodatissimum, meis alienissimum rationibus cupierunt.

B 2 \* Ver.

# Fragmenta

\* Ver. circiter.

Asc.

Possū dicere hominem summa prudētia clarum  
C. Cottam de suis legibus abrogandis ipsum ad  
senatum retulisse. Possū & eiusdem Cottæ  
legem de iudicijs priuatis anno, postquam lata  
sit, à fratre eius (abrogatam) legem Liciniam  
& Muciam de ciuibus regundis uideo constare  
inter omnes, quam duo consules omnium, quos  
uidimus, sapientissimi tulissent, non modo in-  
utilem, sed perniciosam reip. fuisse.

\*

Asc.

Quatuor omnino genera sunt, iudices, in quibus  
per senatum more maiorum statuatur aliquid  
de legibus. unum est eiusmodi, placere legem  
abrogari, ut Q. Cæcilio, M. Iunio cos. quæ  
leges rem militarem impedirent, ut abroga-  
rentur, alterum, quæ lex lata esse dicatur, ea  
non uideri populum teneri, ut L. Marcio, Sex.  
Iulio cos. de legibus Liijs. tertium est de le-  
gum derogationibus, quo de genere persæpe  
S. C. fiunt, ut nuper de ipsa lege Calpurnia,  
quæ derogaretur.

\*

Asc.

P. Africanus ille superior, ut dicitur, non solum  
à sapientissimis hominibus, qui tum erant, ue-  
rum etiā à se ipso sæpe accusatus est, quod cum  
consul esset cū Ti. Longo, passus esset tū primū  
à populari conyessu senatoria subsellia separari.

\* Circa

# Ciceronis.

4

\* Circa medium.

Est utique ius Vtandi, cum ea feratur, quandiu  
ferendi transferuntur id est lex \* dum priua-  
ti dicunt, dum \* dum sitella defertur, dum  
æquantur sortes, dum sortitio fit, et si qua sunt  
huius generis alia.

\* paulo post.

Vnum tamen, quod hoc ipso tribuno pl. factum  
est, prætermittendum non uidetur: nequē e-  
nim maius est, legere codicem, cum inter-  
cedatur, quā sitellam ipsam cum ipso inter-  
cessore deferre, nec grauius incipere ferre,  
quā perferre, nec uehementius ostendere se  
laturum, inuito collega, quā ipsi collegæ  
magistratum abrogare, nec criminosius tribus  
ad legem accipiendam, quā ad collegam red-  
dendum priuatum intronocare. quæ uir fortis,  
huius collega, A. Gabinius in re optima fecit  
omnia, nequē, cum salutem populo R. atque  
omnibus gentibus finem diurnæ captiuita-  
tis, turpitudinis, et seruitutis afferret, passus  
est, plus unius collegæ sui, quā uniuersæ  
ciuitatis uocem ualere, et uoluntatem.

\*

Codicem attigit.

\*

At enim de corrigenda lege retulerunt.

B 3

Idem,

Asc.

Asc.

QVINT.

Asc.



\*

Afc. Idem, nisi hæc ipsa lex, quam C. Cornelius tulit, obstitisset, decreuisset id, quod palam iam isti defensores iudiciorum pugnaverunt, senatui non placere, id iudicium de Syllæ bonis fieri. quam ego causam longe aliter Prætor in cōtione defendi, cum id dicerem, quod iudem iudices postea statuerunt, iudicium æquiore tempore fieri oportere, antea uero quam multarum rerum iudicia sublata sint, et quia scitis, prætereo, et ne quem in iudicium oratio mea reuocare uideatur.

\* paulo post.

Afc. Non Cn. Dolabella C. Volcatium, honestissimum uirum, communi et quotidiano iure priuasset, non denique homo illorum et uita, et prudentia longe dissimilis, sed tamen nimis in gratificando iure liber L. Sifenna bonorum Cn. Cornelij possessionem ex edicto suo P. Scipioni adolescenti summa nobilitate, eximia uirtute prædito, dedisset. Quare cum ambitum populus Rom. uideret, et cum à tribunis pl. doceretur, nisi pœna accessisset in diuiores, extinguere nullo modo posse, legem hanc Cornelij flagitabat, illam, quæ ex S. C. ferebatur, repudiabat.

\* paulo post.

Afc. Vt spectaculum illud duorum designatorum Consulium calamitate, re, & tempore salubre, ac  
ne-

necessarium; genere, & exemplo miserum, ac funestum uideremus.

\*

Afc. Quid ego nunc argumentis tibi respondeam, posse fieri, ut alius aliquis Cornelius sit, qui habeat Philerotem res [nota est] uulgare nomen esse Philerotis, Cornelios uero ita multos, ut iam etiam collegium constitutum sit.

\*

Afc. At enim extremi, ac difficillimi temporis uocem illam, C. Corneli, consulem mittere coegisti, qui remp. saluam esse uellent, ut ad legem accipiendam adessent.

\*

Afc. Plebem ex Maniliana offensione uictam, & domitam esse dicit. ante uestros annos propter illius tribuni pl. temeritatem posse adduci, ut omnino ne illius potestate abalienemur. \* Qui restituerunt eam potestatem, alterum nihil unum posse contra multos, alterum longe abesse.

\*

Afc. Tanta igitur in illis uirtus fuit, ut anno xvi. post reges exaltos, propter nimiam dominationem potentium secederent, leges sacratas ipsi sibi restituerent, duos tribunos crearent, montem illum trans Anienem, qui hodie mons Sacer nominatur, in quo armati confederant, æterna memorie causa consecrarent, itaque auspi-

# Fragmenta

cato postero anno x. tribuni pl. comitijs curia-  
tis creati sunt.

\*

Afc. Tum, interposita fide per tres legatos amplissi-  
mos viros, Romam armati reuer[terunt] in  
Auentino confederunt. inde armati in Capito-  
lium uenerunt. decem tribunos pl. per pontifi-  
cem, quod magistratus nullus erat, creau-  
runt. Etiam hæc recentiora prætereo, ponam  
principium iustissimæ libertatis Cassiam, qua  
lege suffragiorum ius, potestasq. conualuit, al-  
teram Cassiam, quæ populi iudicia firmauit.

\*

Afc. Qui non modo cum Sylla, uerum etiam, illo mor-  
tuo, semper hoc per se summis opibus retinen-  
dum putauerunt, inimicissimi C. Cottæ fue-  
runt, quod is consul paulum tribunis pl. non  
potestatis, sed dignitatis addidit.

\*

Afc. Quandiu quidem hoc animo erga nos illa plebs  
erit, quo se ostendit esse, cum legem Aure-  
liam, cum Rosciam non modo accepit, sed  
etiam efflagitauit.

\*

Afc. Memoria teneo, cum primum senatores cum equi-  
tibus Romanis lege Plotia iudicarent, homi-  
nem dijs, ac nobilitati perinuisum Cn. Pom-  
peium, causam lege Varia de maiestate dixisse.

Quæ

# Ciceronis.

6

\*

Quæ intermissa complureis annos.

Prisc. l. 8.

\*

Nū. alicui gratificabatur, aut homini, aut ordini?

Prisc. ibi.

\*

Coeptum igitur per eos, qui agi uolebant, desi-  
tum est per hunc, qui decessit.

Prisc. l. 10.

\*

\* circuitis rostris eijcerentur lapidibus homines.

Prisc. l. 8.

\*

\* refertum tribunicijs legibus, exhan-  
stum à quibus sit, ipsi sciunt.

Aqu.

\*

\* qui eloquentia cæteris antecellit.

PRISC.

Cætera desunt.

## Pro C. Cornelio II. Orat. VI.

Deest initium.

Pugnem aperte contra nobilissimorum hominum  
uoluntates, studia, consilia, cogitationesq.  
eorum aperiā?

Afc.

\*

O callidos homines, d rem excogitatam, d inge-  
nia metuenda. testes dare uolumus. quem quæ-  
so nostrum fefellit, ita uos esse facturos?

Cicer. orat.

Num



# Fragmenta

\*

Afc. Num in eo, qui sint hi testes, hæsitatis? ego nobis edam duos. reliqui sunt de consularibus, inimici tribunicia potestatis. pauci præterea assentatores eorum, atque asseclæ subsequuntur.

\*

Afc. Sed si familiariter ex Q. Catulo, sapientissimo viro, atque humanissimo uelim quærere, utrius tandem tibi tribunatus minus probari potest, C. Cornelij, an, non dicam P. Sulpicij, non L. Saturnini, non C. Gracchi, non Tiberij, neminem, quem isti seditiosum existimant, nominabo, sed auunculi tui Q. Catuli, clarissimi, patriæq. amantissimi uiri, quid mihi tandem responsurum putatis?

\*

Afc. \* post xx. uersus à præcedenti. Quid? auunculus tuus, clarissimus uir, clarissimo patre, auo, maioribus, credo, silentio, fauente nobilitate, nullo intercessore comparato, populo R. dedit, & potentissimorum hominum collegijs eripuit cooptandorum sacerdotum potestatem? Quid? idem Domitius M. Silanum, consularem hominem, quemadmodum tribunus pl. uexauit?

\*

Afc. Hæc est controuersia eiusmodi, ut mihi trib. pl. Cn. Domitius, Catulo M. Terpolius contemptissimum

# Ciceronis

7

ptissimum nomen eiectum esse ex ijs, qui tribuni pl. fuerunt.

\*

Nam neque me diuitiæ mouent, quibus omnes Africanos, & Lælios multi uenalicij, mercatoresque, superarunt, neque uestis aut calatum aurum, et argentum, quo nostros ueteres Marcellos, Maximosq. multi eunuchi è Syria, Aegyptoq. uicerunt. neque uero mouent me ornamenta ista uillarum, quibus L. Paullum, & Mummiū, qui rebus his urbem, Italianq. omnem refererunt, ab aliquo uideo perfacile Deliacō, aut Syro potuisse superari.

\*

Quis tam abundans copijs.

Cic. orat. Quint. l. 9. c. 4.

Prisc. l. 18.

Extrema desunt.

Contra C. Antonium & L. Catilinam competitores in toga candida.

Orat. vii.

Deest principium.

Dico P. C. superiore nocte cuiusdam hominis nobilis, & ualde in hoc largitionis questu noti, & cogniti, domum Catilinam & Antonium cum sequestribus suis conuenisse.

Quem

Omnia ex Afconio.



# Fragmenta

\*

Quem enim aut amicum habere potest is, qui tot ciues trucidauit, aut clientem, qui in sua ciuitate cum peregrino negauit se iudicio aequo certare posse?

\*

L. Ne [Nec] se iam tum respexit, cum grauissimis uestris decretis absens notatus est.

\*

In iudicijs quanta uis esset, didicit, cum est absolutus: si aut illud iudicium, aut illa absolutio nominanda esset.

\*

Populum uero, cum inspeclante populo collum secuit hominis maxime popularis, quanti faceret, ostendit.

\*

Me, qua amentia inductus est, ut contemneret, constituere non possum. utrum aequo animo latum putauit? an in suo familiarissimo non uiderat, me ne aliorum quidem iniurias mediocriter posse ferre?

\*

Alter pecore omni uendito, & saltibus prope adiectis, pastores retinet, ex quibus ait, se, cum uelit, subito fugitiuorum bellum excitaturum. alter induxit eum, quem potuit, ut repente gladiatores populo non debitos polliceretur, quos ipse

# Ciceronis.

8

ipse consularis candidatus perspexit, & legit, & emit. praesente populo Romano factum est.

\*

Quamobrem augere etiam mercedes si uultis, Q. Mucium peruertere legem impedire, ut cepit sententiam eos. sed ego ea lege contentus sum, qua duos consules designatos uno tempore damnari uidimus.

\*

Te tamen, Q. Muci, tam male de rep. existimare, moleste fero, qui hesterno die me esse dignum consulatu negabas. quid? populus Romanus minus diligenter scit sibi constituere defensorem, quam tu tibi? qui, cum te furti L. Calenus ageret, me potissimum fortunarum tuarum patronum esse uoluisti. & cuius tu consilium in tua turpissima causa delegisti, hunc honestissimarum rerum defensorem populus Romanus auctore te repudiare potest? nisi forte hoc dicturus es, quo tempore a L. Caleno furti delatus sis, eo tempore in me tibi parum auxilij esse uidisse.

\*

Atque ut istum omittam in exercitu Syllano praedonem, in introitu gladiatorum, in uictoria quadrigarium.

\*

Te uero Catilina consulatum sperare, aut cogitare



re non prodigium, atque portentum est? à quibus enim petis? à principibus ciuitatis? qui tibi, cum L. Volcatius consul in consilio fuisset, ne petendi quidem potestatem esse uoluerunt? à senatoribus? qui te auctoritate sua, spoliatum ornamentis omnibus, uinctum pene Africanis oratoribus tradiderunt? ab equestri ordine? quem trucidasti? à plebe? cui spectaculum eiusmodi tua crudelitas praeiuit, ut nemo sine luctu aspicere, sine gemitu recordari posset.

\*

ASCON. Quod caput etiam tum plenum animæ & spiritus, ad Syllam usque ad Tuniculo ad eadem Apollinis, manibus ipse suis detulit.

\*

Quid? tu potes in defensione tua dicere, quod illi ne dixerunt? quid tibi dicere non licebit.

\*

Denique illi negare potuerunt, & negauerunt, tu tibi ne inficiandi quidem impudetiæ locum reliquisti. quare præclara dicentur iudicia tulisse, si qui inficiantem Lucium condemnauerunt, Catilinam absoluerint consistentem.

\*

Is ergo negat ignarum esse, cum etiam illi, impios se homines esse, & si quem etiam interfecissent, imperatori, ac dictatori paruisse dicerent,

cerent, ac negare quoque posse: Catilinam uero inficiari non posse.

\*

Hanc tu habes dignitatem, qua fretus me contemnis, & despicias? an eam quam reliqua uita es consecutus? cum ita uixisti, ut non esset locus tam sanctus, quo non aduentus tuus, etiam cum culpa nulla subesset, crimen afferret.

\*

Cum deprehendebare in adulterijs, cum deprehendas adulteros ipse, cum ex eodem stupro tibi, & uxorem & filiam inuenisti.

\*

\* stupris se omnibus, ac flagitijs contaminauit, eade nefaria cruentauit, dirripuit socios, leges, quæstiones, iudicia uiolauit.

\*

Quid ego, ut uiolaueris prouinciam, prædicem? cuncto populo R. clamante ac resistente? nam ut te illic gesseris, non audeo dicere, quoniam absolutus es. mentitos esse equites R. falsas fuisse tabellas honestissimæ ciuitatis existimo. mentitum Q. Metellum Pium, mentitam Africam, uidisse puto nescio quid illos iudices, qui te innocentem iudicarunt. O miser, qui non sentias, illo iudicio te non absolutum, uerum ad aliquod seuerius iudicium, ac maius supplicium reservatum.

Præ-



## Fragmenta

\*

Prætereo illum nefarium conatum tuum, & pene acerbum, & luctuosum populo R. diem, cum Cn. Pisone socio; neque alio nemine eadem optimatum facere uoluisti.

\*

An oblitus es, te ex me, cum praturam petere-  
mus, petisse, ut tibi primum locum concede-  
rem? quod cum sepius ageres, & impuden-  
tius à me contenderes, meministi, me tibi re-  
spondere, impudenter te facere, qui id à me  
peteres, quod auunculus nunquam impetra-  
set? Nescis me prætorem primum esse factum,  
te concessione competitorum, et collatione cen-  
turiarum, & meo maxime beneficio, è postre-  
mo intertium locum esse subiectum?

\*

Qui posteaquam illo, ut conati erant, Hispani-  
ensi pugniunculo nervos incidere ciuium R. non  
potuerunt, duas uno tempore conantur in  
remp. ficas distringere.

\*

Hunc uos scitote Licinium gladiatorem iam im-  
misisse cupidum Catilinæ indices, Quintumq.  
Curium, hominem quaestorium.

Extremum deest.

Pro

## Ciceronis.

10

### Pro Q. Gallio, Orat. III.

Deest principium.

\* ut clamor, ut conuicium, ut symphoniae  
cantus, uidebar mihi uidere alios intrantes,  
alios autem exeuntes, partim ex uino uacillan-  
tes, partim hesternæ potatione oscitantes, uer-  
sabatur inter hos Gallius unguentis oblitus,  
redimitus coronis, humus erat immunda. lutu-  
lenta uino, coronis languidulis, & spinis coo-  
perta piscium.

\*

Loquor enim quæ sum ipse nuper expertus unus.  
Quidam poeta nominatus, homo perliteratus,  
cuius sunt illa colloquia poetarum, ac philoso-  
phorum, cum facit Euripidem & Menan-  
dram inter se, & in alio loco Socratem atque  
Epicurum differentes; quorum ætates non an-  
nis, sed sæculis scimus esse disiectas, quantos  
is plausus, & clamores mouet? multos enim  
condiscipulos habet in theatro, qui simul lite-  
ras non didicerunt.

\*

An ista, si uera essent, sic à te dicerentur?

\*

Tu istuc M. Callidi nisi fingeres, sic ageres? præ-  
sertim cum ista eloquentia alienorum homi-  
num

Aquil. &  
Quint. I. 8.  
c. 3.

Hier. nie.  
cleric.

QVINT.

Cic. Brut.



## Fragmenta

num pericula defendere acerrime soleas, tuum negligeres? ubi dolor? ubi ardor animi? qui etiam ex infantium ingenijs elicere uoces, & querelas solet. nulla perturbatio animi, nulla corporis, frons non percussa, non femur, pedis (quod minimum est) nulla suppositio. itaque (tantum absuit, ut inflammare nos, utros animos) somnum isto loco uix tenebamus.

Non. logi. \*  
Ego te certo scio, omnes logos, qui ludis dicti sunt, animaduertisse.

Caris. \*  
poematorum.

Cetera desunt.

De proscriptorum liberis,  
Orat. ix.

Desunt cetera præter fragmentum,  
quod sequitur.

Quint. l. i. 1  
ca. 1. Quid enim crudelius, quàm homines honestis parentibus ac maioribus natos a rep. submoueri: sed ita legibus Syllæ continetur status ciuitatis, ut, his solutis, stare ipsa non possit.

Contra

Ciceronis.

II

Contra concionem Q. Metelli,  
Orat. x.

Deest principium.

Sic enim, ut opinor, insequar fugientem, quoniam congre-  
di non licet cum resistente.

Fortun.

\*  
permulsa, atque recreata est.

Prisc. l. 9.

\*  
nisi eorum exitio non requieturam.

Prisc. l. 18.

\*  
Ascendi in concionem, concursus est populi factus.

Gell. l. 18  
c. 7.

\*  
Qui iudicabantur, eos uocari, custodiri, ad senatum adduci iussi: in senatu sunt positi.

Quint. l. 9.  
c. 3.

Reliqua desunt.

De consulatu suo, Orat. xi.

\*  
Quorum luxuries fortunata censa peperit.

NONIVS.

\*  
In Clodium & Curionem,  
Orat. xii.

Desunt multa, nec, quæ restant, digeri possunt in ullum ordinem.

Tu uero festiuus, tu elegans, tu solus urbanus, quem decet muliebris ornatus; quæ incessus psal-  
triæ,

Non.

# Fragmenta

tria, qui lenare uultum, mollire uocē potest.

\*

Non. Longus. Speculum. Sed credo, postquam tibi speculum allatum est, longe te à pulchris abesse sensisti.

\*

Non. Ac uide an facile tu fieri potueris, cum is factus non sit, cui tu concessisti.

\*

Non. Calantica. Tu'ne, cum uincirentur pedes fasceis, cum calanticam capiti accommodares, cum strophio accurate præcingerere.

\*

Quint. l. 8. c. 6. Integritas tua te purgavit, mihi crede, pudor eripuit, uita antea cuncta seruauit.

Quint. l. 9. c. 2. \* quibus iste, qui omnia sacrificia nosses, facile à se deos placari posse arbitrabatur.

\*

QVINT. Quo ex iudicio uelut ex incendio nudus effugit.

\*

CICERO. Erras Clodi: non te iudices urbi, sed carceri reseruauerunt, neque retinere in ciuitate, sed exilio priuare uoluerunt. Quamobrem Patres conscripti erigite animos, retinete uestram dignitatem: manet illa in rep. bonorum consensio; dolor accessit bonis uiris, uirtus non est imminuta: nihil est damni factum noui, sed quod erat, inuentum est in unius hominis perditum iudicio: plures similes reperti sunt.

De

Ciceronis.

12

De rege Ptolemæo, Orat. XIII.

Nisi unicum id fragmentum esset, uix ipsam orationis inscriptionem teneremus.

DIFFICILIS ratio belli gerendi, at plena fidei, plena pietatis.

Aqu.

Pro M. Aemilio Scauro, Orat. XIII.

MAXIME fuit optandum M. Scauro, iudices, ut nullo suscepto cuiusquam odio, sine offensione ac molestia.

Fortun. August. in Rhet.

\* circa uersum à primo XL.

Subit etiam populi iudicium, inquirente Cn. Domitio tribuno pl. Reus factus est à Q. Seruilio Capione lege Seruilia, cum iudicia penes equestrem ordinem essent, & P. Rutilio damnato nemo tam innocens uideretur, ut non timeret illa. Ab eodem etiam lege Varia custos ille reip. proditoris est in crimen uocatus, uexatus à Q. Vario trib. pl. est, nō multo ante.

As.

\*

Non enim tantum admiratus sum ego illum uirum, sicut omnes, sed etiam præcipue dilexi. primus enim me, flagrante studio laudis, in spem impulsit,

As.

C 3



# Fragmenta

impulit, posse uirtutem sine praesidio fortunæ,  
quò cõtendisset, labore, & cõstantia peruenire.

\*

Afc. Si me hercle, iudices, pro L. Tubulo dicerem,  
quem unum ex omni memoria sceleratissimum  
& audacissimum fuisse accepimus, tamen non  
timerem; uenenum hospiti, aut conuiuæ si di-  
ceretur cenantibus ab illo datum, cui neque hæ-  
res, neque iratus fuisset.

\* circa tertiam partem à primo.

Afc. Sic inquam se iudices res habet, neque hoc à me  
nouum disputatur, sed quæsitum ab alijs est.

\*

Afc. Illa audiuius, hoc uero meminimus, ac pene  
uidimus, eiusdem stirpis, & nominis P. Cras-  
sum, ne in manus incideret inimicorum, se ip-  
sum interemisse. Ac neque illius Crassi factum su-  
perioris ijsdem honoribus usus, qui fortissimus  
in bellis fuisset, M. Aquilius potuit imitari.

\* paulo post.

Afc. Quid uero? alterum Crassum temporibus eisdem,  
num aut clarissimi uiri Iulij, aut summo in-  
genio præditus M. Antonius potuit imitari?

\*

Prisc. l. 6. Cum dare nollet Aris, clam ex Sardinia est fu-  
gere coactus.

\*

Prisc. Arinis uxorem pellicatus dolo concitatum.

\* Circa

# Ciceronis.

13

20

\* Circa medium.

Neque uero hæc ipsa quotidiana res Ap. Clau-  
dium, illa humanitate, et sapientia præditum,  
per se ipsa mouisset, nisi hunc Claudij fratris  
sui competitorem fore putasset. qui siue patri-  
cius, siue plebeius esset, (nondum enim certum  
constitutum erat) cum illo sibi contentionem  
fore putabat.

\*

Quem purpura regalis non commouit, eum Sar-  
dorum mastrucca tentauit?

Inf. l. 19,  
c. 3.

\*

Vos quoque de familia nobili cum auctoritate or-  
bis terrarum sentire debetis.

MARCEL,

\* post duas p artes orationis.

Nam cum ex multis unus ei restaret Dolabella  
paternus inimicus, qui cum Q. Cæpione pro-  
pinquo suo contra Scaurum patrem suum obsi-  
gnauerat stateras, eas sibi inimicitias non su-  
sceptas, sed relatas.

Afc.

\* post tres partes orationis.

Præsertim cum propinquitas, & celebritas loci  
suspicionem desidiæ tollat, aut cupiditatis.

Afc.

\*

Ego porro, qui Albanas habeo columnas, clitel-  
lis eas apportari.

Afc.

\*

Domus tibi deerat, at habebas. pecunia supera-  
bat,

Quin. l. 3,  
c. 13.

c 4

# Fragmenta

bat, at egebas. Incurristi amens in columnas,  
in alienos insanus insanisti. depressam, cæcam,  
iacentem domum pluris, quàm te, & quàm  
fortunas tuas aestimasti.

\*

\* redimunt se ea parte corporis,  
propter quam maxime expetuntur.

\*

\* ab ipsa stina mecum homines lo-  
quebantur.

\*

Ag. Hac cum tu effugere non potuisses, contendes ta-  
men, & postulabis, ut M. Aemilius cum sua  
dignitate omni, cum patris memoria, cum aui  
gloria, sordidissima, lenissima, uanissima gen-  
ti, ac prope dicam pellitis testibus condonetur.

\* uersu à nouissimo CLX.

Ase. Undique mihi suppeditat, quod pro M. Scauro  
dicam, quocunque non modo mens, uerum e-  
tiam oculi inciderint. curia illa de grauissimo  
principatu patris fortissimoq. testatur. L. ip-  
se Metellus, auus huius, sanctissimos deos illo  
constituisse in templo uidetur, in uestro conspe-  
ctu indices, ut salutem à uobis nepotis sui de-  
precarentur.

\*

CARISIVS

\* uniuerse. Deest extremum.

\*

PRO

Ciceronis.

14

Pro A. Gabinio, Orat. xv.

Desunt cætera, propter hoc.

Ego cum omnes amicitias tuèdas semper putau-  
i summa religione, & fide, tum eas maxime,  
quæ essent ex inimicijs reuocate in gratiam:  
propterea quoddam integris amicitijs officium præ-  
termisum, imprudentiæ, uel (ut grauius in-  
terpretemur) negligentia excusatione defen-  
ditur: post reditum in gratiam, si quid est com-  
missum, id non neglectum, sed uiolatum puta-  
tur, nec imprudentiæ, sed perfidiæ assigna-  
ri solet.

Hier. Apol.  
aduers. Ru-  
finum.

Ad Orat. pro P. Quintio.

\*

\* Turpis occultatio sui.

\*

VLBIAN.

Ad Orat. pro M. Fonteio.

\*

GALLI posthac dilutius potabunt, quod illi ue-  
nenum esse arbitrabantur.

Marcell.  
l. 15.

\*

Mater tua, dum nixit, ludum, postquam mor-  
tua est, magistros habuit.

Quint. l. 6.  
c. 4.

Fruementi



# Fragmenta

\*

**AQVILA**. *Frumenti maximus numerus è Gallia, peditatus amplissima copia è Gallia, equites numero plurimi è Gallia.*

*Cetera in ea, quæ inter reliquas rationes extat.*

**Ad Orat. de lege Agraria. x. Ian.**

*Deest initium.*

**Gell. l. 13. 24. PAIDYM**, *manubias, sectionem, castra denique Cn. Pompeij, sedente Imperatore, x. uiri uendent.*

\*

**Gell. ib.** \* *ex præda, ex manubijs, ex auro coronario.*

\*

**Aqd.** *Veniet igitur sub præcone tota Propontis, atque Hellespontus, addicetur communis ora Lyciorum, atque Cilicum, Mysia, & Phrygia item conditioni legiq. parebunt.*

\*

**Carif.** \* *imberba iuuentute.*

*Cetera in ea, quæ extat in senatu habita.*

**Ad**

**Ciceronis.**

**15**

**Ad Orat. in L. Pisonem.**

**PROCH** *dij immortales qui hic illuxit dies.*

\*

*Que te bellua ex utero, non hominem fudit.*

\*

*Insiber quidam fuit, id est mercator, & præco, is cum Romam cum filia uenisset, adolescentem nobilem Casonium, hominis fortissimi filium, ausus est appellare. filiam collocavit.*

\*

\* *Cum tibi tota cognatio in ferraco aduehatur.*

\* *circa uersum à primo.*

\* *quod minimum in te specimen ingenij, ingenij autem? imo ingenui hominis ac liberi, qui colore ipso patriam aspernaris, oratione genus, moribus nomen.*

*circa uersum à primo LXXX.*

*Hoc non ad contemnendam Placentiam pertinet, unde se is ortum gloriari solet. neque enim hæc mea natura fert, nec municipij, præsertim de me optime meriti, dignitas patitur.*

\*

*Hic cum ad Padum Placentiæ forte consedisset, paucis post annis in eam ciuitatem (nam tum erat ciuitas) ascendit. prius enim Gallus, dein*

**Quint. l. 9. c. 4. Diom. l. 2. Seruius.**

**Ascon.**

**Quint. l. 8. c. 3.**

**Ascon.**

**Asc.**

**Prife.**

# Fragmenta

dein Gallicanus , extremo semiplacentinus  
haberi est cæptus.

\* circa uersum à primo.

Afc. Lautiorem pater tuus socerum , quàm C. Piso  
in illo luctu , non ei filiam meam collocavi,  
quem ego, potestas cum omnium fuisset, unum  
potissimum delegissem.

\*

DIOMED. Proxime Pompeium sedebam .

Ex commentariis lib. XIII.

\*

Diomed. \* re uendita ; iterum emptâ .

\*

## M. TVLLII CICERONIS FRAGMENTORVM

TOMVS SECVNDVS,

Qui continet epistolas.

AD M. TITINIVM

EPISTOLA.

EQUIDEM memoria teneo , pueris nobis pri-  
mum latine docere cæpisse L. Plotium quen-  
dam : ad quem cum fieret concursus , quodd  
studiosissimus quisque apud eum exerceretur,  
dolebam mihi idem non licere . continebar  
autem doctissimorum hominum auctoritate,  
qui existimabant Græcis exercitationibus ali  
melius ingenia posse .

Suet. cl.  
Rhet.

Ad Cornelium Nepotem epi-  
stola lib. II.

\*

ITAQUE nostri cum omnia , quæ dixissemus,  
dicta essent ; quæ facete , & breuiter , & acu  
te locuti essemus , ea proprio nomine appella-  
ri dictæria uoluerunt .

Macr. l. 2.  
c. 1. Satur.

\*

Ad



Ad eundem ex libro incerto.

Prisc. l. 3. Hoc restiterat etiam, ut à te fidei aggre-  
derer donis.

MARCEL. Neque enim quicquam aliud est felicitas, nisi ho-  
nestarum rerum prosperitas: uel, ut alio mo-  
do definiam, Felicitas est fortuna, adiutrix  
consiliorum bonorum; quibus qui non utitur,  
felix nullo pacto esse potest. Ergo in perditis  
impijsq. consilijs, quibus Cæsar usus erat,  
nulla potuit esse felicitas: feliciorq. meo iudi-  
cio Camillus exulans, quàm temporibus ijs-  
dem Manlius, etiamsi, id quod cupierat, re-  
gnare potuisset.

Ad C. Cæfarem epist. lib. I.

M. Cicero C. Cæfari S.

Non. Dica-  
re. BALBVM quanti faciam, quamq. ei me totum  
dicauerim, ex ipso scies.

Non. Con-  
sequi. Honor. Tum cum ea, quæ es ab senatu summo cum ho-  
nore consecutus.

Non. Im-  
probum. Debes odisse improbitatem eius, quia impuden-  
tissimum nomen delegerit.

Vt

\*  
Vt sciret maiore cura tuèda esse, quæ parta sunt.

Non. Tueri

Ad eundem epist. lib. I I.

\* uel quòd locatio ipsa pretiosa.

Non. Loca-  
re.

\*  
Quod sapientes homines, ac boni putant.

Non. Puta-  
re.

\*  
Sed ego quæ monumenti ratio sit, nomine ipso ad  
moneor, ad memoriam magis spectare debet,  
posteritatis, quàm ad præsentis téporis gratiâ.

Non. Monu-  
mentum.

Ad eundem epist. lib. I I I.

\*  
QVÆ si uideres, non de exercitu retinendo tue-  
ri, sed eo tradito, aut dimisso.

Non. Di-  
mittere.

\*  
amici nonnulli te contemni, ac despi-  
ci, ac pro nibilo haberi senatum uelint.

Non. Con-  
temno.

Ad eundem ex lib. incerto.

I A M amplitudinem, gloriamq. thiam magno mi-  
hi ornaméto fore existimo, quòd me leuas cura.

Non. Leua-  
re.

Extrema uero nec quanta, nec qualia sunt, uerbis  
consequi possum.

Non. Con-  
sequi.

Ad Cæs. iuniorem epist. lib. 1:

Cicero Cæsari iuniori S.

Omnia ex Nonio. Sagum. **PRIDI** non. Feb. cum ad te literas mane dedissem, descendi ad forum togatus, cum reliqui consulares sagati uellent descendere.

Aditus. \* Et aut ad consules, aut ad te, aut ad Brutum adissent, his fraudi ne esset, quod cum Antonio fuissent.

\* Sed hæc uiderimus, cū legati responsa retulerint.

Vindicare. \* Quasi si me ad id beneficium accerferes, quo per te me, una cum rep. in libertatē uindicassem.

Accipere. Rogare. \* Roga ipsum, quemadmodum ego eum Arimini acceperim.

Cunctari. \* Sed cito pēnituit, domum redijt, ceteri cunctabantur.

Opinio. \* Erat opinio bona de Planco, bona de Lepido.

Cōparare. \* neminem tibi profecto hominem ex omnibus aut anteposuissem unquam, aut etiam comparassem.

Ex cate-

\* Ex ceteris autem generibus tunc pecunia exedietur, cum legionibus metricibus erunt, quæ spopondimus, persoluenda.

Expedire.

\* In singulis tegulis impositis sexcentis sexcenties cōfici posse.

Confectum

\* Ne res duceretur, fecimus ut Hercules Antianus in alium locum transferretur.

Ducere.

\* Sed quod uideret nomine pacis bellū inuolutū fore.

Inuoluere.

\* Quod mihi & Philippo uacationem das, bis gaudeo. nam & prateritis ignoscis, & concedis futura:

Ignoscere a concedere.

\* Itaque uereor ne ferociorē eum faciant tua [tam] præclara iudicia telo.

Ferox.

Ad eundem epist. lib. 11.

\* Sed ita locutus insulse est, ut mirum senatus concilium exceperit.

Omnia ex Nonio.

\* In quo tua me prouocauit oratio, mea consecuta est segnis.

\* Bellum, ut opinio mea fert, [ex] consensu ciuitatis

Confectum



# Fragmenta

uitatis confectum iam haberemus.

Constat. \* cum constet Casarem Lupercis id  
uestigal dedisse, qui ante poterat id constare?

\*  
Adest Albæ nescio quis Clodius, quam cum re-  
stitui iussisset, Ancone cum eo deiectus est ex  
senatus consulto.

Infolens. \* infolens, arrogans, iactans.

Secundum. \*  
Scriptum erat equestre praliū ualde secundum,  
in his potius aduer sum.

Meret. \*  
Quem perisse ita de rep. merentem consulem  
uehementer doleo.

Præstare. \*  
Tu si meam fidem præstiteris, quod confido te  
esse facturum.

Spurcus. \*  
Cum iter facere Claternā tempestate spurcissima.

Locuples. \*  
Nihil omnino certi, nec locupletem ad hoc au-  
ctorem habebamus.

Paludatus. \*  
Antonius demens ante lucem paludatus.

Ad

# Ciceronis.

19

Ad eundem epist. lib. III.

\*  
ITAQUE in eum palā uehementer est inuectus.

Non. Inuchi

\*  
Ad eundem ex lib. incerto.

POSTHAC quod uoles à me fieri, scribito.  
uincam opinionem tuam.

Non. opinio

\*  
Promissa tua memoria teneas.

Non. Pro-  
mittere.

Ad C. Panfam epist. lib. I.

M. Cicero C. Panfæ.

DE Antiocho fecisti humaniter, quem quidem  
ego semper dilexi, meq. ab eo diligere sensi.

Non. Hu-  
maniter.  
Prisc. l. 15.

\*  
\* quorum erupit illa uox, de qua ex te  
primum quiddam inaudieram.

Non. Inau-  
dire.

Ad eundem epist. lib. III.

NOS Ventidianis rumoribus concalfecimus.

Non. Con-  
calfacere.

D 2 Ad

Ad A. Hirtium epist. lib. ix.

\*

Non. Error Q V A in re si mediocriter lapsus sum, defendas  
meum [id tolerabile erratum.

\*

Ad eundem epist. lib. v.

\*

Non. Impertio.

E T quoniam, ut hoc tempus est, nihil habeo  
patriæ quod impertiam.

Ad eundem epist. lib. ix.

\*

Non. Interfici.

DICIS quasi istuc intereat nescio, nisi tamen  
\* erat mihi iucundum seuerius, ne qui ca-  
sum perimeret superioris.

Ad eundem ex lib. incerto.

\*

Non. Vetur-  
stificare a ue-  
terascere.

C V M enim nobilitas sit nihil aliud, quam co-  
gnita uirtus, quis in eo, quem ueterascentem  
uidet ad gloria, generis antiquitate desideret?

\*

NONIUS.

\* luta & limum aggerabant.

Ad

Ad M. Brutum epist. lib. vii.

\*

H I S contraria, atque parata, ut esse solent,  
expertus sum.

Non. Expe-  
riri.

Ad eundem epist. lib. viii.

\*

E T quod te tantum amat, ut uel me audeat  
pronocare,

Non. doct.  
indag.

\*

Ad eundem ex lib. incerto.

Cicero Bruto. S.

Q V V M hac scribebam, res existimabatur in  
extremum adducta discrimen: tristes enim de  
Bruto nostro literæ, nuncijq. adferebantur.  
me quidem non maxime conturbabant: his  
enim exercitibus ducibusq. quos habemus,  
nullo modo poteram diffidere. Neque assentie-  
bar maiori parti hominum: fidem enim Consu-  
lum non condemnabam, quæ suspecta uehe-  
menter erat. Desiderabam nonnullis in rebus  
prudentiam, & celeritatem, quæ si essent usi,  
iam pridem rem recuperassemus. Non enim  
ignoras, quanta momenta sint in rep. tempo-  
rum;

Ex manu-  
scripto à  
Germanis  
inuento.

D 3 rum;



rum; & quid intersit idem illud utrum ante, an post decernatur, suscipiatur, agatur. Omnia quæ seuerè decreta sunt hoc tumultu, si auquo die dixi sententiam, perfectæ essent, & non in diem ex die dilata, aut quo ex tempore suscepta sunt ut agerentur, non tardata & procrastinata, bellum iam nullum haberemus. Omnia Brute præstiti reip. quæ præstare debuit is, qui esset eo, quo ego sum gradu, Senatus populiq. iudicio conlocatus: nec illa modo, quæ nimirum sola ab homine sunt postulanda, fidem, uigilantiam, patriæ charitatem. ea sunt enim, quæ nemo est, qui non præstare debeat. Ego autem ei, qui sententiam dicat in principibus de rep. puto etiam prudentiam esse præstandam. Nec me, quum mihi tantum sumpsim ut gubernacula reip. prenderem, minus putarim reprehendendum, si inutiliter ali quid Senatui suaserim, quàm si infideliter. Acta quæ sint, quæq. agantur, scio perscribi ad te diligenter. Ex me autem illud est, quod te uelim habere cognitum, meum quidem animum in aciem esse, neque respectum ullum querere, nisi me utilitas ciuitatis forte conuerterit. Maiores autem partes animi te, Cassiumq. respiciunt. Quamobrem ita te para Brute, ut intelligas, aut, si hoc tempore bene res gesta sit, tibi meliorem remp. esse faciendam

dam, aut, si quid offensum sit, per te esse eandem recuperandam.

## Cicero Bruto S.

PLANCI animum in Remp. egregium, legiones, auxilia, copias ex literis eius, quarum exemplum tibi missum arbitror, perspicere potuisti. Lepidi tui necessarii (qui secundum fratrem affines habet, quos oderit proximos) leuitatem & inconstantiam, animumq. semper inimicum reip. iam credo tibi ex tuorū literis esse perspectum. nos expectatio sollicitat, quæ est omnis iam in extremum adducta discrimen. est enim spes omnis in Bruto expediendo, de quo uehementer timebamus. Ego hic cum homine furioso satis habeo negotij Seruilio, quem tuli diutius, quàm dignitas mea patiebatur; sed tuli reip. causa, ne darem perditis ciuibus hominem parum sanum illum quidem, sed tamen nobilem, quod concurrerent: quod faciunt nihilominus; sed eum alienandum à rep. non putabam. Finem feci eius ferendi; cæperat enim esse tanta insolentia, ut neminē liberum duceret. In Planci uero causa exarsit incredibili dolore, mecumq. per biduum ita contendit, & à me ita fractus est, ut eum in perpetuum modestiorem sperem fore. Atque

## Fragmenta

in hac contentione ipsa, quā maxime res ageretur ad v. Id. April. literæ mihi in Senatu redditæ sunt à Lentulo nostro, de Cassio, de legionibus, de Syria: quas statim cum recitauissem, cecidit Seruilius, complures præterea: sunt enim insignes aliquot, qui improbissime sentiunt. sed acerbissime tulit Seruilius, assensum esse mihi de Planco. Magnum illud monstrum in rep. est, sed quo.

\*

## Brutus Ciceroni: S.

**LITERAS** tuas ualde expecto, quas scripsisti post nuncios nostrarum rerum, & de morte Trebonij: non enim dubito quin mihi cōsiliū tuum explices. Indigno scelere & ciuem optimum amisimus, & prouinciæ possessione pulsi sumus, quam recuperari facile est. Neque minus turpe, aut flagitiosum erit, post recuperari. Antonius adhuc est nobiscum: sed mediūfidiū & moueor hominis precibus, & timēo, ne illum aliquorum furor excipiat: plane æstuo. Quod si scirem, quid tibi placeret, sine solitudine essem: id enim optimum esse persuasum esset mihi. Quare quamprimum fac me certiozem quid tibi placeat. Cassius noster Syriam, legiones Syriacas habet, ultro qui-

## Ciceronis.

22

quidem à Murco, et à Martio, & ab exercitu ipso accersitus. Ego scripsi ad Tertiam sororē, et ad matrem, ne prius ederent hoc, quod optime ac felicissime gessit Cassius, quā tuum consilium cognouissent, tibiq. uisum esset. Legi orationes duas tuas, quarum altera Kal. Ian. usus es; altera de literis meis, quæ habita est abs te contra Calenum. Nunc scilicet hoc expectas, dum eas laudem. Nescio, animi, an ingenij tui maior in his libellis laus contineatur. Iam concedo, ut uel Philippici uocentur, quod tu quadam epistola iocans scripsisti. Duabus rebus egemus Cicero, pecunia, & supplemento: quarum altera potest abs te expediri, ut aliqua pars militum istinc mittatur nobis, uel secreto consilio aduersus Pansam, uel actione in Senatu; altera, quæ magis est necessaria, neque meo exercitui magis quā reliquorum. Hoc magis doleo, Asiā nos amisisse, quā sic uexari à Dolabella audio, ut iam non uideatur crudelissimum eius facinus in terfectio Trebonij. Vetus Antistius me tamen pecunia subleuauit. Cicero filius tuus sic mihi se probat, industria, patientia, labore, animi magnitudine, omni denique officio, ut prorsus nunquā dimittere uideatur cogitationem cuius sit filius. Quare quoniam efficere non possum, ut pluris facias eum, qui tibi est charissimus,

\*

mus,



# Fragmenta

mus, illud tribue iudicio meo, ut tibi persuadeas non fore illi abutendum gloria tua, ut adipiscatur honores paternos. Kalend. Aprilis, Dirrachio.

## Cicero Bruto S.

**DATIS** mane ad III. Id. April. Scaptio literis, eodem die tuas accepi kal. April. Dirrachio datas, uesteri; itaque mane prid. Id. April. cum à Scaptio certior factus essem, nō esse eos profectos, quibus pridie dederam, & statim ire, hoc paululum exaravi ipsa in turba matutinae salutationis. De Cassio letor, & reip. gratulor; mihi etiam, qui repugnante & irascente Pansa sententiam dixerim, ut Dolabellam bello Cassius persequeretur. Et quidem audacter dicebam, sine nostro S. C. iam illud eum bellum gerere. De te etiam dixitum, quæ dicenda putavi. Hæc ad te oratio perferetur, quoniam te uideo delectari Philippicis nostris. Quod me de Antonio consulis; quoad Bruti exitum cognorimus, custodiendum puto. Ex his literis quas mihi misisti, Dolabella Asiam uexare uidetur, & in ea se gerere teterrime. Compluribus autem scripsisti, Dolabellam à Rhodijs esse exclusum: qui si ad Rhodum accessit, uidetur mihi Asiam reliquisse

## Ciceronis.

23

30

quisse. Id si ita est, istic tibi censeo commorandum; sin eam semel cepit, mihi crede, nō erit, at in Asiam censeo persequendum. Nihil mihi uideris hoc tempore melius acturus. Quod egere te duabus necessarijs rebus scribis, supplemento & pecunia, difficile consilium est: non enim mihi occurrunt facultates, quibus uti te posse uideam, præter illas, quas Senatus decreuit, ut pecunias à ciuitatibus mutuas sumeres. De supplemento autem non uideo quid fieri possit. tantum enim abest, ut Pansa de exercitu suo, aut delectu tibi aliquid tribuat, ut etiam moleste ferat tam multos ad te ire uoluntarios. quo modo equidem credo, quod ijs rebus, quæ in Italia decernuntur, nullas copias nimis magnas esse arbitretur; quomodo autem multi suspicantur, ne te quidem nimis firmum esse uelit, quod ego non suspicor. Quod scribis te ad Tertiam sororem scripsisse, ut ne prius ederent ea, quæ gesta à Cassio essent, quàm mihi uisum esset, uideo te ueritum esse id quod uerendum fuit, ne animi partium Caesaris, quomodo etiam nunc partes appellantur, uehementer comouerentur. Sed ante quàm tuas literas accepimus, audita res erat, & peruulgata; tui etiam tabellarij ad multos familiares tuos literas attulerant. Quare neque suppressenda res erat, præsertim cum id fieri non posset,

## Fragmenta

posset, neque, si posset, non diuulgandum potius, quam occultandum putaremus. De Cicerone meo, et, si tantum est in eo, quantum scribis, tantum scilicet quantum debeo, gaudeo; et si, quod amas eum, eo maiora facis, id ipsum incredibiliter gaudeo, à te eum diligi.

Cicero Bruto S.

**Q**UAE literæ tuo nomine recitatæ sunt Id. April. in Senatu, eodemq. tempore Antonij, credo ad te scripsisse tuos: quorum ego nemini concedo. Sed nihil necesse erat eadem omnes; illud necesse, me ad te scribere quid sentirem de tota constitutione huius belli, et quo iudicio essem, quaq. sententia, uoluntas mea Brute de summa rep. semper eadem fuit, quæ tuæ; ratio quibusdam in rebus, non enim omnibus, paulo fortasse uehementior. Scis mihi semper placuisse, nō rege solum, sed regno liberari remp. Tu lenius, immortalī omnino cum tua laude; sed quid melius fuerit, magno dolore sentimus. Recenti illo tempore tu omnia ad pacem, quæ oratione confici non poterant, ego omnia ad libertatem, quæ sine pace nulla est, pacem ipsam bello; atque armis effici posse arbitrabar. Studia non deerant arma poscentium, quorum repressimus impetum, ardoremque restinximus.

Ciceronis.

24

mus. Itaque res in eum locum uenerat, ut, nisi Cæsari Octauiano deus quidam illam mentem dedisset, in potestate perditissimi hominis, & turpissimi M. Antonij ueniendum fuit; quo cū uides hoc tempore ipso quod sit, quātumq. certamen. Id profecto nullum esset, nisi conseruatus esset Antonius. Sed hæc omitto. res enim à te gesta memorabilis, & pene cælestis repellit omnes reprehensiones; quippe, quæ ne laude quidem satis idonea affici possit. Extitisti nuper uultu seuro; exercitum, copias, legiones idoneas per te breui tempore comparasti. Dij immortales, qui ille nuntius, quæ illæ literæ, quæ letitia Senatus, quæ alacritas ciuitatis erat? Nihil unquam uidi tam omnium consensione laudatum. Erat expectatio reliquiarum Antonij, quem equitatu, legionibusq. magna ex parte spoliaras. Ea quoque habuit exitum optabilem. Nam tuæ literæ, quæ recitatæ in Senatu sunt, & Imperatoris, & militum uirtutem, & industriam tuorum, in quibus Ciceronis mei, declarant. Quod si tuis placuisset de his literis referri, & nisi in tempus turbulentissimum post discessum Pansæ Cōsulis incidissent, honos quoque iustus, & debitus dijs immortalibus, decretus esset. Ecce tibi Id. April. aduolat mane celer Pilus, qui uir, dij boni, quàm grauis, quàm constans, quàm



quàm bonarum in rep. partium? Hic epistolas  
affert duas, unam tuo nomine, alteram An-  
tonij. dat Servilio Trib. pl. ille Cornuto, reci-  
tantur in Senatu. ANTONIVS PROCOS.  
Magna admiratio, ut si esset recitatum, Do-  
labella Imperator, à quo quidem uenerant ta-  
bellarij: sed nemo Pili similis, qui proferre li-  
teras auderet, aut magistratibus reddere. Tuæ  
recitantur, breues illæ quidem, sed in Anto-  
nium admodum lenes. uehementer admiratus  
Senatus. mihi autem nō erat explicatum, quid  
agerem. falsas dicerem? quid si tu eas appro-  
basses? confirmarem? non erat dignitatis tuæ.  
itaque ille dies silentio. Postridie autem cum  
sermo increbuisse, Pilusque oculos uehemen-  
tius hominum offendisset, natum omnino est  
principium à me. De Procos. Antonio mul-  
ta; Sextius causæ non defuit. Post mecum;  
quanto suum filium, quanto meum in periculo  
futurum, diceret, si contra Procos. arma tu-  
lissent. Nosti hominem, causæ non defuit. Dixe-  
runt etiam alij. Labeo uero noster, nec signum  
tuum in epistola, nec diem appositum; nec te  
scripsisse ad tuos, ut soleres. Hoc cogere uole-  
bat, falsas literas esse, & si quæris, proba-  
bat. Nunc tuum est consilium Brute de toto ge-  
nere belli. uideo te lenitate delectari, & eum  
putare fructum esse maximum, præclare qui-  
dem,

dem, sed alijs rebus, alijs temporibus locus es-  
se solet, debetque clementiæ. Nunc quid agitur  
Brute? templis deorum immortalium immi-  
net hominum egentium & perditorum spes,  
nec quicquam aliud decernitur hoc bello, nisi  
utrum simus nec ne. Cui parcimus? aut quid  
agimus? His ergo consulimus, quibus uictori-  
bus uestigium nostrum nullum relinquetur?  
Nam quid interest inter Dolabellam, et quem-  
uis Antoniorum trium? quorum si cui par-  
cimus, duri fuimus in Dolabella. Hæc ut ita  
sentiret Senatus, populusque Rom. et si res ipsa  
cogebat, tamen maxima ex parte nostro con-  
silio atque auctoritate perfectum est. Tu si  
hanc rationem non probas, tuam sententiam  
defendam, non relinquam meam. Neque dis-  
solutum à te quicquam homines expectant, nec  
crudele. huius rei moderatio facilis est, ut in  
duces uehemens sis, in milites liberalis. Cice-  
ronem meum, mi Brute, uelim quamplurimum  
tecum habeas. Virtutis disciplinam meliorem  
reperiet nullam, quàm contemplationem, at-  
que imitationem tui. XVI. kal. Mai.

\*

Sic igitur facies, & me aut amabis, aut, quo con-  
tentus sum, diliges.

\*

Veritus fortasse, ne nos in Catonem nostrum  
trans-

Non. Ama-  
re & dilige-  
re.

Contentus.

Quint. l. 5.  
c. 10.

# Fragmenta

transferamus illinc mali quid, & si argumen-  
tum simile non erat.

\*

Quint. l. 8. Nam eloquentiam, quæ admirationem non ha-  
bet, nullam iudico.

\*

Quint. ib. et cum amorem, et eum, ut hoc  
uerbo utar, fauorem in consilium aduocabo.

modum. \*

Quint. l. 9. Ego cum in gratiam redierim cum Ap. Claudio,  
& redierim per Cn. Pompeium. ego ergo  
cum redierim.

\*

Quint. ibid. Sermo nullus, scilicet nisi de te. quid enim po-  
tius? Tum Flavius, Erras, inquit, tabellarie,  
& ego ibidem orans inter cænam exorau.

\*

Quint. ibid. Præstat, enim nemini imperare, quàm alicui ser-  
uire. sine illo enim uiuere honeste licet, cum  
hoc uiuendi nulla conditio est.

\*

QVINT. Sim ne bonus uir, si hoc suadeam? minime. Sua-  
foris enim est finis, utilitas eius, cui quisque  
suadet. At recta sunt. quis negat? sed non est  
semper rectis in suadendo locus.

\*

QVINT. Populo imposuimus, & oratores uisi sumus.

Res

# Ciceronis.

26

\*

Res mihi inuisæ uisæ sunt Brute.

QVINT.

Ad M. filium. lib. 1.

\*

QVARE effice, & elabora, ut exerceas.

Prisc. l. 8.  
& l. 10.

\*

Ad eundem lib. 11.

\*

CVI ego, quibuscunque rebus potero, libentif-  
sime commodabo.

Non. Con-  
modare.

\*

Ad eundem ex libro incerto.

\*

CETERIS delitis.

Dion. l. 1.

\*

Philosophiæ quidem præcepta noscenda, uiuen-  
dum autem ciuilitate.

LACTAN.

\*

Ad Caluum lib. 1.

Tvli moleste, quòd literæ delitæ sunt mihi à  
te redditæ.

Prisc. l. 9.

\*

Præsentit animus, atque augurat quodam modo,  
E quæ

Non. Augu-  
ro.



Fragmenta  
quæ futura sit suauitas.

\*

Ad Catonem epistola.

NONIVS. N E C idcirco mihi desiderandam esse dignita-  
tem meam, quodd eam multi impugnarint, sed  
eo magis recolendam, quod plus desiderarint.

\*

Ad Cereliam epistola.

QVINT. H A E C aut animo Catonis ferenda sunt, aut Ci-  
ceronis stomacho.

Ad L. Plancum.

GELLIUS. N A M neque deesse rei publicæ uolo, neque su-  
peresse.

Ex epistola incerta.

Quint. l. 9. DATA Lupercalibus, quo die Antonius Cæsari.  
c. 3.

QVINT. Ne ulli sunt pedes faceti, ac delicijs ingredienti  
mollius.

M. TVL-

27  
M. TVLLII CICERONIS  
FRAGMENTORVM  
TOMVS TERTIVS,

Qui philosophica continet.

OECONOMICORVM  
EX XENOPHONTE  
LIBER I.

\*

H O M O ex eo numero hominum, qui apud nos  
hoc nomine dignantur.

Prisc. l. 8.

\*

Maritale coniugium sic comparatum est natura,  
ut non solum incundissima, uerum etiam uti-  
lissima uitæ societas iniretur, & ne genus hu-  
manum temporis longinquitate occideret. pro-  
pter hoc mas cum fœmina est coniunctus: de-  
inde ut ex hac eadem societate mortalibus ad-  
iutoria senectutis, nec minus propugnacula  
præparentur: tum etiam, cum uictus & cul-  
tus humanus non uti feris in propatulo, ac syl-  
uestribus locis, sed domi sub tecto accurandus  
erat, necessarium fuit alterutrum foris & sub  
dio esse, qui labore, & industria compararet,  
intus, qui tectis reconderet, atque custodiret:

Colum. l. 12  
c. 1.

E . 2 si

si quidem uel rústicari, uel nauigare, uel etiá alio genere negociari necesse erat, ut aliquas facultates acquireremus. Cum uero paratæ res sub tectum essent congestæ, aliud esse oportuit, qui & illas custodiret, & cætera conficeret opera, quæ domi deberent administrari: nam & fruges, & cætera alimenta terrestria indigebant tecto; & ouium cæterarumque pecudum sætus, atque fructus clauso custodienda erant, nec minus reliqua utensilia, quibus aut alitur hominum genus, aut etiam excolitur. Quare cum & operam, et diligentiam ea, quæ proposuimus, desiderarent, nec exigua cura foris acquirerentur, quæ domi custodiri oporteret, iure, ut dixi, à natura comparata est opera mulieris ad domesticam diligentiam, uiri autem ad exercitationem forensem, & ad extraneam: itaque uiro calores, & frigora perpetienda, tum etiam itinera, & labores pacis, ac belli, id est rusticationis, & militarium stipendiorum distribuit: mulieri deinceps, quod omnibus his rebus eam fecerat inhabilem, domestica negocia curanda tradidit. Et quoniam hunc sexum custodiæ & diligentiae assignauerat, iccirco timidiorem reddidit, quàm uirilem: nam metus plurimum confert ad diligentiam custodiendi. Quod autem necesse erat foris, & in aperto uictum quærentibus

bus nonnunquam iniuriam propulsare; iccirco uirum, quàm mulierem, fecit audaciorem. Quia uero partis opibus æque fuit opus memoria, & diligentia, non minorem scemina, quàm uiro, earum rerum tribuit possessionem. Tum etiam, quod simplex natura non omneis res commodas amplecti uolebat, iccirco alterum alterius indigere uoluit: quoniam, quod alteri deest, præsto plerumque est alteri.

\*

Nam uetus est prouerbiū, paupertatem certissimam esse, quum alicuius indigeas, uti eo non posse; quia ignoretur, ubi proiectum iaceat quod desideretur. itaque in re familiari laboriosior est negligentia, quàm diligentia. Quis enim dubitet nihil esse pulchrius in omni ratione uitæ dispositione, atque ordine? quod etiam ludicris spectaculis licet sæpe cognoscere. Nam ubi chorus canentium, non ad certos modos, neque numeris præeuntis magistri cōsensit, dissonum quiddam ac tumultuosum audientibus canere uidetur. At ubi certis numeris ac pedibus uelut facta conspiratione consensit, atque concinit, ex eiusmodi uocum concordia, non solum ipsis canentibus, amicū quiddam & dulce resonat, uerum etiam spectantes audientesq. letissima uoluptate permulcentur.

COLVM.



# Fragmenta

\*

Donat. in  
Ter.

Quid igitur pro deo immortalium, primum  
eam docebas, quæso.

\*

COLVM. Preparatis idoneis locis, instrumentum & sup-  
pellectilem distribuere cœpimus, ac primum  
ea secreuimus, quibus ad res diuinas uti so-  
lemus: postea mundum muliebrem, qui ad di-  
es festos comparatur. deinde ad uirilem item  
dierum solennium ornatum, nec minus calcea-  
menta utrique sexui conuenientia, tum iam se-  
orsum arma ac tela seponebantur, & in alte-  
ra parte instrumenta, quibus ad lanificia utun-  
tur, post quæ ad cibum conficiendum uasa (ut  
assolent) constituebantur; inde, quæ ad lau-  
ationem, quæ ad exornationem, quæ ad men-  
sam quotidianam atque epulationem pertine-  
rent, exponebantur. postea ex ijs, quibus quo-  
tidie utimur, quod menstruum esset, seposui-  
mus. quod annuum quoque, in duas partes diui-  
simus. nam sic minus fallit, qui exitus futurus  
sit. Hæc postquam omnia secreuimus, tum  
suo quæque loco disposuimus: deinde quibus  
quotidie serui utuntur, quæ ad lanificia, quæ  
ad cibaria coquenda & conficienda pertinent,  
hæc ipsa ijs, qui uti solent, tradidimus, & ubi  
ea ponerent, demonstrauimus, & ut salua es-  
sent, præcepimus. Quibus autem ad dies fe-  
stos,

Ciceronis.

29

stos, & ad hospitum aduentum utimur, hæc  
primo tradidimus, & loca singula demonstra-  
uimus, & cuique sua annumerauimus, atque  
annumerata ipsi exscripsimus, eamq. admo-  
nuimus, ut, quodcumque opus esset, sciret unde  
daret: et meminisset atque adnotaret, quid, et  
quando, & cui dedisset, & cum recepisset, ut  
quidque suo loco reponeret.

Oeconomicorum ex Xenophon-  
te lib. I I.

\*

VIRVM ne Ischomache, inquam, si res fami-  
liaris desiderasset, mercari uillicum tanquam  
fabrum, an ipse instituere consueuisti? Ego ue-  
ro ipse instituo. Etenim qui me absente in meū  
locum substituitur, & uicarius meæ diligen-  
tiæ succedit, is ea, quæ ego, scire debet.

Colum. I. 2,  
6. 1.

\*

Oeconomicorum ex Xenophon-  
te lib. I I I.

\*

NVLLO modo facilius arbitror posse neque  
herbas arefcere, & interfici, neque terram  
ab sole percoqui.

Non. Inter-  
fici.

\*

Cum uero affecta iam prope ætate uuas à sole mi-  
E 4 testere

Quin. I. 13,  
c. 5.  
Non. Proflig-  
gare.

tescere tempus est.

\*

Macr. l. 3.  
c. 20.

Neque serit uitem, neque, quæ sata est, diligen-  
ter colit, oleum, ficus, poma non habet.

\*

Carif. l. 1.

\* apes in aluearium concesserunt.

\*

CICERO. Cum ad Cyrum minorem, regem Persarum, præ-  
stantem ingenio, atque imperij gloria, Lysan-  
der Lacedæmonius, uir summæ uirtutis, uenisset  
Sardis, ei, dona à socijs attulisset: & cæteris  
in rebus comis erga Lysandrum atque huma-  
nus rex fuit, et ei quendam conseptum agrum,  
diligenter consitum, ostendit. Cum autem ad-  
miraretur Lysander & proceritates arborum,  
& directos in quincuncem ordines, & humum  
subactam, atque puram, & suauitatem odo-  
rum, qui efflarentur è floribus, tum dixit: Mi-  
rari se non modo diligentiam, sed etiam soler-  
tiam eius, à quo essent illa dimensa, atque de-  
scripta. et Cyrus respondit: Atqui ego ista  
sum omnia dimensus, mei sunt ordines, mea  
descriptio: multæ etiam istarum arborum mea  
manu sunt sata. Tum Lysander intuens eius  
purpuram, & nitorem corporis, ornatumq.  
Persicū multo auro, multisq. gemmis, dixit:  
Recte uero te Cyre beatum ferunt, quoniam  
uirtuti tuæ fortuna coniuncta est.

Scro-

\*

\* Scrobes.

SERVIVS.

M. Tullii Ciceronis, Protagoras  
ex Platone:

QVID tu, unde tandem appares à Socrate?  
an quidem dubium non est, quin ab Alcibiade?

Prisc. l. 6.

\*

Nunc à uobis Protagora, & Socrates postulo,  
concedatis alter alteri, & inter nos de huius-  
modi rebus controuersemini, non concertetis.

Prisc. l. 8.

\*

Quæ igitur potest esse indignitas uoluptatis ad  
molestiam, nisi in magnitudine, aut longitudi-  
ne alterius utrius posita?

Prisc. l. 6.

\*

Confirmandi genera compluria.

Don. in  
Phorm.

M. Tullii Ciceronis de repub.  
lib. 1.

\*

EV M quoque ut salutauit, propter Tiberonem  
iussit assidere.

Non. Pro-  
per,

\*

Quare, si placet, deduc oro rationem tuam de co-  
lo ad hæc cituma.

Non. Citu-  
ma.

Quasi



# Fragmenta

DIOMED.

\* Quasi alius assimilare rempub. aut melius non possit, aut omnino non possit.

Non. Acco-  
modatum.

\* expositamq. ad exemplum nostræ reip: accommodabo ad eam, si potero, omnem illam orationem, quæ est mihi habenda de optimo ciuitatis statu.

Non. urbs  
à ciuitate.

\* Quam cum locis, manuq. sepsissent, eiusmodi coniunctionem tectorum oppidum, uel urbem appellarunt, delubris distinctam, spatijsq. communibus. omnis ergo populus, qui est talis cætus multitudinis, qualem exposui, ciuitas est; omnis ciuitas, quæ est constitutio populi, respublica.

AVGVST.

\* breui multitudo diuersa atque uaga, concordia ciuitas facta erat.

Non. Co-  
gnoscere.

\* Cognoscere mehercle, inquit, consuetudinem istâ, & studium, sermonemque.

SENECA.

\* duos Romanos reges esse, quorum alter patrem non habet, alter matrem. Nam de Seruij matre dubitatur. Anci pater \* Martius Numæ nepos dicitur.

Tum

# Ciceronis.

31

\* Tum [instituti] annui consules, tum dimissi populo fasces.

Non. Dimittere.

\* prouocationem ad populum etiam à regibus fuisse.

SENECA.

\* Horum enim seueritatem dicitur inhorruisse primum ciuitas.

Non. horrè  
dum à horridum.

\* Quem nos Dictatorem dicimus, & in historia ita nominari legimus, apud antiquos magister populi uocatus est, quod qui ab illo nominatur, magister equitum est.

SENECA.

\* Cn. Flavius fastos protulit.

Cic. 6. Atti  
cum. 9.

\* Quomodo enim iudicatur iste optimas? doctrina, artibus, studijs. audio, quando?

Non. Aemulus.

\* Sed audisse te credo, tum uero Platonem, Socrate mortuo, primum in Aegyptum discendi causa, post in Italiam contendisse.

NONIVS.

\* Tum uirtute, labore, industria quæreret summi uiri indolem, nisi nimis animose ferax natura illum nescio quo pacto.

Non. Anima.

Quæ

# Fragmenta

Non. Con-  
sutura.

\*  
Quæ uidelicet ille non ex agri consitura, quam  
cernebat, sed ex doctrinæ indicijis interpre-  
tabatur.

Non. Anti-  
quior.

\*  
Sed quoniam plurima beneficia continet patria,  
& est antiquior parens, quàm ijs, qui, ut a-  
iunt, creauerit, maiori ei profecto, quàm pa-  
renti, debetur gratia.

Non. Pigne-  
rari.

\*  
Sed ut plurimas & maximas no-  
stri animi, ingenij, consilij prima ipsa sibi ad  
utilitatem pigneraretur.

Non. Con-  
ducere.

\*  
Facillimam autem in ea rep. esse posse concordiam,  
in qua idem conducat omnibus.

Non. Firmi-  
tudo.

\*  
Habent æquabilitatem quandam, qua carere diu-  
tius nix possunt liberi, deinde firmitudinem.

Non. libro  
de doct. in-  
dagine.

\*  
Nec tantum Carthago habuisset opum sexcentos  
fere annos sine consilij, & disciplina.

Non. Domi-  
natus.

\*  
Quid? tunc cum es iratus, permittis illi iracundie  
dominatum animi tui?

Non. Ani-  
ma.

\*  
Ergo non probares consilio pulsas libidines, quæ  
sunt innumerabiles, iracundias, quæ tenerent  
om-

# Ciceronis.

32

omnia. Ego uero nihil isto animo, nihil ita ani-  
mato homine miserius ducerem.

\*  
Denique ipsa natura non inuitaret solum; sed e-  
tiam cogeret.

\*  
\* non modo integra eximi, sed etiam  
maior, quàm in arbore unquam pependerit, de  
oliuitate oleas esui optime condi, scribit Cato.

\*  
Sed ut ille, qui nauigat, cum subito mare cæpit  
horrescere.

M. Tullii Ciceronis de repub.  
lib. 11.

\*  
EST igitur quiddam turbulentum in homini-  
bus singulis, quod uel exulat uoluptate, uel  
molestia frangitur.

\*  
Cupido autem, & expetenti, & lubricoso, &  
uolutabundo in uoluptatibus.

\*  
\* quartaq. anxietudo prona ad luctum,  
& mœrens, semperq. ipsa se sollicitans.

\*  
Esse autem angores, si miseria afflicta, atque  
abiecta timiditate, & ignauia.

Non. Inui-  
tare.

Non. Oliui-  
tas.

Non. horre-  
dum à hor-  
ridum.

Non. Exul-  
tare.

Non. Volu-  
tabundus.

Non. Anxi-  
tudo.

Non. Ti-  
mor.

Vt



Non. Elide  
re.

\*  
Vt auriga indoctus è curru trahitur, operitur,  
eliditur, laniatur.

Non. Offen-  
dere.

\*  
Sed imitor Architam Tarentinum, qui cum ad  
uillam uenisset & omnia aliter offendisset.

Non. urbs à  
ciuitate.

\*  
quo auctore, & principe uocitatur  
ciuitas.

Non. Modi-  
cum.

\*  
Statuo esse optime constitutam remp. quæ ex tri-  
bus generibus illis, regali, optimo, & popula-  
ri, confusa modice, nec puniendo irriter animum  
immanem ac ferum, nec omnia prætermitten-  
do, licentia ciues deteriorex reddat.

Aug. l. 2. c.  
21. Ciuit.

\*  
Vt in fidibus, ac tibijs, atque cantu ipso, ac uoci-  
bus concentus est quidam tenendus ex distin-  
ctis sonis, quem immutatum, ac discrepan-  
tem aures erudite ferre non possunt, isq. con-  
centus ex dissimillarum uocum moderatione  
concors tamen efficitur & congruens: sic ex  
summis, & medijs, & infimis interiectis ordi-  
nibus, ut sonis, moderata ratione ciuitas con-  
sensu dissimillimorum concinit, & quæ harmo-  
nia à musicis dicitur in cantu, ea est in ciuita-  
te concordia, artissimum atque optimum om-  
ni in rep. uinculum incolumitatis, quæ sine ius-  
titia

stitia nullo pacto esse potest.

\*  
Iustitia foras spectat, & proiecta tota est, atque  
eminet.

\*  
Quæ uirtus præter cæteras totam se ad alienas u-  
tilitates porrigit, atque explicat.

\*  
quæ sanguine alitur, atque in omni  
crudelitate sic exulat, ut uix hominum acer-  
bis funeribus satietur.

\*  
Itaque præclara illa institutio Romuli cum ducen-  
tos annos & triginta fere firma mansisset.

\*  
Ac primus agros, quos bello Romulus ceperat,  
diuisit uiritim ciuibus.

\*  
multaq. ditione ouium, & boum,  
quod tunc erat res in pecore, & in locorum  
possessionibus, ex quo pecuniosi, & locuple-  
tes uocabantur.

\*  
ut Carneadi respondeatis, qui sæ-  
pe optimas causas ingenij calumnia ludifica-  
ri solebat.

Non. Proie-  
ctum.

Non. Expli-  
care.

Non. Exul-  
tare.

Non. lib. de  
doct. inda-  
gine.

Non. Viri-  
tim.

Non. Pecu-  
niosis.

Non. Ca-  
lumnia.

## Fragmenta

### M. Tullii Ciceronis de repub. lib. III.

\*

Aug. l. 4. cōtra Pelagi-  
um. **HOMO** non ut à matre, sed ut à nouerca natu-  
ra editus est in uitam, corpore nudo, & fra-  
gili, & infirmo, animo autem anxio ad mo-  
lestias, humili ad timores, molli ad labores,  
prono ad libidines, in quo tamen inesset tan-  
quam obrutus quidam diuinus ignis ingenij,  
& mentis.

\*

**SENECA:** Quoniam sumus ab ipsa calce eius interpellatione  
reuocati.

\*

**LACTAN.** Nullum est ius naturale. itaque omnes animan-  
tes ipsa ducente natura cōmoda sua defendunt.  
et ideo iustitia, si alienis utilitatibus consulat,  
suas negligat, stultitia est dicenda. Quod si om-  
nes populi, penes quos sit imperium, ipsique  
Romani, qui orbem totum possedere, iusti-  
tiam sequi uelint, ac suum cuique restituere;  
quod ui & armis occupauerunt; ad casus, &  
egestatem reuertentur. quod si fecerint, ius-  
tos dicemus quidem, sed tamen stultos iudica-  
re necesse est, qui, ut alij prosint, sibi nocere  
contendunt.

Bonus

## Ciceronis.

34

**Bonus uir** si habeat seruum fugitiuum, uel domū  
insalubrem, ac pestilentem, quæ uitia solus  
sciat, & ideo proscribat, ut uendat, utrum ne  
profitetur, fugitiuum seruum, ac pestilen-  
tem domum se uendere, an celabit emptorem?  
si profitebitur emptori, fugitiuum esse, bonus  
quidem, quia non fallet, sed tamen stultus iu-  
dicabitur, quia uel paruo uendet, uel omnino  
non uendet: si celauerit, erit quidem sapiens,  
quia rei consulet, sed idem malus, quia fallet.  
Deinde, si reperiat hominem, qui aut aurum,  
pro aurichalcho, aut argentum pro plumbo  
uendat per errorem, atque id emere necessitas  
cogat, utrum dissimulabit, & emet paruo, an  
potius indicabit? iustus utique dicetur, quia  
non sefellit, sed idem stultus, qui alteri fecerit  
lucrum, sibi damnum. sed facile de damno est:  
quid si uita eius in periculum ueniet, ut eum  
aliquando necesse sit, aut occupare, aut mori,  
quid faciet? Potest hoc euenire, ut naufragio  
facto inueniat aliquem imbecillum, tabula  
inherentem: aut uicto exercitu fugiens, repe-  
riat aliquem uulneratum, equo insidentem, u-  
trum ne aut illum tabula, aut hunc equo de-  
turbabit, ut ipse possit euadere? si uolet iustus  
esse, non faciet, sed idem stultus iudicabitur,  
qui, dum alterius uitæ parcat, suam perdet: si  
faciet, sapiens quidem uidebitur, quia sibi con-

F sulit,

Lact. l. 5.  
c. 17.  
Epi. c. 1.



sulit, sed & idem malus, quia nocebit.

\*

Laet. 1. 5.  
c. 12.

Quæro, si duo sint, quorum alter optimus uir, æquissimus, summa iustitia, singulari fide, alter insigni scelere, & audacia, & si in eo sit errore ciuitas, ut bonum illum uirum scelera- tum, facinorosum, nefarium putet, contra au- tem, qui sit improbissimus, existimetur sum- ma esse probitate, ac fide, proq. hac opinione omnium ciuium, bonus ille uir uexetur, rapia- tur, manus ei denique auferantur, effodian- tur oculi, damnetur, uinciatur, uratur, ex- terminetur, egeat, postremo iure etiam opti- mo omnibus miserrimus esse uideatur: contra autem ille improbus laudetur, colatur, ab om- nibus diligatur, omnes ad eum honores, om- nia imperia, omnes opes, omnes denique co- piæ conferantur: uir denique optimus omnium æstimatione, & dignissimus omni forma iudi- cetur, quis tandem erit tam demens, qui dubi- tet, utrum se esse malit?

\*

Non. Famu-  
latur.

Est enim genus iniustæ seruitutis, cum ij sunt al- terius, qui sui possunt esse. cum autem hi sa- mulantur.

Non. Infe-  
stum mare.  
Myoparone.

Nam cum quæreretur ex eo, quo scelere compul- sus mare haberet infestum uno myoparone,  
eo.

eodem, inquit, quo tu orbem terræ.

\*

Non grauarer Læli, nisi & hos uelle putarem, & ipse cuperem te quoque aliquam partem huius nostri sermonis attingere: præsertim quum heri dixeris, te nobis etiam supersutu- rum: uerum si id quidem fieri non potest, ne desis, omnes te rogamus.

\*

Et quidem uera lex recta ratio, natura congruens, diffusa in omnes, constans, sempiterna, quæ uocet ad officium iubendo, uetando à fraude deterreat, quæ tamen neque probos frustra iubet, aut uetat, nec improbos iubendo, aut uetando mouet. Huic legi nec obrogari fas est, neque derogari ex hac aliquid licet, neque to- ta abrogari potest. Nec uero aut per Sena- tum, aut per populum solui hac lege possumus. Neque est quærendus explanator, aut inter- pres eius alius: nec erit alia lex Romæ, alia Athenis, alia nunc, alia posthac. sed & om- nes gentes, & omni tempore una lex, & sem- piterna, & immortalis continebit, unusq. e- rit communis quasi magister, & imperator o- mnium Deus. ille legis huius inuentor, disce- ptator, lator, cuiqui non parebit, ipse se fu- giet, ac naturam hominis aspernabitur, hocq. ipso luet maximas pœnas, etiamsi cætera sup-  
F 2 plicia,

GELLIUS.

Laet. 1. 6.  
c. 8.

# Fragmenta

plicia, quæ putantur, effugerit.

\*

LACTAN. Huic tu uiro quas diuitias obijcies? quæ imperia, quæ regna? qui ista omnia putat humana, sua bona diuina indicat.

\*

Prisc. l. 8.

\* quibus assentior sollicitam, & periculosam iustitiam non esse sapientis.

\*

Non. Vbi gelit. pro ablatiuo.

Noster autem populus socijs defendendis terrarum iam omnium potius est.

\*

Non. Lar-gitas.

\* Pyrrhi ridetur largitas à cos. aut Samnitum copiarum Curio defuerunt.

\*

Non. Apud

Cuius etiam focum Cato ille noster, cum uenerat ad se in Sabinos, ut ex ipso audiebamus, uisere solebat, apud quem sedens Samnitum, quondam hostium, tum iam clientium suorum, dona relegauerat.

\*

AVGVST. Nullum bellum suscipitur à ciuitate optima, nisi aut pro fide, aut pro salute.

\*

Aug. l. 22. c. 4. ciuit.

\* quorum non corpora sunt in cælum elata. neque enim natura pateretur, ut id, quod esset de terra, nisi in terra maneret.

Magis

# Ciceronis.

36

Magis est in Romulo admirandum, quod ceteri, qui dii ex hominibus facti esse dicuntur, minus eruditus hominum sæculis fuerunt, ut fingendi procliuor esset ratio, cum imperiti facile ad credendum impellerentur. Romuli autem ætatem minus his sexcentis annis, iam inueteratis literis, atque doctrinis, omniq[ue] illo antiquo ex inculta hominum uita errore sublato, suis se cernimus.

\*

Ex quo intelligi potest, permultis annis ante Homerum fuisse quàm Romulum, ut iam doctis hominibus, ac temporibus ipsis eruditus ad fingendum uix quicquam esset loci. antiquitas enim recepit fabulas, fictas etiam nonnunquam incondite. Hæc ætas autem, iam exculta præsertim, eludens omne, quod fieri nõ potest, respuit.

\*

Apud Ennium sic loquitur Africanus.

Si fas cedendo cælestia scandere cuiquam est,

Mi soli cæli maxima porta patet.

Est uero, inquit, Africane. nam & Herculi eadem ipsa porta patuit.

Hic est ille situs, cui nemo ciuis, neque hostis

Quiuit pro factis reddere operæ precium.

\*

\* tantum est consequutus, ut, cum subito sole obscurato non comparuisset, deorū

F

3

in

August. l. 22. c. 6. ciuit.

Aug. ibid.

Lactan. l. 3. c. 19. Senec. l. 19. epist.

SENECA.

Aug. l. 3. c. 15. ciuit.



# Fragmenta

in numero collocatus putaretur, quam opinionem nemo unquam mortalis assequi potuit sine eximia uirtutis gloria.

\*

Aug. 16. Propterea & istum non creditum inter deos receptum tali morte, quia fortasse quod erat in Romano probatum, Romani uulgare noluerunt, si hoc & alteri tribueretur.

\*

Laet. 1. 5. c. 19. Vult plane uirtus honorem, nec est uirtutis ulla alia merces, quam tamen illa accipit facile, exigit non acerbè: sed si aut ingrati uniuersi, aut inuidi multi, aut inimici potentes suis uirtutem præmijs spoliant, nã illa se tamen multis solatijs oblectat, maximeque suo decore se ipsam sustentat.

\*

Aug. 1. 22. c. 6. ciuit. Sed his, pœnis quas etiam stultissimi sentiunt, egestate, exilio, uinculis, uerberibus elabuntur saepe priuati, oblata mortis celeritate. Ciuitatibus autem mors ipsa pœna est, quæ uidetur à pœna singulos uindicare. debet enim constituta sic esse ciuitas, ut aeterna sit. Itaque nullus interitus est reip. naturalis, ut hominis, in quo mors non modo necessaria est, uerum etiam optanda persæpe. Ciuitas autem cum tollitur, deletur, extinguitur, simile est quodammodo, ut magnis parua conferamus, ac si omnis hic

# Ciceronis.

37

hic mundus intereat, ac concidat.

\*

Resp. est res populi. Populus autem non omnis cœtus multitudinis, sed cœtus iuris consensu, et utilitatis communione sociatus.

\*

Resp. res populi, cum bene, ac iuste geritur, siue ab uno rege, siue à paucis optimatibus, siue ab uniuerso populo. cum uero iniustus est rex, quem tyrannum uoco, aut iniusti optimates, quorum consensus factio est, aut iniustus ipse populus, cui nomen usitatum nullum reperiò, nisi ut etiam ipsum tyrannum appellem: non iam uitiosa, sed omnino nulla resp. est, quoniam non est res populi, cum tyrannus eam factio ue capeſſat: nec ipse populus iam populus est, si sit iniustus, quoniam non est multitudo iuris consensu, & utilitatis communione sociata.

\*

Vbi uero iustitia uera non est, nec ius potest esse. quod enim iure fit, profecto iuste fit. quod autem fit iniuste, nec iure fieri potest. non enim iura dicenda sunt, uel putanda, iniqua hominum constituta, cum illud etiam ipsi ius esse dicant, quod de iustitiæ fonte manauerit, falsumque sit, quod à quibusdam non recte sentientibus dici solet, id ius esse, quod ei, qui

F 4 plusi

Aug. 1. 2. c. 21. ciuit.

Aug. 1. 2. c. 21.

AVGVST.

Fragmenta  
plus potest, utile est.

Aug. l. 4. cō-  
tra Pelagi-  
um.

An non cernimus optimo cuique dominatum ab ipsa natura cum summa utilitate infimorum datum? Cur igitur deus homini, animus imperat corpori, ratio libidini, iracundiaq. & ceteris uitiosis eiusdem animi partibus?

\*

Aug. ibidē. Sed & imperandi, & seruendi sunt dissimilitudines cognoscendae. Nam ut animus corpori dicitur imperare, dicitur etiam libidini, sed corpori, ut rex ciuibus suis, aut parens liberis, libidini autem, ut seruis dominus, quod eam coercet, & frangit: sic regum, sic imperatorum, sic magistratuum, sic patrum, sic populorum imperia ciuibus, socijsq. praesunt, ut corporibus animus. domini autem seruos ita fatigant, ut optima pars animi, id est sapientia, eiusdem animi uitiosas, imbecillasq. partes, ut libidines, ut iracundias, & perturbationes ceteras.

\*

Non. Mercatura.

Phoenices primi mercaturis, & mercibus suis auaritiam, & magnificentiam, & inexplebiles cupiditates omnium rerum exportauerunt in Graeciam.

\*

Non. Confidentiam.

\* duas sibi res, quo minus in uulgus, et in foro diceret, confidentiam et uocē defuisse.  
Sapien-

\*

Sapientia iubet proferre opes, amplificare diuitias.

Non. Proferre.

\*

\* sed ut ipsi seu animum periclitentur, seu uideant, quid se putent esse facturos.

Non. Periculum.

\*

Nunquam uiri fortissimi fortitudinis, impigritatis, patientiae.

Non. Impigritas.

\*

Quid ergo illa sibi uult absurda exceptio, nisi quis Athonem pro monimento uult funditus efficere? Quis enim est Athos, aut Olympus tantus?

Prisc. l. 6.

\*

Non sunt in disputando uasri, non ueteratores, non malitiosi.

Non. Vasfrum.

\*

M. Tullii Ciceronis de repub.  
lib. I I I I.

\*

Atque ipsa mens, quae futura uidet, praeterita meminit.

Non. Vbi ac cusatiuus, p genitiuo.

\*

Cumq. autumnus terras ad concipiendas fruges patescerit, hyeme ad conficiendas compresserit, uere ad effundendas relaxarit, aestate ac maturitate

Non. Mitis.



## Fragmenta

tuitate alias mitigauerit, alias torruerit:

\*

Non. Aptā.

\* eademq. obiectam uino, atque umbram noctemq. efficiat, cum ad numerum dierum aptam, tum ad laborum quietem.

\*

Aug. l. 2. c. 9. ciuit.

Nunquam comædiæ, nisi consuetudo uitæ patere tur, probare sua theatris flagitia potuissent.

Aug. ibidē.

Quem illa non attigit, uel potius quem non uexa uit, cui pepercit? esto: populares homines, im probos, in rep. seditiosos Cleonem, Cleophonem, Hyperbolum læsit. patiamur: etsi huiusmodi ciues a censore melius est, quàm a poeta notari. Sed Periclem, cum iam suæ ciuitati maxima auctoritate plurimos annos domi et belli præfuisset, uiolari uersibus, & eos agi in scena, non plus decuit, quàm si Plautus noster uoluisset, aut Næuius P. & Cn. Scipioni, aut Cæcilius M. Catoni maledicere.

\*

Aug. 16.

Nostræ contra XII. tabulæ cum perpaucas res capite sanxissent, in his hanc quoque sancientiam putauerunt, si quis ætitanisset, siue carmen condidisset, quod infamiam faceret, flagitium ne alteri: præclare. iudicijs enim ac magistratuum disceptationibus legitimis propositam uitam, non poetarum ingenijs habere debemus,

## Ciceronis.

39

bemus, nec probrum audire, nisi ea lege, ut respondere liceat, & iudicio defendere.

\*

Æschines Atheniensis, uir eloquentissimus, cum adolescens tragædias ætitanisset, remp. capessuit, & Aristodemum tragicum, item ætorem, maximis de rebus pacis, ac belli legatum ad Philippum Athenienses sæpe miserunt.

\*

\* probris & iniurijs poetarum subiectam uitam, famamq. habere noluerunt, capite etiam puniri sancientes, tale carmen condere si quis auderet.

\*

\* cum artem ludicram, scenamq. totam in probro ducerent, genus id hominum non modo honore ciuium reliquorum carere, sed etiam tribu moueri notatione censoria uoluerunt.

\*

Ad quos cum accessit clamor, & approbatio populi, quasi magni cuiusdam, & sapientis magistri, quas illi obducunt tenebras? quos inuehant metus? quas inflammant cupiditates?

\*

Ego uero eodem, quò ille Homerum redimitum coronis & delibutum unguentis emittit ex ea urbe, quam ipse sibi fingit.

Cumq.

Aug. l. 2. c. 10. ciuit.

August. l. 2. c. 12. ciuit.

Aug. l. 2. c. 13. ciuit.

Aug. l. 2. c. 14. ciuit.

Non. Fingere

# Fragmenta

MARCEL.

Cumq. nihil tam incorruptum esse debeat in rep. quam suffragium, quam sententia, non intelligo cur, qui ea pecunia corruerit, pœna dignus sit, qui eloquentia, laudem etiam ferat. Mihi quidem hoc plus mali facere uidetur, qui oratione, quam qui precio iudicem corrumpit, quod pecunia corrumpere prudentem nemo potest, dicendo potest.

Non. impurus.

\* Sed iuuentuti nostræ minime audiendus. Quippe si ita sensit, ut loquitur, est homo impurus, sin aliter, quod malo, oratio est tamen immanis.

Non. Immanis.

Non. Ignominia.

Censoris iudicium nihil fere damnato affert, nisi ruborem. Itaque ut omnis ea indicatio uersatur tantummodo in nomine, animaduersio illa ignominia dicta est.

Non. Vbi darius, p. accusatiuo.

Nec uero mulieribus præfectus reponatur, qui apud Græcos creari solet, sed sit censor, qui uiros doceat moderari uxoribus.

Non. Temulenta.

Magnam habet uim disciplina uerecundia. cauent temeto omnes mulieres.

Non. Fama.

\* atque etiam si qua erat famosa,

ci

# Ciceronis.

40

ei cognati osculum non ferebant.

Non modo ut Sparta, rapere ubi pueri, & clepere discunt.

Apud Græcos opprobrio fuit adolescentibus, si amatores non haberent.

\* admiror, nec rerum solum, sed uerborum etiam elegantiam, S I I V R G A N T (inquit) beneuolorum concertatio, non lis inimicorum, iurgium dicitur:

Iurgare igitur lex putat inter se uicinos, non litigare.

Itaque à petendo petulantia, à procando, id est, poscendo procacitas nominata est.

Fides enim nomen ipsum mihi uidetur habere, cū fit, quod dicitur.

In ciue excelfo, atque homine nobili blanditi- am, ostentationem, ambitionem notam esse leuitatis.

Nolo enim eundem populum imperatorem, & portitorem esse terrarum, optimum autem,

Non. Clepere.

Seruius.

Non. Iurgium à lite.

Non. ibi.

Non. Petulantia. Procacitas.

Non. Fides

Non. Blandimentum.

Non. Portitor.



# Fragmenta

& in priuatis familijs, & in rep. uectigal du-  
co esse parsimoniam.

\*

Non. Pecuda.

\* cum adhibent in pecuda pastores:

\*

Non. Exci-  
pere.

\* quos insepultos reliquissent, eos,  
quos ex mari propter uim tempestatis excipe-  
re non potuissent, innocentes necauerint.

\*

Non. Pro-  
prium.

Et noster Plato magis etiam, quam Lycurgus,  
omnia qui prorsus iubet esse communia, ne  
quis cuius propriam, aut suam rem ullam que-  
at dicere.

\*

Non. de do-  
gr. ind.

Nec in hac dissensione suscepi populi causam, sed  
bonorum.

\*

Non. Angu-  
ro.

Cui quidem utinam uere fideliter abundante au-  
gurauerim.

\*

Non. Sancti-  
tudo.

\* eosdem terminos hominum cura,  
atque uitae, sic pontificio iure sanctitudo se-  
pulturae.

\*

PRISC.

Non enim facile ueluti populo resistitur, si aut ni-  
hil impertias iuris, aut parum.

\*

PRISC.

Brachialia.

nec

# Ciceronis.

41

\*

\* nec uoluntatem mihi defuisse, nec curam.

LACTAN.

M. Tullii Ciceronis de repub.  
lib. v.

\*

Ennius:

Moribus antiquis res stat Romana, uirisque.

Aug. l. 2. c.  
21. ciuit.

Quem quidem ille uersum, uel breuitate, uel ue-  
ritate, tanquam ex oraculo mihi quodam esse  
effatus uidetur. nam neque uiri, nisi ita mo-  
rata ciuitas fuisset, neque mores, nisi hi uiri  
praefuissent, aut fundare, aut tam diu tenere  
potuissent tantam, & tam iuste, lateq. impe-  
rantem remp. Itaque ante nostram memoria  
et mos ipse patrius praestantes uiros adhibebat,  
& ueterum morem, ac maiorum instituta re-  
tinebant excellentes uiri. nostra uero aetas cum  
remp. sicut picturam accepisset egregiam, sed  
iam euanescentem uetustate, non modo eam co-  
loribus iisdem, quibus fuerat, renouare negle-  
xit, sed ne id quidem curauit, ut formam sal-  
tem eius, & extrema tanquam lineamenta ser-  
uaret. quid enim manet ex antiquis mori-  
bus, quibus ille dixit rem stare Romanam?  
quos ita obliuione obsoletos uidemus, ut non  
modo non colantur, sed etiam ignorentur? Na-  
de

Non. Va-  
num.

# Fragmenta

de uiris quid dicam? mores enim ipsi interie-  
runt uirorum penuria. cuius tanti mali nō mo-  
do reddenda ratio nobis, sed etiam tanquam  
reis capitis quodammodo dicenda causa est. no-  
stris enim uitij, non casu aliquo remp. uerbo  
retinemus, reapse uero iam pridem amissimus.

\*

Cic. 8. Atti *Vt enim gubernatori cursus secundus, medico sa-  
lus, imperatori uictoria, sic huic moderatori  
reip. beata ciuium uita propofita est, ut opi-  
bus firma, copijs locuples, gloria ampla, uir-  
tute honesta sit. huius enim operis maximi in-  
ter homines, atque optimi illum esse effecto-  
rem uolo.*

\*

DIOMED.

\*

excellunt.

\*

*Tum uirtute, labore, industria quærere summi ui-  
ri indolem, nisi nimis animose ferox natura il-  
lum nescio quo pacto.*

\*

Non. Ani-  
ma.

*Quæ uirtus fortitudo uocatur, in qua est magnitu-  
do animi, mortis dolorisq. magna contemptio.*

\*

Non. Con-  
temptio.

*Marcellus ut acer, & pugnax. Maximus, ut con-  
sideratus, & lentus.*

\*

Non. Len-  
tum.

*Sed tamen ut bono patrifamilias colendi, ædifi-  
candi,*

# Ciceronis.

42

*candi, ratiocinandi quidam usus opus est.*

\*

*Quæ cum Scipio dixisset, admodum probans. ni-  
mis enim erat odio rhetorum imbutus.*

\*

*Qui comperit eius uim, & effrenatam illam fe-  
rociam.*

\*

*\* orbi terrarum comprehensos.*

\*

*\* quod molestias senectutis suæ uestris  
familiaribus impertire posset.*

\*

*Quod non modo singulis hominibus, sed potentis-  
simis populis sæpe contigit.*

\*

M. Tullii Ciceronis de repub.  
lib. VI.

\*

*TOTAM igitur expectas prudentiam huius re-  
etoris, quæ ipsum nomen hoc nacta est ex pro-  
uidendo.*

\*

*Qui numero optimatum, & principum obtulit  
his uocibus, & grauitatis suæ liquit illum tri-  
stem, & plenum dignitatis sonum.*

G

Graues

Non. Im-  
buere.

Non. Fero-  
cia.

Carif.

Non. Im-  
pertire.

NONIVS.

Non. Pru-  
dentia.

Non. Tri-  
stis.



\*

Non. Exple  
ri à satiari. Graues enim dominae cogitationum libidines infi-  
nita quædam cogunt, atque imperant; quæ  
quia expleri, atque satiari nullo modo possunt,  
ad omne facinus impellunt eos, qui illecebris  
suis incenduntur.

\*

Non. Samiū Oratio extat, Læli, quam omnes habemus in ma-  
nibus, quod imperia pontificum dijs immor-  
talibus grata sine Samio, quæ, ut hic scribit,  
cæpedines.

\*

Non. Firmi  
ter. Priscianus. Firmiter enim maiores nostri stabilita matrimo-  
nia esse uoluerunt.

\*

Non. Com-  
parare. Quamobrem se comparet hic ciuis ita necesse est,  
ut sit contra hæc, quæ ciuitatis statum peruer-  
tunt, semper armatus.

\*

Non. Sedi-  
tio. Eaquæ dissensio ciuium, quod seorsum eunt alij ad  
alios, seditio dicitur.

\*

Non. de do-  
ctr. ind. Et uero in dissensione ciuili, cum boni plus, quam  
multi ualent, expendendos ab his, non nume-  
randos puto.

\*

Gell. l. 6.  
c. 16. Quod quidem eo fuit maius, quia cum in causa  
pari collegæ essent, non modo inuidia pari non  
erant,

erant, sed etiam Claudij inuidiam Gracchi ca-  
ritas deprecabatur.

\*

Ferunt hos laudibus, maerant honoribus.

\*

Alendus hic est gloria.

\*

\* in his ut meministis, concursu leuif-  
sime multitudinis ære congesto funus desubito  
esset ornatum.

\*

Vt quemadmodum scribit ille, quotidiano in fo-  
rum mille hominum cum pallijs conchylao tin-  
etis descenderent.

\*

Sed quanquam sapientibus conscientia ipsa facto-  
rum egregiorum amplissimum uirtutis præmi-  
um est, tamen illa diuina uirtus non statuas  
plumbo inhaerentes, nec triumphos arescenti-  
bus laureis, sed stabiliora quædam, & uiridio-  
ra præmiorum genera desiderat. Quæ tan-  
dem ista sunt? inquit Lælius. Tum Scipio, pa-  
timini me, ( inquit ) quoniam tertium diem  
feriatum sumus.

\*

Cum in Africam uenissem M. Manilio cos. ad  
quartam legionem tribunus ( ut scitis ) mili-  
tum, nihil mihi potius fuit, quàm ut Massinissam

G 2 con-

non. De-  
precari.

non. Ma-  
re.

AVGVST.

non. Desu-  
bito.

Non. Vbi ge-  
nitius pro  
nominatiue

Macr. l. 1.  
Som.

Macrobius.

# Fragmenta

conuenirem, regem familia nostra iustis de  
causis amicissimum. ad quem ut ueni, comple-  
xus me senex collachrymauit, aliquantopost  
suscepit in cælum, & grates, inquit; tibi ago  
summe Sol, uobisq. reliqui cælites, quod an-  
tequam ex hac uita migro, conspicio in meo  
regno, & his testis P. Cornelium Scipionem,  
cuius ego nomine ipso recreor. Ita nunquam  
ex animo meo discedit illius optimi atque inui-  
etissimi uiri memoria. Deinde ego illum de suo  
regno, ille me de nostra R. P. percunctatus  
est, multisq. uerbis ultro citroque habitis, ille  
nobis consumptus est dies. Post autem regio  
apparatu accepti, sermonem in multam no-  
ctem produximus, cum senex nihil nisi de Afri-  
cano loqueretur, omniaq. eius non solum fa-  
cta, sed etiam dicta meminisset. Deinde ut cubi-  
tum discessimus, me, et fessum de uia, & qui ad  
multam noctem uigilassem, arctior quam sole-  
bat somnus amplexus est. Hic mihi (credo equi-  
dem, ex hoc quod eram locuti,) (fit enim  
fere, ut cogitationes, sermonesq. nostri pa-  
riant aliquid in somno tale, quale de Homero  
scribit Ennius, de quo uidelicet sæpissime uigi-  
lans solebat cogitare, & loqui) Africanus se  
ostendit illa forma, quæ mihi ex imagine eius,  
quàm ex ipso, erat notior. Quem ut agnoui,  
equidem cohorrui. Sed ille, ades, inquit, ani-  
mo,

# Ciceronis.

44

mo, & omitte timorem Scipio, et, quæ dicam,  
trade memoria. Vides ne illam urbem, quæ  
parere Po. Ro. coacta per me, renouat pristina  
bella, nec potest quiescere? (ostendebat autem  
Carthaginem de excelsa, & pleno stellarum,  
illustri & claro quodam loco) ad quam tu oppu-  
gnandam nunc uenis pene miles: hanc hoc bien-  
nio Cos. euertes, eritq. cognomen id tibi per te  
partum, quod habes ex nobis adhuc heredita-  
rium. Cum autem Carthaginem deleueris,  
triumphum egeris, Censorque fueris, & obie-  
ris legatus Aegyptum, Syriam, Asiam,  
Græciam, delegere iterum absens Cos. bel-  
lumq. maximum conficies, Numantiam ex-  
cindens. Sed cum eris curru Capitolium inue-  
ctus, offendes R. P. perturbatam consilij  
nepotis mei. Hic tu Africane ostendas oportebit  
patriæ lumen animi, ingenij, consilijq. tui.  
Sed eius temporis ancipitem uideo quasi fato-  
tum uiam. Nam cum atas tua septenos octies  
solis anfractus, reditusq. conuerterit, duoq.  
hi numeri, quorum uterque plenus, alter alte-  
ra de causa habetur, circuitu naturali summam  
tibi fatalem confecerint, in te unum atque tuum  
nomen se tota conuertet ciuitas, te senatus, te  
omnes boni, te socij, te Latini intuebuntur. tu  
eris unus, in quo nitatur ciuitatis salus. Ac ne  
multa: Dictator remp. constituas oportet, si  
G 3 impias



impias propinquorum manus effugeris. Hic cum exclamasset Lælius, ingemissentq. cate vi uehementius, leniter arridens Scipio, quæso inquit, ne me è somno excitetis: et pax sit rebus. audite cætera. Sed quo sis. Africane alacrior ad tutandam remp. sic habeto, omnibus, qui patriam conseruauerint, adiuuerint, auxerint, certum esse in cælo, ac diffinitum locum, ubi beati æuo sempiterno fruuntur. Nihil est enim illi Principi Deo, qui omnem hunc mundum regit, quod quidē in terris fiat acceptius, quàm concilia, cætusq. hominum iure sociati, quæ ciuitates appellantur. harum rectores & conseruatores hinc profecti huc reuertentur. Hic ego, etsi eram perterritus non tam metu mortis, quàm insidiarum à meis, quæsiui tamen, uiueret ne ipse pater Paullus, & alij, quos nos extinctos arbitremur. Immo uero, inquit, hi uiuunt, qui ex corporum uinculis tanquam è carcere euolauerunt. uestra uero, quæ dicitur uita, mors est. Quin tu aspicias ad te uenientem Paulum patrem. quem ut uidi, equidem nim lachrymarum profudi. Ille autem me amplexus atque osculans flere prohibebat. Atque ego ut primum fletu represso loqui posse cœpi, quæso, inquam, pater sanctissime, atque optime, quoniam hæc est uita; ( ut Africanum audio dicere ) quid moror in ter-

ris,

ris, quin huc ad uos uenire propero? Non est ita, inquit ille. Nisi enim Deus is, cuius hoc templum est omne quod conspicias, istis te corporis custodijs liberauerit, huc tibi aditus patere non potest. Homines enim sunt hac lege generati, qui tuerentur illum globum, quem in hoc templo medium uides, quæ dicitur terra. Hisq. animus datus est ex illis sempiternis ignibus, quæ sydera & stellas uocatis, quæ globosæ & rotundæ diuinis animatæ mentibus circulos suos orbesq. consiciunt celeritate mirabili. Quare & tibi Publi, & pijs omnibus retinendus est animus in custodia corporis, nec iniussu eius, à quo ille est uobis datus, ex hominum uita migrandum est, ne munus humanum assignatum à Deo defugisse uideamini. Sed sic Scipio, ut auus hic tuus, ut ego, qui te genui, iustitiam cole, & pietatem, quæ cum sit magna in parentibus, & propinquis, tum in patria maxima est: quia ea uita uia est in cælum, & in hunc cætum eorum, qui iam uixerunt, et corpore laxati illum incolunt locum, quem uides. Erat autem is splendidissimo candore inter flammæ circulus eludens, quem uos ( ut à Græijs accepistis ) orbem lacteum nuncupatis. Ex quo omnia mihi contemplanti præclara cætera & mirabilia uidebantur. Erant autem cæ stelle, quas nunquam ex hoc loco uidimus,

## Fragmenta

Et eae magnitudines omnium, quas esse nunquam suspicari sumus: ex quibus erat illa minima, quae ultima caelo, citima terris luce lucebat aliena. stellarum autem globi terrarum magnitudinem facile uincebant. Iam uero ipsa terra ita mihi parua uisa est, ut me imperij nostri, quo quasi eius punctum attingimus, paeniteret. Quam cum magis intuerer, quaeso, inquit Africanus, quousque humi defixa tu mens erit? num ne aspicias quae in templa ueneris? nouem tibi orbibus, uel potius globis conuexa sunt omnia, quorum unus est caelestis extimus, qui reliquos omnes complectitur, summus ipse Deus, arcens, et continens ceteros: in quo infixi sunt illi, qui uoluuntur, stellarum cursus sempiterni, cui subiecti sunt septem qui uersantur retro contrario motu atque caelum. Ex quibus unum globum possidet illa, quam in terris Saturniam nominant. deinde est hominum generi prosperus et salutaris ille fulgor, qui dicitur Iouis. tum rutilus, horribilisque terris, quem Martem dicitis, subter mediam fere regionem Sol optinet, dux et princeps, et moderator luminum reliquorum, mens mundi, et temperatio, tanta magnitudine, ut cuncta sua luce lustret, et compleat. Hunc ut comites consequuntur, alter Veneris, alter Mercurij cursus. In infimoque orbe Luna radijs Solis

## Ciceronis.

46

lis accensa conuertitur. Infra autem iam nihil est nisi mortale, et caducum, praeter animos generi hominum munere deorum datos. supra Lunam sunt omnia aeterna. Nam ea quae est media, et nona, tellus, neque mouetur, et infima est, et in eam feruntur omnia suo nutu pondera. Quae cum intuerer stupens, ut me recepi, quis hic inquam, quis est, qui complet aures meas, tantus et tam dulcis sonus? Hic est, inquit ille, qui interuallis coniunctus imparibus, sed tamen pro rata portione distinctis, impulsu, et motu ipsorum orbium efficitur, qui acuta cum grauius temperans, uarios aequabiliter concentus efficit. nec enim silentio tanti motus incitari possunt. et natura fert, ut extrema ex altera parte grauius, ex altera autem acute sonent. Quam ob causam summus ille, caeli stelliferi cursus, cuius conuersio est concitator, acuto et excitato mouetur sono, grauius autem hic lunaris, atque infimus. Nam terra nona immobilis manens, ima semper haeret, complexa medium mundi locum. Illi autem octo cursus, in quibus eadem uis est duorum, Mercurij et Veneris, modorum septem efficiunt distinctos interuallis sonos, qui numerus rerum omnium fere nodus est. quod docti homines neruis inuitati atque cantibus, aperuere sibi reditum ad hunc locum.

sicut



## Fragmenta

Sicut alij, qui præstantibus ingenij in uita humana diuina studia coluerunt. Hoc sonitu completa aures obsurduerunt. nec est ullus hebetior sensus in uobis, sicut in illis, ubi Nilus ad illa, quæ catadupa nominantur, præcipitat ex altissimis montibus, ea gens, quæ illum locum accolit, propter magnitudinē sonitus sensu audiendi caret. Hic uero tantus est totius mundi incitatissima conuersione sonitus, ut eum aures hominum capere non possint. sicut intueri Solem nequitis aduersum, eiusq. radijs acies uestra, sensusq. uincitur. Hæc ego admirans, referebam tamen oculos ad terram identidem.

Tum Africanus inquit: Sentio te sedem etiam nunc hominum contemplari, ac domum. quæ si tibi parua (ut est) ita uidetur, hæc cælestia semper spectato, illa humana contemnito. Tu enim quam celebritatem sermonis hominum, aut quam expetendam gloriam consequi potes? Vides habitari in terra raris, & angustis in locis, & in ipsis quasi maculis, ubi habitatur; vastas solitudines interiectas: hosque, qui incolunt terram, non modo interruptos ita esse, ut nihil inter ipsos ab alijs ad alios manare possit, sed partim obliquos, partim transuersos, partim etiam aduersos stare uobis, à quibus sperare gloriam certe nullam potestis. Cernis autem terram eandem, quasi quibusdā redimi-

## Ciceronis.

47

redimitam & circumdatam cingulis, è quibus duos maxime inter se diuersos, & cæli uerticibus ipsis ex utraque parte subnixos obriguisset pruina uides; medium autem illum, & maximam Solis ardore torreri. Duo sunt habitabiles, quorum australis ille, in quo qui insistant, aduersa uobis urgent uestigia, nihil ad uestrum genus. Hic autem alter subiectus aquiloni, quem incolitis, cerne quàm uos tenui parte contingat. Omnis enim terra, quæ colitur uobis, angusta uerticibus, lateribus latior, parua quædam insula est, circumfusa illo mari, quod Atlanticum, quod magnum, quod Oceanum appellatis in terris, qui tamen, tanto nomine, quàm sit paruus, uides. Ex his ipsis cultis, notisq. terris, num aut tuum, aut cuiusquam nostrum nomen uel Caucasum hunc, quem cernis, transcendere potuit, uel illum Gangem transire? Quis in reliquis orientis, aut obeuntis Solis ultimis, aut Aquilonis, Austri ue partibus tuum nomen audiet? quibus amputatis, cernis profecto quantis in angustijs uestra gloria se dilatari uelit. ipsi autem, qui de uobis loquuntur, quàm diu loquentur? quin etiam si cupiat proles illa futurorum hominum deinceps laudes uniuscuiusque nostrum à patribus acceptas posteris prodere, tamen propter eluiones, exustionesq. terrarum, quas accidere

accidere tempore certo necesse est, non modo non æternam, sed ne diuturnam quidem gloriã assequi possumus. Quid autem interest, ab his, qui postea nascentur, sermonem fore de te, cum ab his nullus fuerit, qui ante nati sint? qui nec pauciores, & certe meliores fuerunt uiri, cum præsertim apud eos ipsos, à quibus nomen nostrum potest audiri, nemo unius anni memoriã consequi possit. homines enim populariter annũ tantũmodo solis, idest unius astri, reditu metiuntur. cum autem ad idẽ, unde semel profecta sunt, cuncta astra redierint, eandemq. totius cœli descriptionem longis interuallis retulerint, tum ille uere uertens annus appellari potest, in quo uix dicere audeo quã multa sæcula hominum teneantur. Nanque ut olim deficere sol hominibus extinguĩq. uisus est, cum Romuli animus hæc ipsa in templa penetrauit, ita quandocunque eadem parte sol, eodemque tempore iterum defecerit, tum signis omnibus ad idem principium stellisque reuocatis, expletum annum habeto. Huius quidem anni nondum uigessimam partem scito esse conuersam. Quocirca si reditum in hunc locum desperaueris, in quo omnia sunt magnis et præstantibus uiris, quanti tantem est ista hominum gloria, quæ pertinere uix ad unius anni partem exiguam potest? igitur alte spectare si uoles,

uoles, atque ad hanc sedem et æternam domum contueri, neque sermonibus uulgi dederis te, nec in præmijs humanis spem posueris rerum tuarum, suis te illecebris oportet ipsam uirtus trahat ad uerum decus. Quid de te alij loquantur, ipsi uideant, sed loquentur tamen. Sermo autem omnis ille & angustij cingitur his regionum, quas uides, nec unquam de ullo perennis fuit, et obruitur hominum interitu, et obliuione posteritatis extinguitur. Quæ cum dixisset, ego uero, inquam, ò Africane, siquidem bene meritis de patria quasi limes ad cœli aditum patet, quanquam a pueritia uestigijs ingressus patris & tuis decori uestro non defui, nunc tamen tanto præmio proposito enitar multo uigilantius. Et ille. Tu uero enitere, & sic habeto, te non esse mortalem, sed corpus hoc. nec enim is es, quem forma ista declarat, sed mens cuiusque is est quisque, non ea figura, quæ digito demonstrari potest. Deum te igitur scito esse: si quidem Deus est, qui uiget, qui sentit, qui meminit, qui præuidet, qui tam regit, & moderatur, & mouet id corpus, cui præpositus est, quã hunc mundum princeps ille Deus: et ut ipse mundum ex quadam parte mortalem, ipse Deus æternus, sic fragile corpus animus sempiternus mouet. nam quod semper mouetur, æternum est, quod



## Fragmenta

quod autem motum affert alicui, quod ipsum agitur aliunde, quando finem habet motus, uiuendi finem habeat necesse est. Solum igitur quod sese mouet, quia nunquam deseritur a se, nunquam ne moueri quidem desinit: quin etiam ceteris, quæ mouentur, hic fons, hoc principium est mouendi. principio autem nulla est origo. nam ex principio oriuntur omnia. ipsum autem nulla ex re fieri potest. nec enim esset hoc principium, quod gigneretur aliunde. Quod si nunquam oritur, nec occidit quidem unquam. Nam principium extinctum nec ipsum ab alio renascetur, nec ex se aliud creabit. Siquidem necesse est à principio omnia oriri. Ita fit, ut motus principium ex eo sit, quod ipsum à se mouetur. Id autem nec nasci potest, nec mori; uel concidat omne cælum, omnisq. natura consistat necesse est, nec uim ullam nanciscatur, qua primo impulsu moueatur. Cum pateat igitur æternum id esse, quod à se ipso moueatur, quis est hic, qui hanc naturam animis esse tributam neget? Inanimatum est enim omne, quod impulsu agitur externo. Quod autem anima est, id motu cietur interiore, & suo. Nam hæc est natura propria anima, atque uis: quæ si est una ex omnibus, quæ sese moueat, neque nata est certe, & æterna est. Hanc tu exerce in optimis rebus.

## Ciceronis. 49

bus. Sunt autem optima cura de salute patriæ: quibus agitatus & exercitatus animus, uelociter in hanc sedem, & domum suam peruolabit. idq. ocyus faciet, si iam tum, cum erit inclusus in corpore, eminebit foras, & ea, quæ extra erunt, contemplans, quammaxime se à corpore abstrahet. Nam eorum animi, qui se corporis uoluptatibus dederunt, earumque quasi se ministros præbuerunt, impulsuq. libidinum uoluptatibus obedientium, deorum & hominum iura uiolauerunt, corporibus elapsi circa terram ipsam uolutantur, nec in hunc locum, nisi multis exagitati sæculis, reuertuntur. Ille discessit: ego somno statim solutus sum.

### M. Tullii Ciceronis de iure ciuili.

\*

ALIQVO. eccellente, ac nobile uiro.

Carif.

\*

Nec uero scientia iuris maioribus suis Q. Aelius Tubero defuit, doctrina etiam superfluit.

GELLIVS.

### M. Tullii Ciceronis de auguriis.

\*

OSCEN.

Omnia ex  
Carifio.

\*

Aui incerta.

Oscinis:

\*

Oscinis.

M. Tullii Ciceronis de philosophia,  
sive Hortensius.

\*

Non. Occu-  
pare.

\* Et Paulum Marcelli occupauisse.

\*

Non. An-  
nuere.

Quod cum uterque nostrum annuisset, omnesque  
ad id tempus, quod erat dictum, postero die  
uenissemus.

\*

Non. in A-  
nima.

Nam cum omnis solertia admiranda est, tum ea,  
quæ efficit, ut, inanima quæ sunt, uiuere, &  
spirare uideantur.

\*

Non. Efer-  
ro.

\* præter ceteras nostra extulit ciuitas.

\*

Non. Len-  
tus.

\* hunc Crassum, qui lentus (ut scitis)  
dicere solebat, ad imitationem quasi nostri ge-  
neris contendisse.

\*

Non. Im-  
buere.  
Sufficere.

Vt ij, qui purpuram uolunt, sufficiunt prius la-  
nam medicamentis quibusdam, sic litteris, ta-  
libusq. doctrinis ante excoli animos, & ad sa-  
pientiam concipiendam imbui, & prepara-  
ri decet.

Vt

\*

Vt enim segetes agricola subigunt aratris multo  
ante quam serant.

\*

Quid enim aut Herodoto dulcius, aut Thucydi-  
de grauius, aut Philisto breuius, aut Theo-  
pompo acrius, aut Theophrasto mitius inueni-  
ri potest?

\*

Vnde autem facilius, quam ex annalium moni-  
mentis, aut res bellica, aut omnis reip. disci-  
plina cognoscitur? unde ad agendum, aut di-  
cendum copia depromi maior grauissimorum  
exemplorum, quasi incorruptorum testimo-  
niorum, potest?

\*

Perge quæso: nec enim imperite exorsus es.

Magna etiam animi contentio adhibenda est, ex-  
plicando Aristotelem si legeris.

\*

Sed ad extremum pollicetur probaturum quæ se-  
ipsa comest, quod efficit dialecticorum ratio.

\*

Quæro enim, non quibus intendam rebus animû,  
sed quibus relaxem, & remittam.

\*

Quando philosophi esse cœperunt? Thales, ut  
opinor,

Non. Subi-  
gere.  
Segetes.

Non. Gra-  
ue.  
Non. Acre.  
Non. Mite.

Non. Co-  
gnoscere.

Non. Gra-  
ue.

Non. Exor-  
dium.

Non. Con-  
tendere.

NONIUS.

Non. Re-  
laxo,  
Remitto.

Laſtan. l. 3.  
c. 15.



# Fragmenta

opinor, primus, recens hac quidem aetas.

\*

Aug. l. 3. cōtra Acad. Id enim est sapientis providere, ex quo sapientia est appellata prudentia.

\*

Seruius. Epicuri plures uolunt esse cælos.

\*

Non. Vregeo. Itaque tunc Democriti manus urgebatur, est enim non magna.

\*

Seruius in 1. & 2. Acn. \* annum magnum esse uoluerunt omnibus planetis in eundem recurrentibus locum, quod fit post xlii millia nongentos quinquaginta quatuor annos.

\*

AVGVST. Beati certe omnes esse uolumus.

\*

Quantum inter se homines studentes moribus, omni uite ratione differant.

\*

Non. Praefractum. Hic contrarius Aristo Chius, praefactus, ferreus, nihil bonum, nisi quod rectum, & honestum est.

\*

Aug. Beata uita. Ecce autem non philosophi quidem, sed prompti tamen ad disputandum homines, omnes aiunt esse beatos, qui uiuant, ut ipsi uelint. Falsum id quidem. Velle enim quod non deceat, id ipsum

# Ciceronis.

51

sum miserrimum est: nec tam miserum est non adipisci quod uelis, quam adipisci uelle quod non oporteat.

\*

Si deus unus est, quæ est beata solitudo queat.

\*

Præcipiunt hoc isti, & facit nemo.

\*

Profecto omnis istorum disputatio, quanquam uerberrimos fontes uirtutis, & scientiæ contineat, tamen, collata cum horum actis, perfectisq. rebus, uereor ne tantum uideatur attulisse negotijs hominum quandam oblectationem ocij.

\*

Quæ est igitur philosophia Socrate, nec dubito, quin quæcumque sit lautitia, qui uictum elegantem magnifice, neque minus quam deceret, colere instituisse.

\*

Vidi in dolore podagræ nihilo ipsum, uel omnium maximum Stoicorum Possidonium, quam Nicomachum Tyrium, hospitem meum, fortiorē.

\*

\* eloquentiam tueri, quam tu in cælum Hortensi, credo, ut ipse cum ea simul ascenderes, sustulisses.

\*

Tu me & alias nonnunquam, & paulo ante adhortatus

Laet. l. 1. c. 7.

Non. Praecipere.

Laet. l. 3. c. 16.

Non. Latum.

Non. de doct. ind.

Non. Sublatum.

Non. Euentus.

# Fragmenta

hortatus es, aliorum facta et euenta conquirā.

\*

Non. Sumo. Quare uelim dari mihi, Luculle, iubeas indicem tragicorum, ut sumam, qui forte mihi desunt:

\*

Facebant igitur omnes, qui docere nihil possunt, quo melius, sapientiusq. uiuamus.

\*

AVGVST. \* prudentia partes sunt, memoria, intelligentia, prouidentia.

\*

Aug. l. 4.  
Temit.

Si nobis, cum ex hac uita migrauerimus, in beatorum insulis immortale auium, ut fabula ferunt, degerē liceret, quid opus esset eloquentia? cum iudicia nulla fierent: aut ipsis etiam uirtutibus? nec enim fortitudinis egeremus, nullo proposito aut labore, aut periculo; nec in stitia, cum esset nihil, quod appeteretur alieni; nec temperantia, quae regeret eas, quae nullae essent, libidines: nec prudentia quidem egeremus, nullo delectu proposito bonorum, et malorum. Vna igitur essemus beati cognitione natura, & scientia, quae sola etiam deorum est uita laudanda. ex quo intelligi potest, cetera necessitatis esse, unum hoc uoluptatis.

\*

Non. Ca. \* deinde boni mores, & modestiores, et ad capienda praecepta molliores.

Altera

\*

Altera est nexa cum superiore, & inde apteque pendens.

\*

\* Caeli signorum admirabilem ordinem, insatiabilemq. pulchritudinem magis spectant.

\*

\* Vt easdem tenebras efficiat, quas effecit in interitu Romuli, qui in obscuracione Solis factus est.

\*

Tu ne pseudomenos, & Soritam, & totam dialecticam aut illudis, aut increpas.

\*

Quis te aut est, aut fuit unquam in partiumdis rebus, in definiendis, in explanandis pressior?

\*

Malo uel unum paruum de officio libellum, quam longā orationē pro seditioso homine Cornelio.

\*

Nam quod uereris, ne non conueniat nostris aetatibus ista oratio, quae spectat ad hortandum.

\*

Aut tibi id ipsum peruertendum fuit, quod tu ne attigisti quidem: aut eius partes, quasi membra quaedam, caedenda.

\*

Quid tu, inquam soles, cum rationem ab dispensatore

H 3

Non. April.

Non. spectare.

Aug. l. 4. c. 15. ciuit.

NONIVS.

Non. Praef. sum.

Laet. l. 6. c. 2.

Non. Conuenire.

Non. Cedere.

Non. Aera.



satore accipis, si æra singula probasti, summam, quæ ex his confecta sit, non probare?

\*

Non. Scripta. Itaque tibi concedo, quod in duodecim scriptis solemus, ut calculum reducas, si te alicuius dati pœnitet.

\*

Non. Gratificari. Quare egredere quæso, & gratificare reip.

\*

Non. Tollerere. \* nihil tamen esse, in quo se animus excellens tollat.

\*

Non. Capere. Captum me fortasse, inquit, tu putas, & id quod nollem confiteri coactum.

\*

Non. Subducere. An cum uideat me, & meos comites, fortitudinem, magnitudinem animi, patientiam, constantiam, grauitatem, fidem, ipsa se subducatur?

\*

Prisc. l. 6. \* ut ait Ennius: Refugiat timido sanguen, atque exalbescat metu.

\*

Non. Præstare. Itaque nec in philosophia cuiquam cessit, & uitæ grauitate præstitit.

\*

Non. Contemptus. \* magnitudo animi, patientia laborum, mortis denique contemptio.

HE

\*

\* ut ea sibi ratio uera restituat, quæ consuetudo uitiosa detraxerit.

\*

Consolabitur eum magnitudo animi, & humanarum opinionum alia quædam despectio.

\*

Habet enim ipsam certam definitam uiam, & ex ea multis uitij, & erroribus deprauata deducitur.

\*

\* deinde imitator, ut sibi quidem uidetur, naturæ mos uindicat.

\*

Imbecillis autem est pudoris magister timor, qui si quando paululum aberrauerit, statim spe impunitatis exultat.

\*

Sufficit ad gloriam benefacti conscientia.

\*

Tum intelligas, quàm illud non sit necessarium quod redundat.

\*

\* ad iuuenilem libidinem, copia uoluptatum gliscit illa, ut ignis oleo.

\*

Hi nostri amici uerecundantur capti splendore uirtutis.

Non. Detrahere.

Non. Despicere.

Non. Reducere.

Non. Vindicare.

Non. Exultare.

SERUIVS.

NONIVS.

Non. Glisco.

Non. Verecundantur.

Augustinus  
Vita Beata.

\*  
Oratæ, homini ditissimo, amænissimo, delicatissimo, neque ad uoluptatem quicquam defuit, neque ad gratiam, neque ad bonâ, integramq. ualitudinem. Nam & prædijs, quæstuosissimis, amicis incundissimis, quantum libuit, abundauit, & illis omnibus aptissime ad salutem corporis usus est: eiusq. ( ut breuiter totum explicem ) omne institutum, uoluntatemq. omnem successio prospera consecuta est.

AVGVST.

Non. Bal-  
neæ.

\*  
Primus balneola suspendit, inclusit pisces.

\* & amænitate summa perfructus est.

NONIUS.

\* solertiamq. eam posset, uel in tegulis profeminare ostreas.

Non. Sum-  
mus.

\*  
Vixit ad summam senectutem ualitudine optima.

Non. Inui-  
tare.

\*  
Voluptates autem nulla ad res necessarias inuitamenta afferunt senibus.

Aug. l. 4. t. 6  
tra Pelagi-  
um.

\*  
An uero uoluptates corporis expetendæ, quæ uere & grauter à Platone dictæ sunt illecebræ esse atque escæ malorum? quæ enim confectio est ualitudinis, quæ deformatio coloris, & corpo-

Non. Con-  
ficere.

corporis; quod turpe damnum, quod dedecus, quod non enocetur, atque eliciatur uoluptate? cuius motus ut quisque est maximus, ita est inmicissimus philosophiæ. congruere enim cum cogitatione magna uoluptas corporis non potest. quis enim cum utatur uoluptate ea, qua nulla possit maior esse, attendere animo, inire rationem, cogitare omnino quicquam potest? quis autem tantus est gurgis, qui dies & noctes sine ulla minimi temporis intermissione uelit ita moueri suos sensus, ut mouentur in summis uoluptatibus? quis autem bona mente præditus non mallet nullas omnino nobis à natura uoluptates datas?

\*  
\* tunc obsequatur naturæ, cum sine magistro senserit, quid natura desideret.

\*  
Et qui expectat, pendet animi, quia semper, quid futurum sit, incertum est.

\*  
Et cæteris quidem in rebus, in quibus peccata non maxime differunt, noxias tamen insciunt, attingunt.

\*  
Itaque domitores equorum non uerba solum adhibent ad domandum, sed cibum etiam saepe subtrahunt, ut fame debilitetur equuleorum

AVGVST.

Non. Vbi  
genitius  
pro ablati-  
uo.

Non. noxia  
à noxa.

Non. Equu-  
leus.



# Fragmenta

rum nimis effrenata uis.

\*

Non. lentū. Qui cum publicas iniurias lente tulisset, suam non tulit.

\*

Non. Continens. In continentibus quidem terris uestrum nomen dilatarı potest.

\*

Non. Conficere. Ea facultas nostris maioribus erat, qui confectis senatusconsultis.

\*

Non. Acre. \* quod alterius ingenium, sic dulce, ut acetum Aegyptium, alterius sic acre, ut mel Hymettium dicimus.

\*

Non. Fides. Ponendæ sunt fides, & tibiæ.

\*

Non. Scueruin. Aliud ex syluis seuerum, & triste.

\*

Non. Tenui. Eundem enim non modo mediocri pecunia, sed etiam tenue percipere possumus.

\*

Non. Priores à primores. Qui ydem nescio quid, quod in primoribus habent, ut aiunt, labris.

\*

Non. Subducere. \* non & sine ea cogitatione ineundis subducendisq. rationibus.

Ex

\*

Ex quibus humana uita erroribus, & ærumnis fit, ut interdū ueteres illi, siue uates, siue in sacris, initijsq. tradendis diuinæ mentis interpretes, qui nos ob aliqua scelera suscepta in uita superiore, pœnarum luendarum causa natos esse dixerunt, aliquid uidisse uideantur, uerumque sit illud, quod est apud Aristotelem, simili nos affectos esse supplicio, atque eos, qui quondam, quum in prædonum Etruscorum manus incidissent, crudelitate excogitata necabantur; quorum corpora uiua cum mortuis, aduersa aduersis accommodata, quamaptissime colligabantur, ita nostros animos cum corporibus copulatos, ut uiuos cū mortuis esse coniunctos.

\*

Vidit enim, quod uidendum fuit, appendicem animi esse corpus, nihilq. in eo esse magnum.

\*

Quæ nobis dies noctesq. considerantibus, acuentibusq. intelligentiam, quæ est mentis acies, cauentibusque, ne quando illa hebescat, magna spes est, aut si hoc, quod sentimus & sapimus, mortale & caducum est, iucundum nobis, perfunctis muneribus humanis, occasum, neque molestam extinctionem & quasi quietem uitæ fore: aut si, ut antiquis philosophis, hisq. maximis longeq. clariss. placuit, æternos ani-

Aug. l. 4. c. 8  
tra Pelagium.

Non. Appendix.

AVGVST.

# Fragmenta

animos ac diuinos habemus, sic existimandum est, quo magis hi fuerint semper in suo cursu, id est in ratione & inuestigandi cupiditate, & quo minus se admiscuerint atque implicuerint hominum uitijs atque erroribus, hoc illis faciliorem ascensum & reditum in cælum fore. Quapropter ut aliquando terminetur oratio, si aut extingui tranquille uolumus, cum his artibus uixerimus, aut si ex hac in aliam haud paulo meliorem domum sine mora demigrare, in his studijs nobis omnis opera & cura ponenda est.

## M. Tullii Ciceronis Cato.

Macr. l. 1.  
c. 2.

CONTINGEBAT in eo, quod plerisque contra solet, ut maiora omnia re, quam fama uiderentur, id quod non saepe euenit, ut expectatio cognitione, aures ab oculis uincerentur.

## M. Tulli Ciceronis de Gloria lib. 1.

Carif.

IN Tusculanum mihi nuntiabantur gladiatorijs sibili.

Oppi-

## Ciceronis.

56

Oppidorum appellationem usurpatione appellatam esse existimo, quod opem darent.

FESTVS.

## M. Tullii Ciceronis de Gloria lib. 11.

ADVD eundem poetam Ajax cum Hectore congregiens depugnandi causa agit, ut sepeliatur, si sit forte uictus, declaratq. se uelle, ut suum tumultum multis etiam post sæculis prætereuntes, sic loquantur.  
Hic situs est uitæ iam pridem lumina linquens,  
Qui quondam Hectoreo percussus cecidit ense.  
Fabitur hoc aliquis, mea semper gloria uiuet.

Gell. l. 15.  
c. 6.

Quo stante, & incolume.

CARISIVS

## M. Tullii Ciceronis de Consolatione liber.

CRANTOREM sequor.

PLINIUS.

Itcirco nati sumus, ut scelerum pœnas lueremus.

LACTAN.

Non nasci longe optimum, nec in hos scopulos incidere

Laët. l. 1.  
c. 19.



# Fragmenta

cidere uitæ. Proximum autem, si natus sis, quamprimum mori, & tanquam ex incendio effugere fortunæ.

\*

Laët. l. 3.  
c. 14.

Sed nescio, qui nos teneat error, aut miserabilis ignoratio ueri.

\*

Cic. Thuf. l.  
Laët. ira.  
c. 10. l. 1. c.  
5. Inſtit.

Animorum nulla in terris origo inueniri potest. Nihil enim est in animis mixtum, atque concretum, aut quod ex terra natum, atque fixum esse uideatur; nihil ne aut humidum quidem, aut flabile, aut igneum. his enim in naturis nihil inest, quod uim memoriæ, mentis, cogitationis habeat, quod & præterita teneat, & futura prouideat, & complecti possit præsentia; quæ sola diuina sunt. Nec inuenietur unquam, unde ad hominem uenire possint, nisi à Deo. Singularis est igitur quædam natura, atque uis animi, seiuncta ab his usitatis, notisq. naturis. Ita quicquid est illud, quod sapit, quod nult, quod uiget, cæleste, & diuinum est, ob eamq. rem æternum sit necesse est. nec uero Deus ipse, qui intelligitur à nobis, alio modo intelligi potest, nisi mens soluta quædam, & libera, segregata ab omni concretionem mortali, omnia sentiens, & mouens, ipsaq. prædita motu sempiterno.

Cum

# Ciceronis.

57

\*

Cum uero & mares, & feminas complures ex hominibus in deorum numero esse uideamus, & eorum in urbibus, atque agris augustissima templa ueneremur, assentiamur eorum sapientiæ, quorum ingenijs, & inuentis omnem uitam legibus, & institutis excultam constitutamq. habemus. Quod si ullum unquam animal consecrandum fuit, illud profecto fuit. si Cadmi, aut Amphionis progenies, aut Tyn-dari in cælum tollenda fama fuit, huic idem ho-nos certe dicandus est. quod quidem faciam, teq. omnium optimam, doctissimamque, approbantibus dijs immortalibus ipsis, in eorum cætu locatam, ad opinionem omnium mortali-um consecrabo.

Laët. l. 1.  
c. 15.

\*

Nec enim omnibus ijdem illi sapientes arbitrati sunt eundem cursum in cælum patere. nam uitijs, & sceleribus contaminatos deprimi in te-nebras, atque in cæno iacere docuerunt; castos autem, puros, integros, incorruptos, bonis etiam studijs, atque artibus expolitos, leni quodam ac facili lapsu ad Deos, id est ad natu-ram sui similem peruolare.

Laët. l. 3.  
c. 19.

\*

Cedo, & manum tollo.

Laët. l. 3.  
c. 28.

\*

De

De suis consiliis, uel expositio suorum consiliorum.

\*

BOTH. Sed ut aliqua similitudine adductus, maximis minima conferam, ut cum uinolenti adolescentes, tibiæ etiam cantu, ut sit, instincti, mulieris pudicæ fores frangerent, admonuisse tibiænam, ut spondeum caneret, Pythagoras dicitur: quod cum illa fecisset, tarditate modorum, & grauitate cantus, illorum furentem petulantiam refedisse.

\*

Ad M. Tullii Ciceronis ad Varronem Academicorum lib. I.

\*

Non. Digladiari.

QUID autem stomachetur Mnesarchus, quid Antipater digladietur cum Carneade tot uoluminibus?

\*

Ad lib. I. I. Academicorum ad Varronem.

\*

Non. Adhæmare.

QUI enim serius honores adhamauerunt, uix admittuntur ad eos, nec satis commendati multitudini possunt esse.

Frangere

\*

Frangere auaritiā, scelera ponere, uitam suam exponere ad imitandum iuuentuti.

Non. Exponere.

\*

Quid? Lunæ quæ lineamenta sunt. potes ne dicere, cur eius nascentis alias hebetiora, alias acutiora uideantur cornua?

Non. Hebes.

\*

Quid? mare non ne cæruleum? at eius unda, cum est pulsa remis, purpurascit, & quidem aqua tinctum quodammodo, & infectum?

Non. Purpurascit.

\*

Quid tam planum uidetur, quàm mare? ex quo etiam æquor illud poeta uocant.

Non. Aequor.

\*

Quibus etiam alabaſter plenus unguenti putere uideatur.

Non. Alabaſter.

\*

Alius adultis, alius senibus, alius ægris, alius siccis, alius uinolentis.

Non. Siccus.

\*

Si quando enim nos demersimus, ut qui urinatur, aut nihil superum, aut obscure admodum cernimus.

Non. Urinari.

\*

Atqui, si id crederemus, non egeremus perpendiculis, non normis, non regulis.

Non. Perpendiculi.

I Cum



Non. Gallie  
na. 1017

*Cum ouum inspexerant, quæ gallina peperisset,  
dicere solebant.*

Diomed.

*Opera affixa.*

*Ad lib. I I I. Academicorum  
ad Varronem.*

Non. In-  
generari.

*IN tanta animalium uarietate homini ut soli cu-  
piditas, ingeneraretur cognitionis & scientiæ.*

Non. Vindi

*Aliqua potestas si sit, uindicet se in libertatem.*

Non. Digla-  
diari.

*Digladiari autem semper, depugnare in facinoro-  
sis, & audacibus, quis non cum miserrimum,  
tum etiam stultissimum dixerit?*

Non. Exul-  
to. 1. 1. 1.

*Et ut nos nunc sedemus ad Lucrinum, pisciculosq.  
exultantes uidemus.*

Laet. 1. 6.  
c. 24.

*Quod si liceret ut ijs, qui in itinere deerrauissent,  
sic uitam deuiam secutis corrigere errorem per-  
nitendo, facilius esset emendatio temeritatis.*

MIHI

*Ad lib. incertum Academicorum  
ad Varronem.*

*MIHI autem non modo ad sapientiam cæci ui-  
demur, sed ad ea ipsa, quæ aliqua ex parte  
cerni uideantur, hebetes & obtusi.*

*Latent ista omnia Varro, magnis obscurata, &  
circumfusa tenebris.*

*Academico sapienti ab omnibus ceterarum secta-  
rum, qui sibi sapientes uiderentur, secundæ  
partes dantur, cum primas sibi quæque uendi-  
care necesse sit, ex quo potest probabiliter con-  
fici, eum recte primum esse iudicio suo, qui  
omnium ceterorum iudicio sit secundus. Fac-  
enim, uerbi causa, Stoicum adesse sapientem.  
nam contra eos potissimum Academicorum  
exarsit ingenium. Ergo Zeno, uel Chrysippus  
si interrogentur, quid sit sapiens, respondebit  
eum esse, quem ipse descripserit. Contra Epi-  
curus, uel quis alius aduersariorum negabit,  
suumq. potius peritissimum uoluptatum aucu-  
pem sapientem esse contendet. Inde ad iurgi-  
um. Clamat Zeno, & tota illa porticus tumul-  
tuatur, hominem natum ad nihil esse aliud,  
quàm honestatem: ipsam suo splendore in se ani-*

Laet. 1. 3.  
c. 15.

AVGVST.

I 2 mos

## Fragmenta

mos ducere, nullo prorsus commodo extrinsecus posito, & quasi lenocinante mercede, uoluptatemq. illam Epicuri solis inter se pecoribus esse communem, in quorum societatem & hominem, & sapientem trudere nefas esse. Contra ille, conuocata de hortulis in auxilium quasi libera turba temulentorum, quærentium tantum, quem incomptis unguibus bacchantes asperoque ore discerpant, uoluptatis nomen, suauitatem, quietem teste populo exaggerans, instat acriter, ut, nisi ea, beatus nemo esse posse uideatur. In quorum rixam si Academicus incurrerit, utrosque audiet trahentes se ad suas partes. sed si in illos, aut in istos concesserit, ab eis, quos deserit, insanus, imperitus, temerariusque clamabitur. Itaque cum & hac, & illac aurem diligentem admouerit, interrogatus quid ei uideatur, dubitare se dicet. Roga nunc Stoicum, qui sit melior, Epicurus ne, qui delirare illum clamat, an Academicus, qui sibi adhuc de re tanta deliberandum esse pronuntiat? nemo dubitat Academicum prælatum iri. Rursus te ad illum conuerte, & quære, quem magis amet, Zenonem, à quo bestia nominatur, an Arcesilam, à quo audit, tu fortasse uerum dicis, sed requiram diligentius. non ne apertum est totam illam porticum insanam, Academicos autem præ illis modestos, cau-

## Ciceronis.

60

cautosq. homines uideri Epicuro?

\*

Mos fuit Academicis occultandi sententiam suam, nec eam cuiquam, nisi qui secum ad senectutem usque uixissent, aperiendi.

\*

## Ad lib. de natura Deorum 111:

\*

PRIMUM igitur non est probabile, eam materiam rerum, unde orta sunt omnia, esse diuina providentia effectam, sed habere & habuisse uim, & naturam suam. Vt igitur faber, cū quid edificaturus est, non ipse facit materiam, sed ea utitur, quæ sit parata, fictorq. item cæra, sic isti providentiæ diuinæ materiam præsto esse oportuit, non quam ipse faceret, sed quam haberet paratam. quod si non est à Deo materia facta, ne terra quidem, & aqua, & aer, & ignis à Deo factus est.

\*

Non sunt ista uulgo disputanda, ne susceptas publice religiones disputatio talis extinguat.

## Ad lib. 1. de Diuinatione.

\*

PRAETEREA similiter cohortatione cir-

I 3 tmm

AUGUST.

Laq. l. 2.  
c. 9.

LACTAN.

DIOMED.



\*

Ad lib. i. de legibus.

\*

Laq. l. 5.  
c. 8.

**SICUT** una eademque natura mundus omni-  
bus partibus inter se congruentibus coheret,  
ac nititur, sic omnes homines inter se natura  
confusi prauitate dissentiunt, nec se intelligunt  
esse consanguineos, & subiectos omnes sub u-  
nam, eandemque tutelam: quod si teneretur,  
deorum profecto uitam omnes uiuerent.

Ad lib. i. de legibus.

\*

Laq. l. 1.  
c. 20.

**MAGNUM**, audaxque consilium Gracia su-  
scepit, quod Cupidinum, & Amorum simu-  
lacro in gymnasiis consecrauit.

\*

Ad lib. v. de legibus.

\*

Macr. l. 6.

**VISNE** igitur, quoniam sol paululum a me  
ridie iam deuexus uidetur, neque dum satis ab  
his nouellis arboribus omnishic locus opacatur,  
descendamus ad Lirim, eaque quae restant, in il-  
lis aluorum umbraculis persequamur?

\*

Ad

Ad librum incertum de  
legibus.

\*

**GRATVILEMVRQ.** nobis, quonia mors  
aut meliorem, quam qui est in uita, aut certe  
non deteriore est allatura statum: nam sine  
corpore animo uigente diuina est uita, sensu ca-  
renti nihil profecto est mali.

\*

Octo poenarum genera in legibus continentur, da-  
mnum, uincula, uerbera, tulio, ignominia,  
exilium, mors, seruitus.

Ad lib. de fato.

\*

**NAM** cum esset apud se ad Lauernium Sci-  
pio, unaque Pontius, allatus forte Scipioni aci-  
penser, qui admodum raro capitur, sed est pi-  
scis, ut ferunt, in primis nobilis. Cum autem  
Scipio unum & alterum ex ijs, qui eum salu-  
tatum uenerant, inuitasset, pluresque etiam  
inuitaturus uideretur, in aurem Pontius, Sci-  
pio, inquit, uide quid agas. acipenser iste pau-  
corum hominum est.

Macr. l. 3.

# Fragmenta

Ad Timæum ex Platone.

\* *qui*

non. Curri-  
culum.

**RATIONE** igitur, & mente diuina ad ori-  
ginem temporis curriculum inuentum est So-  
lis, & Lune.

\*

PRISC.

\*

*Defensatrix.*

\*

M. TVLLII CICERONIS

FRAGMENTORVM

TOMVS QVARTVS,

Qui poemata continet, & quæ-  
dam incerta.

M. TVLLII CICERONIS

PHÆNOMENA

EX ARATO.

**AB** Ioue Musarum primordia.

\*

CICERO.

Malebant tenui contenti uiuere cultu.

LACTAN.

\*

Et Iouis in regno cæliq. in parte resedit.

LACTAN.

\*

Cætera labuntur celeri cælestia motu,  
Cum cæloq. simul noctesq. diesq. feruntur.  
Extremusq. adeo duplici de cardine uertex  
Dicitur esse polus.

CICERO.

\*

Ex his altera apud Graios Cynosura uocatur,  
Altera dicitur esse Helice.

CICERO.

Quas nostri septem soliti uocitare triones,  
Hac fidunt duce nocturna Phœnices in alto,  
Sed prior illa magis stellis distincta refulget,

Et



# Fragmenta

Et late prima confestim à nōtō dūdetur,  
Hæc uerō parua est: sed nautis usus in hac est.  
Nam cursu interiore breui conuertitur orbe.  
Has inter, ueluti rapido cum gurgite flumen,  
Torum Draco serpit subter, supraq. reuoluens  
Sese, conficiensq. finis ē corpore flexos.  
Huic non una modō caput ornans stella relucet,  
Verum tempora sunt duplici fulgore notata,  
E truncibusq. oculis duō feruida lumina flagent.  
Atque uno mentim radianti fidere licet:  
Obstipum caput & tereti ceruice reflexum,  
Obtutum in cauda maioris figere dicas.  
Hoc caput hic paulum sese subitoq. recondit  
Ortus ubi atque obitus parte admiscuntur in una.

CICERO. Attingens defessa uelut mærentis imago  
Vertitur.

CICERO. Egonasim uocitant, genibus quia nixa seratur.

Hic illa eximia posita est fulgore corona.

CICERO. Quem claro perhibent Ophiuncum nomine Grai.  
Hic pressu duplici palmarum continet Anguem,  
Eius & ipse manct religatus corpore toto.  
Nanque uirum mediū serpens sub pectora cingit,  
Ille tamen nitens grauitèr uestigia ponit,  
Atque oculos urget pedibus, pectusq. Nepai.

CICERO. Arctophylax uulgo qui dicitur esse Bootes:

Quod

Quod quasi temone adiuncta præ se quatit Arctū.

\* subter præcordia fixa uidetur

CICERO.

Stella micans radijs Arcturus nomine claro.

\*

Spicum illustre tenens splendenti corpore Virgo.

CICERO.

\*

Et natos Germinos inuases sub caput Arcti:  
Magnus Leo tremulā quatiens ē corpore flammam.  
Auriga



Sub læua Geminorum obductus parte feretur.  
Aduersum caput huic Helice truculenta tuetur.  
At capra læuum humerum clarō obtinet.

Verū hæc est magno atque illustri prædita signo.  
Contra Hædi exiguum iaciunt mortalibus ignem.  
Cuius sub pedibus  
Corniger est ualido connexus corpore Taurus.

CICERO.

\*

Has Græci stellas Hyadas uocitare suerunt:

CICERO.

\*

Nanque ipsum ad tergū Cynosura uertitur Arcti

CICERO.

\*

Obscura specie stellarum Casiopea:  
Hanc autem illustri uersatur corpore propter  
Andromeda, aufugiens aspectum mæsta parētis.  
Huic Equus ille iubam quatiens fulgore micanti  
Summum contingit caput aluo: stellaq. iungens

CICERO.

-Ius

Vna

# Fragmenta

Vna, tenet duplices communi lumine formas,  
Aeternum ex astris cupiens connectere nodum.  
Ex in contortis Aries cum cornibus haret.

\*

Ex fragmē  
tis Arati,  
quæ extant

Δ

Equibus hinc subter possis cognoscere fultum:  
Iam cæli mediam partem terit, ut prius illæ  
Chelæ, quum pectus quod cernitur Orionis  
Et prope conspiciens paruum sub pectore claro  
Andromedæ signum; Deltoton dicere Graiij  
Quod soliti, simili quia forma littera claret:  
Huic spatio ductum simili latus extat utrunque.  
At non tertia pars lateris: nam non minor illis,  
Sed stellis longe densis præclara relucet.  
Inferior paulo est Aries & flamen ad Austri  
Inclinatior, atque etiam uehementius illo  
Pisces, quorum alter paulo prælabitur ante,  
Et magis horrissonis Aquilonis tangitur alis,  
Atque horum ex caudis duplices uelut esse catenæ  
Dicantur, sua diuersæ per lumina serpunt,  
Atque una tandem in stella communiter hærent,  
Quam ueteres soliti cælestem dicere nodum.  
Andromedæ læuo ex humero si qua exere perges.  
At positum poteris supra cognoscere Piscem  
E pedibus uatum summo natus Ioue Perseus  
Quos humeros retinet defixo corpore Perseus.  
Quæ summa ab regione Aquilonis flamina pulsât.  
Hic dextram ad sedes intendit Cassiopeæ,  
Diuersosq. pedes uinctos talaribus aptis

Pul-

# Ciceronis.

64

Puluerculentus uti de terra lapsus repente  
In cælum uictor magnum sub culmine portat.  
At propter læuum genus omni ex parte locatas  
Paruas uergilias tenui cum luce uidebis,  
Hæ septem uulgo perhibentur more uetusto,  
Stella cernuntur uero sex undique parue,  
At non interiisse putari conuenit unam,  
Sed frustra temere a uulgi ratione sine ulla  
Septem dicier, ut ueteres statuere poete.  
Aeterno cunctas æuo qui nomine dignant,  
Alcyone, Meropeque, Celeno, Taygeteque,  
Electra, Steropeque, simul sanctissima Maia:  
Hæ tenues paruo labentes lumine lucent.  
At magnum nomen signi, clarumq. uocatur,  
Propterea quod ad ætatis primordia clarent,  
Et post hiberni præpandens temporis ortus  
Admonet ut mandent mortales semina terris,  
Inde fides leuiter posita, & connexa uidetur  
Mercurius paruus manibus quam dicitur olim  
Infirmis fabricatus in alta sede locasse.  
Quod genus ad læuum nixi delapsa resedit,  
Atque inter flexum genus & caput Alitis hæsit.  
Nanque est Ales auis lato sub tegmine cæli,  
Quæ uolat, & serpens geminis secatur aera pennis.  
Alter pars huic obscura est, & luminis expers.  
Alter nec paruus, nec claris lucibus ardet,  
Sed mediocre iacit quatiens è corpore lumen.  
Hæc dextram Cephei dextro pede pellere palmam  
Gestit:

Prisc. l. 6.

Prisc. l. 6.



# Fragmenta

Gestit : iam nero cliuata est ungula nehemens  
 Fortis equi propter pennati corporis alam,  
 Ipse autem labens multis equus ille tenetur  
 Piscibus : hinc cernix dextra mulcetur Aquari  
 Serius : hæc obitus terræ iussit equinis  
 Quam gelidum ualido de corpore frigus anhelans  
 Corpore semifero magno Capricornus in orbe,  
 Quem quum perpetuo uestiuit lumine Titan;  
 Brumali flectens contorquet tempore cursum.  
 Hoc caue te ponto studeas committere mense:  
 Nam non longinquum spatium labere diurnum.  
 Non hiberna cito uoluetur curriculo nox:  
 Humida non sese uestris aurora querelis  
 Ocyus ostendet clari prænuntia solis.  
 At ualidis æquor pulsauit uiribus Auster,  
 Tum fixum tremulo quatietur frigore corpus.  
 Sed tamen anni iam labuntur tempore toto,  
 Nec cui signorum cedunt, neque flamina uitant,  
 Nec metuunt canos minitanti murmure fluctus:  
 Atque etiam super hos naui pelagoq. uagato  
 Mense sagittipotens solis cum sustinet orbem.  
 Nam iam quum minus exiguo lux tempore præsto est,  
 Hoc signum ueniens poterunt prænoscere nautæ:  
 Iam prope præcipiti ante licebit uisere nocti  
 Ut sese ostendens emergit Scorpius alte,  
 Posteriore trahens flexum ui corporis arcum.  
 Iam supera cernes Arcti caput esse minoris,  
 Et magis erectum ad summum uersarier orbem.

Tum

# Ciceronis

65

Tum sese Orion toto iam corpore conditus  
 Extrema prope nocte, & Cepheus conditur ante,  
 Lumborum tenuis à prima depulsus ad undas.  
 Hic misso reuocans fulgens iacet una sagitta.  
 Quam propter nitens penna conuoluitur Ales,  
 Et cliuata magis paulo est Aquilonis ad auras.  
 At propter se Aquila ardenti cum corpore portat  
 Igniferum mulgens tremebundis æthera pennis,  
 Non minus ingenti cum corpore, sed graue mastris  
 Ostendit nautis perturbans æquora signum.  
 Tum magni curuus Capricorni corpora propter  
 Delphinus iacet haud nimio lustratu nitore,  
 Præter quadruplices Stellas in fronte locatas,  
 Quas interuallum binas determinat unum.  
 Cætera pars lata tenui cum lumine serpit.  
 Ille quo fulgent luces, ex ore corusco,  
 Sunt inter partes gelidas Aquilone locatas.  
 Atque inter spatium & lati uestigia solis:  
 At pars inferior Delphini fusca uidetur,  
 Inter solis iter, simul inter flamina ueniens  
 Viribus erumpit qua summus spiritus Austri.  
 Ex inde Orion obliquo corpore nitens  
 Inferiora tenet truculenti corpora Tauri  
 Quem qui suspiciet in cælum nocte serena  
 Late dispersum non uiderit, abdita uero  
 Cætera se speret cognoscere signa potesse.  
 Namque pedes subter rutilo cum lumine claret  
 Fernidus ille Canis stellarum luce refulgens.

Prisc. l. 6.

Hunc

Hunc tegit obscurus subter præcordia Vesper:  
 Ver toto spirans rabido de corpore flammam  
 Aestiferos ualidis erumpit flatibus ignes.  
 Totus ab ore micans iacitur mortalibus ardor.  
 Hic ubi se pariter quum solem lumina cæli  
 Extulit, haud patitur foliorum tegmine frustra  
 Suspensos animos arbusa ornata tenere.  
 Nam quorum stirpeis tellus amplexa prehendit,  
 Hæc augens animali uitæ flamina mulcet.  
 At quorum nequeunt radices findere terras,  
 Denudat folijs ramos & cortice truncos.  
 Hunc propter, subterq. pedes quos diximus ante  
 Oriona iacet leuipes Lepus, hic fugit ictus:  
 Horrificos metuens rostri tremebundus acuti.  
 Nam Canis infesto sequitur uestigia cursu  
 Præcipitantem agitans, oriens iam denique paulo  
 Curriculum nunquam defesso corpore sedans.  
 At Canis ad candam serpens prælabitur Argo,  
 Conuersam præ se portans cum lumine puppim:  
 Non aliæ naues ut in alto pondere proras  
 Ante solent rostro Neptunia prata secantes,  
 Sed conuersa retro cæli semper loca portat:  
 Sicut quum cœptant tutos constringere portus,  
 Obuertunt nauem magno cum pondere nautæ,  
 Aduersamq. trahunt optata ad littora puppim,  
 Sic conuersa uetus super æthera uertitur Argo,  
 Atque usque à prora ad cælum sine lumine malū.  
 A malo ad puppim cum lumine clara uidetur

Inde

Inde gubernaculum disperso lumine fulgens,  
 Clari posteriora Canis uestigia condit.  
 Exin semotam procul in tutoq. locatam  
 Andromedā tamē explorās fera quærere Pistrix  
 Pergit, et usque sita ualidas Aquilonis ad auras  
 Cærule uestigat finita in partibus astra.  
 Hanc Aries tegit, & squamosi corpore Pisces  
 Fluminis illustri tangentem corpora ripas.  
 Nanque etiam Eridanum cernes in parte locatū  
 Cæli, funestum magnis cum uiribus amnem.  
 Quem lachrymis mæstæ Phaethontis sæpe sorores  
 Sparserunt, letum mœrenti uoce canentes.  
 Hunc Orionis sub læua cernere planta  
 Serpentem poteris, proceraq. uincla uidebis,  
 Quæ retinent Pisces caudarum parte locata  
 Flumine mixta retro ad Pistricis terga reuerti.  
 Hanc una stella uertuntur, quam iacit ex se  
 Pistricis spinæ ualida cum luce refulgens.  
 Exinde exigua tenui cum lumine multæ  
 Inter Pistricem fusæ sparsæq. uidentur,  
 Atque gubernaculum stellæ, quas contigit omnis  
 Formidās acrem morsum Lepus: his neque nomē  
 Nec formam ueteres certam statuisse uidentur.  
 Nam quæ syderibus clavis natura poliuit,  
 Et uario pinxit distinguens lumine formas,  
 Hæc ille astrorum custos ratione notauit,  
 Signaq. signauit cælestia nomine uero.  
 Has autem quæ sunt paruo sub culmine fusæ

K

Consimili



# Fragmenta

*Consimili specie stellas, pariliq̃ue nitore,  
 Non potuit nobis nota clarere figura.  
 Exinde australem soliti conuincere Piscem  
 Voluitur inferior Capricorno uersus ad Austrum,  
 Pistricem obseruans, procul illis Piscibus hærens,  
 Et prope conspiciens experteis nominis omnes  
 Inter Pistricem & Piscem quem diximus Austri  
 Stellas sub pedibus stratas radiantis Aquari,  
 Propter Aquarius obscurum dextra rigat amnē  
 Exiguo qui stellarum candore intescit.  
 E multis tamen is duo late lumina fulgent,  
 Vnum sub magnis pedibus cernetur Aquari:  
 Quod superest gelido delapsum flumine fontis  
 Spiniferam subter caudam Pistricis adhæsit:  
 Et tenues stellæ perhibentur nomine Aquari.  
 Hic aliæ uolitant paruo cum lumine claræ,  
 Atq̃. priore pedum subeunt uestigia magni  
 Arcitenentis & obscure sine nomine condunt.  
 Inde Nepæ cernes propter fulgentis acumen  
 Aram quam statu permulcet spiritus Austri,  
 Exiguo superum quæ lumina tempore tranat:  
 Nam procul Arcturo est aduersa parte locata,  
 Arcturo magnum spatium supra dedit: orbem  
 Iuppiter hunc paruum inferiore in parte locauit.  
 Hic tamen æterno inuisens loca curriculo nox,  
 Signa dedit nautis, cuncti quæ noscere possent,  
 Commiserans hominum metuēdos undique casus,  
 Nam quum fulgentem cernes sine nubibus atris*

*Arcturo*

*Aram*

# Ciceronis.

67

*Aram sub media cæli regione locatam,  
 A summa parte obscura caligine tectam,  
 Tum ualidis fugito deuittans uiribus Austrum;  
 Quem si prospiciens uitaueris omnia caute,  
 Armamenta locans tuto labere per undas,  
 Sin grauis inciderit uehementi flamine uentus,  
 Perfringet celsos defixo robore malos:  
 Vt res nulla feras possit mulcere procellas,  
 Ni parte ex Aquilonis opacam pellere nubem  
 Cœperit, & subitis auris diduxerit ara.  
 Si numeros medio in cælo Centaurus habebit,  
 Ipseq̃. cærulea contectus nube feretur,  
 Atque aram tenui caligans uestiet umbra,  
 Ad signorum obitum uis est metuenda Fauoni,  
 Ille autem Centaurus in alta sede locatus,  
 Quæ sese claro collucens Scorpios infert,  
 Hæc subter partem perportans isse uirilem  
 Cedit, Equi partis properat coniungere Chelis,  
 Hic dextrâ porgens quadrupes quæ uasta tenetur,  
 Quam nemo certe donauit nomine Graium,  
 Tendit, & illustrem truculentus cedit ad aram.  
 Hic sese inferni de partibus erigit Hydra  
 Præcipiti lapsu flexo cum corpore serpens.  
 Hæc caput atque oculos torqueri ad terga Nepai,  
 Connexoq̃. sinu subiens inferna Leonis  
 Centaurum leni contingit lubrica cauda,  
 In medioq̃. sinu fulgens cratera relucet,  
 Extrema nitens plumato corpore Coruus*

*K 2*

*Rostro*

Rostro tundit & hic, Geminis est ille sub ipsis  
 Antecanem Graio Procyon qui nomine fertur.  
 Hæc sunt quæ uisens nocturno tempore signa  
 Legitimo cernes cæli lustrantia cursu,  
 Aeternumq. uolens mundi pernoscere motum.  
 Nam quæ per bis sex signorum labier orbes  
 Quinque solent stellæ, simili ratione notari  
 Non possunt: quia quæ faciunt uestigia cursu,  
 Non eodem semper spatio portata teruntur,  
 Sic malunt errare uagæ per nubila cæli,  
 Atque suos uario motu metirier orbes.  
 Hæc faciunt magnos longinqui temporis annos,  
 Quum redeunt ad idem cæli sub tegmine signum.  
 Quare ego nunc nequeo totos euoluere cursus.  
 Verum hæc quæ semper certo euoluuntur in orbe  
 Fixa simul magno sedem gentibus orbes  
 Quattuor æterno lustrantes lumine mundum.  
 Orbis stelligeri portantes signa feruntur  
 Amplexi terra cæli sub tegmine fulti.  
 E quibus annorum uolitantia lumina nosces,  
 Quæ densis distincta licebit cernere signis,  
 Tum magnos orbis magno cum lumine latos,  
 Vinctos inter se, & nodis cælestibus aptos,  
 Atque pari spatio duo cernes esse duobus.  
 Nec sic nocturno cognoscens tempore cælum,  
 Quum neque caligans detergit sydera nubes,  
 Nec pleno stellas superaret lumine Luna,  
 Vidisti magnum candentem serpere circum,

La-

Læteus hic nimio fulgens candore notatur.  
 His non perpetuum detexens conficit orbem,  
 Sed spatio multum superest præstare duobus:  
 Dicitur & late cæli lustrare caernas.  
 Quorum alter tangens Aquilonis uertitur auras  
 Ora petens Geminorum illustratū genus ardens,  
 In sese retinens Auriga portat utrunque.  
 Hunc supera læua Perseus humeroq. sinistro  
 Tægit, ad Andromedā hic dextra de parte tenetur,  
 Imponitq. pedes duplices Equus, & simul Ales  
 Ponit auis caput, & clinato corpore tergum.  
 Anguitenens humeris conmittitur illa recedens  
 Austrum consequitur deuittans corpore Virgo.  
 At uero totum spatium conuestit & orbis  
 Magnū Leo, & claro collucens lumine Cancer,  
 In quo consistens conuertit curriculum sol  
 Aestiuus, medio distinguens corpore cursus.  
 Hic totus medius circo disiungitur ipse  
 Pectoribus ualidis, atque aluo possidet orbem.  
 Hunc octo in parteis diuisum noscere circum  
 Si potes, inuenies supero conuertier orbe  
 Quinque pari spatio, partes tres esse relictas,  
 Tempore nocturno quasuis inferna frequentet.  
 Alter ab infernis Ausri conuertitur auris.  
 Arcitenens humeris comittitur illa recedens  
 Distribuens medium subter secat hic Capricornū,  
 Atque pedes gelidum riuum fundentis Aquari,  
 Ceruleaq. seram caudam Piscicis, & illum

K 3

Fulgen-



Fulgētē Leporē, inde pedes Canis, et simul amplā  
 Argolicam retinet crebro cum lumine Naue,  
 Tergaq. Centauri atque Nepai portat acumen:  
 Inde Sagittari defixum possidet arcum,  
 Hunc à clarifonis auris Aquilonis ad Austrum,  
 Condens postremum tangit rota feruida solis,  
 Exinde in superas brumali tempore flexu  
 Se recipit sedes: hinc orbi quinque tributa  
 Nocturnæ partes supera tres luce dicantur.  
 Hasce inter mediam in partem retinere uidetur,  
 Tantus quantus erit collucens lacteus orbis,  
 In quo autumnali atque iterum sol lumine uerno  
 Exæquat spatium lucis cum tempore noctis.  
 Hunc retinens Aries subluet corpore totus,  
 Atque genuflexo Taurus conmittitur ingens.  
 Orion claro contingens corpore fertur.  
 Hydra tenet flexu Crateram, coruus adhæret.  
 Et pauca Chelis stellæ simul Anguitenentis  
 Sunt genua, & summi Iouis Ales nuntius instat.  
 Propter Equus capite & ceruicum lumine tagit.  
 Hosce æquo spatio deuinctos sustinet axis,  
 Per medios summo cæli de uertice tranans.  
 Ille autem claro quartus cum lumine circus  
 Partibus extremis extremos continet orbes,  
 Et simul à medio media de parte secatur,  
 Atque obliquus in his nitens cum lumine fertur:  
 Vt nemo, cui sancta manu doctissima Pallas  
 Solertem ipsa dedit fabricæ rationibus artem.

Tam

Tam tornare cate contortus,  
 Quam sunt in cælo diuino lumine flexi  
 Terram cingentes, ornantes lumine mundum,  
 Culmine transuerso retinentes sydera fulta.  
 Quattuor in motus cuncti uoluntur eodem:  
 Sed tantum supra terras semper tenet ille.  
 Curriculum oblique inflexus tribus orbibus unus,  
 Quanto est diuisus Cancer spatio à Capricorno,  
 Ac subter terras spatium par esse necesse est,  
 Et quantos radios iacimus de lumine nostro,  
 Queis lune connexum cæli contingimus orbem,  
 Sex tantæ poterunt sub eum succedere partes,  
 Bina pari spatio cælestia signa tenentes.  
 Zodiacum hunc Græci uocitant, nostriq. Latini  
 Orbem signiferum perhibebunt nomine uero:  
 Nam gerit hic uoluens bis sex ardentia signa.  
 Aestifer est pandens feruentia sydera Cancer.  
 Hunc subterfulgens cedit uis torua Leonis,  
 Quem rutilo sequitur collucens corpore Virgo.  
 Exin proiecta claro cum lumine Chelæ.  
 Ipsaq. consequitur lucens uis magna Nepai:  
 Inde Sagittipotens dextra flexum tenet arcum.  
 Post hunc ore fero Capricornus uadere pergit.  
 Humidus inde loci collucet Aquarius orbem.  
 Exin squamiferi serpentes ludere Pisces,  
 Queis comes est Aries obscuro lumine labens,  
 Inflexoq. genu proiecto corpore Taurus,  
 Et Gemini clarum iactantes lucibus ignem,

K 4 Hæc

# Fragmenta

Hæc sol æterno conuestit lumine lustrans,  
 Annua consciens uertentia tempora cursus.  
 Hic quantus terris confectus pellitur orbis,  
 Tantundem ille patens supra mortalibus edit.  
 Sex omnes semper cedunt labentia nocte,  
 Tot cælum iussus fugientia signa reuifunt,  
 Huc spatium tranans cæcis nos conficit umbris  
 Quod supera terras prima de nocte relictum est.  
 Signifero ex orbis & signorum ordine fultum.  
 Quod si solis aues certos cognoscere cursus,  
 Ortus signorum nocturno tempore uises.  
 Nam semper signum exorients Titan trahit unū.  
 Sin autem officiens signis mons obstruet altus,  
 Aut adiment lucem cæca caligine nubes,  
 Certas ipse notas cæli de tegmine sumes,  
 Ortus atque obitus omneis cognoscere possis.  
 Quæ simul existant cernes, quæ tempore eodem  
 Præcipitent obitum, nocturno tempore nosces.  
 Iam simul ut supero se toto lumine Cancer  
 Extulit, extemplo cedit delapsa Corona,  
 Et loca conuifit cauda tenus infera Piscis.  
 Dimidiam retinens stellis distincta Corona  
 Partē, etiā supera, atque alia de parte repulsa est:  
 Quū tamen insequitur Piscis, nec totus ad umbras  
 Taetus, sed supero contectus corpore cedit,  
 Atque humeros usque à genibus, clarūq. recondit  
 Anguitenens ualidis magnū à cervicibus Anguē.  
 Iam uero Arctophylax non aqua parte secatur:

Nam

# Ciceronis.

69

Nam breuior clara cæli de parte uidetur,  
 Amplior infernas depulsus possidet umbras.  
 Quattuor hic obiens secum deducere signa  
 Signifero solet ex orbi, tum serius ille  
 Quum supera sese faciauit luce, recedit,  
 Post mediam labens claro cum corpore noctem.  
 Hæc obscura tenens conuestit sydera tellus,  
 Dimidiam retinet stellis distincta Corona.  
 Ac parte ex alia clavis cum lucibus errat  
 Orion, humeris & lato pectore fulgens,  
 Et dextra retinens non cassum luminis ense.  
 Sed quum de terris uis est patefacta Leonis,  
 Omnia, quæ Cancer præclaro detulit ortu,  
 Cedunt obscurata, simul uis maior Aquari  
 Pellitur, ac flexo confidens corpore nixus,  
 Iam supero ferme depulsus lumine cedit.  
 Sed leuū genus atque illustrem liquit in altum  
 Plantā, tum contra exoritur clarū caput Hydræ,  
 Et Lepus, & Procyon, qui sese feruidus infert  
 Ante Canem: inde Canis uestigia prima uidentur,  
 Non pauca è cælo depellens signa, repente  
 Exoritur candens illustra lumina Virgo.  
 Cedit clara Fides Cyllenia, mergitur unda  
 Delphinus, simul obtegatur depulsa Sagitta,  
 Atque Aus ad summā caudam, primasq. recedit  
 Pinnas, & magnus pariter delabitur amnis.  
 Hic Equus à capite & longa cernice latefcit,  
 Longius exoritur iam claro corpore Serpens,

Cra-



Crateraꝫ, tenuis lucet mortalibus Hydra,  
 Inde pedes Canis ostendit iam posteriores,  
 Et post ipse trahit claro cum lumine Puppim,  
 Insequitur labens per cœli lumina Navis,  
 Et iam iam toto processit corpore Virgo:  
 Hæc medium ostendit radiato stipite malum.  
 At quum procedunt obscuro corpore Chela,  
 Existit pariter larga cum luce Bootes.  
 Cuius in aduersum est Arcturus corpore fixus,  
 Totaꝫ, iam supera fulgens prolabitur Argo:  
 Hydraꝫ, quod late cœlo dispersa tenetur,  
 Nondum tota latet, non caudam contegit umbra.  
 Iam dextrum genu, & decoratam lumine suram  
 Erigit, ille uagans uulgato nomine Nisus;  
 Quæ nocte extinctum atque exortu uidimus una,  
 Persæpe in paruum tranans geminauerit orbem.  
 Hic genus & suram cum Chelis erigit alte,  
 Ipse autem praeceps obscura nocte tenetur,  
 Dum Nepa & Arcitenens inuisant lumina cœli.  
 Nam secum medium pandet Nepa, tollere uero  
 In cœlum totum exorians conabitur arcus.  
 Hic tribus elatus cum signis corpore toto  
 Lucet: at exoritur media de parte Corona,  
 Caudaꝫ, Centauri extremo candore refulget.  
 Hic se iam totum cæcas Equus abdit in umbras,  
 Quem rutila fulgens pluma præteruolat Ales.  
 Occidit Andromedæ clarum caput, ut fera Pistrix  
 Labitur, horribileis epulas funesta requirens.

Hanc

Hanc contra Cepheus non cessat tendere palmas,  
 Illa usque ad spinam mergens se cœrula condit.  
 At Cepheus caput atque humeros, palmasꝫ, reclinat.  
 Quum uero uis est uehemens exorta Nepai,  
 Late fusa uolat: per terras fama uagatur.  
 Vt quondam Orion manibus uiolasse Dianam  
 Dicitur, excelsis errans in collibus amens,  
 Quos tenet Aegæo desixa in gurgite Echineis,  
 Brachia quam uiridi conuestit tegmine uini:  
 Ille feras uecors amenti corde necabat  
 Oenopionis auens epulas cœnare nitentis.  
 At uero pedibus subito percussa Diana  
 Insula discessit, disiectaꝫ, saxa reuellens  
 Perculit, & cæcas lustrauit luce lacunas.  
 E quibus ingenti existit cum corpore præ se  
 Scorprios, infestus præportans flebile acumen.  
 Hic ualido cupide uenantem percudit ictu,  
 Mortiferum in uenas figens per uulnera uirus:  
 Ille graui moriens constrauit corpore terram.  
 Quare cum magnis sese Nepa lucibus effert,  
 Orion fugiens commendat corpora terris.  
 Tū uero fugit Andromeda et Neptunia Pistrix  
 Tota latet, cedit conuerso corpore Cepheus,  
 Extremas medio contingens corpore terras.  
 Hic caput & superas potis est demergere partes:  
 Infera lumborum nunquam conuestiet umbra:  
 Nam retinent arcto lustrantes lumine suras.  
 Labitur illa simul gnatam lachrymosa requirens

Cassie-

## Fragmenta

*Cassiopea, neque ex cælo depulsa decore  
 Fertur: nam uerso contingens uertice primum  
 Terras post humeros euerſa ſede reſertur.  
 Hanc iſti tribuunt pœnam Nereides alma,  
 Cũ quibus (ut perhibet) anſa eſt cõtẽdere forma.  
 Hæc obit inclinata: at pars exorta Corona eſt  
 Altera, cum caudaq. omnis iam panditur Hydra.  
 At caput & totum ſeſe Centaurus opacis  
 Eripit, è tenebris linquens uestigia parua  
 Ante pedum conteſta, ſimul cum lumine pandit:  
 Ipſe ſeram dextra retinet, prolabitur inde  
 Anguitenès capite et manibus, profert ſimul Anguis  
 Iam caput & ſummum flexo de corpore lumen.  
 Hic ille exoritur conuerſo corpore Nixus,  
 Aluũ, crura, humeros, ſimul et præcordia luſtràs,  
 Et dextræ radios læto cum lumine iactans.  
 Inde Sagittipotens ſuperas conuiſere lucas  
 Inſtitit, et mergit Nixi caput, & ſimul effert  
 Seſe clara Fides, & promit corpore Cepheus,  
 Feruidus ille Canis toto cum corpore cedit,  
 Abditur Orion, obijt ſimul abditus umbra eſt,  
 Inferiora cadunt Aurigæ lumina, lapſum  
 Crus dextrũq. pedẽ linquens obit infera Perſeus  
 In loca, tum cedens à puppi linquitur Argo:  
 Inde obiens Capricornus ab alto lumine pellit  
 Aurigã, inſlãtemq. Caprã, paruos ſimul Hædos,  
 Et magnam antiquo depellit nomine Nauem:  
 Obruitur Procyon, emergunt Alite lapſum,*

Et

## Ciceronis.

71

*Et terris uolucris exiſtit clara Sagitta.*

\*

*Hoc motu radiantis Eteſia in uada ponti,*

CICERO.

\*

*\* ſub pedibus profert finita Booti:*

PRISC.

\*

*Tertia ſub cauda ad genus ipſum lumina pandit*

PRISC.

\*

*Nauibus aſſumptus fluitantia querere apluſtra,*

PRISC.

\*

*Huic ſupera duplices humeros adfixa uidetur  
 Stella micans tali ſpecie, taliq. nitore,*

PRISC.

\*

*Quẽ neque tẽpeſtas perimet, neque lóga uetuſtas  
 Interimet ſtinguens præclara inſignia cæli.*

PRISC.

\*

## M. Tullii Ciceronis Alcyones.

\*

*ALCYON genuit claris delapſus ab aſtris  
 Præuius auroræ ſolis, noctiſq. ſatelles.*

DONAT.

\*

## M. Tullii Ciceronis Limon.

\*

*TV quoque, qui ſolus læto ſermone Terenti  
 Conuerſum expreſſumq. Latina uoce Menandriũ*

CICERO.

In



# Fragmenta

*In medio populi sedatis uocibus effers,  
Quicquid come loquês, ac omnia dulcia linquens.*

\*

M. Tullii Ciceronis Marius.

\*

CICERO. *NUNTIA fulua Iouis, miranda uisa figura.*

\*

CICERO. *Hic Iouis altisoni subito pinnata satelles  
Arboris è trunco serpentis saucia morfu,  
Ipsa feris subigit transfigens unguibus anguem  
Semianimum, & uaria grauer ceruice micantè,  
Què se intorquentem lanians, rostroq. cruentans,  
Iam faciata animas, iam duos ulta dolores,  
Abijcit efflantem, & laceratum affligit in unda,  
Seq. obitu à solis nitidos conuertit ad ortus.  
Hanc ubi præpetibus pennis, lapsuq. uolantem  
Conspexit Marius diuini numinis augur,  
Fausa q. signa suæ laudis reditusq. notauit:  
Partibus intonuit cæli pater ipse sinistris.  
Sic aquile clarum firmavit Iupiter omen.*

M. Tullii Ciceronis prognostica.

\*

CICERO. *ATQVE etiã uentos præmonstrat sæpe futuros  
Inflatum mare, cum subito, penitusq. tumescit:  
Saxaq. caua salis nino spumata liquore.*

Tristi

Ciceronis.

73

80

*Tristificas certant Neptuno reddere uoces:  
Aut densus stridor cum celsò è uertice montis  
Ortus adaugefcit scopulorum sæpe repulsi.*

\*

*Canafelix itidem fugiens è gurgite ponti,  
Nuntiat horribiles clamans instare procellas,  
Haud modicos tremulo fundens è gutture cantus,  
Sæpe etiam pertriste canit de pectore carmen,  
Et matutinis Acredula uocibus instat,  
Vocibus instat, & assiduas iacit ore querelas,  
Fuscaq. nonnunquam cursans per littora cornix  
Demersit caput, & fluctum ceruice recepit.  
Vos quoque signa uidetis aquai dulcis alumne,  
Cum clamore paratis inanes fundere uoces,  
Absurdoq. sono fontes & stagna cietis:  
Mollipedesq. boues spectantes lumina cæli  
Naribus humiferum duxere ex aere succum.  
Iam uero semper uiridis, semperq. grauata  
Lentiscus triplici solita est grandescere fætu,  
Ter fruges fundes, tria tempora monstrat arandi.*

CICERO.

\*

*Ast autem tenui quæ cadent lumine Phatue*

PRISC.

\*

*Vt cum luna means Hyperionis officit orbi,  
Stinguuntur radij cæca caligine tecti.*

PRISC.

\*

*Caprigeni pecoris custos de gurgite uaslo.*

PRISC.

\*

M. Tullij

M. Tullii Ciceronis de suo consula-  
latu lib. I I.

**CICERO.** PRINCIPIO ætherio flammatus Iuppiter igni  
Vertitur, & totum collustrat lumine mundum,  
Menteq. diuina cælum terrasq. petessit:  
Quæ penitus sensus hominum, uitasq. relentat,  
Ætheris æternis septa, atque inclusa cauernis.  
Etsi stellarum motus cursusq. uagantes  
Nosse uelis, quæ sint signorum in sede locata,  
Quæ uerbo, & falsis Graiorum uocibus errant,  
Re uera certo lapsu, spatioq. feruntur:  
Omnia iam cernes diuina mente notata  
Nam primum astrorum uolucres te Consule motus,  
Concursusq. graues stellarum ardore micantes  
Tu quoque, cū tumulos Albano in monte niuales  
Lustrasti, & leto mactasti lacte Latinas,  
Vidisti, & claro tremulos ardore cometas,  
Multaq. misceri nocturna strage putasti,  
Quod ferme dirum in tempus cecinere Latine,  
Cum claram speciem concreto lumine luna  
Abdidit, & subito stellanti nocte perempta est.  
Quid uero Phœbi fax tristis nuntia belli,  
Quæ magnū ad columen flammato ardore uolabat,  
Præcipientes cæli partes, obitusq. petisset:  
Aut cum terribili percussus fulmine ciuis  
Luce serenanti uitalia lumina liquit:

Aut

Aut cum se grauido tremefecit corpore tellus.  
Iam uero uariæ nocturna tempore uisæ  
Terribiles formæ bellum, motusq. monebant:  
Multaq. per terras uates oracla furenti  
Pectore fundebant tristes minitantiæ casus.  
Atque ea, quæ lapsu tandem cecidere uetusto,  
Hæc fore, perpetuis signis clarisq. frequentans  
Ipse deum genitor cælo, terrisq. canebat.  
Nunc ea, Torquato quæ quondam, et Consule Cotta  
Lydius ediderat Tyrrhena gentis aruspex,  
Omnia fixa tuus glomerans determinat annus.  
Nam pater altitonans stellanti nixus Olympo,  
Ipse suos quondam tumulos ac templa petiuit,  
Et Capitolinis iniecit sedibus ignes.  
Tum species ex ære uetus, generataq. Natæ  
Concidit, elapsaq. uetusto numine leges:  
Et diuum simulachra peremit fulminis ardor.  
Hic siluestris erat, Romani nominis altrix  
Marta, quæ paruos Mauortis semine natos  
Uberibus grauidis uitali rore rigabat:  
Quæ tum cum pueris flammato fulminis ictu  
Concidit, atque auulsa pedum uestigia liquit.  
Tum quis non, artis scripta ac monumeta uolutas,  
Voces tristificas chartis promebat Etruscis?  
Omnes ciuili generosam stirpe profectam  
Vitare ingentem cladem, pestemq. monebant:  
Vel legum exitium constanti uoce ferebant,  
Templa deumq. adeo flammis, urbesq. iubeant

L

Eri-



# Fragmenta

Eripere, & stragem horribilem, cædemq. uereri,  
 Atque hæc fixa graui fato, ac fundata teneri,  
 Ni post excisum ad columnen formata decore  
 Sancta Iouis species claros spectaret in ortus:  
 Tum fore, ut occultos populus, sanctusq. senatus  
 Cernere conatus posset, si solis ad ortum  
 Conuersa, inde patrum sedes, populiq. uideret.  
 Hæc tardata diu species, multumq. morata,  
 Consule te tandem celsa est in sede locata:  
 Atque una fixi ac signati temporis hora  
 Iuppiter excelsa clarabat sceptræ columna:  
 Ac clades patriæ flamma, ferroq. parata,  
 Vocibus Allobrogum patribus populoq. patebat.  
 Rite igitur ueteres, quorum monumenta tenetis,  
 Qui populos, urbesq. modo ac uirtute regebant,  
 Rite etiam uestri, quorum pietasq. fidesq.  
 Præstitit, ac longe uicit sapientia cunctos,  
 Præcipue ingenti coluerunt numine diuos.  
 Hæc adeo penitus cura uidere sagaci,  
 Otia qui studijs lati tenuere decoris,  
 Inq. Academia umbrifera, nitidoq. Lyceo  
 Fuderunt claras sæcundi pectoris artes,  
 E quibus ereptum primo iam à flore iuuentæ,  
 Te patria in media uirtutum mole locauit,  
 Tu tamen anxiferas curas requiete relaxas,  
 Quod patriæ uoces studijs, nobisq. sacra stii.

\*

NONIUS. Atque animo pendens noctis euenta timebat.

\*

Ciceronis.

75

M. Tullii Ciceronis de suo consu-  
 latu lib. I I I.

INTEREA cursus, quos prima à parte iuuentæ,  
 Quosq. adeo Consul uirtute animoq. petisti,  
 Hos retine, atque auge famam laudesq. bonorum.

\*

CICERO.

M. Tullii Ciceronis de suis  
 temporibus.

\*

CEDANT arma togæ, concedat laurea lingue

QVINT

\*

O fortunatam natam me Consule Romam.

QVINT.

\*

M. Tullii Ciceronis iocularis  
 libellus.

EVNDVM Varro uocat quæ possim mittere suda,  
 Ni tamen exciderit, quæ caua funda patet.

QVINT.

M. Tullii Ciceronis incerta  
 quædam.

\*

ARISTOTELES ueteres philosophos accusa-  
 uit: eos ait gloriosos, aut stultissimos fuisse, qui

Laet. l. 3.  
 c. 28.

L 2 exi-

existimassent philosophiam suis ingenijs esse perfectam, sed se uidere, quod paucis annis magna accessio facta esset, breui tempore philosophiam plane absolutam fore.

\*

Laet. l. 7.  
c. 8.

\* quoniam utraque earum sententiarum doctissimos habuit auctores, nec, quid certi sit, diuinari potest.

\*

Laet. l. 3.  
c. 16.

Recteq. Tullius ciuiles uiros, qui remp. gubernant, qui urbes aut nouas constituent, aut constitutas aequitate tueantur, qui salutem, libertatem ciuium, uel bonis legibus, uel salubribus consilijs, uel iudicijs grauib. conseruent, philosophiae doctores praefert.

\*

Aug. l. 4. cōtra Iul. Pelagium.

Eorum quippe opinioni conuenienter ait quodam loco Tullius, se non putare idem esse arietis, et P. Africam bonum.

\*

Augustinus Vita Beata.

An uero, quod ait Tullius, multorum in terris praediorum dominos diuites appellamus, omnium uirtutum possessores pauperes nominabimus?

\*

Aug. epistola 1.

\* nullum unquam uerbum, quod reuocare uellet, emisit.

non

\*

\* non se id egisse, ut ita diceret, quo modo se quilibet posse cōsideret, sed quo modo nemo.

\*

Cesar cum quosdam ornare uoluit, non illos honestauit, sed ornamenta ipsa turpauit.

\*

Etenim si nemo est, qui non mori malit, quam conuerti in aliquam figuram bestiae, quamuis mentem hominis habiturus, quanto est miserius, in hominis figura animo esse efferato? mihi quidem tanto uidetur, quanto est praestabilior animus corpore.

\*

Nihil esse, quod sit manibus humanis laboratum, quod nō aliquando ad interitum redigatur, uel iniuria hominum, uel ipsa confectrice omnium uetustate.

\*

Hoc miror enim, quorūq. hominem ita pessumdare uerbis alterum uelle; ut etiam nauē perforet, in qua ipse nauiget.

\*

Meliora unguenta sunt, quae terram, quam quae crocum sapiunt.

\*

Gladiatores inuisos habemus, si omni modo uitam impetrare cupiunt, fauemus, si contem-

L 3 ptum

Quint. l. 11.  
c. 1.

Hiero. super obitum Paulin.

Laet. l. 5.  
c. 11.

Laet. l. 7.  
c. 11.

Quint. l. 8.  
c. 6.

Plin. l. 7.  
c. 5. & l. 13  
c. 3.

Senec. l. Tranquill.



# Fragmenta

ptum eius præse ferunt.

Marcell.  
l. 15.

Et quanquam optatissimum est, perpetuo fortunam quam florentissimam permanere: illa tamen æqualitas uitæ non tantum habet sensum, quantum cum ex sanis, & perditis rebus ad meliorem statum fortuna reuocatur.

PLINIUS. In libris de Repub. Platonis me comitem profiteor in Consolatione filiæ, Crantorem sequor, item Panætium de officiis.

AVGVST. \* Omnium pectora sic attingit, ut cogat in gemitum.

AVGVST. Nullæ sunt occultiores insidiæ, quàm quæ latent in simulatione officij, aut in aliquo necessitudini nomine.

NONIVS. \* arcera.

NONIVS. Existimavi honestissimas molestias posse deponi, ubi me ad philosophiam retulissem.

FORTVN. \* ferem.

SERVIVS. Ad militiam euntibus dari solebant custodes, quibus primo anno regerentur.

cum

Ciceronis.

77

\* cum parcere uel lædere potuissem, ignoscendi querebam causas, non puniendi occasiones, quod iudicis lenti & considerati est proprium.

Infelices esse qui omnia sibi licere existimarunt.

\* de plebeia fece sellulariorum.

\* Erithreo oppido superpositum montem Mimanta.

\* Qui fuit locus religiosissimus, is erit desertissimus, & custodia castrorum non honoris, sed oneris existimatur.

\* Lex Dei præclara & diuina semper, quæ recta et honesta iubet, uetat praua & turpia: cui parentem sanctissimæ, ac certissimæ legi, iuste ac legitime necesse est uiuere.

\* Atque adeo in plerisque ciuitatibus intelligi potest ac uendæ uirtutis gratia, aut quo libentius reip. causa periculum adiret optimus quisque, uiuorum fortium memoriam honore deorum immortalium consecratam.

L 4

Dic

# Fragmenta

FESTVS.

\*  
\* ructaretur.  
\*

QVINT. Dic mihi queso Xenophontis uxor, si uicina tua melius habeat aurum, quàm tu habes, utrum ne illius, an tuum malis? illius, inquit. Quid? si uestem & ceterum ornatum muliebrem pretij maioris habeat, quàm tu habes, tuum ne, an illius malis? illius uero respondit. Agesis, inquit, si uirum illa meliorem habeat, quàm tu habes, utrum ne tuum uirum malis, an illius? Hic mulier erubuit, & merito, male enim responderat se malle alienum aurum, quàm suum. nam est id improbum. At si respondisset, se malle aurum suum tale esse, quale illud esset, potuisset pudice respondere, malle se uirum suum talem esse, quasi melior esset.

78

# ANDR. PATRICII IN FRAGMENTA

LIBRORVM

M. TVLLII CICERONIS  
ADNOTATIONES.

PREFATIO.

VTRVM ne conuicium uetustati fieri, quæ ipsam eorum Ciceronis librorum quasi uitam extinxerit, & integritatem ac soliditatem illorum quasi scdissima quadam tempestate lacerarit: an gratia haberi debeat, quòd quasdam utique reliquias, uelut ex naufragio tabulas, conseruarit, ad nosq. transmiserit, non est, mea quidem sententia, de quo magnopere possit dubitari. Et si sint enim, qui amissarum rerum desiderio æstuentes, à conuicijs uix abstineant, bene tamen gratus, & mundana omnia, ea mortalitate, qua constant, metiens animus, non uereor, quin gratias sit potius illi habiturus, quæ pleraque seruauerit, quàm frustra obtrectaturus, quæ non nulla sustulerit. Cum enim ipsius tanta sit uis & potestas, ut omnia, quæ aliquando orta sunt, possit, cum libuerit, iure quodam suo abolere, ad idemq. illud



lud principium, unde prodierant, deducere, profecto, si quando ex hac ista legis sue acerbitate remittit, & quippiam, cum perimere uniuersum potuisset, excipit, parteq. saltem ex aliqua retinet in uita, ac tuetur, in eo magis illam debemus beneficio quodam precipuo, quam iure & potestate communi uti censere, nosq. etiam propterea magis ad gratiam, quam ad contumeliam excitare. Ac mihi quidem de ijs rebus attentius cogitanti, omniumq. momenta diligentius perpendenti; quanquam immortale illud & diuinum M. Tullij ingenium tanti est, ut uestigia etiam ipsius omnia immortalitate dignissima existimem, tamen, cum chartas ipsas & membranulas intueor, rem unam fragilem in primis & caducam, in qua hac ista uestigia fixa ad posteritatem impressaq. fuerunt, magis mehercle mirandum uidetur, aliquid ad nos, ex ijs, in tanta imperiorum omniumq. rerum uarietate et mutatione, peruenisse, quam aliquid interire potuisse. Quid enim esse ad diuturnitatem instabilius potuit, ijs rebus, in quibus ea relicta et consignata fuerunt? Et tamen diuino quodam beneficio atque miraculo singulari ad nos usque deuenierunt. Et erimus sic ingrati, & maligni, ut cum aliorum scriptorum aequae nobilium multa librorum millia, cum ipso nomine, immo cum uestigio

79  
gio amissa; cum tot statuas, arcus, templa, trophaea, arca, marmora, absumpta parum dico: cum tot, inquam, urbium, regionum, prouinciarum, regnorum, imperiorum, ipsa etiam cadauera, quae diu proiecta iacuerunt, & medio sublata uideamus, in Cicerone tamen, non deorum prouidentiam, in conseruatis multis, agnoscere, sed iacturam nostram in paucis amissis deplorare uideamur: quorum sane imbecillitas & a marmorum ac urbium firmitate longe aberat, & ea fuit, ut omnia uno atque simili interitu inuoluere potuerit. Quod quia certe factum non est, cum fieri potuerit, grata magis beneuolentia prosequi, quam conuitio & maledicto excipere debemus, magisque id quod reliquum factum est, cum praesertim plura reliqua facta sint, in lucro deputare, quam id quod amissum est, cum amissa non numis multa sint, in damnis ducere debemus. Fatendum est enim, & quidem cum grati animi significatione fatendum, eorum, quae a M. Cicerone conscripta olim litterisq. tradita fuerunt, plura fere his adhuc nostris temporibus extare integra, ad usum utilitatemq. nostram, quam tempus & uetustas uiolarit. Non tam igitur muliebriter lamentandum, quam uiriliter agendum est, nec tam uetustas ipsa maledictis uexanda, quam opera danda est, ut, id quod in refi-

reficiendis euersis urbibus statuisq. quotidie fieri uidemus; nos quoque, quam possumus, in istis a uetustate uolatis ruinis Ciceronis instaurandis aliquando elaboremus, studiumque & operam nostram cum ad presentium temporum commoditatem referamus, tum posteritati etiam ipsi approbemus: quod est bonorum uirorum, & de genere humano optime merentium maxime proprium. Ex quo fit, ut praeclare sane mihi fecisse uideatur Carolus Sigonius, quem ego uirum ob communem amicitiam nisi incunctissime, ob illius autem eruditionem & doctrinam nisi honestissime nominare non possum: qui cum superioribus temporibus fractos & conuulsos Consulares fastos marmoreos incredibili labore & uigilantia consolidasset, dimidiata autem plus minus parte mutilatos restituisset; nuper etiam ad medicinam amissis his Ciceronis libris faciendam animum conuertit, tantumque effecit, ut, si forte cupidorum in hoc genere sitim hominum non prorsus extinxerit, at eam certe maxima ex parte leuauerit, tot fragmentis extenebris in lucem producendis, tot etiam productis in ordinem redigendis, & redactis explicandis. Quem & nos imitati, quae post eum quidem potuimus, praestitimus, librosque aut per eum institutos fragmentis plerisque locupletauimus,

aut

aut nouos ipsi ex reconditis maxime et abditis locis erutos, instituiamus: omnes autem in quatuor tomos contulimus, fragmentaque singula locis auctorum a fronte diligenter adnotatis, tanquam clypeo muniuimus: tum quae alioqui in libris uulgatis extare uidebantur, e medio sustulimus, & in uniuersum omnia quae potuimus, uel ex libris, uel ex coniectura ipsa certe quidem emendauimus. scholijs etiam, quod illustrari oportere putauimus, illustrauimus, in omnibusque diligentiam nostram studiofis hominibus approbare conati sumus. In quo nequid fingere uideamur, etsi pleraque uere nos dicere, res ipsa pro nobis loquitur, age uel duo haec saltem ita se habere perspicue demonstremus: unum, fragmentis hos libros locupletatos per nos esse: alterum scholijs tum illustratos, tum etiam, quoad eius fieri potuit, emendatos. Ac de scholijs quidem, et quae iisdem continentur locorum emendationibus, posterius uidebimus. nunc ut uno quasi in conspectu omnia uideri fragmenta possint, quae nos post Sigonium, tanquam post diuitem quendam messorem spicas in agro derelictas, homines non ualde locupletes collegimus, & si in contextu ipso illa etiam eorum non obscura demonstratione usi sumus, ut ijs nomen auctoris maioribus notatum characteribus, praefigendum curaremus,

ta-



tamen quoniam illic sparsim ut cuique locus e-  
rat, fuerunt alijs intermixta, seorsum hic ea  
sub oculos ponere libuit.

81  
FRAGMENTA  
PER ANDR. PATRICIVM  
RECENS ALLATA

post Carolum Sigonium.

EX TOMO PRIMO.

PRO VARENO.

DEVM fidem. MARCEL.

PRO OPPIDIO.

ETENIM multum posse ad salutem alterius, MARCEL.  
honori multis : parum potuisse ad exitium,  
probro nemini fuit.

O amorem mirum : o benevolentiam singularem. QVINT.

PRO FVNDANIO.

ARCADES se proselenos esse asserunt. SERVIVS.

PRO CORNELIO I.

CODICEM attigit. QVINT.

Qui

## Fragmenta

PRISC. Qui eloquentia ceteris antecellit.

### IN T O G A.

ASCON. QVOD caput etiam tum plenum animæ & spiritus, ad Syllam usque ab Ianiculo ad eadem Apollinis manibus ipse suis detulit.

### PRO G A L L I O.

QVINT. AN ista, si uera essent, sic à te dicerentur?

### DE PROSCRIPT. LIB.

QVINT. SED ita legibus Syllæ continetur status ciuitatis, ut, his solutis, stare ipsa non possit.

### DE CONSVLATV.

NONIVS. QVORVM luxuries fortunata censa peperit.

### IN CLODIVM, ET CVRIONEM.

QVINT. QV O ex iudicio uelut ex incendio nudus effugit.

CICERO. Erras Clodi: non te iudices urbi, sed carceri reseruauerunt, neque retinere in ciuitate, sed exilio

## Ciceronis. 81

lio priuare uoluerunt. Quamobrem, patres conscripti, erigite animos, retinete uestram dignitatem: manet illa in Rep. bonorum consensio: dolor accessit bonis uiris, uirtus non est imminuta: nihil est damni factum noui, sed quod erat, inuentum est in unius hominis perditio iudicio. plures similes reperti sunt.

### PRO SCAURO.

VOS quoque de familia nobili cum auctoritate orbis terrarum sentire debetis. MARCEL.

Vniuerse. CARISVS

### EX OR. PRO QVINTIO.

TURPIS occultatio sui. VLPIAN.

### PRO FONTEIO.

FRUMENTI maximus numerus è Gallia, AQUILA. peditatus amplissima copia è Gallia, equites numero plurimi è Gallia.

### IN PISONEM.

QVOD minimum in te specimen ingenij, ingenij ASCON. M nij



# Fragmenta

nij autem? immo ingenui hominis ac liberi,  
qui colore ipso patriam aspernaris, oratione  
genus, moribus nomen.

DIOMED. Proxime Pompeium sedebam.

## EX TOMO SECVNDO.

### AD CORNELIVM.

MARCEL. NEQVE enim quicquam aliud est felicitas,  
nisi honestarum rerum prosperitas. uel, ut alio  
modo definiam, Felicitas est fortuna, adiutrix  
consiliorum bonorum, quibus qui non utitur,  
felix nullo pacto esse potest. Ergo in perditis  
impijsq. consilijs, quibus Cæsar usus erat, nul-  
la potuit esse felicitas: feliciorque meo iudicio  
Camillus exulans, quam temporibus ipsdem  
Manlius, etiamsi, id quod cupierat, regna-  
re potuisset.

### AD HIRTIIVM.

NONIVS. LVTA & limum aggerebant.

### AD BRVTVM.

QVINT. SINE illo enim uiuere honeste licet, cum hoc  
uiuendi nulla conditio est.

Simne

# Ciceronis.

83

90

Sim ne bonus uir, si hoc suadeam? minime. Sua-  
foris enim est finis, utilitas eius, cui quisque  
suadet. At recta sunt. quis negat? sed non est  
semper rectis in suadendo locus.

Populo imposuimus, & oratores uisi sumus. QVINT.

Res mihi inuisæ uisæ sunt Brute. QVINT.

### AD FILIVM.

PHILOSOPHIAE quidem præcepta no-  
scentia, uiuendum autem ciuilitate. LACTAN.

### AD CATONEM.

NEC iccirco desiderandam esse dignitatem meâ,  
quod eam multi impugnarint, sed eo magis  
recolendam, quod plus desiderarint. NONIVS.

### AD CERELIAM.

HÆC aut animo Catonis ferenda sunt, aut Ci-  
ceronis stomacho. QVINT.

### AD PLANCVM.

NAM neque deesse reip. uolo, neque superesse. GELLIVS.

M 2

IN-

INCERTA EPISTOLA.

QVINT. NE ulli sunt pedes faceti, ac delicijs ingredien-  
ti mollius.

EX TOMO TERTIO.

OECONOMICO.

COLVM. NAM uetus est prouerbiū, paupertatem cer-  
tissimam esse, quum alicuius indigeas, uti co-  
non posse, quia ignoretur, ubi proiectum ia-  
ceat quod desideretur. itaque in re familiari  
laboriosior est negligentia, quā diligentia.  
Quis enim dubitet nihil esse pulchrius in omni  
ratione uitæ, dispositione atque ordine? quod  
etiā ludicris spectaculis licet sæpe cognoscere.  
Nam ubi chorus canentium, non ad certos mo-  
dos, neque numeris præeuntis magistri consen-  
sit, dissonum quiddam ac tumultuosum audien-  
tibus canere uidetur. at, ubi certis numeris  
ac pedibus uelut facta conspiratione consensit  
atque concinit, ex eiusmodi uocum concor-  
dia, non solum ipsis canentibus, amicū quid-  
dam et dulce resonat, uerum etiam spectantes  
audientesq. latissima uoluptate permulcentur.

Præpa-

Præparatis idoneis locis, instrumentum & sup- COLVM.

pellectilem distribuere cepimus, ac primum  
ea secreuimus, quibus ad res diuinas uti sole-  
mus: postea mundum muliebre, qui ad dies  
festos comparatur, deinde ad uirilem item die-  
rum solennium ornatum, nec minus calcea-  
menta utrique sexui conuenientia, tum iam  
seorsum arma ac tela seponebantur, & in alte-  
ra parte instrumenta, quibus ad lanificia utun-  
tur: post quæ, ad cibum conficiendum uasa (ut  
assolent) constituebantur: inde, quæ ad lauatio-  
nem, quæ ad exornationem, quæ ad mensam  
quotidianam atque epulationem pertinerent,  
reponebantur. postea ex ijs, quibus quotidie  
utimur, quod menstruum esset seposuimus,  
quod annuū quoque in duas partes diuisimus:  
nam sic minus fallit qui exitus futurus sit. Hæc  
postquam omnia secreuimus, tum suo quæque  
loco disposuimus: deinde quibus quotidie serui-  
li utuntur, quæ ad lanificia, quæ ad cibaria co-  
quenda & conficienda pertinent, hæc ipsa ijs,  
qui uti solent, tradidimus, & ubi ea ponerent  
demonstrauimus, & ut salua essent præcepi-  
mus. Quibus autem ad dies festos, & ad ho-  
spitum aduentum utimur, hæc primo tradidi-  
mus, & loca singula demonstrauimus. & cui-  
que sua annumerauimus, atque annumera-  
ta ipsi exscripsimus, eamq. admonuimus, ut,

M 3 quod-



# Fragmenta

quodcumque opus esset, sciret unde daret: & meminisset atque adnotaret, quid & quando, & cui dedisset, & cum recepisset, ut quicque suo loco reponeret.

COLVM. Vtrum ne Ischomache, inquam, si res familiaris desiderasset, mercari uillicum tanquam fabrum, an ipse instituire consueuisti?

CICERO. Cum ad Cyrum minorem, regem Persarum, praestantem ingenio atque imperij gloria, Lysander Lacedaemonius, uir summae uirtutis, uenisset Sardis, ei, dona à socijs attulisset: & cæteris in rebus comis erga Lysandrum atque hu- manus rex fuit, & ei quendam conseptum a- grum diligenter consitum ostendit. Cum autem admiraretur Lysander & proceritates arbo- rum, & directos in quincuncem ordines, & humum subactam, atque puram, & suauita- tem odorum, qui efflarentur è floribus, tum di- xit: mirari se non modo diligentiam, sed etiam solertiam eius, à quo essent illa dimensa, atque descripta. & Cyrus respondit: Atqui ego ista sum omnia dimensus, mei sunt ordines, mea descriptio, multæ etiam istarum arborum mea manu sunt satæ. Tum Lysander intuens eius purpuram, & nitorem corporis, ornatumq. Persicum multo auro, multisq. gemmis, di- xit:

# Ciceronis.

85

xit: Recte uero te Cyre beatum ferunt, quo- niam uirtuti tuæ fortuna coniuncta est.

Scrobes.

SERVIVS.

D E R E P . I .

Q V A S I alius assimulare rempub.

DIOMED.

Breui multitudo diuersa atque uaga, concordia ci- uitas facta erat.

AVGVST.

Duos Romanos reges esse, quorum alter patrem non habet, alter matrem. nam de Seruij ma- tre dubitatur, Anci pater \* Martius Nu- ma nepos dicitur.

SENECA.

Prouocatione ad populum etiam à regibus fuisse.

SENECA.

Quem nos dictatorem dicimus, & in historia ita nominari legimus, apud antiquos magister po- puli uocatus est, quod qui ab illo nominatur, magister equitum est.

SENECA.

Sed audisse te credo, tum uero Platonem, Socrate mortuo, primum in Aegyptum discendi causa, post in Italiam contendisse.

NONIVS.

# Fragmenta

DE REP. III.

SENECA. QVONIAM sumus ab ipsa calce eius interpellatione reuocati.

LACTAN. Nullum est ius naturale. itaque omnes animantes, ipsa ducente natura, commoda sua defendunt. et ideo iustitia, si alicuius utilitatibus consulat, suas negligat, stultitia est dicenda. Quod si omnes populi, penes quos sit imperium, ipsiq. Romani, qui orbem totum possedere, iustitiam sequi uelint, ac suum cuique restituere, quod ui & armis occupauerunt, ad casas & egestatem reuertentur. quod si fecerint, iustos dicemus quidem, sed tamen stultos indicare necesse est, qui, ut alijs prosint, sibi nocere contendunt.

GELLIVS. Non grauarer Leli, nisi & hos uelle putarem, & ipse cuperem te quoque aliquam partem huius nostri sermonis attingere: praesertim cum heri dixeris, te nobis etiam superfuturum. Verum si id quidem fieri non potest, ne desis, omnes te rogamus.

LACTAN. Huic tu uiro quas diuitias obijcies? quae imperia, quae regna? qui ista omnia putat humana, sua bona diuina indicat.

Nullum

Ciceronis.

86

Nullum bellum suscipitur à ciuitate optima, nisi AVGVST. aut pro fide, aut pro salute.

Hic est ille situs, cui nemo ciuis neque hostis Quiniit pro factis reddere operæpretium:

CICERO.  
SENECA.

AVGVST.

Vbi uero iustitia uera non est, nec ius potest esse. quod enim iure fit, profecto iuste fit. quod autem fit iniuste, nec iure fieri potest. Non enim iura dicenda sunt, uel putanda, iniqua hominum constituta; cum illud etiam ipsi ius esse dicant, quod de iustitiæ fonte manauerit; falsumq. fit, quod à quibusdam non recte sentientibus dici solet, id ius esse, quod ei, qui plus potest, utile est.

DE REP. IIII.

CVM Q. nihil tam incorruptum esse debeat in MARCEL. rep. quam suffragium, quam sententia, non intelligo cur, qui ea pecunia corruerit, pœna dignus sit, qui eloquentia, laudem etiam ferat. Mibi quidem hoc plus mali facere uidetur, qui oratione, quam qui pretio indicem corrumpit, quod pecunia corrumpere prudentem nemo potest, dicendo potest.

Non enim facile ualenti populo resistitur, si aut PRISC. nihil



# Fragmenta

nihil impertias iuris, aut parum.

PRISC. Brachialia.

D E R E P. V.

DIOMED EXCELLVNT.

NONIVS. Quod non modo singulis hominibus, sed potentissimis populis saepe contigit.

D E R E P. VI.

AVGVST. ALEN DV S hic est gloria.

GELLIVS. NEC uero scientia iuris maioribus suis Q. Aelius Tubero defuit, doctrina etiam superfuit.

H O R T E N S I O.

NONIVS. SED ad extremum pollicetur probaturum quæ se ipsa comest, quod efficit dialecticorum ratio.

ACGVST. Beati certe omnes esse uolumus.

AVGVST. Falsum id quidem. uelle enim quod non deceat, id ipsum miserrimum est: nec tam miserum est non adipisci quod uelis, quam adipisci uelle, quod non oporteat.

Prudentia

Ciceronis.

87

Prudentiæ partes sunt, memoria, intelligentia, AVGVST. prouidentia.

Tu ne pseudomenos, & soritam, & totam dialecticam aut illudis, aut increpas. NONIVS.

Sufficit ad gloriam bene facti conscientia. SERVIVS.

Tum intelligas, quàm illud non sit necessarium quod redundat. NONIVS.

Eiusq. (ut breuiter totum explicem) omne institutum uoluntatemq. omnem successio prospera consecuta est. AVGVST.

Solertiamq. eam posset, uel in tegulis profeminare ostreas. NONIVS.

Tunc obsequatur naturæ, cum sine magistro senserit, quid natura desideret. AVGVST.

Quæ nobis dies noctesq. considerantibus, acuentibusq. intelligentiam, quæ est mentis acies, cauentibusque, ne quando illa bebescat, magna spes est, aut, si hoc quod sentimus & sapimus, mortale & caducum est, iucundum nobis, perfunetis muneribus humanis, occasum, neque molestam extinctionem et quasi quietem uitæ

## Fragmenta

uita fore: aut, si, ut antiquis philosophis, hisq.  
maximis lógeq. clariss. placuit, eternos animos  
ac diuinos habemus, sic existimandum est, quo  
magis hi fuerint semper in suo cursu, (id est in  
ratione & inuestigandi cupiditate) et quo mi-  
nus se admiscuerint atque implicuerint homi-  
num uitij atque erroribus, hoc illis faciliorem  
ascensum & reditum in cælum fore. Quapro-  
pter ut aliquando terminetur oratio, si aut ex-  
tingui tranquille uolumus, cum his artibus ui-  
xerimus, aut si ex hac in aliam haud paulo me-  
liorem domum sine mora demigrare, in his stu-  
dijs nobis omnis opera & cura ponenda est.

## DE GLORIA.

FESTVS. OPPIDORVM appellationem usurpatione ap-  
pellatam esse, existimo quòd opem darent.

CARISVS Quo stante, & incolume.

## DE CONSOLATIONE:

PLINIVS. CRANTOREM sequor.

LACTAN. Iccirco nati sumus, ut scelerum pœnas luereamus.

DE

## Ciceronis.

88

## DE SVIS CONSILIIS.

SED ut aliqua similitudine adductus, maximis BORTH.  
minima conferam, ut cum uinolenti adolescen-  
tes, tibiæ etiam cantu, ut fit, instincti, mu-  
lieris pudicæ fores frangerent, admonuisse tibi-  
cinam, ut spondeum caneret, Pythagoras dici-  
tur: quod cum illa fecisset, tarditate modorum  
& grauitate cantus illorum furentem petulan-  
tiam resedisse.

## ACADEMICA.

ACADEMICO sapienti ab omnibus cæterarum AVGVST.  
sectarum, qui sibi sapientes uiderentur, secun-  
dæ partes dantur; cum primas sibi quenq. uen-  
dicare necesse sit. ex quo potest probabiliter cõ-  
fici, eum recte primum esse iudicio suo, qui om-  
nium cæterorum iudicio sit secundus.

Mos fuit Academicis occultandi sententiam suã, AVGVST.  
nec eam cuiquam, nisi qui secum ad senectũ-  
tem usque uixissent, aperiendi.

## DE NATVRA DEORVM.

NON sunt ista vulgo disputanda, ne susceptas LACTAN.  
publice religiones disputatio talis extinguat.

DE



Fragmenta

DE DIVINATIONE.

DIOMED. PRAETEREA similiter cohortatione circum  
conciliabula antecellunt :

DE LEGIBVS.

AVGVST. OCTO pœnarum genera in legibus continen-  
tur, damnum, uincula, uerbera, talio, igno-  
minia, exilium, mors, seruitus.

PRISC. Defensrix.

EX TOMO QVARTO.

POETICA omnia.

Qui sunt sexcenti quinquaginta amplius uersus.

INCERTA.

PLINIVS. IN libris de Repub. Platonis me comitem profi-  
teor in Consolatione filiæ, Crantorem sequor,  
item Panætium de officijs.

AVGVST. Omnium pectora sic attingit, ut cogat in gemitu.  
Nulla

Ciceronis.

Nulla sunt occultiores insidie, quàm quæ latent in  
simulatione officij, aut in aliquo necessitudinis  
nomine. AVGVST.

Arcera.

NONIVS.

Existimaui honestissimas molestias posse deponi,  
ubi me ad philosophiam retulissem. NONIVS.

Ferem.

FORTVN.

Ad militiam euntibus dari solebant custodes, qui-  
bus primo anno regerentur. SERVIVS.

Cû peccere uel ledere potuissem, ignoscendi quæ-  
rebam causas, non puniendi occasiones, quod  
iudicis lenti & considerati est proprium. MARCEL.

Infelices esse qui omnia licere sibi existimarunt. MARCEL.

De plebeia fece sellulariorum. AVGVST.

Erithreo oppido superpositum montem Mimanta. MARCEL.

Qui fuit locus religiosissimus, is erit desertissimus,  
& custodia castrorum non honoris, sed oneris  
existimatur. DIOMED.

Lex

**LACTAN.** Lex Dei præclara, & diuina semper, quæ recta et honesta iubet, aetat praua & turpia: cui parentem sanctissima, ac certissima legi, iuste ac legitime necesse est uiuere.

**LACTAN.** Atque adeo in plerisque ciuitatibus intelligi potest, acuenda uirtutis gratia, aut quo libentius reip. causa periculum adiret optimus quisque, uirorum fortium memoriam honore deorum immortalium consecratam.

**PISTVS.** Ructaretur.

**QVINT.** Dic mihi quaeso Xenophontis uxor, si uicina tua melius habeat aurum, quam tu habes, utrum ne illius, an tuum malis? illius, inquit. Quid? si uestem & ceterum ornatum muliebrem pretij maioris habeat, quam tu habes, tuum ne, an illius malis? illius uero respondit. Age sis, inquit, si uirum illa meliorem habeat, quam tu habes, utrum ne tuum uirum malis, an illius? Hic mulier erubuit, & merito: male enim responderat, se malle alienum aurum, quam suum. nam est id improbum. At si respondisset, se malle aurum suum tale esse, quale illud esset; potuisset pudice respondere, malle se uirum suum talem esse, qualis melior esset.

Hæc

Hæc sunt quæ post Sigonium adijcienda putauimus: interim his frustis atque particulis contenti sumus, dum aliquis rem ipsam totam, aut bonam sane illius partem, quam premit fortassis hætenus & occultit, in lucem proferat, studiosisq. eorum studiorum plane satisfaciat: qui si est sane eiusmodi uir, ut publicam utilitatem, sine suo præsertim ullo incommodo, amet, sicut debet; cordiq. habeat, ne is nobis, pro sua integritate, thesaurum hunc diutius iam non inuidebit: qui illi etiam profecto maiori gloriæ erit cum omnibus communicatus, quam nunc est uoluptati, sibi uni asseruatus. Sin est, ut aut is nulla publicæ utilitatis, nulla priuata suæ gloriæ ratione adduci se ad rem honestissimam patiat, aut uero potius res ipsa, quam tantopere desideramus, æternis est immersa & circumfusa tenebris, illis, unde negant redire quenquam: tum nos quidem desiderium nostrum reliquis istis consolemur: illum autem, si quis eiusmodi est, qui hoc tanto bono genus humanum per inuidentiam defraudet, omnibus illis probris atque maledictis dignissimum iudicemus, quæ hoc nomine in ipsam uetustatem immerito, ut ego quidem existimo, à non nullis conferuntur.

Restat ut scholia exhibeamus.

N. ANDR.



ANDR. PATRICII  
IN TOMVM PRIMVM  
FRAGMENTORVM  
M. TVLLII CICERONIS  
SCHOLIA.

**I**MPERAVI mihi, ne quid sciens in his meis  
adnotationibus eorum attingerem, quæ à Sigo-  
nio ante me dicta & memorata fuerunt. quid  
enim hunc honorem erudito viro non habeam?  
aut quid etiam cum me, tum lectorem quoque  
ipsum inani molestia onerem? id quod hoc qui-  
dem loco semel pro omnibus dictum esto.

Orationes Ciceronis, præter eas quidem, quæ nul-  
gatis libris continentur, has fuisse reperio,  
primum,

pro Tullio.  
pro Oppio.  
pro Vareno.  
pro Fundanio.  
pro C. Cornelio, quæ duæ sunt.  
in Competitores.  
pro Gallio.  
de proscriptorum filiis.  
Metellina.  
De suo Consulatu.

in

In Tom. I. Fragm. 91

in Clodium & Curionem.  
de Rege Ptolemaeo.  
pro Scauro.  
pro Gabinio.  
pro L. Coruino.  
de L. Othone.  
in deponenda provincia.  
de L. Bestia.  
in Gabinium.  
pro Crispio.  
pro Vatinius.  
pro Q. Mucio.

de lege Agraria brevis: et si quæ sunt

aliæ: quarum priores xv fuerunt nuper à Si-  
gonio, quoad eius fieri maxime potuit, cum  
fragmentis in lucem propositæ, reliquæ uix no-  
minis uestigium retinent ex tanta calamitate.  
Ac de illis quidem uel alij ante nos iam dixe-  
runt, uel nos etiam suo loco dicturi sumus. De  
ijs, quas adhuc latere in obscuro dictum est,  
aliquid, ut puto, nunc præfari necesse est: ut  
aliqua saltem ex parte labenti iam & occiden-  
ti illorum memoria succurramus.

Itaque orationis quidem pro L. Coruino mentio-  
nem apertam facere uidetur Quintus Marci  
frater Cicero in libro de petitione Consulatus.  
Hoc biennio, inquit ad M. fratrem, quatuor  
sodalitates ciuium ad ambitionem gratiosissi-

N 2 morum

morum tibi obligasti, M. Fundanij, Q. Gal-  
lij, Cn. Cornelij, L. Coruini: & horum in  
causis ad te deferendis quidnam eorum sodales  
receperint & confirmarint, scio, nam interfui.  
Quo quidē ex loco tempus etiam cōstat habitae  
eius pro Coruino orationis. habitae est enim il-  
lo biennio ante Consulatum M. Ciceronis. Quā-  
quam Coruinum ne, an Coruum appellare de-  
beamus, alij abunde adnotarunt.

De Othone, mentio est lib. 2. ad Atticum Episto-  
la 1. loco noto, De Consularibus orationibus.  
ubi hanc orationem inter Consulares tertiam  
nominat: unde constat sanē de ipsius tempore.  
De argumento docere nos potest, primum Ci-  
cero ipse, qui in oratione pro Murena sic scribit.  
L. Otho, uir fortis, meus nēcessarius, Equestri  
ordini restituit non solum dignitatem, sed etiā  
uoluptatem. itaque lex haec, inquit, quae ad lu-  
dos pertinet, est omnium gratissima, quod ho-  
nestissimo ordini cum splendore fructus quoque  
iucunditatis est restitutus. Quō respiciens e-  
tiam Iuuen. Sat. 111. inquit. Sic libitum ua-  
no, qui nos distinxit, Othoni. Deinde apertius  
de eadem re docere potest Plut. in Cicerone,  
qui narrat, cum is Otho (trib. pl. ut ex epit.  
99. constat,) quem Asconius in extremo Cor-  
nelianae primae, L. Roscium, Othonem bene,  
Consulem male nominat, equites a plebe in  
theatro

theatro separasset, offensaq. plebs illum in spe-  
ctaculum prodeuntem sibilis & conuitio exci-  
peret; Ciceronem cos. cum summa modestia  
plebem in ade Bellonae increpuisse, hac quidem  
oratione quam dico de Othone. De cuius suc-  
cessu orationis, dum dicere cogito, temperare  
mihi profecto non possum, quin uerba Plinij,  
quae lib. VII. cap. XXX. scripta reliquit,  
hoc tempore referam. Quo te M. Tulli piacu-  
lo taceam, quae ue maxime excellentem insi-  
qui praedicem? quo potius, quā uniuersi popu-  
li illius gentis amplissimi testimonio, & tota ui-  
ta tua Consulatus tantum operibus electis? Te  
dicente legem agrariam, hoc est alimenta sua  
abdicauerunt tribus: te suadente, Roscio, thea-  
tralis auctori legis, ignouerunt, notatasq. se  
discrimine sedis aequo animo tulerunt. & quae  
sequuntur.

De oratione in deponenda prouincia, locus idem il-  
le testatur, qui consulares orationes recitat, li.  
11. epistolarum ad Atticum. Res ita habet.  
Cicero & Antonius coss. cum prouincias for-  
titi essent, Ciceroni Macedonia, Gallia Anto-  
nio euenit: postea in gratiam Antonij Macedo-  
niam illi concessit, Gallia recepta, in quam ta-  
men & ipsam profectus non fuit, sed Metellus.  
Celerem misit cum imperio. testatur Dio lib.  
XXXVII. de qua re etiam aliquid in epistola



II. lib. v. fam. sub initium. Sallustius in Catilinam sic habet. Cicero, inquit, collegam suum Antonium passionem provinciae perpulit, ne contra Rempublicam sentiret. Unde in or. in L. Pisonem. Ego, inquit, provinciam Galliam, senatus auctoritate, exercitu & pecunia instructam & ornata, quam cum Antonio commutavi, (sic enim lego, non, ut ubique legitur, commutavi,) quod ita existimabam tempora reipublice ferre, in concione deposui, reclamante populo Romano.

De L. Bestia, orationeque de eo habita, sic scribit Tacitus lib. de Oratoribus. Satis constat C. Cornelium, & M. Scaurum, & T. Milonem, et L. Bestiam, & P. Vatinius concursu totius civitatis & accusatos esse, & defensos. Cicero etiam ipse II. ad Q. fratrem, sic. Ad III. idus dixi pro Bestia de ambitu, apud praet. Cn. Domitium in foro medio maximo conventu, &c. Intelligendum est autem fortassis Bestia is, qui cos. Cicerone tribunatum pl. gessit, & qui, ut scribit Sallustius in Catil. queri in concione debuit de actionibus Ciceronis, bellique gravissimi invidiam optimo cos. imponere. de quo etiam Brutus in epistola ad Atticum, quae est in libro epistolarum ad Brutum. Equidem oratio fuit habita Marcellino & Philippo cos. Effectum autem non fuisse consecutum ostendit II. Philipp.

Philipp. Unde etiam intelligi datur, de ambitu illum in Praeturae petitione fuisse accusatum. Quid Bestiam, inquit Cicero, qui se Consulatum in Bruti locum petere proficitur? atque hoc quidem detestabile omen auertat Iupiter. Quam absurdum autem, qui Praetor fieri non potuerit, eum petere consulatum?

In Gabinium autem quoque scriptam fuisse à Cicerone orationem, Quintilianus aperte testatur lib. II. cap. I. Dixit Cicero pro Gabinio & P. Vatino, inimicissimis antea sibi hominibus, & in quos, inquit, orationes etiam scripserat. Interim autem nimium non pugnabo, an praeter eam in L. Pisonem, in qua non minus perstringit Gabinium, proprie scripserit aliam in ipsum Gabinium. Locus certe in Laetantio cap. XLIX. lib. IV. in nonnullis exemplaribus perperam habet crucem Gabinianam, pro Gaianam. Respicit enim manifeste ad Verris factum crudele, qui P. Gaium cruci affixerat. de quo Cicero VII. Verr.

Orationis pro Crispio meminit ipse Cicero, in ea pro Cn. Plancio, sic Laterensem alloquens. Atque etiam clauis Laterensis, Quousque ista dicis? nihil in Crispio perfecisti. Absolutae iam sunt preces tuae. De Crispio mihi ne tu obijcias? inquit, quem ego de me bene meritum, quia te teste cognoueram, te eodem auctore defendi?

fendi? et ei dices, quousque, quem negas, quod pro Crispio contenderit, impetrare potuisse? et infra. Et mihi lachrymulam Crispiani iudicii obiecit. Significat enim & Crispium se cum contentione defendisse, & eum tamen absolutum non fuisse.

De Vatiniiana illud habeo quod dicam, Vatiniū à Cicerone & perstrictum fuisse oratione, quæ extat, & defensum hac ista, de qua loquimur, & quam perijisse querimur. Habita certe fuit iisdem coss. quibus pro M. Scauro, ut scribit Ascon. initio statim expositionis suæ pro M. Scauro. De hac ita Cicero lib. II. ad Q. Fratrem epistola ultima. Ego eodem die post meridiem Vatiniū aderam defensurus. Existimo autem non tam id personæ cuiusquam, sicut quidam existimant, quàm rei & ueritati Ciceronem tribuisse, ut Vatiniū defenderit. Sic enim extat apud Quint. lib. II. cap. I. quem locum paulo etiam ante citauimus. Decet rem ipsam probare in qualicumque personâ. Dixit Cicero pro Gabinio, & P. Vatiniō, inimicissimis antea sibi hominibus, & in quos orationes etiam scripserat. Valerius lib. IV. cap. II. duobus eum publicis defensum iudicijs esse scribit. Certe cū Vatiniō ad extremū usque inimicitias exercuisse Ciceronem, testantur ea quæ inter eos à Quint. lib. VI. cap. IV. relata sunt. Primum

mum quod nuntiata ipsius morte, cuius parum certus dicebatur auctor, Interim, inquit Cicerō, usura fruar. Deinde cum Quinū liberum ipsius interrogasset, recte ne omnia, & is, recte, respondisset, Nimirum mortuus est, inquit. Huius orationis sic meminit D. Hiero. in Apologia aduersus Rufinum sub finem: cum prius mentionem fecisset Ciceronis. Lege, inquit, pro Vatiniō oratiunculam, & alias ubi sodalitiū mentio fit.

Pro Q. Mucio etiam illum dixisse, constabit, ex fragmentis orationis in toga candida. accusabatur nimirum is furti à L. Caleno.

De breui una, quæ de lege quoque fuit Agraria, sic ipse eodem illo sæpe nominato loco, lib. II. Att. Sunt præterea due breues quasi æconomica. legis agraria. Extat autem una, alteram desideramus.

Duas præterea ipsius orationes legisse se Brutus significat in epistolis, quæ infra recitabuntur.

Defensos etiam & accusatos fuisse plerosque alios à M. Cicerone, sunt quæ testentur, cum ipsius, tum scriptorum aliorum monumenta: de quibus uel unum illud interea sufficiat, quod ita scribit ipse in Oratore suo ad Brutum de suis orationibus. Nemo, inquit, orator tam multa ne in Græco quidem otio scripsit, quàm multa sunt nostra. Scripsit igitur, sed omnium ta-



men aut defensionum aut accusationum uix arbitror orationes scriptas extitisse. Defendit enim Antonium, collegam suum, ut ipse ait in ea pro domo. Accusauit cum T. Munatium Plancum Bursam, (de quo scribit ipse li. xii. fam. epistolarum, & Dio, in tertio Consulatū Pompeij) tum ceteros, de quibus Pædianus in fine Commentarij in Milonianam. Equidem ipse ad Q. fratrem lib. iiii. Diem scito, inquit, esse nullum, quo die non dicam pro reo. Sed orationes tamen editas, ut dixi, fuisse non comperlo. quin & earum, quas superius descripsi, accusationum, & defensionum omnium, non ualde affirmauerim orationes editas fuisse. nam & pro Mucio profecto orationem, scribit disertè Asconius editam non fuisse: nisi fortasse pleraque omnia in Commentarijs reliquerit.

Aeschinis autem & Demosthenis contrarias orationes in hoc numero non recenseo, quòd eæ non in foro habite, sed in otio de Græco conuersæ fuerunt. Vide de his Ciceronem ipsum in fine libri de optimo genere Oratorum.

## In orationem pro M. Tullio.

Si quis furem.] Solebat Carolus Sigonius pro sua humanitate & erga me beneuolentia singu-

singulari, quo tempore illa sua fragmenta Veneretis cudebantur, ut fere quodque folium ex officina librarij exierat, id ad me Patavium mittere, itaque, cum eius etiam orationis ad me folium misisset homo officiosissimus, scripsi uerecunde, uideri postremum hunc orationis locum non optime habere, corrigendumq. ad eum fortassis modum esse, ut pro, Quid si se telo defenderit? iniuria, legeretur, Quid si se telo defenderit? haud iniuria. Quam nostram emendationem quomodo acceperit uir eruditissimus, satis indicauit, cum ita ad finem libri sui adiiciendum curauerit. Quid si se telo defenderit? iniuria. quid ita? quia constitutum est. Hæc, inquit, uerba ita citantur à Quintiliano, sententiæ autem ratio postulat, ut legatur, Haud iniuria. quod acute uidit Patricius. Nunc etsi de ueritate emendationis, approbante Sigonio, dubitare non oporteat, tamen, quibus rebus adductus ad emendationem ipsam descenderim, putavi mihi breuiter esse exponendum. Habet Cicero in ea pro Milone sub initium, Quod si duodecim tabule nocturnum furem quoquo modo, diurnum autem, si se telo defenderit, interfici impune uoluerunt, quis est, qui. et quæ sequuntur. Gellius autem scribit lib. ii. cap. xlii. Decemuiui, inquit, furem, qui manifesto furto prebensus esset, tum demum occidi

occidi permiserunt, si aut cum faceret furtum, nox esset, aut interdiu se telo, cum prehenderetur, defenderet. Nota est igitur sententia xii. tabularum, furem, si se telo defendisset, perimi sine iniuria licuisse. Sed & in libris veterum iurisperitorum extant eius rei aperta uestigia. scribit enim Ulpianus L. Nec timorem. D. de eo quod metus causa. Non omnem, inquit, adulterum licet occidere, vel furem, inquit, nisi se telo defendat. Et multo apertius Caius, in L. Itaque D. ad L. Aquiliam. Lex xii. tab. inquit, noctu furem permittit deprehensum occidere, ut tamen id ipsum cum clamore testificetur. Interdiu autem deprehensum ita permittit occidere, si is se telo defendat, ut tamen quoque cum clamore testificetur. Hic autem respicit profecto orator ad uim eius legis, ut quemadmodum quidem locus legi debeat, dubitari nihil possit. Sigonius fragmentum esse ex Quintiliano desumptum significat. Ego locum interim non reperi, nisi quod lib. vi. cap. i. v. fere in medio, Tullium nescio quem, cum fur esset, Tullium dictum inuenisse se asserit. Cohæret autem mirifice fragmentum hoc cum superiore. Quis hoc statuit unquam, &c. Ut inde ad hunc ferme modum uideatur esse inferendum. Ne ipse posterius occideretur, Huius autem rei tanta

ta uis est, ut id fere solum licere nobis putemus, quod lege statuitur, quod non statuitur, non putemus. Si quis furem. et quæ sequuntur.

In orationem pro L. Varenio.

CÆTERA ex Sigonio. De effectu huius orationis scribit Quint. lib. vii. cap. iiii. quo loco agit de probatione ex causis. Nam cum accusatorem satis instruxisset, quomodo probationem hanc tractare debeat. Patronus uero, inquit, quoties poterit, instabit huic loco, ut nihil credibile sit, factum esse sine causa. Quod Cicero uehementissime, inquit, multis orationibus tractat, præcipue tamen pro Varenio, qui omnibus malis premebatur. nam & damnatus est.

C. Ancharius. ] Ex Prisciano.

Lege de sicariis. ] Videndum an Ciceronis sit. Quintilianus enim neminem citat, sed exempli tantum loco ponit. In eodem fragmento, pro L. Varenium occidendo, lego, C. Varenium occidendo. errauit nimirum librarius.

L. ille Septimius. ] Sumptum ex Prisc. lib. iiii. Extremum autem eius fragmenti extat etiam apud Quintil. lib. viii. cap. iiii. non longe initio. Erucius Antoniafter. De hoc Erucius



And. Patric.

*Erucio, uide orat. pro Sext. Roscio Amerino. Totum hunc locum, sicut est, correxit & emendauit P. Victorius lib. XIV. cap. XXIII.*

*Var. leet.*

*Ea cædes si potissimum. ] Reposui, eò potissimum, ex meo Prisciano, lib. XII. in fine.*

*Deum fidem. ] Ex Prisc. lib. VII. pro deorū.*

In orationem pro P. Oppio.

**P**REMEBATVR is Oppius in primis Cottæ testimonio, scribit etiam Sigonius. Probare id autem eleganter potest ex Quintil. lib. v. cap. XIII. Superba, inquit ille, actio est, ut in Oppium, ex epistola Cottæ reum factum. Sed hunc etiam Quintiliani locum citat Sigonius fragmento extremo.

*Vtrum cum Cottam appetisset, aut cū ] Legendum fortassis, an cum.*

**E**tenim multum posse. ] *Sumptum ex Marcellino, lib. XXX. Isocratis uox est perpetua, inquit, docentis ignosci debere interdum armis superato rectori, quàm iustum, quid sit ignoranti. Vnde motum existimo Tullium præclare pronuntiasse, cum defenderet Oppium, Etenim multum posse, & q. 5.*

**O** amorem mirum. ] *Ex Quint. lib. IX. cap. II. in medio. Non in personis tantum, inquit Quint.*

In Tom. I. Fragm. 97

*Quint. sed & in rebus uersatur, hæc contraria dicendi, quàm quæ intelligi uelis, ratio, ut totum pro Q. Ligario proæmium, & illæ eleuationes, uidelicet, O dij boni, Scilicet is superioris labor est, et ille pro Oppio locus, O amorem mirum, &c.*

In orationem pro M. Fundanio.

**M**EMINIT eius orationis præter ceteros à Sigonio nominatos & scriptores et locos, etiam Seruius in IX. Aeneid. illud, Portam quæ ducis imperio commissa. Commissa, inquit Seruius, clausa. Commissura enim dicitur tabularum cōiunctio, sicut Cicero in Fundaniana meminit.

**N**on modo hoc à Iulio Annale. ] *Annalium familia ex gente erat Villia, ut erudite Sigonius in Liuij lib. XL. adnotauit, ex epistolis Cælij manuscriptis. quo fit, ut mirer eum hoc in loco pro Iulio non reposuisse, Villio.*

**Arcades se profelcnos. ] Ausus sum hoc fragmentum in contextum recipere, Seruij auctoritate commotus in II. Georg. quam etiam adducit Sigonius. De antiquitate Arcadium, nos quoque olim ipsi, in illud Ouid. I. Fastorū, pleraque annotauimus.**

*Orta prior luna (de se si creditur ipsi)*

*A magno tellus Arcade nomen habet.*

In

**H**ABET oratio implere poterat, ut ex Asconio conijcio, undecim folia excusa: aequabat se enim magnitudine ei, quæ pro domo sua habitata fuit. nunc uix folium ex ea retinemus, decem autem partes amissæ sunt.

**U**t ab Ioue opt. max. ] Morem hunc inuocationis in iudicijs, præter ea quæ adduxit Sigonius, eleganter et totidem pene uerbis expressit alibi ipse Cicero VI. in Verrem. Quid huic, inquit, sacri unquam fore, aut quid fuisse religiosi putatis, qui nunc tanto scelere se obstrictum esse non sentiat, qui in iudicium ueniat, ubi ne precari quidem Iouem opt. max. atque ab eo auxilium petere more omnium possit?

**Q**uid Metellus. s. n. ac u. cum bis iurasset, semel priuatim, priuatum parte publice legis deiectus est ratione, an ui, an ueri suspicionem animi tollit, etc. ] Locum esse uitiosum asterisci indicant, qui plurimi sunt in meo Asconio. In restituendo, primum sensus ipse requirit uerbum, iterum: idq. etiam aperte est in commentario Asconij. Cætera attingere uix audeo. Quid tamen si sic? Cum bis iurasset, semel priuatim,

tini, iterum aperte & publice, tamen is deiectus est accusatione, an ui, an ueritate. in quo suspicionem omnem tollit C. Curionis uirtus; &c. ] Expono.

Metellus bis iurauit Curionem accusare, semel priuatim, à patre moriente adaetus, ut testatur Asconius, iterum aperte & publice, legatus, ut habent vulgares libri in Asconij commentario, ut ego autem legendum existimo, lege actus. (respondet enim illi, à patre adaetus, significatq. iuramentum calumniæ, de quo multa in libris iurisperitorum) & tamē desistit accusatione; siue ui, metuebat enim ipse quoque Curionis accusationem, de qua Asconius in commentario: siue ueritate, ut qui non tam ex ipsius merito, quam ex patris sui uoluntate Curionem accusaret, (quanquam hoc quidem à Cicerone causæ interim seruiente dici existimari debet.) Quin tu igitur quoque, o accusator, desistis accusatione tua? præsertim cum in hoc Metelli factò, ne quid prorsus turpe subesse existimare possis, ipsius faciat & Curionis probitas nota et perspecta. Hoc enim addidit teste Asconio, ut tegeret. (sic enim lego, non, ut est in omnibus, quæ uidi, exemplaribus, legeret) id quod illi utilius inter se, quam honestius fecerant. Hæc cum ita scripsissem, uenit in mentem alia lectio, haud multum  
O etiam



etiam ab hac differens, sic. METELLVS S. NOB. AC VIR. CVM BIS IVRASSET SEMEL PRIVATIM, A PATRE, ITERVM PVBLICE, LEGE ADACTVS, DEIECTVS EST. Cætera, ut iam dixi. Erroris occasio fuit, quòd librarius uerbum, priuatim, modice commutatum inaniter repetierat, & pro, patre, parte reposuerat, & particulam, iterum, omiserat, & pro, adactus, quòd erat proximum, deiectus, quòd erat remotius, posuerat, & omnem, in, animi, commutauerat.

Sed postquam semel in eius loci emendationem ingressus sum, asseram adhuc opem, quàm possum, Asconio. Is ita loquitur in eorum uerborum expositione. Hoc exemplum, inquit, adfert hoc loco, quòd uult probare, desistere eum debere ab accusatione, quanquam neque accusauerit, neque fecerit pactionem. Puto enim pro accusauerit, accusatus fuerit, esse reponendum.

Nam cum is trib. pl. &c. id extra ordinem fuit. ] Non immuto, quod uir doctus Sigonius reposuit, admoneo tantum, apud me in Asconio sic legi. IN VESTRI ORDINI. \* fuit. Dicitur est etiam supradictis legibus, &c. Ut rō fuit, uideri possit non ad Ciceronis, sed ad Asconij commentarium pertinere.

tinere. Illud autem IN VESTRI ORDINI \* aliquo fortassis alio modo corrigi posse. Nam quòd Asconius, extra ordinem, habet, non cogit nos illud idem in Ciceronem recipere. Sed tamen, ut dixi, nihil muto de Sigonio: quia & sententiam habet, & à me melius hoc tempore reperiri nihil potest.

Est utique ius uetandi. ] Ante eius fragmenti initium, sic lego in Asconio. Circa medium, quo loco numerat, cum lex feratur, quot loca intercessionis sunt. Reliqua esse corrupta, indicat asteriscus in meo libro expositus. Ipsa autem uerba Ciceronis ita in meo Asconio sunt perscripta. EST UTIQUE IUS VETANDI CVM EA FERATVR QVANDIV \* FERVNDI TRANSFERVNTVR. ID EST \* LEX DVM PRIVATI DICVNT DVM \* DVM SITELLA DEFERTVR. Quibus sane uerbis tot esse appositos asteriscos, indicium est loci corrupti & uitiati. Quid nos? possumus ne aliquam facere medicinam? nix puto, sed tamen conatui nulla est pœna proposita. Itaque sensum fragmenti cum ex Asconio ostenderim, numerari hoc quidem loco ab oratore, quot loca intercessionis sint, cum lex feratur, uidendum esse puto, an aliquid ad eum modum legi possit. EST UTIQUE IUS VETANDI CVM EA FERATVR, RATVR,

RATUR, QVANDIV VIDELICET  
NON PERFERTVR, ET QVANDIV  
VARIIS ADHVC OPINIONIBVS II  
QVI SVFFRAGII CONVENIYNT  
GRATIA FERVNDI TRANSFERN-  
TVR, IDEST PRORSVS ANTEQVAM  
FIAT LEX, DVM PRIVATI DICVNT,  
DVM TABELLAE DIRIBENTVR,  
DVM SITELLA DEFERTVR, &c.

Totum autem hunc morem, de priuatorum concionibus, tabellis diribendis, sitella deferenda, aequatione sortium, sortitione ipsa, copiose ante me explicarunt, Gruchius, qui de comitijs; & Paulus Manutius, qui de legibus Rom. eruditissime scripserunt. Ego sensum tantum Ciceronis uerbis paucis illustrabo. Ius, inquit, legi intercedendi, uel proprie magis, uetandi, (hoc enim uerbo solenni, qui intercedebant, utebantur) est, eo die quo ipsa fertur, non cum ante trinundino promulgatur. alioqui enim ante tempus, ut Lilius lib. xlv. ait, intercessio fieri uidebatur. neque cum iam perlata est, id quod Plato etiam in libris suis nominatim prohibuit, sed in ipsis comitijs legum ferendarum causa, ubi lex iam a pracone recitata, a populo autem nondum iussa & accepta est: dum priuati dicunt, producti in concionem a magistratu, legem suadendi, aut dissuadendi gratia; dum

dum tabellae, duabus notis. V. R. & A. insignitae, populo diribentur, id autem est, distribuantur: dum sitella, in quam tabellas diribitas coniiciant, deferitur per rogatores, dum aquantur sortes, hoc est dum sitella ita agitur, ne qua fors subsultans existeret, sed ut pariter omnes aequata iacerent; dum sortitio fit, i. dñs sortes ipsae & tabellae ex urna extrahuntur, dum alia denique sunt eiusdem generis.

Vnum tamen, quod hoc ipso tr. pl. ] L. uidelicet Trebellio, ut exponit Asconius, qui quidem locus Asconij, post aliorum emendationem, etiam mea sententia sic legendus est. L. autem Trebellius tribunus pl. est, quem non nominat. Nam uerbum, est, abest ab exemplaribus.

Codicem attigit. ] Sumpsit ex Quint. lib. v. cap. xiiii. Si accusator est minus efficaciter locutus, ipsa eius uerba ponantur: sin acri et uehementi usus fuerit oratione, eandem rem nostris uerbis mitioribus proferamus. ut Cicero pro Cornelio: Codicem attigit. Videlicet, cum dicturus erat, Codicem praconi aut scribae eripuit, ipseque recitauit. Est enim sermo de Cornelio ipso, pro quo habetur oratio. Quod ut intelligi possit, sciendum, ipso die ferendae legis, solitum fuisse ipsam legem a pracone recitari, subiciente scriba, ut constat ex Asco-



nio, in argumento huius orationis. Nam ex Plut. in uita Catonis Vticensis, illud modo constat, per alium quendam ministrum, non per eum, qui ipse legem ferret, legem recitari solitam. de quo etiam uide Appianum li. i. bell. ciuiliū. Nunc autem contra perpetuam istam consuetudinem, Cornelius ipse legislator, impediēte Globulo collega praconem recitare, & scribam subijcere, ipse recitauit. De quo uide etiam orationem in Vatinius sub initium. Ut spectaculum.] De eadem re loquitur in oratione in toga candida.

Res uulgare nomen esse Philerotis.] Meus Asconius, Res \* uulgare nomen esse Philerotis. Quid, si lacuna & esse concedatur, & repleatur sic? res nota est, uulgare nomen esse Philerotis.

At enim extremi ac difficil. t. uocem illam &c.] De hac uoce, quod huc in primis pertineat, uide Cicer. i. i. i. Tusc. ubi de nece Tib. Gracchi; & eundem in ea pro Rabir. perduellionis reo, & Liuium lib. xxi. post Cannensem pugnam, et alibi alios.

Potestate abalienemur \* Qui restituatur.] Hic aliquid deesse, & res ipsa indicat, et notat asteriscus, qui etiam in Sigoniano Asconio non deest.

Romam armati reuerterunt.] Nam infra

fra ubique eodem casu, confederunt, uenerunt, creauerunt. Alioqui libri, quos uidi, hoc quidem loco habent, reuertuntur.

Per Pontificem, quod magistratus nullus erat.] Notandus locus de Pontificatu, quem quidam magistratum esse negant, alijs affirmantibus. qua de re quæ sit nostra sententia, in miscellaneis nostris coniectationibus exposuimus, an potius exponemus.

Qui eloquentia cæteris.] Ex Prisc. lib. x.

In secundam pro Cornelio orationem.

SED si familiariter.] Recte Sigonius adnotat, cum Q. Catulo agi: sed plura non dicit tamen, præsertim cum menda in contextu insideat; quam ego hoc in loco leuabo, ut opinor, ex ipsius Sigonij mente atque sententia. Si enim cum Q. Catulo agit, profecto cum loquitur, auunculi tui Q. Catuli, expeditius est, ut legatur, auunculi tui Q. Catule, nec expeditius solum, sed etiam uerius. Loquitur enim de Domitia tribuno pl. Q. Catuli auunculo, ut aperte extremum fragmenti insequentis attestatur. Quid? Idem Domitius & q. s. Q. autem Catulus Q. Catuli, quem Cicero alloquitur, auunculus esse non potuit, quod notum

fit, uel iam ex libris iurifconsultorum; cognatos in familia non esse, adgnatos tantum esse: quodd uidelicet ij soli gentilitatis ius habeant. Legendum igitur, ut dixi; auunculi tui Q. Catule.

Quid? auunculus tuus, clarissimus uir.]

Quid sit clarissimus, alio loco ostēdit. Asconius. cuius uidelicet maiores magistratus. adepti fuerunt. Sane hunc Domitium Q. Catuli auunculum, etiam clarissimum appellat idem Cicero, in orat. de leg. agr. ad pop. ubi etiam de erepta cooptandi potestate collegijs loquitur. de qua re ipsa scribit etiam Suet. in Nerone, & causam commemorat.

Nam neque me diuitia:] Cicero in Orat. unde se hęc desumpsisse testatur Sigonius, habet, Neque me diuitia. Ego ex Quintil. lib. ix. cap. i v. reposui, Nam neque. Illud autem, quod statim sequitur, Qui rebus his urbem &c. Sic legit Prisc. lib. x. Qui eis rebus urbem Italiamq. referferunt. Ego autem præterea in illo loco, Multi uenaliij mercatoresque, legendum existimo, multi uenaliitij, mercatoresque. Venalitijs enim, ipse seruus uenalis dicitur. Venalitiarius autem uenditor ipse seruorum, quem alij alio nomine mangonem uocant. Locus est apud Africanum li. i v. quæst. extat autem repetitus in D. uerb. et rer. significatione.

ficationibus. is ita habet, Mercis appellatione homines non contineri, Mela ait: & ob eam rem mangones non mercatores, sed uenaliitios appellari ait: & recte. Coniunxit igitur Cicero uenaliitios cum mercatoribus, ut omne genus negotiatorum complecteretur. Vtitur hoc uocabulo Vlpianus l. i. D. tribut. act. & l. xxxvii. D. Aedilicio edicto. Papinianus l. lvii. D. Mandati.

In orationem in toga candida.

In senatu esse habitam orationem, præter Quintum quem citat Sigonius, primum etiam ipsum fragmentum testimonio est.

Cum sequestribus suis.] Hos Q. frater in de petitione cons. & Marcus ipse in oratione pro Cælio, sodales alicuius appellat: in Verrem, interpretes corrumpendi: pro Plancio, corruptores. Erant uidelicet amici candidatorum, qui pro ipsis candidatis pecunias tribubus largiebant.

Nec se iam tum respexit.] Nec, pro ne, reposui. Agere autem de Catilina incipit, cum hætenus de utrisque egisse uideatur.

Vtrum æquo animo.] Ita Sigonius in Asconio suo. nam in meo abest, animo.

Alter pecore omni.] Transit ad Antonium à Catilina, itaque à superiore fragmento segregan-



gandum putavi. Quod uero mox sequitur, Alter induxit eum. ] Quem induxerit is alter, notum est ex Asconio: quid autem sit is ipse alter, non ita. Est enim lacuna in Asconio, ubi id fortassis exponebatur. Nisi quod, si contextus ipsius cursus non est interruptus, ut uideri uoluit Sigonius, de Catilina accipiendum est. Quod non satis placet, propter illud, quod inferius dicitur de Antonio ipso, teste Asconio. Atque ut istum, inquit, omittam.

Quamobrem augere. ] In Asconio est asteriscus. In meo autem ibi. Ut coepit sententia. \* *co*ss. Vix sine ope manuscriptorum proficias in emendando: nisi quod pro, perueri, ue reor ne legi debeat, perferri. hoc sensu: Si uultis P. C. praemia uestra augere, debetis Mucium, legem perferri impedire, ut coepit, cupientem, S. C. prohibere. De duobus damnatis *co*ss. *de*ss. dixisse se ait iam Asconius. Tu uide in or. pro Corn. 1. ubi sunt illa, Ut spectaculum illud. & q. f.

Te tamen Q. Muci. ] Quid uetat sententiam suam libere exponere, praesertim si absit temeritas? Nihil muto, sed tamen puto hoc fragmentum statim post illud. In iudicijs quanta uis, esse collocandum. Nam Asconius in expositione illius, In iudicijs quanta uis, recitaturus fragmentum hoc, Te tum Q. Muci, sic habet.

habet. quod ita esse, manifestum est ex eo, quod statim dicit,

Quod caput etiam tum. ] Descripsi ex Asconio, ubi lectionem sic distingo.

Quo loco dicit Catilinam caput M. Marii gestasse.

Q U O D C A P U T E T I A M T U M P L E N V M. & quae sequuntur. Esse autem haec uerba Ciceronis indicant sequentia, Asconij primum, cum ait. Ne erretis. Deinde quod de qua aede Apollinis locutus fuerit orator, declarat: quanquam declarationis etiam extremum perierit. Sepulto autem hoc fragmento, nusquam apparet ubi de hac aede Apollinis locutus sit Cicero.

Quam reliqua uita es consecutus. ] Meus Asconius, qua reliquum uita consequutus est.

Quid ego. ] Meus liber. Quid ergo. Cum autem in Sigonij libro legeretur, Quid ego, ut uiolaueris provinciam, praedicem? non ut te illic &c. repleui, praedicem, cuncto populo R. clamante ac resistente. Idq. ex ipso Asconio, qui duobus in locis recitat fragmentum, primum, extrema parte auditi, deinde prima locupletius.

Prætereo illum nefarium. ] Etiam hoc fragmentum a superiori esse putavi secernendum.

Quod auunculus nunquam. ] Hic est fortassis locus ille, quem explicans superiora Asconius, Attigit, ita loquens. L. quoque Bellienus dam-

damnatus est, quem Cicero ait auunculum esse Catilinæ. Sin minus autem is locus est, at certe, quæ inde attulimus, ualent ad hunc locum nostrum illustrandum. Ibidem in eius fragmenti extremo, cum legeretur, in tertium locum esse subiectum, reposui, esse subiectum. Quo quidem in uerbo Linium etiam error similis in quibusdam libris occupauit. Locus est. lib. XXIII. ubi de dictatura Euteonis, Ita, inquit, in demortuorum locum subiecturum, ut ordo ordini, non homo homini prælatus uideretur. Quo quidem in loco libri quidam legunt per mendum, subiecturum.

In rempub. ficas distringere. ] Alias est in repub. putauit rectius legi, in remp.

In orationem pro Q. Gallio.

POSTERIVS hanc orationem fuisse habitam oratione in toga, Asconius idem testatur, quem citat Sigonius, eodemq. illo in loco in commentario uidelicet orat. in toga. fere in medio.

Vt clamor. ] Ex Aquila & Quintiliano lib. VIII. cap. III. Quos utrosque conferre necesse est ad fragmentum recte conformandum. Nam ab utroque separatim concise nescio quo modo recitatum. Aquila plenius recitat, sed pro

pro potatione, habet potione, & omittit uerbū immūda, quod utique Quintilianus corrigit. Loquor enim. ] Alias legitur sic, Loquor enim quæ sum ipse expertus. Vnus quidam poeta &c.

An ista si uera. ] Ex Quint. lib. II. cap. ultimo propius finem, persuadendi uis, inquit, asseneratione constat, quæ interim plus ipsis probationibus ualet. An ista, inquit Callidio Cicero, si uera essent, sic à te dicerentur.

Tu istuc M. Callidi. ] Præter Ciceronem, quem solum nominat Sigonius, ex Quint. etiā lib. II. & eodem illo loco, quem proxime recitauit, & paulo ante extremum eius fragmenti peti potest. Hunc autem Callidium Gallum fuisse accusatorem, etiam Sigonius admonuit, Cui subtilitatem tribuit Quint. lib. XII. cap. x. et in Bruto à Cicerone, dulcis potius orator quàm uehemens appellatur. Dixisse autem illum pro domo Ciceronis, scribit Quint. lib. x. cap. I. affuisse autem Miloni, notat Asconius in argumento.

In orationem de proscriptionum liberis.

QVID enim crudelius, quàm homines honestis parentibus ac maioribus natos. ]



tos.] Querit Phauorinus apud Gell. lib. XIII. cap. XXIII. Ociose ne M. Cicero in orat. de lege agrar. kal. Ian. prædæ & manubiarum uocabulum coniunxerit, iterumq. coniunctim utraque repetierit, cum fere idem significare utrunque uideatur. Queramus & nos (ociosi enim uidelicet sumus) de appellatione parentum ac maiorum, coniunctim in hoc loco à Cicerone usurpatorum, ociose ne factum fuerit. Scribit Festus, uel Paulus potius lib. XIV. parentem uulgo patrem aut matrem appellari, iurisperites tamen dicere, auos et proauos, auiasq. & proauias parentum nomine appellari. Adferamus igitur ex libris iuriconsultorum aliquid, ad quos à Festo relegamur. Locus est Pauli iurisc. in lege 10 uersu Parentes D. de gradib. affinit. is ita habet. Parentes usque ad tritaum apud Rom. proprio uocabulo nominantur. Vteriores, qui non habent speciale nomen, maiores appellantur. Quod si est, ut est, plane Cicero non ornatus tantum aut numeri melioris causa usurpauit, ut parentibus & maioribus diceret, sed ut duas res duobus uocabulis exprimeret. Parentum enim nomine significauit ascendentes usque ad tritaum, maiorum autem, ascendentes ipsos ultra tritaum. Hæc ita dixisse satis erat, nisi meminissem, quibusdam eruditissimis uiris, de loco

loco Pauli recitato, secus aliquando fuisse uisum, quos nos de loco superiore ita uerba facientes audiuimus, ut Pauli sententiam aliam esse quam diximus uellent ostendere. Dicunt ex animo ne an de industria, Paulum non ita sentire, nec ita loqui, ut parentum appellationem ad tritaum tantum extendat; sed ita, ut indicaret, ascendentium propria & specialia nomina ad tritaum tantum reperiri, dicique, & patrem, & auum, & proauum, & abauum, & atauum, & tritaum: deinceps autem dici communi iam nomine et esse omnes maiores. Quam eorum expositionem cum manifesto refellat Pomponius apud Ulpianum in lege 4. de in ius uocando, qui aperte omnes ueteres existimasse refert, parentes usque ad tritaum appellari; superiores autem maiores dici: tum ipsa etiam illa Pauli uerba, quæ attulimus, si legantur attentius, redarguunt. sic enim habent: Vteriores; qui non habent speciale nomen, maiores appellantur. Nam si uera esset illa, quam adferunt, eorum expositio, dicere sane Paulus debuit præcise: Vteriores non habent speciale nomen, & non, quemadmodum dicit, Vteriores; qui non habent. Quod si, ut fingimus, sic dixisset, superflua erant quæ consequuntur, aut ad eum modum certe. efferenda. Sed maiores appellantur.

Nunc

Nunc autem, ex ijs quidem uerbis, ut leguntur in omnibus exemplaribus, Vteriores, qui non habent speciale nomen, maiores appellantur. Illud consequitur, quod est nostræ interpretationi cōsentaneum, illorum aduersum. Ergo qui citeriores sunt, & nomen habent speciale, parentes appellantur. Addidi ad finem eius fragmenti ex Quint. illud, Sed ita legibus Syllæ &c. Sic enim Quint. lib. II. cap. I. Mollienda est in plerisque alio colore asperitas orationis, ut Cicero de proscriptionum liberis fecit. Quid enim crudelius, quàm homines, &c. Itaque durum id esse summus ille tractandorum animorum artifex confitetur, sed ita legibus Syllæ contineri statum ciuitatis affirmat, ut his solutis stare ipsa non possit. Et certe ad explicandam sententiam de molliendo, necessarium Quintiliano fuit hoc additamētum adiungere, ex eodem Cicrone, in quo rationem molliendæ orationis demonstraret.

## In orationem contra concionem

Q. Metelli.

Q V I D ego de hac oratione dicam? cuius hypothesim eleganter proposuit Sigonius. Fragmenta autem ita pauca, ita etiam parua sunt, ut industriæ nostræ locus in ijs explicandis esse non possit?

possit? Nisi forte aut illud significandum nunc est, quod alio loco copiosius exponemus, locum illum, Percussisti autem me de oratione prolata, qui locus est, ex III. libro epistolarum ad Atticum, epistola Tu quidem, ad hanc orationem uix pertinere, ad illam in Clodium & Curionem magis spectare uideri: quod ante nos etiam adnotauit Paulus Manutius in eruditissimis suis in eas epistolas commentarijs. Aut (quoniam in re litteraria liberas omnium sententias esse oportet.) illud etiam obiter admonendum, quod existimo hanc orationem eandem esse cum illa, de qua Plutarchus in Crasso sic scribit. In illa, inquit, oratione, quam de suo consulatu habuit Cicero, Crassum ad se noctu uenisse refert, epistolam à Catilina missam tenentem, qua illum quasi conscium ad firmandam coniunctionem hortabatur. Atque hac de causa semper in posterum Ciceronis inimicus Crassus est habitus. De qua re tota sic existimo. Mos erat in deponendis magistratibus, concionem haberi ab eo, qui deponebat. eius rei potestate priuatus fuit Cicero à Metello trib. pl. quod utrunque ipse lib. v. epist. fam. significat: sed iurare tamen permissus cum esset, unum hoc simulatus se facturum esse, quod permitteretur, iurauit uerissimum pulcherrimumq. iusiurandum, remp. atque urbē

P

Romam



Romam sua unius opera esse saluam, sicut loquitur in oratione in Pisonem sub initium. de quo etiam in ea pro Sylla ita habet. Adestote omnes animis, qui adestis corporibus &c. Ego consul, cum exercitus perditorum ciuium claudestino scelere conflatus crudelissimum & luctuosissimum exitium patriæ conflauisset, cum ad occasum &c. meis consilijs, meis laboribus, mei capitis periculis, sine tumultu, sine deletu, sine &c. incensione urbem, internitione ciues, uasitate Italiam, interitu remp. liberaui. Ego uitam omnium ciuium, statum orbis terræ, urbem hanc denique, sedem omnium nostrum, arcem regum ac nationum exterarum, lumen gentium, domicilium imperij, quinque hominum amentium ac perditorum pœna, redemi. Et mox. An me existimasti hæc iniuratum in iudicio non esse dicturum, quæ iuratus in maxima concione dixissem? Et apertius in ea in Pisonem. Ego cum in concione abiens magistratu, dicere à tr. pl. prohiberer quæ constitueram, cumq. is mihi tantummodo, ut iurarem, permetteret: sine ulla dubitatione iuraui, Remp. atque hanc urbem mea unius opera esse saluam. Mihi populus Rom. Vniuersus illa in concione non unius diei gratulationem, sed æternitatem immortalitatemque donauit, cum meum iusiurandum tale atque tantum iuratus

ratus ipse una uoce et consensu approbavit. Intelligendum est igitur, orationem de suo consulatu aut iusiurandum fortassis fuisse, quo simul etiã Metelli concioni respondebat: aut certe, si ita libet Metellinam ab hac de consulatu separare, de Metellina dicendum, ut alij ante me uoluerunt, de hac, de consulatu suo, existimandum eam fortassis esse, quam, cum meditatam iam habuisset, etiam pro concione, nisi à Metello prohibitus fuisset, fuerat habiturus. cuius, ut opinor, fragmentum unum ex Nonio descriptum, inferius exponemus. *Qui iudicabantur.* ] De coniuratis loquitur.

In orationem de suo consulatu.

Dicitur hac oratione quæ sit mea sententia, dixi in ea, quam proxime exposui. unum addo; epistolam, quam à Catilina fuisse Plut. ait in uita Crassi, eandem in uita Ciceronis uocat ἀποστολὴν, Catilinam enim Romæ tunc fuisse ait. Certe missam fuisse ad Crassum ab aliquo ex coniuratis, etiam Dion assentitur. Sed hæc aliud pertinent.

Quorum luxuries fortunata censa peperit. ] Nonius in dict. census, exponens neutro genere etiam id uocabulum usurpari, adducit hæc uerba ex Ciceronis Consulatu. De libris

Consulatus, dicemus copiosius in tomo tertio. Summa est, Ciceronem, præter hanc orationem, cuius Plut. ut superius dixi, meminit, et Græcum commentarium, scripsisse tres libros uersibus Latinis de suo Consulatu, & qui dem, ut ibi constabit, uersibus heroicis. Hoc igitur fragmentum aut deprauatum est, si ad libros de Consulatu pertinet: cum enim habeat similitudinem heroici, non est heroicum: aut, si non est deprauatum, ad hanc est orationem, mea sententia, referendum. de qua re lector indicet.

## In orationem de rege Ptolemæo.

**H**AEC fuit habita Cn. Cornelio Lentulo L. Marcio Philippo coss. ut patet ex epistola 1. fam. scribit enim de hac re ad P. Lentulum, tum Ciliciæ procos.

## In orationem pro M. Scauro.

**B**IS fuisse defensum Scaurum à Cicerone repetitum, semel, cum ambitus accusatus esset, quæ oratio in commentarijs extitit: iterum, cum repetundarum, quod quidem in hac fuit oratione, teste Asconio. Totum, quod dixi, ostendit Quint. lib. III. cap. 1. ad finem. Ne quis

Apo-

Apostrophen miretur, inquit, idem Cicero pro Scauro ambitus reo, quæ causa est in commentarijs, (nam bis eum defendit) prosopopeia loquentis pro reo utitur, pro eodemque Scauro reo repetundarum, etiam exemplis. De utraque locutus uidetur Cicero III. ad Q. fratrem: Orationes efflagitatas pro Scauro & Plancio absolui. Et post, Scaurum, inquit, beneficio defensionis ualde obligauit. Et si enim procliuius est de posteriore accipi, tamen ad defensionis beneficium accommodatus est de utraque intelligi. Equidem hanc istam, præ manibus quam habemus, longam extitisse non existimo, septem tantum folia replere potuisse arbitror. Id ita esse, ex Asconio intelligi potest, qui partes orationis assignat, qui uersus etiam ab initio & ab extremo numerat.

Vexatus à Vario tr. pl. est non multo ante. ] Sic lego ex ipso Asconio: quanquam illud, non multo ante, uidendum an non ad Asconij potius commentarium pertineat.

Si mehercle Iud. pro L. Tubulo dicerem. ] Hunc Tubulum inter sacrilegos & impios Cicero numerat lib. 1. Nat. deor. Quid de sacrilegis, quid de impijs perniciosissq. dicemus?

Tubulus si Lucius unquam,

Si Lupus, aut Carbo, aut Neptuni filius, ut ait Lucilius, putasset esse deos, tam periu-

P 3 rus,



rus, aut tam impius fuisset. Vnde & lib. v.

Fin. Cui Tubuli odio nomen non est? inquit.

Vos quoque de familia. ] Descriptum ex Marcellino, qui lib. xxi. ita scribit. Has mostrosas raritates in bestiis, in ædilitate Scauri, uidit Romanus populus primitus, patris illius Scauri, quem defendens Tullius imperat Sardis, ut de familia nobili ipsi quoque cum orbis terrarum auctoritate sentirent. Liquet autem fragmentum istius orationis esse, cum Sardos nominat, quorum provinciam expilasse accusabatur Scaurus hoc isto iudicio de repetundis. Hoc autem, ut opinor, illud est, quod Quintil. scribit lib. vi. cap. i. Ciceronem in hac oratione, Scauri maiorum merita diligenter prædicasse. quanquam & infra non desunt eius rei indicia.

Domus tibi deerat. ] Hæc uerba, præter Ciceronem ipsum, quem locum citat Sigonius, etiam refert Quint. lib. ix. cap. ii. & iiii. P. Victorius, scriptor uariis & diligens, in uariis suis lectionibus lib. xviii. cap. ix. putat in illo uerbo, ALIENOS, quod statim sequitur, inesse uitium. Nam ego utrumque fragmentum in unum coniungo.

Redimunt se. ] Huius fragmenti ita meminit etiam Sernius in i. Georg. Fibri, inquit, canes sunt Pontici, quorum testes apti sunt mendica-

dicamentis, propter quod, ubi se quæri sentiunt, eos secant. De quibus Cicero, Redimunt se ea parte corporis, propter quam maxime petuntur.

Pellitis testibus. ] Pelliti dicuntur ferarum pellibus amicti: qualem uestitum Tacitus in libello de pop. & rit. Germaniæ, Germanis attribuit: ut Pelliti dici uideantur pro rudibus et barbaris. Propertius, Pellitos habuit rustica turba patres. Quidam testes Pellitos frigidos & subornatos intelligunt.

Illo constituisse in templo. ] De æde Castoris loquitur, ut etiam adnotauit Astonijs, ab A. Posthumio dict. bello Latino uota, & ab eius filio duumuiro dedicata. Linijs lib. ii. Quod de Metello dicit, & exponit satis Asconius, & significat præterea Cicero ipse alibi, Verr. i. Dubitamus, inquit, quid iste in hostium præda molitus sit, qui manubias sibi tantas ex L. Metelli manubijs fecerit? Quo in loco uide etiam Pedianum. Sed scribit & Plut.: quod huc propius quodammodo spectare uideatur, Cæcilium hunc Metellum Floræ simulachro, pulchritudine insigni, hanc ædem exornauisse. Quod autem inquit, In uestro conspectu, significat in foro fuisse ædem positam, ut idem ait Verrina i. & Verr. septima in fine. Halic. & Appianus prope ædem Veste extru-

And. Patric.

*Etam fuisse significant.*  
Vniuerse.] Ex Carisio lib. 11. de aduerbio  
in fine.

In orationem in Clodium &  
Curionem.

HANC orationem cito post ipsam Clodij, in iudicio de sacris Bonæ deæ uolatis, absolutione, habitam fuisse existimo, id est, ut ego puto, idibus ipsis Maij, M. Messalla, & M. Pisonem, cum Clodius quidē paulo ante initum ab ijs Consulatum fuisset absolutus. Liqueant omnia pene ex epistola, Quæris ex me, lib. 1. ad Att. Sic enim scribit Cicero eo in loco. Nam ut idibus Maij in senatum conuenimus, rogatus ego sententiam, multa dixi de summa Rep. atque ille locus inductus est à me diuinitus, Ne una plaga accepta Patres conscripti conciderent, ne deficerent: uulnus esse eiusmodi, quod mihi neque dissimulandum, neque pertimescendum uideretur, ne aut ignorando stultissimi iudicaremur \* bis absolutum esse Lentulum, bis Catilinam, hunc tertium iam esse à iudicibus in Remp. immissum. Erras Clodi &c.  
De hac oratione etiam illud est eadem epistola. statim initio, Cum ille, inquit ad conciones confugisset, in ijsq. meo nomine ad inuidiam uteretur,

In Tom. I. Fragm. 110

retur, dii immortales quas ego pugno et quantas strages edidi, quos impetus in Pisonem, in Curionem, in totam illam manum feci? Quomodo sum infectatus leuitatem senum, libidinem inuentutis? sæpe, ita me dii inuent, te non solum auctorem consiliorum meorum, uerum etiam spectatorem pugnarum mirificari desiderauit. Illud, haud paulo difficilior est ostendere, quod pertineat, quod ita lib. 111. ad Att. epistola Tu quidem scriptum extat. Quæ spes est ista eodem tr. pl. & inimico cos. des? Percussisti autem me de oratione perlata: cui uulneri, ut scribis, medere, si potes. Scripsi equidem, olim ei iratus, quod ille prior scripserat, sed ita compresserem, ut nunquam emanaturam putarem: quomodo exciderit, nescio: sed quia nunquam accidit, ut cum eo uerbo una concertarem, & quia scripta mihi uidetur negligentius quam cetera, puto posse probari non esse meam. Sed certe huc referri locum oportere, deq. ea oratione loqui, illa fuit non leuis coniectura, quod inferius in epistola, Accepis idibus, sic loquitur idem Cicero. Sed quid Curio? an illam orationem non legit? quæ unde sit prolata, nescio. Plane enim & de eadem oratione loquitur, & iisdem pene uerbis. hic autem aperte Curionem nominat. Adiunat hunc coniecturâ illa etiam altera non prorsus



sus contemnenda, quòd cum contra concionem Q. Metelli apud populum dixisse uideatur Cicerò, queri uix & admirari potuisset de prolata. quantulum enim distat, apud populum quid dixisse, aut edidisse? Hæc autem in Clodium & Curionem cum in senatu, ut Quintil. lib. III. cap. IX. scribit, & ex fragmento ultimo constat, habita sit, paucis uidelicet testibus, iustiore habet causam admirationis eius, de qua dixi. Quanquam ego quidem, nisi superiore coniectura niterer, in diuersam potius opinionem concederem. nam & procliuius erat de Metello interpretari, quem ibidem dicit fuisse cos. des. quàm de Curione, cuius, nisi forte in tribunatu Clodij, nulla ibi fuit expressa facta mentio: & difficile probare est, Curionem priorem, quod ibi dicit, in Ciceronem scripsisse, quod de Metello probare est facillimum: nec ualde item expeditum, ostendere, quomodo negligentius hæc scripta uideatur, in qua se, ut supra ostendimus, præliatum esse, & pugnas atque strages maximas edidisse scribit. Iudicent igitur alij. nos, quod probabilius mentem nostram feriebat, id secuti sumus, idq. etiam exposuimus.

Sed credo.] Bis hoc fragmentum citatur à Nonio, semel dictione Longus, iterum, et quidem planius ac emendatius, dictione Specula

& Speculum: cui nos loco in referendo fragmēto magis adhaesimus. nam alibi pro te, legitur & abestq. initio particula, sed

Tunc cum uincirentur.] Desumptum ex Quint. lib. VIII. cap. III. sub finem. Sunt, inquit, & illa breues similitudines, ut illud Ciceronis in Clodium, Quo ex iudicio. De quo autem iudicio loquatur, diximus in argumento. Euasit profecto ex eo Clodius, contra etiam Ciceronis testimonium, ut est apud Valer. & Plutarchum, & in illa eadem ad Atticum epistola, de qua supra ex libro primo.

Erras Clodi.] Hoc ex eadem esse oratione ita testatur ipse Cicero in eadem illa epistola, de qua dixi, cum de uniuerſa oratione in genere disputarem. nam ad finem eius fragmenti sic inquit, Sed quid ago? pene orationem in epistolam inclusi.

In orationem pro A. Gabinio.

Cum superius, explicans rationem orationis in Gabinium, ea ex Quintiliano adnotarim, quæ huc translata, si non lucis, at copię saltem aliquid adferre possint, non uideo quid præterea hic post Sigonium præstare queam. Certe ex illo loco, prius in Gabinium, quàm pro Gabinio dixisse Ciceronem constat: id quod ipsum hoc etiam

etiam fragmentum indicat, quod unicū ex Hieronymo ablatum est. Dion existimat Gabinium L. Domitio Ap. Claudio coss. defensum esse, sed de qua defensione loquatur, cum multarum rerum, & à multis factionibus postulatus fuerit, is demum expedire poterit, qui diligenter, quid M. Cicero libro toto epistolarum tertio ad Q. fratrem scripserit, attenderit.

In ea, quæ pertinent ad orationem pro Quintio.

**SUBIUNGERE** deinceps visum fuit non nullarum orationum fragmenta, quæ extant illæ quidem editæ cum impressis: sed quoniam imperfectæ editæ fuerunt, imperfectio hæc illorum fuit hac ratione subleuanda.

**Turpis occultatio sui.** Sumptum ex Vlpiano in Pandectis l. vii. §. Quid sit, sub titulo, Quibus ex cau. in poss. eatur. Quid sit autem, inquit Vlpianus, latitare, uideamus. Latitare est, ut Cicero definit, turpis occultatio sui. Potest enim, & quæ ibi sequuntur. Equidem cum multo ante fragmentum in Vlpiano obseruassent ad orationem certe pro Quintio pertinere, tum demum existimaui, cum Fr. Balduini, docti hominis, & diligentis, commentarium legerem de iurisprudentia Muciana. cum enim

in oratione pro Quintio eam editæ partem recitasset Orator, **QVI FRAVDATIONIS CAUSA LATITARIT, CUI HABRES NON EXTABIT, QVI EXILII CAUSA SOLVM VERTERIT,** uerisimile esse uidetur, cum, eodem illo in loco, uerbum latitandi exposuisse. uerumenimvero illam partem integram non habemus.

In ea, quæ pertinent ad orationem pro M. Fonteio.

**Quod illi uenenum posse arbitrabantur.]**

Quod, potare uidelicet dilutius. Meum exemplar Marcellini, habet, quodd, graui accentu notatum. quod si recte est, uidendum an legi possit, quodd illic uenenum esse arbitrabantur, hoc sensu: Galli merito potabunt dilutius, quia in uino meraco uenenum inesse arbitrabuntur.

**Mater tua dum uixit.]** Haud scio, an aliunde quam ex oratione desumptum sit. Refert eo loco Quint. lib. vi. cap. iiii. multos multorum, ipsiusq. adeo Ciceronis iocos, quos omnes ex orationibus esse, nemo contenderit. Sed assentiamur ex oratione esse, illud certe non addere non possumus, ad ænigmatis huius expositionem, quod infert ibidem Quint. Dicebantur, inquit, dum hæc uixit, infames fæmine ad eam



conuenire solita; post mortem autem eius bona ueniebant: ut illic ludus per translationem dictus sit, hic magister, per ambiguitatem. Ludus enim proprie discipulorum est. unde illud, aperire ludum. hic autem de turpi conuenticulo dicitur: & alias magister doctorem & præceptorem significat: hic eum, qui in auctione bonis alicuius uendendis ita præerat, ut ei, qui plurimo liceretur, rem addiceret. ex Theophilo in institutiones Iustiniani. *Πρόεδρος* hoc est Frumenti maximus.] Hoc ex Aquila descriptum. id quod uidit etiam Sigonius, & inter errata reposuit.

In ea, quæ ad orationem de lege agraria pertinent.

**D**E lege agraria, quattuor, ut uidetur, Cicero orationes scripsit. harum tres extant, & prima quidem, ut constat, abscisso capite: quod uidentur hæc collecta fragmenta pertinere. Quartam desideramus, uidelicet alteram *ἐκ τῶν ἀποσπασμάτων*. de hoc sic Cicero lib. 2. ad Att. Fuit mihi commodum curare, ut meæ quoque essent orationes, quæ consulares nominarentur, quarum una est in senatu Kal. Ian. altera ad populum de lege agraria etc. Sunt præterea duæ breues, quasi ἀποσπασματὰ legis agrariæ.

Prædam,

Prædam, manubias.] *Utrumque* quid sit, et quomodo differat, Gellius lib. xlii. cap. 23. Sectio autem à sectoribus est dicta, cuius nominis uis non est iam ignota, sed hunc tamen locum sic citat Nonius dict. Manubias, Prædas, manubias sectiles castra denique Cn. Pompeij sedere imperatore cæsores. Haud scio quâ recte.

Ex auro coronario. De hoc uide Gellium lib. v. cap. vi. Cic. in or. Pisoniana Aurum inquit coronarium, lex generi tui & decerni, & te accipere uetabat, nisi decreto triumpho. intelligit autem legem Iuliam. De auro coronario est etiam titulus in libris iuris inter constitutiones Augustorum.

Veniet igitur.] Citat Aquila in disincto, sed nomine auctoris, ut uidetur, dissimulato. Legendum autem esse, sub præcone, non, ut erat, sub præconem, etiam meus liber ostendit; qui in non nullis alijs etiam discrepat.

In ea, quæ pertinent ad orationem in Pisonem.

**H**VIUS orationis non habemus principium. desunt autem inde, ut ego ex Asconio colligo, uersus plus minus centum, in libris quidem in folio excusis, id autem est integrum fere folium. hæc lacuna aliqua ex parte replebitur, ijs qui-

## And. Patric.

quidem fragmentis, quæ omnia ad initium pertinent.

Quod minimum. ] Est in *Asconio*, nec *Sigonius* non animaduertat, sed *Sigonianæ* operæ, dum nimium festinant, cæcos, ut canis, catulos pariunt. id ita esse, liquet ex correctione erratorum.

Proxime Pompeium sedebam. ] *Diomedes* lib. i. ubi de præpositione, hæc citat ex *Cicerone* in *Pisonem*, cum ostendit quo pacto præpositiones cū accusatio iunguntur. *Cicero*, inquit, in *Pisonem*, Proxime Pompeium sedebam. id autem citat ibidem eundem *Ciceronem* in *epistolis* ad *Att.* eandem præpositionem prope, cū datiuo casu coniungentem. Quo in loco etsi uerba non referat, nihil tamē dubium est, quin sint illa ex epistola *Vereor*, lib. i. Proximus Pompeio sedebam. Infra autem quæ uerba adducit pro exēplo, *Propius* grammatico accessi, sunt *Cornelij Nepotis* de uiris illustribus.

In commentariorum librum xiii.

Hic commentarij quid sint, abunde declarauit *Sigonius* in fragmentum orationis pro *A. Gabinio*. eum uide.

ANDR.

## ANDR. PATRICII IN TOMVM SECVNDVM FRAGMENTORVM M. TVLLII CICERONIS SCHOLIA.

*NUMEREMVS*, si placet, titulos epistolarum *Ciceronis*. Pauperis enim esse aiunt, pecus numerare. Scimus ad familiares extare libros xvi. & totidem ad *Atticum*. ad *Brutum* extat liber unus, ad *Q.* fratrem libri tres: reliqua titulis tantum & fragmentis, quasi lupum auribus, tenemus. sed teneamus tamen potius, quàm ē manibus dimittamus. periculi in re nihil est, lucri autem etiam aliquantum. Sunt igitur *Ciceronis* epistolarum libri, quorum quidem fragmenta habemus, hi.

### AD TITINIVM.

ad *Cornelium Nepotem* lib. duo, sed ex priore fragmenta desunt.

ad *C. Casarem* lib. iiii.

ad *Cæs. iuniorem* lib. iiii.

ad *Pansam* lib. iiii. sed secundi fragmenti nullum extat.

ad *Hirtium* lib. ix. sed fragmentum



## Andr. Patric.

mentum tantum **II. V. IX.** habemus.  
ad Brutum **lib. VIII.** sed non  
omnium fragmenta extant.  
ad filium **lib. II.**  
ad Caluum.  
ad Catonem.  
Cereiam.

**L. Planciu**, ad singulos, ut puto, lib. unus.

De quibus omnibus deinceps dicemus, si quid erit, quod in tanta obscuritate uetustatis in medium adferri possit, praesertim à properantibus ad alia. Scribit Suetonius in lib. de claris grammaticis, etiam ad Atticum Satriu quen-  
dam equ. Rom. extitisse Cic. epistolas. de hoc enim mihi potius quam de liberto ipsius Q. Cæcilio Epirota loqui uidetur Plinius. Sed alios quoque plerosque extitisse non dubito. Verum nos eos tantum numerauimus, ad quos fragmenta epistolarum ulla inuenire potuimus.

## In epistolam ad Titinium.

**TITINIVM**, non Titinium scribendum esse, ex Græcis & manuscriptis Latinis libris, itemq. numis argenteis, adnotauit in Linium Sigonius. Hunc nostrum, uirum fuisse eruditum, sunt opera illius quæ testentur, quorum saepe meminit Nonius Marcellus, ut Veliter-  
na,

## In Tom. II. Fragm. 115

na, ut Gemina, ut Psalteria, ut Fullones, ut praelium, ut cætera quorum meminit etiam Carisius. eundem enim esse illum cum eo ad quæ hæc scribuntur, mihi quidem sit uerisimile. Festus etiam ipse in suis antiquitatibus, ubi agit de Osculana pugna, sic scribit. Eius, inquit, rei meminit Titinius hoc modo: Hæc quidem quasi Osculana pugna est. & paulo ante, in dict. Oscum, quem locum sic lego. In omnibus fere, inquit, antiquis commentarijs scribitur Opicum pro Osco, ut in Titinij fabula quinta. Qui Opice & Volsce fabulantur: nam latine nesciunt. A quo etiam uerba impudentia & elata appellantur Opscena, quia &c. In uulgatis autem Festi libris pro Opicum, legitur Opicum, pro Opice, Osce. Cum tamen meam lectionem ipsa Obsceni, uel (ut fortassis olim scribebant antiqui) Opiceni appellatio confirmet. Neque autem etiam nouum est literam pro litera à librarijs esse repositam. Nam, ut, quod nunc occurrit, potissimum exponam de i, & s. literis commutatis; locus est apud Cicer. **II.** leg. obscurus, sed antiquitatis plenissimus. Is uulgo ita legitur. Neque necesse est edisseri à nobis, quæ finis funestæ familiæ, quod genus sacrificij lare ueruecibus fiat, quemadmodum os reiectum terræ obtegatur, & quæ sequuntur. Cum sit mea quidem sententia legendum.

**Q. 2** quod

quod genus sacrificij Lari ueruecibus fiat. quæ-  
admodum os reiectum (non, ut erat, reiectum) )  
terra obtegatur. Intelligit enim procul dubio Ci-  
cero idem illud. de quo sic Festus Pompeius,  
Membrum abscindi mortuo dicebatur, cū digi-  
tus eius decidebatur, ad quod seruatum iusta  
fierent, reliquo corpore combusto. sunt autē,  
& quidem docti uiri, qui pro reiectum, exce-  
ptum, legere uideantur, Varronem ut opinor  
imitati. Sed non dubitauī tamē emendationem  
hanc meam, propius ad scripturam ueterem  
accedentem, & Festi quoque auctoritate inni-  
xam, hoc loco exponere earum rerum studio-  
sis. de qua aliquando copiosius loquemur, cum  
explicatione etiam illius ipsius antiquitatis,  
quæ quidem illo uerbo continetur. Nunc ad  
Titinium redeamus, quem certe fuisse, ut dixi,  
eruditum, præter cætera, etiam fragmentum  
ipsum, quod hic refertur, testimonio esse po-  
test. ita enim perscriptum est, ut eiusmodi sa-  
ne epistolæ, uix ad doctum ipsum uirum scribe-  
retur, locus nisi esse posset.

L. Plotium quendam. ] Seneca declam. II.  
Primus omnium Latinus Romæ Plotius fuit  
puero Cicerone.

In

In epist. ad Cornelium Nepotem.

SUNT, qui epistolarum ad Cornel. Nepotem li-  
bros XVI. numerant. cuius rei, quoniam  
nos nihil affirmare possumus, penes illos fides  
esto. Certe Gell. lib. XV. cap. XXVIII. hunc  
M. Ciceronis amicum familiaremq. fuisse, ut  
qui maxime, testatur, eundemq. de ipsius ui-  
ta libros aliquot conscripsisse. frequens ipsius  
in libris ueterum mentio habetur, referre lo-  
cos nihil necesse est.

Neque enim quicquam aliud. ] Desumptū  
ex Marcellini lib. XXI. Vbi mores Constan-  
tij & uitæ consuetudinem describit. Nam cum  
Marci principis uerecundi, ut ipse ait, exem-  
plum ad dissimilitudinem indicandam adduxis-  
set, qui coniuratis ultro pepercerat, sic infert.  
Ut Tullius quoque docet, crudelitatis increpās  
Cæsarem in quadam ad Nepotem epistola.

Neque enim quicquam aliud est felicitas, inquit,  
nisi &c. Non dubitauī autem illa quoque, Er-  
go in perditis impijsq. &c. Ciceronis esse asse-  
rere, propter illa quæ dixerat Marcellinus, Cæ-  
sarem crudelitatis à Cicerone accusari in hac  
epistola. Scribit etiam idem Marcellinus lib.  
XXVI. initio, Tullium, quem ibi testem ap-  
pellat, reuerendum in quadam ad Cornelium

23 Nepo-



Nepotem epistola affirmare, quosdam ueterum; formidantes ea, quæ scriptoribus historiae suorum temporum solent sæpe fraudi esse atque inuidiæ, cognitionem actuum uariorum, stylis iam uberibus explicatas, non edidisse superstites. Sed Marcellinus Tullij hanc sententiam, cum uerbis ipsius, ut mihi quidem uidetur, non exprimeret, auctor nobis hoc quidem in loco idoneus esse non potuit fragmenti conformandi.

In epist. ad C. Cæsarem.

**T V M** cum ea. ] Bis citatur à Nonio, primum in uerbo, consequi, ubi etiam legitur, non tum, sed tunc: deinde in uerbo Honor, ubi legitur, Tu. In hoc fragmento, induxi illud, quod erat ad finem adpositum à Sigonij operis, Honor, gratia, & pulchritudo. est enim manifeste Nonij, uim uerbi, honor, explicante.

Sed ego quæ monumenti. ] Hoc fragmentum in librum incertum ad C. Cæs. reposuerat Sigonius, ego ad lib. 11. putavi referendum, innixus uestigijs Nonianis. sic enim ille. Monumenti proprietatem à monendo M. Tullius exprimendam putauit ad Cæsarem epistolam 11. id est, ut ego arbitror, epistolarum 11. ut subaudiat librum. Quod autem hic de monumenti

menti uocabulo ait Cicero, sumptum etiam esse uidetur ex libris iurisperitorum. Nam & Ulpianus. l. ij. D. relig. & sumptibus funere, monumentum esse ait, quod memoria seruanda gratia existit. Et Florentinus l. Monumentum D. eodem. Monumentum generaliter appellat rem omnem memoria causa in posterum proditam.

Quæ si uideres, non de exer. ] Inest, ut putato, aliquid uitij, sed nos diuinare possumus, certi afferre nihil possumus.

Amici nonnulli. ] Meus Nonius dicit. Contemno, sic habet ad extremum, Ac pro nihilo haberi senatus uoluit. Perperam: sed tamen adnotandum fuit. erit enim fortassis, qui leget, Ac pro nihilo haberi à senatu uelint.

In epist. ad Cæs. iuniorem.

**S E D** hæc uiderimus. ] Alias uidebimus. In singulis tegulis. ] Alias in singulas tegulas.

Sed quod uideret. ] Mart. Salogæ Nonius dicit. Inuoluo, Sed quid uideret. Alibi, Sed quod uiderem.

Itaque uereor. ] Omnes fere, quos uidi, libri Nonij dicit. Ferox, sic habent. Itaque uereor ne feroci orationem faciant tutam præcla-

ra iudicia telo. In ferociorem, probo & amplector Sigonij emendationem. Pro tutam, legerem ipse, tua tam. itaque utium unum sustulit Sigonius, alterum conatus est Patricius. quis erit, qui tertium? quod residet in telo. Nam ferociorem telo, uix concoquet stomachus Ciceronianus. ni quis forte uelit, iudicia de eo.

Sed ita locutus. ] Hoc etiam inter incerta, et quidem inter ea que sunt, non ad Cæs. iuniorum, sed ad ipsum C. Cæsarem, reposuerant Sigoniana opere. indicat autem ipse Nonius, dict. Insulsus, ubi sit reponendum, nempe ad Cæs. iuniorum ep. II. Intellego autem hic quoque librum, non epistolam, ut proxime ante. Bellum. ut mea opinio fert, & consensu. ] Lego, ex consensu: quanquam omnibus, quos uiderim, libris repugnantibus in Non. dict. Cōfectum. nisi forte imperfecta est periodus.

Cum constet. ] De hoc fragmento uide cap. I. lib. XI III. uar. lect. Victorij. quidam Nonij habent, Qui autem poterat.

Adest Albæ. ] Libri, quos uidi, Nonij, dict. Deijcere, sic habent, Adest Alba nescio cuius Clodij, quam cum restitui misisset, Ancone cum eo deiectum esset ex senatusconsulto. Alicubi legitur etiam sic, Adest Alba nescio cuius Clodij, quam cum restitui iussisset, Ancone cum

cum eo deiecta est ex senatusconsulto. ] In his potius aduersum. ] Sic & quo utor Nonius dict. secundum. ego de mendo suspicor. legerem. Ni his potius, uel nisi potius, uel nimis potius. Nam immo potius, longius recedit a scriptura uestigij.

## In epist. ad Pansam.

DE Antiocho, fecisti. ] Quidam Nonij habent, Annio. quidam, Antio. Sed præter Nonium citat etiam Prisc. lib. xv. quanquam notum, hoc fragmentum. habet enim id solū. De Antiocho fecisti humaniter. & quidem pro Annio, uel Antio, Antiocho. Videlicet ad eā lectionem scriptura illa in quibusdam Nonijs accedente, ubi legitur Antio. nam ego Prisciani lectionem magis probo.

## In epist. ad Hirtium.

DEFENDES meum intolerabile. ] Vidi in Nonio Andr. Prærembij plane eodem modo. Salogæ autem liber & alij habent, mecum intolerabile. Vtrobique, nisi ironia est, legendum censeo pro intolerabile, id tolerabile, præcessit enim mediocriter lapsus. Meum autem etiam, quàm mecum, lego libentius.

Dicis



Dicis quasi istuc intereat nescio.] Cum  
suprema iam manus imprimendis fragmentis  
Sigonianis esset imposta, incidi legens in hunc  
locum, quem proculdubio corruptum esse, sen-  
tiebat etiam Sigonius, qui apposuit asteriscum.  
De eo igitur perscripsi statim ad hominem meâ  
coniecturam, in hæc uerba: Asteriscus apposi-  
tus notat locum esse vitiosum. Interea uiden-  
dum esse puto, an ita legi debeat. Dicis causa  
istuc intererat, nescio, nisi tamen erat mihi in-  
cundum. Sic enim penè Varr. lib. v. de ling.  
lat. ut quidem habent libri emendati. Nihil in-  
tererat, cui imperaret, cum dicis causa quæ-  
dam fiebant. Est autem dicis causa, quod alio-  
qui Cæsar in commentarijs loquitur, per spe-  
ciem, per simulationem. Quid dicam? Vide-  
batur id quoque Sigonius non uehemèter asper-  
nari, sicut ipsius ad me epistola attestatur.  
Ego tamen ne nunc mihi quidem de coniectura  
satisfacio. Paulus Manutius, uir admirabili do-  
ctrina, & maiore ingenio, dum de hoc loco Pa-  
tauij familiariter colloquimur, in hanc lectio-  
nem propendebat. Dicis, Quid quæso istuc in-  
tererat. Sic ille. Sed nihil opinor magnopere fir-  
mum. Equidem omnes Nonij, quos uiderim,  
eodem modo legunt, ut à Sigonio & nobis po-  
situm est. Res sine ope meliorum librorum ex-  
pediri uix potest. Sed quoniam aliquid temporis

ris huic quidem restituendo fragmento imper-  
titi sumus, narrabo fere omnia, ut quodque in  
mentem ueniebat, si quis forte erit, qui de ijs  
diutius cogitare sustinuerit. Primum autem  
quasi certissime statuo, intereat, & non inter-  
erat, legendum esse, tum, quia infra quoque  
perimendi uerbo utitur, huc respiciens, Tum  
quia hæc à Nonio, in uerbo interfici & occidi,  
cum de inanimatis dicitur, referuntur, ubi il-  
lud quoque Salustij ex libro histor. secundo re-  
citatur. Multiq. commeatus interierant insi-  
dijs latronum. et illud item Lucilij. Intereunt,  
labuntur, euntur omnia uersum. eaq. etiam  
causa &c. eaq. etiam causa est. cur istuc, &  
non istuc (uti mihi quoque inter cetera legen-  
dum uidebatur) legendum esse putem. Ten-  
temus iam nunc reliqua. Satin est? Dicis, quid,  
si istuc intereat? nescio: nisi tamen erat mihi in-  
cundum, sed ueritus, ne, qui casum perime-  
ret, superioris. Satin est inquam? Hic mihi ali-  
quis, tanquam Geta quispiam in comædia, re-  
spondet. Garris. Nunc igitur contemplamini.  
hem satin sic est?

Dicis, quid si istuc intereat.

Nescio, nisi tamen erit mihi uidendum, seu ue-  
rius uerendum, ne qui, & q. s. Non respon-  
det Geta. Quid igitur si sic?

Dicis, quid, si istuc intereat,

nescio,

nescio, nisi tamen erit mihi nitendum seuerius, ne qui &c. propemodum, inquit Geta. Quid? nunquam ne ego perueniam, ut optatum illud respondeat. Sat est? Sat est, respondet Geta. Nimirum nos ab inquirendo iubet desistere, qui nihil proficimus.

Luta & limum aggregabant.] Inueni apud Non. eundem, dictione lutum. Is epistolam ad Hirtium Ciceronis nominat, sed quoto ex libro desumpserit, non memorat.

In epist. ad Brutum.

Q V I D in ijs ad Brutum epistolis effecerit Sigonius, & quam egregiam operam nauerit, res ipsa indicat, cum alijs quidem collata exemplaribus. Sunt qui Ciceronis epistolas esse negent. Sed ego, cum rei ipsi pro se loquenti, tum Manutio idem quoque affirmanti, plus tribuo in hoc genere, quam omnino cuiquam hominum, quos tamen ipsos nec multos, nec uehementer oportet esse eruditos, qui in his epistolis Ciceronem non agnoscant. Coniungantur hæ potius epistolæ cum alijs, sicuti & res ipsa requirit, & iter commonstrat Sigonius. Obseruandum autem, eum epistolarum librum, qui nunc etiam extat inter impressos ad Brutum, primum nominari à Nonio in differentia inter ama-

amare, & diligere. ] Quid? iampridem rem recuperassemus. ] Quid? si remp. recuperassemus. Nam in fine eiusdem epistolæ, recuperandam remp. dicitur.

Meum quidem animum in aciem esse.]

Paulus Manutius in familiaribus sermonibus sæpe solet earum epistolarum maiestatem prædicare. de huius quidem locutionis genere existimabat, dictum uideri eclypticis, ut subaudiatur, intentum. Ego ueterem potius locutionem agnosco, qua etiam usus est in III. de legibus idem Cicero. Minores, inquit, magistratus periti iuris plures in prælia sunt, pro in prælio, in acie. Plura de hoc loquendi genere uide apud Gell. lib. 1. cap. 7. & nonnihil lib. 17. cap. 2.

Altera quæ magis, quam reliquorum.]

Lego, Altera quæ magis est necessaria, neque meo exercitui magis, quam reliquorum. Sic enim legit meum exemplar Caroli Stephani. et tamen sic etiam quiddam est imperfectum. Subaudiendum fortassis, uix potest: si modo non est reponendum.

Accepi κ al. Apr. Dyrrhachio datas uesperari.] Non datas uesperari, sed accepi uesperari. idcirco subdixi, datas, uesperari.

Itaque res in eum locum uenerat, ut nisi Cæsar, Octauiano &c. in potestatem  
p.h.



p. h. & Imp. M. aut ueniendum fuit. ]  
 Fuerit, legit Paulus Manutius. sic in meo li-  
 bro, suo chirographo adnotauit.  
 Sextius causæ non defuit. Post mecum,  
 quanto suum filium. ] Sextius causæ non  
 defuit post me: cum, quanto suū filium, quanto  
 meum in periculo futurum diceret; si contra  
 procos. arma tulissent. legit idem Paul. Manu-  
 tius, & manu etiam ad hunc modum adscribit  
 sua in libro meo. Ingeniose ut solet, nisi si cui il-  
 la locutio durior uideretur, quanto suum filiū,  
 & quæ sequuntur. Locus tamen emendari le-  
 uiore mutatione, melius, mea sententia, non  
 potuit.  
 Nisi utrum simus nec ne, cui parcimus,  
 aut quid agimus. ] Lego nec ne. Cui par-  
 cimus? aut quid agimus?  
 Vestigium nostrum. ] Genitius multitudi-  
 nis ab ego.  
 Sic igitur facies. ] Bis citatur à Nonio. tum  
 in differentia inter amare & diligere plane ut  
 hic, tum in significatione uocabuli contentus,  
 hoc modo. Et me aut amabis, aut, quod conten-  
 ti sumus, diliges.  
 Nam eloquentiam. ] Haud scio an extet ali-  
 bi, & quidem fortassis in oratore ad Brutum.  
 Et eum amorem. ] Quint. lib. vii. cap. iii.  
 legit simpliciter, Eum amorem.

Ego

Ego cum in gratiam. ] Quint. lib. ix. c. ii.  
 Sermo nullus, scilicet nisi de te. ] Quint.  
 lib. & capite eodem. Videndum an hoc, scili-  
 cet nisi de te, expungi debeat. Est enim, ut pu-  
 to Quintiliani, Synecdochen in his uerbis ex-  
 plicantis. Locus Quintiliani sic habet, Quæ  
 per detractionem sunt figuræ, breuitatis noui-  
 tatisq. maxime gratia petuntur, quarum una  
 est ea, quam libro proximo in figuris distuli,  
 Synecdoche, cum subtractum uerbum aliquod  
 satis ex cæteris intelligitur, ut Cælius in Anto-  
 nium: stupere gaudio Græcus. Subauditur,  
 caput. Cicero ad Brutum: Sermo nullus scili-  
 cet, nisi de te. Quid cum &c.  
 Præstat enim. ] Quint. loco eodem. Videntur  
 autem Bruti esse, non Ciceronis. nam Quinti-  
 lianus aperte sic. In prosopodosi. aliquando  
 singulis statim membris ratio subiicitur, ut a-  
 pud Antonium. Sed neque &c. Aut positis  
 duobus uel tribus, eodem ordine singulis con-  
 tinua redditur. quale apud Brutum de dictatu-  
 ra Cn. Pompey. Præstat enim &c. Quod si  
 hæc expungenda nō sunt, illa profecto ad frag-  
 mentum addi debent, quæ apud Quint. sequun-  
 tur. Sine illo enim honeste uiuere licet, cum  
 hoc uiuendi nulla conditio est. Respicit enim ad  
 membra proposita.  
 Sim ne bonus uir. ] Sumptum ex Quint. lib.

III.

## And. Patric.

III. cap. x. aliquando, inquit ille, bonis suadentur parum decora, dantur parum bonis consilia, in quibus ipsorum qui consulunt spectatur utilitas. M. Cicero ita scribit ad Brutum, Simne bonus, &c.

Populo imposuimus.] Hoc ex eodem Quint. lib. VIII. cap. VI. Maxime in orando ualebit numerorum illa libertas. Cicero ad Brutum: Populo imposuimus, & oratores uisum: cum de se tantum loqueretur.

Res inuisæ.] Ex eodem Quint. lib. IX. cap. XIII. Videndum ne syllabæ uerbi prioris ultimæ, sint primæ sequentis. id ne quis precipi miretur, Ciceroni in epistolis excidit, Res mihi inuisæ uisæ sunt Brute. ubi cum Brutum alloquitur, satis indicat quod referri fragmentum oporteat.

## In epist. ad M. filium.

QVARE effice & elabora ut excelleas.] Verbum excello, ut scribit Diomed. lib. I. duas habebat coniugationes, de tertia exempla profert ex Cicerone. nec ualde opus erat. nã nunc ita quoque utimur. De secunda illa ex Aemilio Macro, nos hoc habeamus ex Cicerone, quod citat Priscianus. Effice & elabora, ut excelleas.

Ceteris

## In Tom. II. Fragm. 124

Cæteris delitus.] Alibi est, ceris, non absurde, ut ad eas ceras respiciat, in quibus scribere solebant. Sed, ut ut est, ego, delitis quàm delitus, mallet. cæteris delitis, uel ceris delitis. Delitis autem etiam antique pro deletis, ut infra in epistola ad Caluum, et III. Verr.

Ex qua tantum tectorium uetus delitum sit.

Philosophiæ quidem.] Ex Laëtantio sumptum. Isid. lib. III. cap. XIII. scribit. At quàm confessus fueris Cicero philosophiæ ueritatem, docent ad filium composita præcepta: quibus mones, philosophiæ quidem præcepta noscenda, uiuendum autem ciuilitate. Sunt igitur profecto ex epistolis ad filium. nam in officijs non reperio.

## In epist. ad Caluum.

CALVO huic Quint. iudicium tribuit lib. x. cap. II. sub finem, & quidem tantum, ut libro deinceps XII. cap. I. scribat compositionem Ciceronis, etiam apud ipsum, eum reprehendisse. quod notat etiam Tacitus in lib. de oratoribus, & Seneca in declamationibus. Agere is cœpit causas etiam ante ætatem quæstoriam, ut scribit Quintil. lib. XII. cap. VI. Principio nobilis eius fuit actio in Vatinius,

R de



Andr. Patric.

de qua etiam illud Catulli,  
Risi nescio quem modo in corona:  
Qui, cum mirifice Vatini  
Meus crimina Calvus explicasset,  
Admirans ait hac, manusq. tollens,  
Dij magni salicippium disertum.

vide Quint. lib. VI. cap. I. & III. lib. IX.  
cap. II. non longe initio. certe lib. XII. cap.  
X. sanctitatem illi idem Quintilianus tribuit.

Tuli moleste quod literæ delitæ. ] Erat,  
delitiæ. correctum est in erratis operarum Si-  
gonianarum, delitiæ. Bene, pro deletæ. anti-  
que, ut supra dixi.

In epist. ad Catonem.

SEQUENTES inscriptiones fuerunt omisse in  
fragmentis Sigonij. De hac inscriptione ad Ca-  
tonem, mentionem fieri uideo apud Nonium,  
in differentia inter plus ad nullum. Liber ne au-  
tem fuerit epistolarum ad Catonem, an uero  
epistola aliquot, inter alias, hoc tempore non  
moror. Certe fragmentum hoc in ijs tribus epi-  
stolis, quæ lib. XV. epistolarum ad fam. scri-  
ptarum extant ad Catonem scriptæ, non repe-  
ritur, præterea autem nullam ad Catonem epi-  
stolam inuenio.

Quod plus desiderarint. ] Inuenitur apud

No-

In Tom. II. Fragm. 123

Nonium. quidam locum corrigunt, & pro  
plus, plures legunt. Ego, dum sententiam  
Nonij intueor, mallem pro multi, multum,  
legere, quàm pro plus, plures. sic enim No-  
nius. plus à multo M. Tullius discevit epistola  
ad Catonem. Nec iccirco, &c.

In epist. ad Cereiam.

HANC fuisse nimis familiarem Ciceroni, obij-  
cit Calenus apud Dionem, lib. ut puto, 46.  
Meminit de hac ad Att. lib. XIII. & XIII:  
hanc commendat Seruilio Achaia procos. lib.  
XIII. epistolarum ad fam.

Hoc aut animo. ] Sumptum ex Quint. lib. VI.  
cap. XIII. Etiam illud inquit, quod Cicero Ce-  
relia scripsit, reddens rationem, cur illa C. Cæ-  
saris tempora tam patientur toleraret. Hæc  
aut animo &c. Stomachus enim inquit: ha-  
bet illic aliquid ioco simile. Animo Catonis,  
qui se interfecit, stomacho Ciceronis, qui tem-  
pori seruiuit.

In epist. ad L. Plancum.

NAM neque deesse. ] Relatum ex Gellio li.  
I. cap. XXII. Sunt autem eadem pene uerba  
Asinij Pollionis lib. X. fam. ad finem, sicut ci

R 2 tat

Andr. Patric.

tat ipse quoque Gellius. Notandum autem ibidem ex Gellio, librum fuisse epistolarum ad hunc L. Plancum.

In epist. incertas Ciceronis.

**DATA** Lupercalibus.] Quint. lib. ix. cap. iiii. de eadem illa synecdoche loquens, de qua supra, in frag. Sermo nullus. Ne ego quidem, inquit, illud apostrophen semper uoco, in quo res quaecunque relinquitur intelligenda, ut ea quæ in epistolis Cic. Data Lupercalibus, quo die Antonius Casari. Nihil obtinuit, inquit, lusitque, quia nihil aliud hic intelligi poterat, quàm hoc, diadema imposuit.

**Ne ulli sunt pedes.**] Etiam hoc ex Quintil. decerptum, qui lib. vi. cap. iiii. Facetum, inquit, non tantum circa ridicula opinor consistere; decoris hanc magis, & exultant eiusdem elegantie appellationem puto. Ideoq. in epistolis Cicero hæc Bruti refert uerba. Ne ulli sunt pedes faceti ac delicijs ingredientibus mollius. Vel, Ne ulli sint, uel delicijs ingredientibus mollius.

ANDR.

126

ANDR. PATRICII

IN TOMVM TERTIVM

FRAGMENTORVM

M. TVLLII CICERONIS

SCHOLIA.

**SICVT** in primo orationum, & secundo epistolarum tomis ostendimus omnium & orationum, & epistolarum inscriptiones, ita in hoc quoque tertio, in quem philosophica inclusimus, faciemus: ut appareat nihil esse pene à Cicero in philosophia scriptum; cuius ad nos, si non corpus ipsum totum, at pars saltem aliqua & membrum corporis non peruenerit. Ac quæ olim quidem edita, & per orbem typis aeneis disseminata sunt, omittamus. typis enim sunt, ut aiunt, & tonsoribus cognita. alia numeremus, quæ hac nostra ætate è tenebris eruta in honorem adduxit honoratissimus uir ipse Carolus Sigonius Mutinensis. ea sunt.

Oeconomicus è Xenophonte.  
Protagoras, ex Platone conuersus.

De republica lib. vi.

De iure civili lib.

De augurijs lib.

R 3

Hor-



And. Patric.

Hortensius, uel de philosophia.

Cato.

De gloria libri 11.

De Consolatione.

De suis consilijs.

De uirtutibus lib.

De quibus omnibus, quod erit à Sigonio præteritum, hoc nos maxime ex ordine agemus. nisi quod de libro postremum nominato, de uirtutibus, quia non breuiter expediri potest, nec rationem habet, cur in alium locum differatur, hic, si quid est quod dici possit, dicendum est. Eius libri fragmentum, quod sciam, extat nullum. mentio tantum libri est apud Carisium, in quo lib. mea quidem sententia, M. Cicero, quæ copiose in libro de Officijs ad filium traderat, breuiter comprehensa litteris consignauit, plane ad Aristotelis imitationem, qui post libros τῶν ἠθικῶν ad Niomachum, etiam περὶ ἀρετῶν opusculum scripsisse dicitur. nisi forte illud fragmentum, quod & apud August. lib. XIII. de Trinit. cap. XI. ad hunc librum referre libeat. Prudentiæ partes sunt memoria, prouidentia, intelligentia. De quo tamen in Hortensio loquemur.

In

In Tom. III. Fragg. 125

In Oeconomicum, ex Xenophonte.

De hac libri huius conuersione, ita Quint. lib. x. cap. v. Vertere Græca in Latinum ueteres nostri oratores optimum iudicabant. id se L. Crassus in illis Cicer. de orat. libris, dicit factitasse. id Cicero sua ipse persona frequentissime præcipit. quin etiam libros Platonis atque Xenophontis edidit hoc genere translatos. Sic Quint. Hieronymus autem in epistola ad Pammansium de optimo genere interpretandi. Ego non solum fateor, sed libera uoce profiteor me in interpretatione Græcorum scripturis sanctis, ubi & uerborum ordo, & mysterium est, non uerbum è uerbo, sed sensum exprimere de sensu. Habetque huius rei argumentum Tullius, qui Protagoram Platonis, & Oeconomicum Xenophontis, & Aeschinis ac Demosthenis duas contra se orationes pulcherrimas transtulit. Quanta in illis prætermiserit, quanta addiderit, quanta mutauerit, ut proprietates alterius linguae suis proprietatibus explicaret, non est huius temporis dicere. ad hunc sane librum pertinere existimo, quod ita scribit Plinius lib. xviii. cap. xxv. Sementibus tempora plerique præsumunt, & ab xi. die autumnalis

R 4 æqui-

æquinoctij fruges ferunt, adueniente coronæ exortu, continuis diebus certo prope imbrium promisso. Xenophon non ante quàm Deus signum dederit. Hoc Cicero Nouembris imbre fieri interpretatus est, cum sit uera ratio non prius ferendi, quàm folia ceperint decidere. Hoc ipso Vergiliarum occasu fieri putant. Aliqui ad 111. idus Nouembris, ut diximus, ferunt, quoniam &c. Verba Xenophontis Oeconomico hæc sunt. περί γε μὴν τοι τῷ ὥρῳ ὁ ρῆς. ἄλλοι τ' ἔφην ὅτι Σάκρατες γινώσκεις, ἢ τὴν ἀρῶν ἀπείρειν, ἢς πάντες μὲν οἱ ἀπὸ δὲ ν ἀνθρώποι πείραν λαβόντες, πάντες δὲ οἱ νῦν λαμβάνοντες ἐγνώκασιν κρῆσιν εἶναι, ἐπειδὴν γὰρ ὁ μετ' αὐτοὺς χρόνος ἔλθῃ, πάντες που οἱ ἄνθρωποι πρὸς τὸν θεὸν ἀποβλέπουσιν, ὅποτε ἑρέξας τὴν γῆν, ἀρήσει αὐτὰς ἀπείρειν. ἐγνώκασιν δὲ γ' ἔφην ἐγὼ ὅτι ἰχόμαχον καὶ τὸ μὴ ἐν ξηρῇ ἀπείρειν ἐκόντες εἶναι πάντες ἄνθρωποι, δῆλον ὅτι πολλὰς ζημίαις παλαίσαντες, οἱ ἅπιν κελδεθῆναι ὑπὸ τοῦ θεοῦ, ἀπείροντες. Laudauisse autem in hoc libro Ciceronem prædia latifundia, scribit Seruius in 11. Geor. causamq. addit, ut possent cessare nouales. Non dubitauimus autem, Seruium secutus et Macrobius, in tres libros totum opus partiri, singulisq. libris suos quasi terminos assignare, quod antea omissum fuit. Sane uidetur is liber Latino nomine de dispensatione uniuersæ domus inscriptus

scriptus à Cicerone fuisse. Sic enim scribit Hieron. in epistola ad Augustam quæstione vi. Οικονομικὰ Xenophontis pulcherrimus liber est, qui non gubernationem uillæ, sed dispensationem uniuersæ domus, Tullio interpretante, significat.

Maritale coniugium.] Hæc uidentur esse initio libro 1. ex quibus deinde profecta esse uidetur totius corporis in libros diuisio, ac distributio.

Nam uetus.] Ex Columella sumpsit cap. 11. hicque reposui. Etsi enim eo loco Ciceronem auctorem non citet, id quod facit etiam alibi, tamen cum Græcis Xenophontis respondeat, non est de Cicerone dubitandum. Pertinere autem existimaui ad lib. 1. cum laudetur uerbis disertis ordo in re familiari. Omnia respondent illis Xenophontis Græcis.

Εἰς μὲν γὰρ πέντε αὐτῇ σαφὲς τὸ δεόμενόν τις μὴ ἔχειν χεῖναι: ἀλυπτότερα δὲ αὐτῇ ἢ ἐνδοιασθὲν διδάσκει ζητοῦντά τι λαβεῖν, ἢ τὴν ἀρχὴν μὴ δὲ ζητεῖν, εἰδὸτα ὅτι ἐκείν. ἀλλὰ γὰρ ἔφην ἐγὼ, τῶν αὐτῶν αἰτία, ἀλλ' ἐγὼ ἐτάξας σοι παρέδωκα, ὅταν χεῖν ἔκαστα κείναι ὅπως εἰδῇς, ὅπου γε δεῖ τιθεῖναι, καὶ ὅποι λαμβάνειν. Εἰς δ' ἐδὲν ὅπως αὐτῶν οὐτ' ὅπως χεῖν, οὐτε καλὸν ἀνθρώποις, ὡς ἢ τάξας. καὶ γὰρ χορὸς ἐξ ἀνθρώπων συγκείμενος εἰσιν. ἀλλ' ὅταν μὲν ποιῶσιν ὅ, τὴν αὐτὴν ἔκαστος, παρα-



ταραχή τοῖς φαίνεσθαι, καὶ θεᾶσαι ἀτερπές. ὅταν δὲ τεταγμένως ποιῶσι, καὶ φθέγγωνται, ἅμα οἱ αὐτοὶ οὗτοι καὶ ἀξιοθέατοι δοκοῦσιν εἶναι καὶ ἀξιάκουσαι. Exiſtimo autem huc respexiſſe Seruium, qui in illud 1. Aen. Quinquaginta intus famula, quibus ordine longo, citat Cicer. in Oecon. docentem quid ubi ponendum sit, Nec enim, inquit, debent uniuersa confundi.

Quid igitur pro deum. ] Videtur huc pertinere, quanquam apud Xenophontem uideo ante aliquanto praecessisse.

Præparatis. ] Descripti ex Columella cap. III. uidelicet ordinis ui & potestate, atque adeo excellentia ipsius demonstrata, incipit tradere & perscribere, qui ordo in re familiari, domi praesertim, teneri debeat. Quamobrem in librum etiam primum conieci, quo hac eiusmodi continebantur, teste Seruio. Græca Xenophontis sic habent. Ἐπεὶ δὲ ταῦτα διήλθομεν ἔφη, οὕτω δὴ ἦδη κατὰ φύλας διεκρίνομεν τὰ ἐπιπλά. ἡρχόμεθα δὲ πρῶτον ἔφη ἀθροίζοντες, οἷς ἀμφὶ θυσίας χρώμεθα. μετὰ ταῦτα κόσμον γυναικὸς τὸν εἰς ἑορτὰς διηροῦμεν. ἐν δὴ ταῖς ἀνδρὸς τὴν εἰς ἑορτὰς καὶ πόλεμον, καὶ γράμματα ἐν γυναικονίτιδι, γράμματα ἐν ἀνδρωνίτιδι, ὑποδείματα γυναικεῖα, ὑποδείματα ἀνδρῶα. ὅπλων ἄλλη φυλὴ, ἄλλη ταλασιουργικῶν ὀργάνων, ἄλλη σιτοποιικῶν, ἄλλη ὀλοποιικῶν.

κῶν, ἄλλη τῶν ἀμφὶ λατρίαν, ἄλλη ἀμφὶ μάκτρας, ἄλλη ἀμφὶ τραπέζας, καὶ ταῦτα πάντα διεχωρίσαμεν, οἷστε αἰεὶ δεῖ χρῆσθαι, καὶ τὰ θοικιτικὰ χωρὶς δὲ καὶ τὰ κατὰ μῆνα δαπανόμενα ἀφείλαμεν. διόχα δὲ καὶ τὰ εἰς ἐν αὐτῶν ἀπολελογισμένα κατέθεμεν. οὕτω γὰρ ἦλλον λαμβάνει, ὅποις πρὸς τὸ τέλος ἐκβήσεται. ἔπει δὲ ἐχωρίσαμεν πάντα κατὰ φύλας τὰ ἐπιπλά, εἰς τὰς χώρας τὰς προσήκουσας ἕκαστα διηνέγκαμεν. μετὰ δὲ τοῦτο, ἑσσοῖς μὲν τῶν σκευῶν καθημέραν χρῶνται οἱ οἰκῶνται, οἷον σιτοποιικοῖς, ὀλοποιικοῖς, ταλασιουργικοῖς, καὶ ἔτι ἄλλο τοιοῦτο, ταῦτα μὲν αὐτοῖς τοῖς χρημένοις δείξαντες ὅπως δεῖ τιθέναι, παρεδώκαμεν, καὶ ἐπελάξαμεν σῶμα παρέχειν. ὅσοις δ' εἰς ἑορτὰς ἢ ξενοδοχίας χρώμεθα, ἢ εἰς τὰς διαχρόνου πράξεις, ταῦτα δὲ τῷ ταμίᾳ παρεδώκαμεν, καὶ δείξαντες τὰς χώρας αὐτῶν, καὶ ἀπαριθμήσαντες, καὶ γραφάμενοι ἕκαστα, εἴπομεν αὐτῇ διδόναι τίτων ὅταν δεοὶ ἕκαστον, καὶ μνηστῆσαι ὅτι αὐτῷ διδῶ, καὶ ἀπολαμβάνουσιν κατατιθέναι πάλιν ὅθεν περ ἂν ἕκαστα λαμβάνει.

Vtrum ne Ischomache, inquam, si res. ] Sigonius fragmentum ab eo loco conformare incipit, Ego uero ipse. Equidem etiam Columellam legens, omnia ad Ciceronem indicani pertinere. cum Xenophonte autem comparans, facile iudicium meum confirmaui. sic enim Xenophon. πότρεα δ' ἐγὼ ἔφην ὡς ἰχώματα ὅταν

ὅταν δ' ἐνθὺς ἐπιστροφὸν καταμαθεῖν ἦν που ἢ ἐπι-  
προσδτικὸς ἀνὴρ, τῶτον περὰ ὠνεῖσθαι ὅς περ ὅ-  
ταν τέκτονος δ' ἐνθὺς καταμαδῶν; ὅς οἱ δ' ὅτι ἦν  
που ἰδὴς κελιορικὸν, τῶτον περὰ κτᾶσαι, ἢ αὐτὸς  
παυδ' αἰς ἰς ἐπιστροφούς. καὶ γὰρ ὅς τις μέλλει ἀρ-  
χίσσιν, ὅταν ἐγὼ ἀπὸ αὐτ' ἐμοῦ ἐπιμελούμενος, τί  
αὐτὸν καὶ δεῖ ἄλλο ἐπίστασαι, ἢ ὅς περ ἐγὼ. Sicut  
igitur totum hoc Xenophontis, ita totum est Ci-  
ceronis. Columella quidem sic. Vtrum ne, si  
res familiaris desiderasset, mercari uillicum tan-  
quam fabrum, an à se instituere consueuerit.  
Ego uero & q. f. Pro, à se autem legendum ui-  
detur, ipse. nam in Græco est αὐτὸς παυδ' αἰς,  
Ex libro autem secundo hæc excidisse credidi,  
quod uideretur ad patrem familias pertinere,  
& ad ea quæ foris sunt.

Cum uero affecta iam prope ætate. ] Meñ  
exemplar Gellianum legit, æstate, commodio-  
re, ut puto, & certe de Græco expressa senten-  
tia. quid sit autem affecta ætas, & affectus  
annus, uide Gell. lib. III. cap. XVI. Citat  
fragmentum & Nonius dictione profligatum.  
uide locum.

Apes in aluearium. ] Hæc quibus Græcis Xe-  
nophontis respondeant, uide Victorium lib.  
XXIII. cap. III. uar. lect.

Cum ad Cyrum. ] Descripsi ex Ciceronis Se-  
nect. hicq. immiscui. Et si enim facile affirma-  
re

re non possim, ex illa ueteri translatione desum-  
pta hæc esse, præsertim Cicerone ipso nihil affir-  
mante, tamen cum non nullos hic quoque sca-  
bros atque turbulentos illos obices, quibus ue-  
terem translationem non caruisse scribit Hiero-  
nymus, reperiā, ne magnopere quidem per-  
negarem, ad ueterem conuersionem pertinere.  
Legatur totum fragmentum, & quidem non  
ut à me conformatum, sed ut à Cicerone ipso po-  
situm est in libro de Senectute, non uereor, ne  
nullus sit, qui cum in totius narrationis eius cur-  
su aliquid desideret, tum præcipue illo in loco;  
Cum autem admiraretur Lysander etc. tum cū  
dixisse, mirari se.

Scrobes. ] Ex Seruio reposui. is. in II. Geor.  
scribit hoc uerbo Ciceronem fuisse usum mascu-  
lino genere, in Oeconomicis.

In Protagoram ex Platone.

CONTROVERSIMINI, non cōcertetis. ]  
Ad eundem prope modum infra de repub. lib.  
IIII. Iurgare lex putat inter se uicinos, non li-  
tigare. Sed ibi concertationem beneuolis tribu-  
it, quam hic ab iisdem auferre uidetur.

Quæ igitur potest. ] Vide quæ de hoc loco  
adnotauit P. Victorius lib. XIX. cap. IX. ua-  
riarum lectionum.



And. Patric.

In libros de republica.

DE ijs libris sic scribere ipse uidetur lib. I I I I.  
ad Att. *Velim domum, inquit, ad tuos scribas, ut mihi libri tui pateant, non secus ac si ipse adesses, cum ceteri, tum Varronis. Est enim mihi ut edum quibusdam rebus ex ijs libris ad eos, quos in manibus habeo; quos ut spero tibi ualde probabo. Et item lib. I I. epistolarum ad Q. fratrem lib. I I. Scribebam illa quae dixeram πρὸς τὸν ἀδελφόν, spissum sane opus & operosum, sed si ex sententia successerit, bene erit opera posita: sin minus, in illud ipsum mare deiciemus, quod scribentes spectabamus: aggrediemur alia, quoniam quiescere non possumus. Sed non est profecto cur eum unquam potuerit eorum poenitere. Nam ut omittam cetera, Alexandrum sane Seuerum Imp. ita ijs libris ferunt fuisse delectatum, ut cum a Graecis disceretur, Latinisq. uacaret, hos potissimum, & de officijs libros euolueret; ex quorum lectione tantam de auctore quoque ipso, & tam praecellaram concepit opinionem, ut imaginem ipsius inter diuorum statuas collocaret. In eis autem libris Platonis se comitem profiteri Ciceronem ipsum, scribit in praefatione naturalis historiae Plinius. et nos hoc fragmentum in incertis*

In Tom. I II. Fragm. 129

*tis referemus, tomo quarto. Quod ego dictum non de rebus tantum ipsis accipio, sed etiam, idq. multo magis, de tractatione ipsa. Nam et inscriptione eadem utitur, & locos plerosque ex eo transfert, & dialogis rem conficit, & dialogorum ipsorum rationem totam ita instituit, ut facile Platonis esse aemulus atque imitator appareat. Principio in nouem & dies & libros res fuit distributa, deinde, ut aperte constat ex dialogo de amicitia, ad triduum renouata. et ut pulchre Sigonius colligit, in sex libros collecta tota, ita, mea quidem sententia, ut singulis diebus duo libri responderent. id ita esse, & credibile est ipsum per se, & Augustinus de ciu. Dei lib. I I. cap. XXI. testatur, qui quaestionem de iustitia, primo ipso die habitam, dilatam esse scribit in diem sequentem, tumq. in tertio libro magna consuetudine rem actam esse. Ergo ut primus & secundus liber primi ipsius diei, sic liber tertius sequentis demum acta continebat, itemq. fortassis liber quartus: quintus autem & sextus extremi. Sed hoc parum ad huc fortassis firmum uideri poterat, nisi ad locum quendam Gellij responderemus. Is ita scribit lib. I. cap. XXII. explicans rationem uerbi superesse. In lib. quoque, inquit, de rep. secundo, ad ipsum uerbum Ciceronis non temere transeundum. uerba ex eo lib. haec sunt.*

Non

Non grauauer Læli, nisi & hos uelle putarem;  
 & ipse cuperem te quoque aliquam partem hu-  
 ius nostri sermonis attingere: præsertim cum he-  
 ri dixeris te nobis etiam superfuturum. & q. s.  
 Hic igitur, si Gellij liber bene habet, hæc uer-  
 ba postero die habita esse, & in libro secundo  
 perscripta, apparet; ut plane confici uideatur,  
 sequentis diei acta libro secundo contineri. At-  
 qui Augustinus eodem loco scribit, in tertio de-  
 mum libro, & cum in diem sequentem dilata  
 esset disputatio, Lælium rogantibus omnibus in-  
 stitiam defendere aggressum: in secundo au-  
 tem libro alia acta dictaq. fuisse. Dicendum  
 igitur, in Gellio locum emendandum esse, et pro  
 libro secundo, tertium esse reponendum: etsi  
 enim in meo Gellio libri numerus expressis lite-  
 ris notatus est, tamen uitium deriuare potuit  
 ex notis aliorum librariorum, qui cum III.  
 scripturi erant, II. scripserunt. de quo etiam  
 infra dicemus, in fragmento ipso explicando.  
 singulis libris singula erunt præfixa proœmia.  
 id ita esse testatur ipse scribens ad Atticum li.  
 III. Itaque cogitabam inquit, quoniam in sin-  
 gulis libris (loquitur autem de libris de rep.)  
 utor proœmijs, ut Arist. in his quos *ἑξωτερικὰ*  
 uocat, aliquid efficere, ut non sine caussa Var-  
 ronem appellarem. Ex ijs proœmijs illud esse  
 existimo, quod est initio fragmentorum, lib.

III. Homo non ut à matre &c. Sicut Sigonius  
 etiam adnotauit. et quod lib. VI. Alendus hic,  
 inquit, est gloria. Addam ad extremum, quod  
 Diomedes nobilis grammaticus lib. I. adnota-  
 uit, Tullium in his de repub. dialogis ætino mo-  
 re tempus futurum imperatiuo modo ex uerbis  
 quoque passiuus declinantem usurpauisse. Ad-  
 dam & quod Rufinius in libro de metris comi-  
 cis; Ciceronem in dialogis de rep. multa dixisse  
 referentem, Asiaticos oratores ditrocheo clau-  
 sulas terminare. Scripsisse uidetur in hos libros  
 Victorinus quidā, id quod testari uidetur Hier.  
 Apol. I. aduersus Rufinum. Puto quod puer  
 inquit legeris Appiani in Vergilium, & Sallu-  
 stium commentarios, Volcatij in orationes Ci-  
 ceronis, Victorini in dialogos eius &c. Dialo-  
 gorum enim nomine hos fere libros significat.

## In librum primum de rep.

QVARE, si placet, deduc oro rationem  
 tuam de cælo ad hæc citunia. ] Bis in  
 Nonio citatur hic, Bis locus, semel dictione Ci-  
 tunia, sic, ut quidem habet Salogæ liber & a-  
 lij. Quare s. p. deduc orationem tuam de eo  
 loco ad hæc citunia. Iterum dictione deductū,  
 sic. quare, si placet deducere rationem tuam de  
 cælo ad hæc exteriora. Sigonius ut uidetur, legit  
 S sic.



fic. Quare si placet, deduc orationem tuam de cælo ad hæc cituma. Nam illud exteriora, pro ceteriora positum forte est. Quod si sic, hoc quidem in loco abundaret. Vbi uerbum cituma necessario est retinendum. Quod autem Scipio, ut opinor, rogatur hic, ut rationem suam de cælo deduceret, id est quod de Socrate in Tusc. sic affirmatur. Socrates, inquit, primus philosophiam deuocauit è cælo, & in urbibus collocauit, & in domos etiam introduxit, uide licet in hæc cituma.

Quasi alius assimulare rempub. ] Hoc ex Diomedis lib. 1. descripsi, qui citat librum de rep. Putaui autem etiam ad librum proximum pertinere uerbaq. esse Scipionis recusantis prominciam, (ut sit in omnibus passim Cic. diatogis) de rep. disputandi, ut sit sensus. Sic mihi hoc à uobis de rep. differendi onus imponitur, quasi alius assimulare rempub. aut melius non possit, aut omnino non possit. Ita enim ego fragmentum & accipio, & explico. Dixit autem assimulare rempub. sicut Horat. in epistola ad Pisones, simulare cupressum, Et fortasse cupressum scis simulare, inquit.

Expositamq. ad exemplum. ] Sunt qui hunc locum ita legunt. Exponam quoque ad exemplum nostræ reip. accommodaboq. ad eam &c. Huc autem respexisse uidetur idem Cic. 11. leg.

leg. An, censes cum in illis de rep. libris persuadere uideatur Africanus, omnium rerump. nostram ueterem illam fuisse optimam, non necesse esse optimæ rerump. leges dare consentaneas. Delubris distinctam, spatiisq. communibus. ] Sigonij liber spatijs communibus. Reposui, Spatijsq. ex Nonio Salogano: in quo ipso abest etiam eius fragmenti extremum uerbum: Sunt qui illa quoque, Omnis ciuitas qua est constitutio populi, notant asterisco. Totum, ut puto, non temere. quanquam Sigonij lectio habet etiam suum sensum. Quid autem uocet Cicero spatia, ex illis locis intelligitur eiusdem alibi. Non ex rhetorum officinis, sed ex Academiæ spatijs: &, Quin igitur ad illa spatia nostra sedesq. pergitur: &, Eodem in spatio congedimus: &, Vt possis uidere, quemadmodum simus in spatio Q. Hortensium ipsius uestigio persecuti. Spatia enim cum omne fere loci interuallum significant, tum illud præcipue, quod in circo fuit.

Breui multitudo. ] Ex Augustino, Is ita scribit epistola v. Quid enim est respublica, nisi res populi? Res ergo communis res utique ciuitatis: quid est autem ciuitas, nisi multitudo hominum in quoddam uinculum redacta concordia? Apud eos enim ita legitur, Breui multitudo diuersa &c. Extrema igitur, sicut & pri-

ma, erunt Ciceronis, & quidem ex hoc, ut puto, libro.

Cognoscere mehercle.] Alias legitur cognosce. Quid? Si cognoscite, ut sint hæc Scipionis, ad eos, qui audiebant, quanquam ne Sagonij quidem coniectura displicet.

Duos Rom. reges.] Ex Seneca lib. xix. epistolarum, Quum Ciceronis, inquit, librum de rep. prehendit hinc philologus aliquis, hinc grammaticus, hinc philosophiæ deditus, alius aliò curam suam mittit. philosophus admiratur contra iustitiam dici tam multa potuisse.

Quum ad hanc lectionem philologus accessit, hoc subnotat duos Rom. reges esse & q. s. Dicam quod sentio. Non existimo plane uerbum de uerbo Ciceronis expressum, relatum esse. sed tamen idem puto haud multum aberrare.

Quod cum ita sit, etsi Seneca librum nominatim non citet, tamen ego huc putavi pertinere, inde ductus, quod l. l. l. Tusc. in proæmio sic scribit Cicero. Nec uero hic locus est, ut de moribus institutisq. maiorum & disciplina, ac temperatione ciuitatis loquamur; alijs hæc locis satis accurate à nobis dicta sunt, maximeq. in ijs sex libris, quos de rep. conscripsimus.

Atqui hoc totum libro primo esse persecutum apparet ex fragmento sequenti de annuis coss. & dimissis populo fascibus, quod aperte No-

nus

nus huic libro primo fert acceptum. Consequitur igitur etiam de cæteris eodem in libro fuisse pertractatum. Loquebatur igitur fortassis primum de legibus, mox de coss. & deinceps de alijs in remp. introductis magistratibus.

Quod præsentem hunc locum de Seruij matre, & Anci patre attinet, totus elegans est, ex historia erutus, & annalibus. nam de Seruij quidem matre, quæ scribit Linius, legi possunt lib. i. de Anco autem hic quod concisim dicitur, & asterisco notatum haud integrum esse ostenditur, ita repleo, & restituo: Anci pater etiam ignoratur, nisi quod, is rex Ancus Martius Numæ nepos dicitur. Meam correctionem ueram esse ostendo, primum ex Lino: qui cum de creatione eius regis loquitur, sic habet. Ancum Martium regem populus creauit, patres fuere auctores. Numæ Pompilij regis nepos, filia ortus, Ancus Martius erat. Deinde ex Plutarcho in Coriolano initio, ubi contra lectionem uulgarium exemplarium ita legendum esse ostendunt Sigonius & Hotommanus. ὁ Νόμας Δυαγίδης. id est, ex qua gente fuit etiam Martius Ancus; Numæ ex filia nepos. Quidam Numæ cuiusdam filium fuisse dicunt, in fastisq. sic reponunt, ex Tacito desumpta coniectura. quorum cum apud me magno illorum



merito maxima sit auctoritas, coniecturam ap-  
probabo, sed certe, ex quibus ea desumpta est,  
hos alios fortassis, quàm Cicero sequutus sit, au-  
ctores dicam fuisse imitatos.

Tum instituti annui consules. ] Vocem  
instituti, supplet Sigonius, recte, siquidem  
hic à grammatico integra recitatur sententia.  
Quid autem? si quid apud Ciceronem ad eum  
modum fuerit? Potestatem omnem reip. Ro-  
mane penes populum fuisse, ostendunt tum  
annui coss. tum &c.

Prouocationem ad populum. ] Ex Sene-  
ca, eodem illo lib. xix. epistolarum. Ex ijs-  
dem, inquit, de repub. libris notat philologus  
prouocationem ad populū etiam à regibus fuis-  
se. Detur enim mihi interim, esse hæc ipsius  
uerba Cic. Vbi sunt autem, qui prouocationem  
à dictatore in uniuersum tollunt? cum uideant  
reges etiam ipsos prouocationi cessisse? sic Fa-  
bius pater pro filio magistro equirum, ad Pa-  
pyrium dictatorem apud Liuium lib. vii. u-  
dero cessurus ne prouocationi sis, cui rex Rom.  
Tullus Hostilius cessit. Sed nos quidem hunc  
nodum totū, de prouocatione à dictatore cona-  
ti sumus dissoluere in nostro dictatore uberius.

Horum enim seueritatem. ] Sigonij liber,  
Horum seueritatem. Salogæ, horum in seueri-  
tatem. nos reponendum existimauimus, Ho-  
rum

rum enim seueritatem. In eodem autem isto  
Salogæ libro, & quibusdam alijs expresse cita-  
tur lib. quartus de rep. non primus.

Quem nos dictatorem dicimus. ] Etiam  
hoc ex Seneca, eodem illo loco. De dictatore, et  
uarijs eius nominibus, plura in nostro dictato-  
re, quem adhuc inter schedas nostras latitan-  
tem retinemus. Sed ne hoc quidem fragmentū  
ualde existimo Ciceronianum esse, quod ego ta-  
men, sicut ex Seneca cætera paulo ante recita-  
ta, antiquitatis magis, quàm elocutionis causa  
in contextum recipere uolui. nam hoc quo-  
que ex libris de repub. notare ait Seneca phi-  
lologum.

Cn. Flavius fastos protulit. ] Vide Liuium  
lib. ix. in fine. Plinium lib. xxxiii. cap. i.  
& Gell. lib. vi. cap. ix. In loco etiam Cice-  
ronis, quem ex epistolis ad Atticum adducit  
Sigonius, uidendum an pro, composuisse actio-  
nes, legendum sit potius, exposuisse, uel pro-  
posuisse. Omnino de hoc Flauio etiam ipsa an-  
tiquitas uidetur dubitasse, is ne re uera fuerit,  
qui fastos protulerit, an quispiam alius. id ita  
esse subindicat Ciceronis epistola ad Atticum.  
cuius uerba recitat Sigonius.

Quomodo enim iudicatur iste optimas. ]  
Omnia exemplaria, ut opinor, legunt pro, Quo-  
modo, quam, & optimus, pro optimas, Sigo-  
nius,

nus, optimas reposuit. Ego autem miror totum hoc fragmentum citari a Nonio ad ostendendam significationem uerbi Aemulus, cum pro eo, qui similitudinem uitae alicuius uel instituti sequitur, accipitur. ut sane uerear, ne ita legendum sit. Qua enim, uel, quomodo enim iudicatur esse Aemulus? doctrina, artibus, studijs. Haecenusque puto Ciceronis fragmentum esse. Quod autem sequitur, Nonij est fortassis, & pertinet ad declarationem uerbi, Audio, ut sit. Audio, quando significat, uel quando construitur &c. Esse enim lacunam in Nonio existimo.

Sed audisse.] Ex Nonio reposui. uide in dictione contendo. Citantur precise libri de repositio. si locus fuisset seorsum ijs assignatus, quae ex quoto libro de repositio. desumpta sint, satis certum esse non potest, & hoc & non pauca alia, illo quidem in loco inter incerta retulissem. nunc coniecturis laborandum fuit, quod quicque referri oporteat, quae coniecturae uereor etiam, ut ubique sint satis firmae. Hoc mehercle ad eam partem spectare credidi, quae est de optimatis descriptione. Petrus Victorius lib. xxi. cap. xviii. uar. lect. legit tuum uero, pro, tum uero.

Tum uirtute.] Hoc fragmentum uideo referri a Sigonij librario lib. v. Salogae Nonius, & ceteri

teri citant librum primum. Qui tu inquit aliquis. Ego uero quicquid inueni, retuli. Nam & lib. i. fragmentum descripsi, & lib. v. ut erat reliqui. quorum alterum fidei fuit & diligentiae, alterum amoris & beneuolentiae. Quod autem, quereret, lego, pro, quereretur, & alia, dicam libro quinto. Inueni etiam Nonios, qui citent librum secundum. uide dictione Anima.

Sed quoniam plurima.] Videtur hoc fragmentum non optime habere, illo quidem in loco, Quam si quis, ut aiunt, curauerit. Quid si sic? quam is qui, ut aiunt, creauerit? hoc sensu? patria antiquior est parens, quam is, qui procreauit. hac igitur de causa, & quod plurima etiam beneficia contineat, maior illi quam parenti debetur gratia. Equidem creandi uocabulum tribuit saepe Cicero arti, tribuit naturae. Creare autem liberos, legitur in epit. Liuij: 59. libris uulgatis. Quod sententiam loci attinet, eadem est cum illa, quam ita deinde expressit lib. ix. Pietatem cole, quae cum sit magna in parentibus, tum in patria maxima est. Sed ut plurimas.] Sic liber meus. Sigonius, sed ut primas.

Qua carere diutius uix possunt.] Ita in Salogae. prius erat, non possunt.

Quid? tu ne cum es iratus.] Sic restitui.



Andr. Patric.

ex tum cum es iratus, sicut illud quoque,  
Tum pseudomenos, pro tum pseudomenos, de  
quo infra:

Ergo non probares consilio pulsas. ] Au-  
sus sum pro, pulso, pulsas ponere, cum uide-  
rem Sigonium pro iracundia, ponere iracun-  
dias. quanquam id quidem coniecturam esse  
uolo. illud non item. Ego uero nihil isto animo.  
Sic enim liber Saloganus, & quidam alij: cum  
fragmentaria operæ particulam, uero, omisi-  
sent. Sensus totius est. si quis est qui non pro-  
bet, pulsas esse libidines & iracundias consilio,  
næ is miserrime est animatus, In nonnullis li-  
bris pro, tenerent; legitur, terrent.

Sed ut ille, qui nauigat, cum subito mare  
cepit horrescere. ] Quis non dicat, si se  
ipsum audiat, pro, cum subito mare, cum su-  
bit mare, legendum esse potius? Videtur enim  
horrescendi uerbum ad animatum potius quam  
ad inanimatum pertinere. Sed heu quam lubri-  
cus est lapsus in hominis coniectura. Citatur  
ibidem dictione horrendum, à Nonio Sisenna  
lib. III. uel, ut habet paulo post dictione Ca-  
cum, lib. IIII. is ita habet, Subito mare sub-  
horrescere, cæcosq. fluctus in se prouoluere le-  
niter occipit. ad quæ Sisennæ locum uidetur hic  
Cicero alludere uoluisse. Horridum enim No-  
nus accipit pro extanti & prominenti. Et cer-

te

In Tom. III. Fragm. 137

te mare horrescere, dixit non modo Cicero &  
Sisenna, ut uidimus, sed etiam Accius, et Var-  
ro, ut ostendit ibi Nonius, & Pacuuius, ut est  
I. diuin. apud Ciceronem.

In librum secundum de rep.

Est igitur quiddam. ] Malo quam, quod-  
dam, ut erat in libro priore. Omnes enim li-  
bri, quos uidi, legunt fragmentum ad quem  
scripsi modum.

Omnia aliter offendisset. ] Aliter, male  
& perperam. Sic illud III. fam. De tuo in me  
animo iniquis secus existimandi uideris non ni-  
hil loci dedisse. Et Sall. in Iugurt. Prius omnia  
pati decreuit, quam bellum sumere, quia tenta-  
tum antea secus cesserat. id autem est male.  
Quid ita uero? Primum, ut puto, ominis cau-  
sa, unde illud, in alia omnia, de quo scribit Fe-  
stus, dictione, qui hoc sentitis: quem uide e-  
tiam dict. Alter. Deinde, quod antiqui res bo-  
nas, & probatas, ac receptas, certas passim ap-  
pellabant: Sic Cicero pro Quintio. Non ita  
instituto inquit, ut iura societatis, & officia  
certi patris familias nosse posset. & pro Sex.  
Roscio, certi accusatoris officium. et v. Verr.  
Non rerum certarum, sed furtorum improbi-  
simorum uocabula. Ab hoc igitur certo quod  
aberra-

aberrabat, aliud erat, id est malum. Sed hæc omittamus. Vna enim mehercle Laetantij au-  
toritas, non id solum, sed etiam fragmenti to-  
tius sententiam aperit. is ita scribit lib. de ira  
Dei cap. xviii. Laudatur Archita Tarenti-  
nus, qui cum in agro corrupta esse omnia com-  
perisset, utrici sui culpam redargutus, Mife-  
rum te, inquit, quæ iam uerberibus necassem,  
nisi iratus essem, Quam eandem rem narrat  
Cicero ipse etiam extrema quarta Tusculana.  
Patefacta igitur ad eum modum sententia, au-  
sus sum fragmentum ipsum ad extremum libri  
collocatum, hic reponere, inter cætera quæ lo-  
quantur de animi cupiditatibus moderandis.  
Huc enim profecto pertinere, constabit, ex eo-  
rum locorum, quos nominavi, collatione.

Statuo esse optime. ] cum alias legeretur,  
Statue esse optime: alias, Statu esse optimo: le-  
gendum duxi, Statuo esse optime, & quæ se-  
quuntur. Scipio enim ipse profecto constituit  
de forma optimæ reip. Nonius, ex quo frag-  
mentum sumptum est, uerbo modicum, habet  
ad extremum, quæ nos etiam addidimus, illa:  
Nec punienda, irriter animum imma-  
nem, ac ferum; in quibus ego pro punienda,  
scripsi, puniendo, & præterea illud ex conie-  
ctura addidi, quod ibi minoribus characteri-  
bus sequitur. Nec omnia prætermitten-  
do

do licentia ciues deteriores reddat.  
Hocq. nnum interea de multis, ueluti specimen  
proferre uolui, si quis sit, qui hæc Ciceronis co-  
cisa fragmenta & interrupta, supplere unquã  
aut contexere uoluerit. Alterum si quis requi-  
rat, uideat lib. III. initio. Cumq. autumno  
terras &c. Cætera uide sparsim.

Vt in fidibus. ] Sic prope i. off. Vt in fidibus,  
aut in tibijs, quamuis paulum discrepent, ta-  
men id à sciente animaduerti solet: sic uiuen-  
dum est in uita, ne forte quid discrepet, uel mul-  
to etiam magis, quo maior & melior actionum  
quàm sonorum contentus est. Itaque, ut in fi-  
dibus, musicorum aures uel minima sentiunt:  
sic nos, si acres ac diligentes iudices esse uolu-  
mus, animaduersoresq. uitiorum, magna in-  
telligemus sæpe ex paruis.

Sic ex summis, & medijs, & infimis inter-  
iectis. ] Ita fere omnes, quos uidi. Quid  
autem si? ex summis, & infimis, & me-  
dijs interiectis. Animaduerti sane, non mo-  
do uerba sæpe de loco mota, sed etiam totas  
aliquando lineas ab oscitantibus librarijs con-  
fusas esse, atque conturbatas. Insigne eius  
rei exemplum est in libro Ciceronis de Sene-  
ctute. Is ita passim legitur. Fabio III. i. coss.  
adolescens miles profectus sum ad Ca-  
puam, quintoq. anno post ad Tarentum quæ-



stor, deinde adilis, quadriennio post factus sum  
prator, quem magistratum gessi coss. Tudita-  
no & Cethego, quum quidem ille admodum se-  
nex suator legis Cincie de donis, & muneribus  
fuit. Quem locum, etsi uideo nonnullos exti-  
tisse, qui, corruptum esse, fuerunt quodammo-  
do suspicati, tamen nemo, quod sciam, restitu-  
it, nemo etiam iter restituendi demonstra-  
uit. membra enim orationis luxata esse non ui-  
derunt, quæ ita sunt mea sententia corrigenda,  
Fabio IIII. cos. adolescentulus miles profe-  
ctus sum ad Capuam, decimoq. anno post ad  
Tarentum quæstor, quum magistratum gessi  
coss. Tuditano et Cethego: deinde adilis, qua-  
driennio post factus sum prator, cum quidem  
ille admodum senex. & quæ sequuntur. Nisi  
forte sic potius legendum est, Ad Capuam,  
quintoq. anno post ad Tarentum, tum quæstor,  
quem magistratum gessi coss. Tuditano, et Ce-  
thego. Vel sic: Ad Capuam, quintoq. anno  
post ad Tarentum, quæstor, deinde, quem ma-  
gistratum etc. Nam quinto anno post inchoa-  
tam militiam, ne possit Cato uideri quæsturam  
gessisse, facit Polyb. lib. VI. ubi ante magistra-  
tus, decem, ut minimum, requirit militaria sti-  
pendia. Quod autem coss. Tuditanus & Ce-  
thegus ad quæsturam, ut ego censeo, non ad  
praturam, ut est in omnibus libris, pertineant  
Ca-

Catonis, ostendunt cum *Liuii* lib. XXIX.  
tum ipse Cato apud *Ciceronem* ibidem inferius,  
cum loquitur de sodalitatibus & sacris *Ideis*  
magna matris, & apertissime *Cicero* in *Bruto*,  
quemadmodum copiosius ostendemus in *Miscel-  
laneis* nostris coniectationibus. Cum hæc ita  
scripsissem, Exhibuit mihi multo post *Lucas*  
*Eornicius* meus, ex regia *Viluësis* bibliotheca,  
omni librorum genere refertissima, depromptū  
quoddam *Augustini* uolumen de ciuitate *Dei*,  
excusum primis adhuc fere illis temporibus,  
quo typi primū aenei fuerunt adinuenti, in quo  
locus hic ex lib. 2. de rep. ad eum modum legi-  
tur, quem ex coniectura demonstraram: ut dis-  
bitari minime debeat de ipsius coniectura fir-  
mitate.

Optimum omni in rep. uinculum.] Le-  
gendum puto, optimum omnium. plus enim  
olet *Ciceronem*.

Proiecta tota est, atque eminet.] Etsi legi  
possit, porrecta, à uerbo porrigo, cuius est in  
sequenti fragmento mentio, tamen retineo,  
proiecta. sub hoc enim uerbo uideo citari frag-  
mentum à *Nonio*. Proprie autem quid sit pro-  
iectum, exponit *Labeo* ad *Iabolenum* lib. 2. ex  
post, ut est in *L. malum*: D. uerb. & rerum  
signif. Hic metaphorice dixit de iustitia, sicut  
etiam de audacia in ea pro *Cluentio*, Quorum  
emi-

eminet audacia atque proiecta est. . . .  
 Multaq[ue] ditione.] Nonius hoc testimonium,  
 in libris quidem quos uidi, non ex secundo de  
 rep. citat, sed ex 11. de senect. uide librum ad  
 filium in dict. pecuniosus. fortassis uitium e-  
 rat librarij.

## In librum tertium de rep.

QUONIAM sumus.] Descriptum ex Se-  
 neca lib. XIX. epistolarum. Eosdem, inquit,  
 de rep. libros cum Grammaticus explicuit, pri-  
 mum &c. Deinde transit ad ea, quæ consuetu-  
 do secuta mutauit, tanquam quod ait Cicero:  
 Quoniam sumus ab ipsa calce, eius interpella-  
 tione reuocati. Hanc, quam nunc in circo metā  
 uocamus, calcem antiqui dicebant. Hæc Sene-  
 ca. Puto uerba esse Scipionis, qui cum pridie  
 permulta dixisset pro iustitia, ut ex Augusti-  
 no colligitur, fuit interpellatione Philii prohibi-  
 tus, ne posset ad extremum peruenire. Popo-  
 scit enim tunc Philus questionem diligentius  
 tractari, ne iniustitia sine patrono etiam con-  
 demnari uideretur, propter illud maxime, quod  
 uulgo iam tum ferebatur, ut scribit idem Au-  
 gust. remp. regi sine iniuria non posse. Eam igitur  
 ob causam res uidetur in sequentem diem di-  
 lata fuisse. Quod cum ita sit, commodi, ut opi-  
 nor,

nor, orationi suæ principium hoc Scipio dare po-  
 tuit, ut diceret se Philii interpellatione ab extre-  
 mo orationis pro iustitia, & ut ipse ait, ab ipsa  
 calce depulsum esse, & reuocatum. Calcem au-  
 tem ueteres metā in circo appellasse, ex hoc  
 loco colligi posse Seneca existimauit. sed de me-  
 tis Circensibus, alius locus est dicendi.  
 Nullum est ius naturale.] Hoc descriptum  
 est ex Lactantio epit. cap. 1. id quod quidem  
 totum Carneadeum esse, lib. v. cap. XV. I.  
 scribit; repetitum autem esse in his libris à Fu-  
 rio, memorat lib. v. Equidem uix præ me fer-  
 re audeo, atque etiam non præ me fero quidē,  
 totidem uerbis perscriptam fuisse eam senten-  
 tiam à Cicerone, quod uideam alijs atque alijs  
 referri à Lactantio. sed tamen, sicut fecit Sigo-  
 nius, in fragmento sequenti perscribendo, ut,  
 quæ tam in lib. quinto, quam in ipsa epitome  
 apud Lactantium referuntur, ea uerbis ex epi-  
 tome desumptis perscribere maluerit, idem ego  
 mihi hoc in loco censuisse faciundum. sunt e-  
 nim profecto reliquis accommodatiora. Vide-  
 tur autem ijs uerbis Cicero Thrasymachum il-  
 lum Platonis exprimere uoluisse, qui ius omne  
 opinabile esse, non naturale, affirmabat, idq[ue] es-  
 se definiebat, quod ei, qui plus potest, utile sit.  
 de qua re dicemus etiam ad finem eius libri.  
 Aut occupare, aut mori.] Occupare, tabu-  
 lam



lam uidelicet, aut equū quo alter iam uebatur, ui capere. Meus liber legit, occidere in actiua uidelicet significatione pro perimere. utrumque utrinque & reprehendi potest, mea quidem sententia, & defendi. In fine eius fragmenti, pro, quia nocebit, mallem clariore sententia legi, quia alij nocebit. Alioqui enim τὸ nocebit, uidebitur esse ad τὸ sibi referendum, quod res ipsa repudiat.

Contra autem, qui sit improbissimus, existimetur. ] Legendum fortassis, existimet. id cum per me ipse ita iudicarem, inueni postea ab alijs animaduersum esse. Quid uero preterea, si sic? et contra, eum qui sit improbissimus, existimet &c. Neque enim placet, & hic & paulo post. CONTRA AUTEM. & liberrius in PVTE ET CONTRA, facile, ET, omittere potuit. Ibiq. in fine fragmenti pro omnium estimatione, lego ex meo Lactantio, omnium estimatione. Paulo autem post id fragmentum, induxi etiam unum obelisco, prorsusq. sustuli. Quod ita legebatur. Etenim quæro, si quis pater familias liberis suis à seruo interfectis, uxore occisa, incensa domo, supplicium de seruo quàm acerbissimum sumpserit, utrum is clemens, ac misericors, an inhumanus, & crudelissimus esse uideatur. Extat enim ora-

oratione IIII. in Catil. In quo tamen quoddam lim etiam, pro, seruo unquam, seruo nequam, reposueram, cum præsertim alibi, nunquam, legeretur, contraria plane sententia: eam emendationem quam Sigonius etiam tum approbavit, nec sententia ipsa nunc respuit, nec ego adhuc sane repudio: præsertim cum uulgatæ lectioni, quæ habet, de seruis quàm acerbissimū, illud opponi posse uideatur, quod in uocabulo, seruis, numerum non retineat, nec eum qui præcessit, nec eum qui sequitur. Supra enim legit, à seruo interfectis, et infra, dolore nocentis, utrobique uidelicet singulariter: hic autem, de seruis quàm acerbissimum, numero multitudinis. Tota periodus sic habet, ut est quidem in uulgatis libris. Etenim quæro, Si quis pater familias, liberis suis, à seruo interfectis, uxore occisa, incensa domo, supplicium de seruis quàm acerbissimum sumpserit, utrum is clemens ac misericors, an inhumanissimus & crudelissimus esse uideatur? mihi uero importunus ac ferreus, qui non dolorem suum & cruciatum dolore nocentis & cruciatu lenierit. Quanquam ego hic quidem etiam in extremo mallem legi clarius, si non dolorem suum &c. Id confirmat adoptatio similitudinis, quæ ibi statim sequitur.

Quo scelere compulsus. ] Bis citatur à No  
T 2 mio

nio, legitur autē alibi compulsus, alibi impulsus:  
Non grauerer Læli. ] Ex Gellio descriptum  
lib. 1. cap. xxii. noct. Atticarum. hocque  
illud est, quod August. ita scribit post exposi-  
tam defensionem iniustitiæ a Philo habitam.  
Tum Lælius, inquit, rogantibus omnibus iusti-  
tiam defendere aggressus &c. Sunt autem, ut  
puto, uerba Scipionis, cui fortassis Lælius pro  
iustitia differendi prouinciam imponere, a seq.  
amouere uolebat. Ostendi autem supra, locum  
esse non ex secundo, ut Gelliani codices per men-  
dum habent, sed ex tertio libro de rep. Mire e-  
nim quadrat & rei ipsi, & Augustini testimo-  
nio, quod proxime recitauimus.

Huic legi nec obrogari. ] Legebatur propa-  
gari. sed nostram profecto emendationem sic  
approbavit Sigonius. Huic legi nec propagari  
fas est. Patricius corrigit, obrogari, recte. se-  
quitur enim derogari, & abrogari. quibus uer-  
bis tria genera labefactæ leges expressa sunt.  
Sic Sigonius. Ego autem præterea facile in ea-  
dem correctione confirmor, aliorum quorum-  
dam in hoc loco lectionem intuens: habent e-  
nim, Huic legi nec prorogari. Vtrum autem  
sit rectius, non est, ut puto, difficile diuinare.  
In eodem fragmento, pro & sempiterna, & im-  
mortalis, legerem, ex meo Lactantio, & sem-  
piterna, & immutabilis.

Ipsē

Ipsē se fugiet. ] Aut hic legendum, quique  
se fugiet, quanquam Sigonio non satis placeat,  
aut statim post, pro, hoc ipso luet, recte a no-  
bis repositum est, hocq. ipso luet. Cum hæc ita  
scripsissem, uidi in illo Balduini commentario,  
quem in Iustiniani instituta elegantissimum  
consecit, legi quidem, ipse se fugiet; sed mox  
addi particulā, atque, sic, atque hoc ipso luet.

Huic tu uiro. ] Hoc desumptum ex Lactan-  
tio lib. v. cap. xix. Verba autem sunt Lælij,  
ut ibidem testatur Lactantius: Etsi autem eo lo-  
co librum non citet Ciceronis, tum cum a Lælio  
prolata esse dicat, ad libros de rep. putauī per-  
tinere. Et cum hoc loco fragmentum illud Sigo-  
nij deleuerim, Iustus uero ac sapiens &c. quæ,  
mea quidem sententia, in uerbis Lactantij al-  
lusionem tantum habebant ad hæc uerba Cice-  
ronis, putauī deletis illis hæc esse in eorum locū  
substituenda. Sigonij fragmentum, si quis id re-  
quirat, erat ex Lact. lib. v. c. 23. et legebatur sic.  
Iustus uero ac sapiens, quia illa omnia  
humana sunt, sua bona diuina indicat,  
nec aliorum quicquam concupiscit, ne  
quem contra ius humanitatis lædat o-  
mnino, nec ullam potentiam, hono-  
rem ue desiderat, ne cui faciat iniuriā.  
Pyrri ridetur. ] Alias Pyrri uidet, alias, Pyr-  
rhi uidelicet. Ego Sigonium sequor.

T 3

Cuius



And. Patric.

Cuius etiam focum. ] De hoc loco uide *Vist. uar. lect. lib. x. cap. v.* Præterea autem idem ille Nonius, ex cuius hoc fragmentum libro de doctorum indagine desumptum est à Sigonio, scribit statim initio libri de uocabulis ab *A* litera incipientibus. Apud, inquit, significat iuxta. *Sisenna hist. lib. iiii.* Dum pristinum uinum apud ignem per sudorem corpore exhaustum. *M. Tullius de off.* Cuius focum mirari solitus Cato, apud quem ille sedens Samnitum quondam hostium, iam clientum suorum, munerum repudiauerat. Qui mihi locus propter plurimam uidebatur esse adnotandus. Hic enim & liber citatur de officijs, & mirari, pro uisere, & repudiauerat, pro relegauerat.

Nullum bellum suscipitur. ] Sumptum ex *August. lib. xxi. ciuit. cap. vi.* Scio inquit ille, in libro Ciceronis tertio, nisi fallor, de rep. disputari nullum bellum etc. Itaque cum hoc quidem loco duo fragmenta quasi de possessione eiecissim, putari esse uel unum hoc saltem pro utrisque reponendum. Vnum, quod eieci, fragmentum illud erat. Illa iniusta bella sunt, quæ sunt sine causa suscepta. nam ultra, ulciscendi, aut propulsandorum hostium causam bellum iustum geri nullum potest. Quod *Isidorus* magis, quam *Cicero*, uideatur redolere. Alterum illud Nul-

lum

In Tom. III. Fragm. 143

lum bellum iustum haberi uidetur, nisi denuntiatur, nisi indictum, nisi de repetitis rebus. quod extat manifesto in lib. i. off.

Romuli autem ætatem minus. ] Erant, qui de errore suspicarentur, nec locum admodum intelligerent. nunc suspicio quidem omnis, locutionis genere, sententiæ autem obscuritas temporum ratione tollitur demonstrata. Sed primum interpungo sic. Romuli autem ætatem minus his sexcentis annis, iam inueteratis literis atque doctrinis, omniq. illo antiquo ex inculta hominum uita errore sublato, fuisse cernimus. Iam illud, minus his sexcentis annis, tantum prope ualet, quantum, quod alias solet idem dicere, intra hos sexcentos annos. sic illud etiam accipio *xliii. ad Atticum.* Verum ille gaudens, affirmatq. minus diebus *xx.* tumultum Gallicum. Et illud *i. de Diuin. Remigem* quendam ex quinquere mi Rhodiorum uaticinatum, madefactum iri minus *xxx* diebus Græciam sanguine. hoc est intra hos *xx* et *xxx* dies: & ut nos loqui solemus, antequam dies *xx*, aut dies *xxx* elabantur. ut sit sensus fragmenti: Romuli ætatem uidemus extitisse intra hos sexcentos annos, inueteratis iam uide licet literis atque doctrinis. Videamus igitur an uerum sit quod ait, ex ratione temporum. equi-

T 4 dem

dem disputatio hac de rep. habita est Sempromio & Aquillio coss. ut colligitur ex lib. I I I. epist. ad Q. fratrem, qui fuit annus V. C. 624. ad rationem Capitolinorum fastorum. Romulus autem mortuus est anno urbis 37. Inde igitur ad tempus disputationis, sunt anni sexcenti, minus tredecim. Quod autem ætas illa fuerit iam literata & civilis, cum fragmentum ipsum inferius exponit, tum uide etiam Cicer. in Bruto 17. 18. 19. & 1. Tuscul. 2. & Gell. lib. XVI. cap. XXI. Hoc autem etiam referendum est non tam ad Romanos, qui tamen nondum sat exculi erant, quàm ad Græcos. Nam in lib. 1. de Diuin. Romuli auguratum pastorem adhuc, non urbanum appellat. & ibidem supra pastoribus. illum ait præfuisse.

Hæc ætas autem iam exculata, præsertim eludens omne quod fieri nõ potest respuit. ] Non prorsus mihi hoc in loco, & qui dem maxime in uerbo, eludens, satisfacio. uideo apud Augustinum eundem hunc locum ad eundem modum recitari, & quidem bis recitari. uideo idem uocabulum eadem prope significatione alibi ab eodem ipso Cicerone usurpari. et tamen nescio quid desidero. locus Ciceronis extat in or. v. Verr. non longe initio. Quid? hoc cuiquam ferendum putas esse, nos ita uiuere in pecunia tenui, ut prorsus nihil ac-

quirere

quirere uelimus, ut dignitatem nostram populi. R. beneficia non copijs, sed uirtute tueamur? istum, rebus omnibus undiq. ereptis, impune eludentem circumfluere atque abundare? Esto igitur, eludens, lasciuientem, ut uolunt quidam, & nimia uoluptate exultantem significet. Sed tamen sic quoque, particula præsertim, si cum uerbo, exculata, coniungatur, abundabit. quæ enim ætas alia quàm exculata? si cum uerbo eludens, hoc quidem fere sensus ipse communis etiam eludens respuit. Erat, cum de mendo suspicarer, proque, eludens, è ludis, legerem, sed ne in hoc quidem acquiesco. Vide rint, qui adiunari possunt librorum ope manuscriptorum.

Apud Ennium. ] Vide scholia Sigonij. Præter ea autem, quæ ipse affert, sunt uerba Senecæ lib. XI. x. epistolarum. Cum grammaticus, inquit, libros de repub. Ciceronis explicuit, felicem se putat, quod inuenerit, unde uisum sit Vergilio dicere.

quem super ingens

Porta tonat cæli.

Ennium hoc ait Homero surripuisse, Ennio Vergilium, esse Ennij apud Ciceronem in his ipsis de rep. hoc epigramma.

Si fas cedendo cælestia scādere cuiquā est,  
Mi soli cæli maxima porta patet.

Quod



Quod sane Seneca testimonium nisi esset, haud affirmare ex Lactantio poteramus, uersus Ennii fuisse à Cicerone in his libris repetitos. Sunt autem quoque libri Senecæ, qui primum uersum sic leguntur:

Si fas est plagas cœlestum ascendere cuiquam. Hic est ille situs. ] Seneca lib. eodem xix. epistola prima, hæc uerba habet, Ex iisdem, inquit, de rep. libris grammaticus Ennianos uersus colligit, & in primis illos de Africano scriptos. Cui nemo cuius &c. Ad quorum quidem caput uersuum, facile illud sum pertinere arbitratus, quod habet Cicero 2. leg. Hic est ille situs. Sic enim ibi habet. Antiquissimum genus sepulturæ fuisse, cum terræ corpus redditur, & ita locatum ac situm quasi operimento matris obducitur, declarat Ennius de Africano. Hic est ille situs &c. Etsi autem diuinare non potui ad quem locum hæc omnia proprie pertineant, tamen quia & in libris de rep. Seneca teste, fuerant, & hoc in loco uersus alij recensebantur, uisum quoque fuit, ea his adiungere. Versus sane esse Ennianos de Africano, & Cicero scribit, & Seneca.

Subito sole obscurato nō comparuisset. ] Seneca lib. xix. eodem epistolarum. Quum ad hanc lectionem, (loquitur autem de libris de rep.) philologus accessit, notat Romulum per-

riffe

risse solis defectione. Quod cum scribit, uel huc respicit, uel ad illud lib. vi. Olim deficere sol. hominibus extinguiq. uisus est, cum Romuli animus &c.

Vult plane uirtus honorem. ] Declarauimus, & ut puto, illustrauimus hunc locum alibi, quod satis esse ad Lactantium illustrandum iudicauimus. nunc nihil addo. optime enim Sigonius. illud unum, animaduertendam esse rationem interpunctionum, quam non nihil conturbant Sigoniane operæ, & retinendam lectionem, Næ illa se tamen multis, pro nec illa se multis: quæ partim ex optimis exemplaribus desumpta, partim ex coniectura, sunt. Etsi enim τὸ tamen, absit ab Lactantij exemplaribus, tamen is eo loco manifeste τὸ, inquit, interponit, & pro τὸ tamen, substituit, sicut & in lib. de Consolatione, ubi cum Cicero scripsisset, Nihil est enim in animis mistum (quæ admodum ex prima Tusculana intelligitur) Lactantius lib. de ira Dei cap. x. sub finem legit, Nihil est, inquit, in animis mistum. uidelicet pro, enim, inquit, substituit.

Ciuitas autem. ] Disiunctum erat à superiore: ego coniunxi, ex ipso August. ubi etiam pro ac concidat, legitur, & concidat, iucundiore sono. Ad eius autem totius loci sententiam uidetur respexisse Scipio in oratione apud Liuium lib.

lib. xxviii. Ne istuc, inquit, Iupiter opt-  
max. fierit, urbem auspicato dijs auctoribus in  
eternum conditam, fragili huic & mortali cor-  
pori æqualem esse.

Vbi uero iustitia non est. ] Extractum ex  
Aug. lib. ix. ciuit. Dei. cap. xxi. Videtur  
enim profecto esse Ciceronis, cum reprehensio-  
ne ad extremum definitionis iustitiæ, allatæ à  
Thrasymacho apud Platonem, lib. i. de rep. de  
qua etiam superius diximus, eius libri initio.

Quòd eam coercet. ] Legebatur, atque ad-  
eo legitur in Augustino, quo eam coercet. Pu-  
tanti uel quo eam coerceat, uel quòd eam coer-  
cet, legi rectius.

Exportauerunt in Græciam. ] Si uerum est  
quod dicunt grammatici, aut legendum hic est,  
importauerunt, aut intelligendum, exportau-  
erunt ex Phœnicia in Græciam.

Sed ut ipsi seu animum periclitentur. ] In  
Sigonio erat, sed ut ipsi nimium seu pericliten-  
tur. In Salogæ Nonio, & alibi, Sed ut ipsi  
seu animum periclitentur. scripsi, Sed ut ipsi  
seu animum periclitentur. Plaut. Amphit. pe-  
riclitatus sum animum tuum.

In librum quartum de rep.

Cum q. autumnno terras. ] Hic locus sic  
habebat in Sigoniano. Cumq. autumnno terras  
ad

concipiendas fruges patefecerit, hyemè ad con-  
cipiendas relaxarit, maturitate alia mitigau-  
erit, alia terruerit. Saloganus Nonius & alij,  
dictione mitis, nihil ab hoc discrepant; nisi quòd  
post uerbum, relaxarit, addunt nescio quid,  
hoc modo, relaxarit à fistula maturitate. Sigo-  
nius in scholijs uocem concipiendas bis repeti-  
tam per mendum esse scribit. Videtur autem  
pro altero, concipiendas, uelle, excitandas, le-  
gere. Succurrendum est, quàm possumus, san-  
ctissimis istis reliquijs antiquitatis. Ac cetera  
quidem alias, nunc totum fragmentum hoc sic  
lego, Cumq. autumnno terras ad concipiendas  
fruges patefecerit, hyeme ad conficiendas com-  
presserit, uere ad effundendas relaxarit, æsta-  
te ac maturitate alia mitigauerit, alia torru-  
erit, uel, æstate ad maturitatem &c. Quid ita?  
primum, propter illud à fistula, quod est in Sa-  
logano: deinde, quia uerisimile uix uidebatur,  
hyemem tantum & autumnnum nominari, cæ-  
teras anni partes reticere, tum, quia relaxan-  
di uerbum hyemi parum esse accommodatum  
existimabatur, quæ terram ita cohibet ac com-  
primit, potius quàm relaxat, ut Aprilis, qui  
uernus est mensis, ab ea aperienda nomen tra-  
xerit: Quin, cum canit Horat. Soluitur acris  
hyems grata uice ueris, significat hanc anni par-  
tem ligatam prorsus, & astrictam esse, soluiq.



potius ipsam & relaxari oportere, quàm ut sol uere quid ipsa per se aut relaxare possit. Postremo autem quia, conficiendas, ad concipiendas propius accedebat, quàm excitandas. Quod autem relaxandi uerbo uerbum comprimenti opposui, feci Vergilij auctoritate adductus 1: Aen. de uentis, & eorum rege: Qui fœdere certo Et premere, & laxas sciret dare iussus habenas. Sic illud Ciceronis: Zeno cum compresserat digitos, pugnumq. fecerat, dialecticam aiebat eiusmodi esse, cum autem diduxerat, & manum dilatauerat, &c. Eandem autem fere sententiam ijs uerbis extulit idem in lib. de Senectute. Terra cum gremio mollito et subactō semē sparsū excepit, primū id occatū cohibet, deinde tepesactū uapore et complexu suo diffundit, & elicit herbescentem ex eo uiriditatem &c. Ego autem, qua ratione locum hunc emendauī, eadem ratione emendauit Perionius locum Timæo eiusdem Ciceronis. qui locus, cum ubique sic legeretur, Erant autem animantium genera quatuor, quorum unum diuinum atque cœleste, alterum pennigerum & aerium, tertium terrestre: quartum diuinæ animationis maxime speciem faciebat ex igne, ita &c. legendum ostendit. Quorum unum diuinum atque cœleste, alterum pennigerum & aerium, tertium aquatile, terrestre quartum.

tum. diuinæ animationis. et q. s. Mirum enim erat omitti aquatilia. ] Eademq. obiectam uino. ] Hoc fragmentum in Sigonio ita legitur, Eademq. obiectam uino atque umbram noctemq. efficiat cum numerum dierum aptum ad laborum quietem. In ipso Nonio ad eundem propemodum, nisi quod inter, cum & numerum additur præpositio, ad, cum ad numerum dierum. Equidem sicut superius de sole, ita hoc fragmentum de terra, clarissime loquitur, sed uerbis non nihil intricatis. Quo animo igitur superiori illi mederi conati sumus, eodem hoc istud aggrediamur, si quid forte proficiamus. Lego igitur, atque umbram noctemq. efficiat, cum ad numerum dierum aptam, tum ad laborum quietem. Loquitur enim de terra, ut dixi, quæ soli obiecta atque opposita, umbram & noctem faciat, noctem inquam aptam, id est necessariam, ut exponit Nonius, cum ad numerum dierum, (nisi sol enim occideret, & terra noctem faceret, unus quidam perpetuus dies esset, numerus dierum nullus esset) tum ad quietem laborum. Librarius ex, aptam tum, fecerat, aptum. Emendationem suggestit mihi ipse pene Nonius, qui scribit sic, Aptam, necessariam significat. particula autem, cum, quæ præcesserat, requirere, tum, uidebatur. Primas tres uoces

res alius emendabit. Scio legi, Ea denique obiectum uino. Et, Eademq. obiectum uino. Hanc & superioris fragmenti emendationem cū P. Porembio, homini integerrimo, et, quod ad rē pertinet, ingeniosissimo, forte fortuna relegissem, mirifice approbabat, meq. ut eas aliquid esse etiam ipse existimarem, plane inflammabat.

Patiamur. ] Hic in Sigonio fragmentum erat separatum. coniunctum cum superiori, ex ipso Augustino, & ratione sententiæ. Ibidem quoque restitui, iam suæ ciuitati, cum ante tantum legeretur, iam ciuitati.

Nostræ contra xii. tab. ] Haud scio an id sit, quod Donatus in Terent. de tragædia et cōmædia significat his uerbis: Sed cum poetæ abuti licentius stylo & passim ledere ex libidine cœpissent plures bonos, ne quisquam in alterum carmen infame proponeret, lege lata, siluere. Et quod Horat. in epistola ad Augustum lib. ii. epist.

Fescenina per hunc inuēta licentia morē Versibus alternis opprobria rustica fudit: Libertasq. recurrētes accepta per annos Lusit amabiliter: donec iam sæuus apertā In rabiē uerticēpit iocus, & per honestas Ire domos impune minax. doluere cruēto Dēte lacesiti: fuit intactis quoque cura

Con-

Conditione super cōmuni, quinetiā lex, Pœnaque lata, malo quæ nollet carmine quenquam.

Describi. uertere modū formidine fustis Ad bene dicendū, delectandumq. redacti. Aeschines Atheniensis. ] Hoc de Græcorum, & maxime Atheniensium rep.

Probris & iniuriis. ] Hoc, & sequens de Romanorum, quasi per contentionem ad Græcorum consuetudinem & leges. Quod autem ibi dicitur, Capite etiam puniri sancitum, alibi abest puniri.

Cumq. nihil tam incorruptum. ] Translatum ex Marcellino lib. xxx. Horum obstinatione (loquitur de rabulis forensibus) libertatem temeritas, cōstantiam audacia præceps, eloquentiam inanis quædam imitatur fluentia loquendi: quarum artiū sœuitate, ut Tullius ad seuerat, nefas est religionem decipi indicantis. ait enim. Cumq. nihil tam incorruptum &c. Videntur autem huc pertinere, & ab eodem Scipione contra oratores dici, qui superius poetæ ex sua rep. exterminandos existimabat, & qui infra turpes etiam philosophos expellere de ciuitate non dubitat.

Censoris iudicium. ] Perpuratus hic locus erat à Victorio lib. xv. cap. xxi. nar. lect. sed quoniam ipse etiam dubitare uidebatur, sã-

V tis



tis locum purgatum: per se esse, adduxit facile Sigonium, ut is quoque locum fortassis emendandum susciperet, & pro offert, affert, legeret. Me etiam profecto eadem hæc iste hominis ingenui & aperti dubitatio commouit, ut pro, itaque ut omnis, legendum existimem, itaque quod omnis. sic enim fere illud ex VI. lib. infra, Ea. diffensio omnium, quod seorsum eunt alij ad alios, seditio nominatur. Et de iisdem censoribus illud Varronis de uita populi Romani lib. II. Itaque, inquit, quod hos arbitros instituerunt populi, Censores appellarunt. idem enim ualet censere, (sic enim lego ibi,) et arbitrari. Citat Nonius diétione censeo.

Nec uero mulieribus præfectus reponatur. ] Quid? si, præponatur.

Magnam habet uim disciplina uerecundia, cauent temeto omnes mulieres. ] Vim, pro uiam uerissime legitur etiam in libris Nonij quibusdam. Ego etiam pro carent, cauent, legere non dubitau. Hoc enim magis & disciplina est, & uerecundia, de qua est sermo. Quod autem ibidem dicitur,

Si qua erat famosa. ] Famofam intelligo, ut exponit ibi Nonius, infamem, sed propter uinum proprie. Nam illud, quod est apud eundem Cicer. lib. I. I. de orat. Nam me ad famosas uetuit mater accedere: aliò pertinere arbitror,

tror. Hic autem famosam, temulentam, ut appellat Terentius, intelligo. nam temetum olim, uinum appellabant, ut scribit Plinius lib. XIII. cap. XIII. De Osculo quod statim dicitur, de hoc præter Plinij locum allegatum, ui de Valer. de inst. antiquis. & Festum in diét. Osculana pugna, quanquam uerbis mutilatis, et manca sententia. uide etiam Plut. in problematis, Arnobium lib. II. disput. contra gen. Tertull. in Apolog. Certe Athenæus scribit lib. I. Apud Rom. inquit, ἔτε οἰκίτης οἶνον ἀπίνεν οὔτε γυνὴ ἐλδοθήρα, ἔτε τῶν ἐλδοθήρων οἱ ἐφείβοι μέγχι τριάνοντα ἐτῶν. quanquam Aelianus usque ad quinque & triginta annos extendit, uti adnotauit Sigonius.

Admiror, nec rerum solum. ] De hoc & sequenti fragmento, sic Nonius. Iurgium & lis hanc habent distantiam. M. Tullius de rep. lib. I. I. I. Admiror nec rerum solum, sed etiam uerborum elegantiam. si iurgant, inquit, beneuolorum concertatio, non lis inimicorū iurgium dicitur. Et in sequenti, iurgare igitur putat inter se uicinos non litigare. Primum igitur ordinem fragmentorum, quem in Nonio reperio, retineo, etiamsi in libro Sigonij, librariorum fortassis incuria, inuersus uideatur. præsertim quod, cum ad secundum transit Nonius, aperte fatetur esse in sequenti, ut pericu-

lum etiam sit, ne sit ex sequenti libro. Deinde distinguo & scribo sic. Admiror, nec rerum solum, sed etiam uerborum elegantiam, **SI IURGANT**, inquit, Beneuolorum concertatio, non lis inimicorum iurgium dicitur. uidetur autem de **XII. tabulis** sermo esse, de quibus est etiam illud lib. de orat. **I. Fremant omnes licet**, & quæ sequuntur. Quasi igitur recitata una aliqua ex ijs tabulis integra lege, sic infert, In quo earum tabularum admiror, nec rerum solum, sed etiam uerborum elegantiam. Et mox repetens fortassis caput legis recitata, **SI IURGANT**, inquit. Deinde incipit uerbum iurgandi declarare. Beneuolorum, inquit, concertatio, non lis inimicorum iurgium dicitur. Sequens autem fragmentum est ueluti eius disputationis conclusio. iurgare igitur lex putat inter se uicinos, non litigare. Et quidem putat lego, non uetat, nam uetat aperte pugnat cum Nonij sententia. Seruata est autem etiam à plerisque alijs scriptoribus eorum uerborum proprietates. unde Syrus apud Terent. in Adelphis, cum lenissime uellet pugnam appellare, Audio te nescio quid, inquit, concertasse cum hero: Et Paulus quoque iurisconsultus in **l. Quod si non D. iure dotium**, Quod si non diuertium, sed iurgium fuit, dos eiusdem matrimonij manebit. Varro lib. **VI. de ling. Lat. quan-**  
quam

quam loco corrupto, tamen significat profecto, abiure dictum esse iurgandi uerbum. Cicero hic idem superius in Protagora, concertationis uerbo etiam mollius uidetur inuenisse. Contro- uersimini, inquit, inter uos, non concertetis. Sed monet me sane hic locus, ut persimilem alium apud eundem Cic. **II. legibus**. quantum possum corrigam, & explanem. Recitat enim etiam caput legis, sed uerbis, ut ego puto, & illis, & sequentibus labem passis, locus sic legitur. A paruis enim Quinte didicimus, si in ius uocat, atque eat, eiusmodi leges alias nominare. Ego autem censeo sic. à paruis enim Quinte didicimus, **SI IN IUS VOCAT**, atque ea eiusmodi, leges solas nominare. Sed uero etc. Hoc sensu. Non abs re, ò Quinte, æstu consuetudinis absorberi metuis, ueritus, ne communi loquendi more deceptus, ea tantum, quæ **XII. tabulis** continentur, leges appelles, appellari ne intelligas. à teneris enim profecto didicimus, **SI IN IUS VOCAT**, id autem est, legem quæ sic in **XII. tab.** incipit, atque alia eiusmodi, **XII. tabulis** comprehensa, solas leges nominare. Sed uero magnus hic est error, inquit, & fugiendus. intelligi enim oportet &c. Et incipit uim æternæ illius & cælestis legis explicare. Sed horum quoque uberius explicatio ex Miscellaneis nostris peti poterit.



Notam esse leuitatis. ] Sic reposui, cum uiderem alibi legi nimiam esse, alibi eam esse, alibi meam esse. quanquam, si quis etiam mauult, nimiam, recte fecerit, si ita distinxerit, ambitionem nimiam esse leuitatis. Ego, ut dixi, non tam reposui: Errorem autem natum fuisse ex eodem illo fonte arbitror, ex quo item in lib. epistolarum ad Brutum peccatum fuit in eadē dictione, notā. Locus est in epist. xix. Quod ego cum dabam Bruto, inquit, notam esse in fastis gratissimæ uictoriæ sempiternam uolebā. Olim enim legebatur, sempiternam memoriā uolebam, uidelicet non satis animaduersa significatione uerbi, notam, quod pro cognitam, accipiebant quidam: sed locum restituit meus Manutius.

Non enim facile. ] Hoc & sequens fragmentum, ex Prisciano desumpta sunt, alterum ex lib. xv. alterum ex lib. de carminibus. Sequentis enim fragmenti locum ita lego apud Prisc. Ab arma deriuata sunt armarium, armamentum, armamentarium, armilla, quæ brachialia uocantur Ciceroni iii. de repub. pro, Cicero in iii. de rep. quæ lectio effecerat, ut quidam fragmentum conformarent ad hunc modum, armilla quæ brachialia uocantur. Nec uoluntatem. ] Hoc desumptum est ex Lactantio de Opificio Dei. sermo autem est de fa-

fabrica hominis, in qua hoc libro explicanda nullam à se diligentia studijq. partem esse prætermisam testatur Cicero.

## In librum quintum de rep.

NO STRA uero ætas. Hanc partem fragmenti citat etiam Nonius dictione uanum; ubi legitur, sed iam euanescentem.

Reapse uero iam pridem amisimus. ] In Augustino, ex quo fragmentum descriptum fuit, reipsa legitur. Ego autem ex Seneca lib. xix. epistolarum, reapse, reposui. Seneca sic habet. Eosdem, inquit, de rep. libros cum grammaticus explicuit, primum, uerbum reapse dici à Cicerone, id est re ipsa, in commentarium refert, nec minus sese, id est seipse, & quæ sequuntur. Putaui igitur quod reapse, huc pertinere: qua particula pro, reipsa, ut hic ait Seneca, etiam alibi Cicero usus est, ut in libro de Finib. & de diuin. & præter Ciceronem etiam Pacuius, inquiens, si non est ingratus reapse quod feci. De sese, quod ait Seneca, nescio an legi debeat, seipse. nam sese adnotari à grammatico ex Cicerone, nimis esset putidum, cum id passim aliunde possit, si quid opus esset, adnotari. Vereor autem ne hoc seipse, uel sese, sit in somnio Scipionis, ubi de natura animi disputatur.

## And. Patric.

**Virtute honesta.** ] Nihil muto, sed coniecturam expono. Quid? si uirtute onusta. nam honesta uirtute, miro quodam modo dicitur, & ei, quod superius dixit, firma, locuples, ampla, pulchrius respondet onusta, quam honesta. Alioqui mallem etiam honestata, quam honesta.

**Excellunt.** ] Hoc ex Diomede, ubi ait de duplici terminatione uerbi excello, ut in scholijs in epistolas ad M. filium demonstrauimus. Diomedes citat librum de repub. sine numero. Ego hic reposui, ubi agitur de principe & moderatore reip.

**Tum uirtute.** ] De hoc fragmento cetera dixi in scholijs libri primi. Salogæ Nonius sic habet. Tum uirtute, labore, industria quereretur summi uiri indolem, nisi nimis animose ferox natura illum nescio quo. Sigonij liber tum uirtute, lab. indust. quæreretur summi uiri indoles, nihil minus animose ferox natura illum nescio quo. Ego, unica solum dictione commutata, sequor Salogani libri lectionem. lego enim pro quæreretur, quareret. Nam, pacto, quod uerbum adijcio ad extremum, hoc etiam in quibusdam libris inuenio.

**Effrenatam illam ferociam.** ] Sic Salogæ liber & aliorum. Sigonij, effrenatam illius ferociam.

Orb;

## In Tom. III. Fragm. 152

**Orbi terrarum comprehensos.** ] In Nonio non uidi, ad quem tamen uidentur respicere Sigoniana opera. uide in Carisio. Orbi autē pro orbe, ut est apud ipsum grammaticum. et illud; Phænomenis apud hunc nostrum:

Quattuor hic obiens secum deducere signa  
Signifero solet ex orbi.

**Quod molestias &c.** ] Est in aperto & mea, & Sigonij, & Nonij librorum lectio. Quisque, quam uelit, teneat & tueatur.

**Quod non modo.** ] Hoc sumptum ex Nonio in uerba contingere. is ibi citat M. Tullium lib. v. Ego huc sum pertinere arbitratus.

## In librum sextum de rep.

**IN** hoc præcipue libro informauisse se uirum bonum & principē ciuitatis, ita testatur ad Att. lib. vii. Quod si ista, inquit nobis cogitatio de triumpho iniecta non esset, quam tu quoque approbas, nā tu haud multum requireres illū uirum, qui in vi. libro informatus est. quid enim tibi faciam, qui illos libros deuorasti? De hac eadem re, uidebimus etiam in fragmento, Alendus hic est gloria. Disputauisse autem in hoc libro de impari numero Scipionem, testatur Hieronymus in Apolog. pro libris aduersus Iovinianum. Quod idem in commentario in A-

mos



mos Prophetam repetit, sed ibi diserte loquitur disputationem hanc haberi in ipso somnio Scipionis. De quo quidem cum cogito, nihil aliud reperio quam pauxillum illud, quod est de concentibus orbium caelestium, & hoc etiam minus, illud quod est de anfractibus solis, oeties septies. Quod si aliud nihil est, miror Hieronymum in commentario in Amos his uerbis uti, cum faciat eius rei mentionem. De impari, inquit, numeri sacramentis in Scipionis somnio plenius narrat Tullius. *bon non bon Expleri atque faciri nullo modo.* ] In quibusdam libris, Expleri nec satiri ullo. Oratio extat Læli. ] Sic habent libri quidam, quanquam Sigonij librarius duo prima uerba omiserat, ut ut est, fragmentum tamen ipsum nondum etiam hoc pacto satis est elimatum. Pro, quod imperia, Salogæ liber & alij libri legunt, quam si imperia. Fortassis legendum, quam sint imperia, ut quidam putant: quam etiam de uerbo, imperia, dubito. illud etiam, sine Samio, nō ualde placet. mallet enim siue Samio, uel aliquid tandem eiusmodi, quod Samium à sacrificijs non rejiceret. Cætera etiam sunt imperfecta. Firmiter enim. ] Citat etiam præter Nonium, Priscianus lib. xv. de aduerbijs. Equidem nuptias Modestinus noster lib. i. D. ritu nuptiarum

rum; uocat coniunctionem maris & femine, consortium communis uitæ, humani diuinique in ris communicationem. Et Imperator Institut. nuptias uel matrimonium uiri, & uxoris coniunctionem appellat, indiuiduam uitæ consuetudinem continentem. Certe dotis causam perpetuam esse, dixit Paulus noster, & cum uoto eius, qui dat, ita contrahi, ut semper apud maritum sit, uidelicet sine ulla diuortij mentione, quod diuortium quo primum tempore ab urbe condita in ciuitate receptum sit, uide Gell. lib. iiii. cap. iii. & lib. xvii. cap. ultimo. et Valer. lib. ii. de institutis antiq. Quæ ciuitatis statum peruertunt. ] Nonius legit, permouent. Quod quidem eò fuit maius. ] Præter Gellium, refert etiam fragmentum Non. uerbo deprecari. Boni plus quam multi. ] Inde notat Nonius ueterum memorabile scientiam paucos pro bonis posuisse, multos contra pro malis. Maestant honoribus. ] Imitatus est hæc lectio-nem Læti. lib. v. cap. ix. Si qui autem, inquit, doloris uel mortis metu, uel suapte perfidia celeste sacramentum deseruerint, & ad funesta sacrificia consenserint, eos laudant, & honoribus maestant. Alendus hic est gloria. ] Repetitur ex August.

guſt. lib. v. ciuitatis Dei cap. xiii. ubi ſic ſcribit. Etiam Tullius id diſſimulare non potuit in iſdem libris, quos de rep. ſcripſit, ubi loquitur de inſtituendo principe ciuitatis, quem dicit alendum eſſe gloria, & conſequenter commemorat maiores ſuos multa mira & præclara gloriæ cupiditate feciſſe. Sic Auguſtinus. unde haud ſcio, an ſit ex præmio. nam locus narrandi de ſuis maioribus in dialogo ipſo eſſe non potuit, cum ipſius perſona abſuerit à dialogo. Sed ut ut eſt, miror à Sigonianiſ operis eſſe prætermiſſum, cum Sigonius in ſcholijs, & Auguſtini, & Thomæ Aquinatis meminerit, quod quidem ad hoc fragmentum pertinet.

Ni his, ut meministi. ] Legebatur antea, In his, ut meministi. ſed nimirum quàm ſæpe hæc commutentur, norunt qui aduertunt, & qui libris conferendis ſtudent. Ego unum hoc tempore locum adferam, in quo eodem hoc iſto erroris genere ab omnibus librarijs peccatum, nec ab ullo quod ſciam hætenus animaduерſum cum eſſet, multorum errorum cauſa extitit. Locus eſt in Liuiο lib. ix. ubi de duobus imperijs dari cæptis per populum loquitur, Duo, inquit, imperia eo anno dari cæpta per populum, unum ut tribuni militum in quatuor legiones ſenideni à populo crearentur, quæ antea, perquam paucis ſuffragio populi relictis locis, di-

Etato-

Etatorum, & conſulum ferme fuerant beneficia, Tulere eam rogationem &c. Legendum autem eſt, & diſtinguendum, unum, ut tribuni militum, in quatuor legiones ſeni, dein à populo crearentur; quæ antea perquam paucis, ſicut nos copioſe in noſtris Miſcell. conieſtationibus, & in libro de tribunis militum oſtendimus, an iam oſtendimus. Nam in ſingulis legionibus ſex tantum tribunos extitiſſe, ſi parū eſt quod ex Liuiο ſignificari poteſt lib. vii. cū ait. ſecundum in ſex locis, inter tribunos militum ad legiones, tenuiſſe, certe aperte tradit Polyb. in libro de caſtrametatione. Et proſecto particula huic, dein, ex ueritate, ut puto, & neceſſitate per me reſtitutæ, eleganter reſpondet particula antea, quæ ibi cōfeſtim ſequitur, hoc ſenſu. Antea à dictatoribus & coſſ. dein autem à populo. Hoc mendum non animaduertunt quidam, σκόπον, ut leuiſſime dicam, rei non attingunt in explicatione rationis de tribunatu militum. Sed hæc alio loco commodius demonſtrabuntur.

PAVLO poſt ſequitur Scipionis ſomnium. in quo quæ declaratione indigebant, ea quidem poſt Macrobiū, Sigonius noſter peritiſſime adnotauit.



In libros de iure ciuili.

**M. CICERO**, iam tum toga pura accepta, iuri ciuili dedit operam, sub **Q. Scauola**. Testatur Plutarchus, testatur ipse etiam initio lib. de amicitia, & **I. de legibus**, in persona Attici. A primo tempore ætatis, inquit, iuri studere te memini, cum ipse etiam ad Scauolam uentitarem: neque mihi unquam uisus es ita ad dicendum te dedisse, ut ius ciuile contemneres. Certe in Bruto sic scribit, Ego iuris ciuilis studio multum operæ dabam **Q. Scauolæ P. F.** qui quanquam nemini se ad docendum dabat, tamen consulentibus respondendo studiosos audienti docebat. Ibidem autem paulo superius tantum se iuris ciuilis, quantum oratori sat esset, edidicisse asseuerat. Vnde dictum illud uideri potest: Si mihi homini uehementer occupato stomachum moueritis, triduo me iurisconsultum profitebor. Quod cum ita sit, mirum uideri non debet, si lib. **I. de orat.** cogitasse se scribit ius omne ciuile in genera digerere, deinde eorum generum quasi membra quædam dispartiri, tum propriam cuiusque uim definitione declarare. hoc autem est ius ciuile in artem redigere. Immo mirum uideri non debet, si id etiâ, quod cogitabat, hoc libro effecerit. Gell. enim lib.

lib. **I. cap. XXI.** fragmentum ex hoc libro decerpens, Ciceronem citat in libro qui inscriptus est, ut ille ait, de iure ciuili in artem redigendo. Equidem cogitasse idem **Iul. Cæsarem** dictatorem scribit Suetonius, sed tam laudabile eius propositum mors intempestiua præuertit. Aliquo eccellente ac nobile uiro. ] Ante, Nobili, sed nobile legendum esse, satis indicat Sospiter, ex quo fragmentum sumptum est. Nec uero scientia. ] Relatum ex Gellio lib. **I. cap. XXI.** ubi declarat uim uerbi superesse. **M.** inquit Cicero in libro, qui inscriptus est de iure ciuili in artem redigendo, uerba hæc posuit, Nec uero scientia &c. In quo loco, inquit Gellius, superfuit, significare uidetur supra fuit, & præstitit superauitque maiores suos doctrina sua superfluenti, tum & nimis abundanti.

In librum de auguriis.

**MINVTVM** est quod refertur in fragmentis eius libri. solum igitur ne silentio librum ipsum prætereamus, aliquid de Ciceronis auguratu dicamus. Cicero non nisi post exilium augur erat factus, de quo sic scribit **xv. fam.** in epistola ad Catonem. Si quisquam fuit unquam remotus & natura, & magis etiam ratione atque

que doctrina ab inani laude & sermonibus uulgi, ego profecto is sum. testis est &c. Idē post iniuriam acceptam, quam tu reip. calamitatem semper appellas, meam non modo calamitatē, sed etiam gloriam, studui quā ornatissima s. p. q. r. de me iudicia intercedere. Itaque & augur postea fieri nolui, quod antea neglexeram, & eum honorem, qui a senatu tribui rebus bellicis solet, neglectum a me olim, nunc mihi expetendum puto &c. De quo ipso suo auguratu ita etiam vi. fam. Quare quando ut augures & astrologi solent, ego quoque augur publicus ex meis superioribus prae-dictis &c. & II. Philipp. Quo tempore me augurem a toto collegio expetitur, Cn. Pompeius, & Q. Hortensius nominauerunt, tu nec soluendo eras &c. et in praefatione Bruti, mortem deslens Hortensii, Qua in cogitatione, inquit, & cooptatum me ab eo in collegium recordabar, & inauguratum ab eodem. Philippica autem XIII. de Cn. Pompeij filio, in primum auguratus locum ego eum (ut, quod a patre accepi, filio reddam) mea nominatione cooptabo. eo igitur potissimum tempore scripsisse uidetur de augurijs. nam ante ne inspicere se quidem morum libros profitetur, in or. pro domo: ea se tantum nosse in iure augurum, quae una cum populo didicit, cum saepe responsa essent

sent in concionibus. Recte Sigonius, qui narrat commotum libris Appij Ciceronem, hoc istud de augurijs argumentum sibi tractandum desumpsisse. Eos enim profecto libros uidisse se Atticus, & dissensionem inter Appium, & Marcellum optimos augures obseruasse de arte ipsorum, testatur apud Ciceronem ipsum II. leg. qui locus magnopere huc pertinet.

### In librum de philosophia, uel Hortensium.

HORTENSII uulgata est inscriptio. inscriptum autem librum quoque fuisse altero nomine, ad Platonis imitationem, significat Cic. ipse I. Finium. Philosophiae, inquit, uituperatoribus responsum est eo libro, quo a nobis philosophia defensa, et collaudata est &c. Et aperte testatur Nonius, qui utitur inscriptione, de philosophia: uidelicet a re quae pertractatur, ut superior illa a persona maxime insigni & praecipua: Fecimus autem libenter in hoc libro, ut cum hic Hortensium et accusasse philosophiam, & laudasse eloquentiam constet, fragmenta omnia, quae uel philosophiae uituperationem, uel laudes eloquentiae redolebāt, initio proponeremus, reliqua autem ad extremum collocaremus, eo sane ordine, quem si aequae facile, ut nobis



bis ipsis, probare omnibus potuissimus, haud  
grauati fuissimus omnem illius rationem expo-  
nere, Sed de ordine fragmentorum, ne Sigo-  
nius quidem ualde fuit anxius.

Præter cæteras noltra extulit ciuitas.]

Hoc de eloquentia dictum quoque existimo,  
quæ quanto in pretio Romæ habita fuerit, do-  
cent cum alia, tum ipse quoque lib. I. de ora-  
tore. Quanquam in quibusdam libris legatur,  
præter cæteros.

Lentus, ut scitis.] Alias, Lentius.

Multo antequam serant.] Sic Salogæ Non.

Quid enim aut Herodoto.] Ad eloquen-  
tiæ laudem, adiunxisse etiam laudem historiæ  
credendus est Hortensius: ex qua parte est &  
hoc, & quod sequitur. De Philisto autem, quæ  
hic breuem appellat, idem pronuntiauit lib. 2.  
epistolarum ad Q. fratrem. Siculus ille capi-  
talis, creber, acutus, brevis, pene pusillus  
Thucydides.

Nec enim imperite.] Sic in Salogano, &  
certe magis antiquum obtinet, quam, non e-  
nim imperite.

Sed ad extremum.] Ex Nonio dictione Co-  
mest. Videtur Hortensius his uerbis dialecti-  
cam accusare, alias non, probaturum, sed pro-  
laturum legitur. Posset etiam, pro, sed ad ex-  
tremum, legi, se ad extremum. sed tamen sic  
etiam

etiam sensus erit obscurior. Omnino alicubi le-  
gitur, Sed ad extremum pollicetur prolaturum  
se quæ seipsa. Respondet huic fragmento illud,  
quod est inferius, Tu ne pseudomenos.

Id enim est sapientis.] Fragmentum ad hunc  
locum pertinere, etiam Sigonius ostendit ex  
August. lib. III. contra Academicos. Alio-  
qui ipsum extat apud Nonium dict. prudentiæ.

Annum magnum.] De hoc fragmento scribit  
etiam Seruius ipse in I. Aen. non solum in III.  
Sed ibi pro nongentis habet quingentos. Trin-  
que autem non liquet an principium fragmen-  
ti sit uere Ciceronis. Equidem de hoc anno le-  
ge quæ scribit Cic. II. nat. Deor. Timæo, Pha-  
nomenis, Tacitus de oratoribus.

Beati certe omnes esse uolumus.] Tra-  
ctum ex Augustino lib. XIII. de trinit. cap.  
IIII. Sic enim ille disputans de eo, an omnes  
norint & uelint beate uiuere. Ita ne falsum  
erit, inquit, id quod nec, ipsis Academicis cū  
omnia dubia sint, Academicus ille Cicero dubi-  
tauit: qui cum uellet in Hortensio dialogo ab  
aliqua re certa, de qua nullus ambigeret, su-  
mere suæ disputationis exordium, Beati certe,  
inquit, omnes esse uolumus. Absit ut hoc fal-  
sum esse dicamus. Puto autem cum supra re-  
prehendisset philosophiam, quæ est de natura,  
nunc incipere conuellere eam etiam quæ de mo-

ribus est. ] Sigonius huius fragmenti auctorem citat Augustinum in libro de beata uita. est id ita quidem, sed tamen plenius inuenitur lib. xlii. de trinit. cap. v. Vnde nos illud addidimus. Falsum id quidem, usque ad extremum. Vbi autem sumus quoque utriusque loci comparatione, ad emendandum illud, Prompti tamen ad disputandum omnes aiunt etc. Cum enim in libro de beata uita ad eum modum legeretur, in libro autem de trinitate hoc pacto prompti tamen ad disputandum homines aiunt &c. utrumque retinuimus, & sic reposuimus, Prompti tamen ad disputandum homines, omnes aiunt, &c. De quo profecto etiam antequam loci contulissetur, per nos ipsi facile coniecturam faciebamus.

Præcipiunt hoc isti. ] Fragmentum, quod huic erat præpositum, delendum curauimus, eiusmodi: Quotusquisque philosophorum inuenitur, qui sit ita moratus, ita animo & uita constitutus, ut ratio postulat &c. Extat enim in præfatione secundæ Tusculanæ. Caterum ex eodem illo loco Lactantij, unde fragmentum desumptum fuit, ex libro inquam lii. cap. xv. adnotanda est sententia Cornelij nepotis, quæ & deletum illum, & hunc istum retentum locum uehementer illustret, & gustum etiam nobis

bis præbet aliquem eius istius Cornelij, ad quæ à Cicerone scriptarum epistolarum fragmenta fuerunt etiam superius explicata. Sic igitur is scribit ad Ciceronem, Tantum abest, ut ego magistratam esse putem uitæ philosophiam, beatæq. uitæ perfectricem, ut nullis magis existimem opus esse magistris uiuendi, quam plerisque, qui in ea disputando uersantur. uideo enim magnam partem eorum, qui in schola de pudore & continentia præcipiant argutissime, eosdem in omnium libidinum cupiditatibus uiuere. Hæc Nepos. ad eandem sententiam quod faciat, uide apud Senecam lib. lii. epistolarum initio.

Profecto omnis istorum disputatio. ] Hoc inter incerta antea fuit repositum. Equidem per titum est ex Lact. lib. lii. cap. xvi. Sermone esse de philosophiæ doctoribus, ex eodem illo Lactantij loco patet. Existimari igitur esse Hortensii, hoc quidem in loco, quo philosophorum mores reprehendit. Principio autem, istorum, non, ut Sigonij librarius, istorum, legendum esse, etiam Lactantij meum exemplar docet. Deinde autem, quod ad extremum perperam fuit in libro Sigonij, uereor ne tantum uideatur attulisse negotijs hominum, quantum oblationem otij, in eo quanquam uariant exemplaria: alia enim habent, negotijs hominum, X 3 quan-



quantum oblectationem otij, alia negotijs hominum quandam oblectationem otij. Et quamquam etiam utrunque suum habeat sensum, mihi tamen quod posterius multo commodiorem minusq. contortam sententiam uideretur continere, idcirco id prætuli, idq. reposui.

Quæ est igitur philosophia. ] Quidam Nonij sic legunt hoc totum, non optime, ut arbitror, sed tamen sic, ut contineant uestigia ueroris lectionis. Quæ est igitur philosophia, Socrate? nec dubito, quin quaecunque sit, lautum ac uictum elegantem, &c.

Eloquentiam tueri. ] Hactenus Hortensius de eloquentiæ laudibus, & uituperatione philosophiæ, nunc ad Hortensii orationem respondetur, primum ad laudes eloquentiæ. Sed tamen non nusquam, Eloquentia tueri, non eloquentiam, legitur.

Quare uelim dari mihi. ] Hoc fragmentum ita descripsi ex meo Nonio dict. Sumo, cum ante legeretur, Quare uelim mihi Luculle iubeas indicem tragicorum, ut sumam qui mihi desunt. Pertinet hoc autem ad ea, quæ fortassis Lucullus dixerat pro poetarum studijs, quæ quod eloquentiæ finitima sint, hoc loco duxi esse fragmentum reponendum.

Faceffiant igitur omnes. ] Hoc contra eloquentiam dictum existimo, quæ, si absit philosophia,

sophia, inanis est tota: nec potest aut uirtutem docere ipsa, aut sapientiam. nam de philosophis accipere non libet, quod, ut Hortensius ipse fatetur, docent quidam & præcipiunt, sed faciunt nihil.

Prudentiæ partes. ] Hinc, ut opinor, initium est sermonis pro philosophia habiti contra uituperationem Hortensii. Certe hoc fragmentum ex August. sumptum est, qui lib. XIIII. de trinitate cap. II. sic inquit. Quidam cum de uirtutibus agerent, in quibus est etiam Tullius, in tria ista prudentiam diuiserunt, memoriam, prouidentiam, intelligentiam. Et si autem in Tullio locum non nominet, tamen res non uideatur inde abhorrere. Nam de uirtutibus hic omnibus egisse Ciceronem, ex sequenti fragmento ostendit idem Augustinus. ut hoc nostrum uel præponi certe illi fragmento, uel statim post illud poni debeat. nisi forte hoc fragmentum ad librum de uirtutibus pertineat. quo de libro initio eius tomi locuti fuimus.

Altera est nexa. ] De philosophia dictum esse existimo, cuius de natura & de uirtutibus partes, quæ sunt, eæ inuicem sunt connexæ.

Tu ne pseudomenos. ] Ex Nonio Marcello, dict. Increpito, nisi quod pro tum, lego tu ne, sicut & supra, pro tum cum es iratus, Tu ne cum es iratus. Omissum erat id fragmentum

negligentia librarij. Nam Sigonium profecto uidisse ostendunt scholia. De pseudomeno, præter locum quem adnotauit Sigonius ex Cicero-  
ne, uide etiam apud eundem Cic. 2. de diuinat. Malo uel unum paruuni. ] Restitui ex La-  
etantio lib. vi. cap. ii. cum in fragmentis le-  
geretur, malo uel paruuni, intio librarij.

Itaque tibi concedo. ] De hoc loco, lege quæ scripsit Victorius lib. v. cap. xiii. uar. lect. Nescio autem cur pro, ut calculum reducas, ne calculum reducas, fecerint operæ frag-  
mentarie.

Nihil tamen esse. ] Sic lego, ut in meo libro: fragmentorum priorum librarius omiserat, tamen.

Et id quod nollem. ] Sic puto melius, sicut habet liber meus, quàm sicut librarius prio-  
rum fragmentorum, & id quidem.

Vt ait Ennius. Refugiat. ] Hoc uersu eodem usus est lib. v. Fin. Quid est, inquit, quod ma-  
gis perspicuum sit, non modo charum sibi quen-  
que, uerum etiam uehementer charum esse?  
Quis est enim, aut quotusquisque, cui mors cum  
appropinquet, non

Refugiat timido sanguen, atque exalbe-  
scat metu?

Fragmentum sumptum est ex Prisc. lib. vi.  
Mortis denique. ] Apud me in Nonio & ali-  
bi,

bi, dict. Contemptus, legitur mortis dolorumq.  
Quid? si mortis dolorisque, ut supra lib. v. de  
rep. Quæ uirtus fortitudo uocatur, in qua est  
magnitudo animi, mortis dolorisque magna  
contemptio.

Vt ea sibi. ] Malo, quàm ut in fragmentis prio-  
ribus, ut ea ibi, contra fidem omnium libro-  
rum, quos uidi.

Habet enim ipsam certam definitam. ]

In fragmentis prioribus legebatur, Habet enim  
ipsam incertam definitam uiam. alibi etiam, Ip-  
sa incertam & indefinitam. Prærembij & Sa-  
logæ liber in Nonio, dict. deductam, sic legunt.  
Habet enim ipsa incertam definitam &c. Et si  
autem uideo esse qui ita studet castigare, Ipsa  
incertam & infinitam, tamen me quidē si quis  
est qui respicit, ita lego, non discedens à uesti-  
gijs Prærembiani & Salogani libri, Ipsam cer-  
tam definitam: uel etiam, Ipsam certam & fi-  
nitam. Deduci enim ex incerta uia, ut statim  
loquitur Cicero, non uideo qui sit error, aut  
quod uitium. igitur quod scriptum erat, Ipsa in-  
certam, ex prima syllaba sequentis dictionis, in,  
facio literam extremam prioris, m. uerba sunt  
autem fortassis de mente & ratione, de qua su-  
periori proximum fragmentum loquebatur,  
quæ, cupiditatibus & perturbationibus animi,  
sepe de statu suo dimouetur.

Sufficit



Sufficit ad gloriam. ] *Ex* *Serui* in *IX. Aen.* qui scribit illud *Vergilianum*, *Dij moresq. dabunt uestri.* *Ciceronis* esse tractum de philosophia, ubi dicit sufficere ad gloriam benefacti conscientiam. Si modo non est tractum de *Philippica II.* in fine, ubi dicit, in ipsa conscientia pulcherrimi facti fructus satis esse. Quod si est, equidem *Seruij librarius* ex *Philippica*, fecit philosophia.

Tum intelligas. ] *Ex* *Non. diët. Redundo.* *Reposui* autem in hunc locum, quod sermo esse uideatur de immoderatis cupiditatibus, quæ ultra id, quod uitæ hominum necessarium est, euagantur.

Ad iuuenilem libidinem, copia uoluptatum. ] Sic putavi ex coniectura esse distinguendum, ut libidinem sit finis unius periodi, & copia principium alterius. Locus autem à *Nonio* sic confuse citatur, & truncatim, uel uicio librariorum, uel quod nobis solum indicio quid, sit id, quod gliscere dicitur. *Meæ lectionis* sensus est. cum finisset periodum, ad iuuenilem libidinem, incipit deinde sequentem, & dicit, Illa inquit libido iuuenilis gliscit. hoc autem est crescit copia uoluptatum, ut ignis oleo. Nam igni oleo, quod est in quibusdam exemplaribus, non recipio.

Hi nostri amici. ] *De Epicureis*, aut quibus

uis

uis tandem philosophis, qui non uirtutem pro dignitate aestimarent. uocat autem suos amicos, forte per ironiam, ut illud *I. Att.* Ipse mihi amicus, & *II. Att.* Itaque ille noster amicus &c.

*Oratæ*, homini ditissimo. ] Si lego *Augustinum*, eo quidem loco, ex quo se id desumpsisse demonstrat *Sigonius*, haud facile dixerò, ad eum istum modum conformari fragmentum debuisse, sed tamen studio istius antiquitatis dedi facile, ut illud, qualecunque sit, non solum reciperem, sed etiam raderem, ab eo uidelicet loco, eiusq. (ut breuiter totum explicem) etc. Qua sane particula exclusa, haud uideo, quomodo cætera uel recipi, uel retineri possent. Vnum est obseruandum, quod meum exemplar pro delicatissimo, legit, deliciosissimo.

Inclufit pisces. ] Sic meus *Nonius*, non includit.

*Solertiamq.* eam posset, uel in tegulis. ] *Ex* *Nonio* dictione *Ostrea*. Haud scio autem an sic legi debeat. *Solertiamq.* eam, posset ut in tegulis. uidentur de eodem *Orata* dici, de quo superiora. Nam & *Macr. lib. III.* de eo loquens, *ostrearum* etiam facit mentionem: & *Varro lib. III.* de re rustica, piscibus eum delectatum fuisse scribit.

Attendere animo, inire rationem. ] Sic in

in correctione exemplari, non, ut ante in fragmentis, mire ratione. Quod si est, non uereor, quin etiam attendere animum, legi debeat. ut illud in Verrem, Aures iudex animumq. attenderet. & in Rullum, Attendite animos ad ea quæ sequuntur. & in Officijs. Si animus attenderis, turpitudinem uideas.

Tunc obsequatur. ] Ex Augustino depromptum. is enim libro contra Iulium Pelagianum v. cap. v. non obscure fert ad Hortensium pertinere.

Et qui expectat, pendet animi. ] Sic Terentius. Clitipho cum spe pendebit animi, decipiã.

Et cæteris quidem in rebus. ] Cum, quid melius afferrem, non haberem, priorum fragmentorum lectionem reliqui. Meus Nonius, & quidam alij pro, differunt, afferunt, legit, neque ullum, nisi post, tamen, interpunctum habet. Quid ego inania confectus? Equidem cum alibi alia, tum illo in loco, insciunt attingunt, aliquid quid melius desidero.

In continentibus quidem. ] Quædam exemplaria, Ne in continentibus quidem, eodem sensu, quo illa etiam lib. vi. de repub. Ex his ipsis cultis, notisq. terris, num aut tuum, aut cuiusquã nostrum nomen uel Caucasum hunc, quæ cernis, transcendere potuit, uel illum Gangem transnare? Quis in reliquis orientis, aut obeuntis

tis solis ultimis, aut Aquilonis, Austri ue partibus, tuum nomen audiet? quibus amputatis, cernis profecto, quantis in angustijs uestra gloria se dilatari uelit.

Quod alterius ingenium. ] Lego, ut legendum demonstrauit Sigonius, diuino uir ingenio. De melle Hymettio, quod quidem huc uehementer pertinet, meminit Augustinus, nescio cuius, libro de uita beatã, ijs uerbis. Nescio quomodo, inquit, contortum hoc & aculeatum, quod posuisti, ut ait ille de melle Hymettio, acriter dulce est, nihilq. inflat uiscera. Est autem Hymettus mons in Attica.

Eundem enim non modo mediocri. ] Meus Nonius habet simpliciter, non mediocri. Sigonius correxit, non solum mediocri. Ego eadem prorsus sententia qua Sigonius, sed à uestigijs scripturæ recedens minus, non modo mediocri, occasionem enim erroris librario dederat, modo mediocri.

Qui iidem nescio quid. ] Quædam exemplaria Nonij habent, Qui illum, nescio. Ex quibus humanæ. ] Ad hoc fragmentum respiciens etiam Seruius in viii. Aene. scribit Ciceronem in Hortensio docere, Tyrrhenum cum socijs pyratam in Tyrrhenia, quæ pars est Italiæ, exercuisse, captiuosq. nouis pænis affluxisse, occisorum eos alligando cadaueribus.

Quæ



## And. Patric.

Quæ nobis dies noctesque. ] *Ex Augustino lib. xi iiii. cap. ultimo de Trinit. Significat autem ibidem aperte Augustinus ex eo dialogo desumptum esse. in quo cetera recte, illud, quod sentimus & sapimus, haud scio an commodius legatur, quo sentimus. alioqui in Consolatione ait, quod sentit, quod sapit.*

## In Catonem.

**D** *n* Ciceronis Catonibus copiose & eleganter Si-  
gonius, ut addere nihil opus sit. De Anticato-  
nibus Cæsaris, ne illud quidem prætermisit :  
Vnum addo, duos libros institutos à Cæsare fuisse  
se aduersus hanc istam Catonis laudationem,  
quam hoc libro fuerat Cicero prosequutus : du-  
os, inquam, & prægrandes illos quidem. id si-  
gnificat Iuuenal. sat. vi. Maiorem quam duo,  
inquit, Cæsaris Anticatones. De utraque re,  
id autem est de laudibus, & uituperatione Ca-  
tonis, sic scribit T. Linius. Huius gloriæ, in-  
quit, nec profuit quisquam laudando, nec uitu-  
perando quisquam nocuit. eum utrunque sum-  
mis præditi fecerint ingenijs. Significat autem  
Linius, ut scribit Hier. in præfatione comment.  
in Oscam Prophetam, M. Ciceronem, & C.  
Cæsarem, quorum alter laudes, alter uitupera-  
tiones supradicti scripsit uiri. illud itaque ne-  
reor,

## In Tom. III. Fragm. 163

reor, ne ad hanc eandem Ciceronis laudatio-  
nem pertineat, quod est apud Augustinum ep.  
vii. recitatum, & à me inter incerta relatum.  
Nullum unquam uerbum, quod reuo-  
care uellet, emisit. De quo ibi.

Maiora omnia re, quam fama. ] Sic prope  
de Scipione Syphax apud Linium li. xxviii.  
Mirabiliorem eum sibi uisum coram congresso,  
quam bello rebus gestis. & de eodem ac Mas-  
sanisa lib. eodem. Ceperat, inquit, iam ante  
Numidam ex fama rerum gestarum admiratio  
uiri, substitueratque animo speciem quoque cor-  
poris amplam ac magnificam : ceterum maior  
præsentis ueneratio cepit.

## In libros de gloria.

**I**n his libris dialogo rem tractatam esse, ipse e-  
tiam Cicero significat lib. xvi. Att. De gloria,  
inquit, misi tibi. Custodies igitur, ut soles : sed  
notentur eclogarj, quos Saluius, bonos audito-  
res nactus, in conuiuio duntaxat legat. mihi  
ualde placent : mallet tibi. sed in hoc loco quo-  
que, etsi exemplaria in omnibus ferme consen-  
tiant, uidendum tum esse puto, an ita sit distin-  
guendum, notentur eclogarj, quos Saluius bo-  
nos, auditores nactus in conuiuio, duntaxat le-  
gat. ut uidelicet Saluium bonos tantum uelit le-  
gere

gere eclogarios, malos relinquere. Mirum autem uideri potest, hos libros de gloria eo potissimum tempore interijisse, quo ceteri Ciceronis in lucem producti fere fuerunt, de oratore tres, Brutus, orator, epistola ad Atticum, circiter uidelicet annum Christi 1400.

**Oppidorum appellationem.** ] Descriptum ex Paulo, qui Festum Pompeium in compendium redegeat. is ita scribit lib. XIII. Oppidorum originem optime refert Cicero lib. I. de gloria, eamq. appellationem usurpatione appellatam esse existimat, quod opem darent, adiiciens, ut imitetur ineptias Stoicorum.

**Quo stante, & incolume.** ] Ex Carisio. Incolume autem, non incolumi, secunda uocalli, non tertia.

In librum de Consolatione.

**De hoc libro præter eos locos, quos accuratissime annotat Sigonius, meminit præterea Cicero ipse lib. XII. ad Atticum, & Tertullianus, consolati autem fuerunt etiam alij ipsum Ciceronem amissa filia, Ser. Sulpicius IIII. fam. M. Brutus lib. epistolarum ad Brutum, Cæsar etiam ipse.**

**Crantorem sequor.** ] Ex Plinij præfatione hoc desumptum est, quo quidem fragmento  
M. Cicero

M. Cicero profiteri uidetur, se, ut in libris de rep. Platonem, in de officijs Panætium, sic in hoc libro Crantorem imitari: sicut ibidem, ait Plinius, & admonet Sigonius ex Hieronymo in epitaphio Nepetiani. Intelligit autem fortassis Crantoris illum de luctu librum, de quo in Lucullo ita habet. Legimus omnes Crantoris, neteris Academici, de luctu. est enim non magnus, uerum aureolus, & ut Panætius Tiberoni præcipit, ad uerbum ediscendus libellus. Eundem librum in extremo Tusculana prima, Consolationem Crantoris uocat, ex eoq. nonnulla adfert.

**Accirco nati sumus.** ] Ex Laetantio lib. III. cap. XVIII. Sed cum bis illic ea sententia recitetur, priorem locum in conformando fragmento sequi maluimus. sic enim ibi Laetantius. Quæ ignorantia, inquit, effecit, ut quosdam dicere non puderet, iccirco nos esse natos, ut scelerum penas lueremus. Infra autem declarans ueluti quem his dictis significaret, ait. Quid Ciceroni faciemus, qui cum in principio Consolationis suæ dixisset, luendorum scelerum causa nasci homines &c.

**Quamprimum mori, & tanquam ex incendio effugere fortunæ.** ] Vetus libri Laetantij legunt, Quamprimum tanquam ex incendio effugere fortunæ. Recentiores, Quamprimum  
T primum



primum mori, tanquam ex incendio effugere uiolentiam fortunæ. Sigonius recentiorum lectionem sequi uidetur, addit solum, & mori & tanquam &c. Ego, quamprimum mori, et tanquam ex incendio effugere fortunæ. retineo uidelicet uerbum, mori, cum particula et, ex libris posterioribus: tollo autem uerbum uiolentia, quod abest à uetustioribus. adducor ad omnia uerbis ipsius Lactantij, quæ ibi sequuntur, dum significat Ciceronem integram ipsam Sileni sententiam, quam ibidem refert, usurpasse, de suo autem præterea non nihil adiecisse, ut ornaret. Neque enim sine uerbo, mori, integra esset Sileni sententia, & ornatus, detracto uerbo, uiolentia, magis est inopinatè minisque affectatus. Sic supra in or. in Clodium & Curionem: Quo ex iudicio, uelut ex incendio, nudus effugit.

Animorum nulla in terris. ] Totus locus desumptus ex Tusculana prima, ut indicat ipse Sigonius. Eius fragmenti etiam principium uide apud Lactantium lib. de ira Dei cap. x. Extremum lib. i. cap. v. diuinarum institutionum. Sed Cicero, & Lactantius uariant in quibusdam. nam quod apud Ciceronem est, ex terra natum, atque fictum, Lactantius legit, atque factum. Quod illic, nihil ne aut humidum quidem, aut stabile: hic, nihilq. humidum, aut stabile.

bile. Quod illic, his enim in naturis nihil est, hic, his enim imatum nihil inest. Ibi, quod etiam plura, hic, quo & plura. ibi, nec inuenitur unquam, hic, nec enim inueniuntur unquam: ibi, omnia sentiens, & mouens, hic, omnia sentiens, & omnia mouens.

Et eorum in urbibus. ] Sic lego ex meo Lactantio. nam fragmentariæ operæ habent, in eorum urbibus. Ex eodem quoque infra pro, assentiam, lego, assentiamur, & Amphionis pro Amphitryonis.

Eundem cursum in cælum patere. ] Ita meus Lactantius prius erat. Inde cursum.

Nam uitii & sceleribus. ] Respicit huc etiã idem Lactantius lib. vii. cap. x. in fine.

Castos autem animos. ] Sic Lactantius lib. iii. cap. xix.

Facilis lapsu. ] Sic Verg. iiii. Aen. & labere pennis. Sic ipse in Mario Præpetibus pen nis lapsuq. uolantem.

Ad naturam sui similem. ) Respicit eò idem Lactantius lib. vii. cap. viii. in fine.

Cede en manum tollo. ] Quid? si, & manum tollo.

In librum de suis consiliis:

Hic liber, etsi aliter quidam existimare uidentur, à libro de suis temporibus differebat, qui,

ut postea uidebimus, scriptus fuit uersibus, cum expositio suorum consiliorum soluta oratione perscripta esset, ut ex fragmento ipso constat. Inscriptus autem fuit liber uel de suis consilijs, ut Boethus, uel expositio suorum consiliorum, ut Augustinus, & Asconius Padianus memorant. Ac Boethi quidem & Augustini uerba infra referemus. Asconius autem initio statim expositionis suae in orationem in toga candida sic habet. Aut C. Caesaris, inquit, aut M. Crassi domum significat. etenim acerrimi ac potentissimi fuerunt Ciceronis refragatores, cum petijt Consulatum: quod eius in dies civilem crescere dignitatem animaduertebant. & hoc ipse, inquit, Cicero in expositione suorum consiliorum significat. Mihi autem ad eius quoque libri inscriptionem alludere uidetur Cicero ipse, cum sic loquitur 1. Philip. initio. Antequam de rep. P. C. dicam ea, quae dicenda hoc tempore arbitror, exponam uobis breuiter consilium & profectiois, & reuersionis meae. Quae etiam & Asconius in argumento 11. Verr. uidetur respexisse.

Sed ut aliqua. ] Ex Boetho & Augustino desumptum fragmentum, quorum uterque ipsdē uerbis utitur in recitando. Et Augustinus quidem sic lib. v. contra Iul. Pelag. cap. 1111. Aures quoque hominis quomodo ei (de libid. loqui-

loquitur) subderes inuenisti, & erexisti eius uetustissimum quidem, sed plane gloriosissimū titulum, commemorans, quod in expositione consiliorum suorum Tullius posuit. quia cum uinolenti adolescentes &c. Boethus autem sic lib. vii. de Musica cap. 1. Tanta fuit Musicae diligentia, ut eam animos quoque obtinere arbitrantur. uulgatum quippe est, quā saepe iracūdias cantilena repressit, quā multa uel in corporum, uel in animorum affectionibus miranda perfecerit. Cui enim est illud ignotum, quod Pythagoras ebrium adolescentem Taurominitanum, sub Phrygij modi sono incitatum, spondeo succinente reddiderit mitiorem, & sui compotem. nam cum scortum in riuallis domo esset clausum, atque ille furens domum uellet amburere, cumq. Pythagoras stellarum cursus (ut ei mos nocturnus erat) inspiceret, ubi intellexit sono Phrygij modi incitatum, multis amicorum admonitionibus à facinore noluisse desistere, mutari modum praecepit. atque ita furentis animum adolescentis ad statum mentis pacatissime temperauit. Quod scilicet M. Tullius commemorat in eo libro, quem de consilijs suis composuit, aliter quidem, sed hoc modo. Sed ut aliqua similitudine &c. In extremo autem fragmento sic legunt libri Boethi, Grauitate canentis, illorum furentem petulant-



tiam confedasse . sed ego ex Augustino repetere malui . De efficacitate sane uariorum canendi sonorum hæc ex Cic. 1.1. legibus adferri libuit . Assentior Platoni , nihil tam facile in animos teneros atque molles influere , quam uarios canendi sonos , quorum dici uix potest quanta sit uis in utranque partem . nanque et incitat languentes , & languescit excitatos , & tum remittit animos , tum contrahit : ciuitatumque hoc multarum in Græcia interfuit , antiquum uocum seruare modum : quarum mores lapsi ad mollitiem pariter sunt immutati cum cantibus , aut hac dulcedine corruptelaque deprauati , ut quidam putant : aut cum seueritas eorum ob alia uitia cecidisset , tum fuit in auribus animisq. mutatis etiam huic mutationi locus . Quamobrem ille quidem sapientissimus Græciæ uir , longeque doctissimus ualde hanc labem ueretur : negat enim mutari posse musicas leges , ne simulatione legum publicarum .

In ea , quæ ad libros Academicos pertinent .

QVAB restant ex hoc tertio tomo explicanda , breuissime expediam . sunt enim ex libris , quorum magna pars in excusis inuenitur . Fragmenta hæc , quæ ex Academicis collecta sunt , ad

ad eos libros pertinent , qui erant posterioris editionis , & quorum nunc etiam primus extat , quanquam mancus & mutilus . Nonius , dum quartum esse putat eius editionis , qui est prioris secundus , fecit , ut quarti libri fragmentum certum demonstrare nullum possimus .

Qui enim serius honores . ] Vocem , serius , restitui ex meo Nonio , & alyis . in fragmentis enim prioribus aberat . Sensus autem fragmenti fortassis est , eos qui non suo anno adipiscuntur magistratus , uix unquam deinde admitti ad eosdem . non enim ualde esse commendatos ad opinionem multitudinis . unde frequens illa Ciceronis gloriatio , in recensendis gradibus honorum suo anno obtentorum .

Lunæ quæ lineamenta . ] De maculis Lunæ uide Plinium lib. 11. cap. 1x.

Quid mare ? non ne cæruleum ? ] Persimilis huic est locus in Lucullo , quem ego referente Sigonio non referrem , nisi me aliqua ex parte corrigere posse existimare . is ita habet . Mare illud quidem nunc Fanonio nascente purpureum uidetur , idem huic nostro uidebitur , nec tamen assentietur , quia nobismetipsis modo cæruleum uidebatur , manifestauimus . Quod sane testimonium cum ita referat Nonius , dist. Ratum , quia nobis metipsis , inquit , tum cæruleum , tum raurum uidetur , legendum existimamus .

mo, pro flauum, rauum, pro mane autem, ne  
stigijs Nonij insistentes, arbitror legendum, mo-  
do ut sit, modo cæruleum uidetur, modo ra-  
uum. rauum autem quid sit, uide Nonium  
& Festum.

Et quidem aqua tinctum quodāmodo.]

Non puto locum esse integrum. Meus, quo-  
utor, Nonius, Et quidem aqua tinctum quo-  
dammodo, & infectum. Operæ Sigoniana, et  
quidem aqua tinctum quodam & infectum.  
Hæreo. præterea autem, quid sit quod hic di-  
citur, maris unda aqua tinctum, non intelligo.

Quid tam planum uidetur.] Descripsi ut  
erat in non nullo exemplari. nam Sigoniana  
operæ & mutarant quiddam, & quiddam  
eraserant.

Alius adultis, alius senibus, alius ægris.]

Haud ualde dubitarem affirmare legendum es-  
se, post senibus, alius sanis, alius ægris. nam  
& ratio contrariorum requirit, & in Lucullo  
ita loquitur. Dormientium & uinolentorum  
& furiosorum, uisa imbecilliora esse dicebas,  
quàm uigilantium, siccorum, sanorum. sed  
imperito librario, senibus & sanis, imposuit.

Si quando enim nos demersimus.] Sic le-  
git liber meus, & quidam alij. prius erat,  
demisimus.

Cum ouum inspexerant:] Idem ille liber  
meus,

meus: in Nonio dictione Gallina, sic habet.  
Cicero Acad. lib. I. I. I. Qui gallinas alere per-  
multas quæstus causa solerent. Idem lib. I. I.  
cum ouum inspexerant, quæ id gallina peperis-  
set, dicere solebant. Ex quo, si locus est conie-  
cturæ, ita existimarem, prius illud ex lib. 3.  
fragmentum, esse inter ea, quæ sunt ex lib. 3.  
reponendum: hoc autem, quod est ex secundo,  
eradendum prorsus, & delendum. fortassis e-  
nim eum secundum nominat, qui fuit prioris  
editionis secundus, Lucullus uidelicet, qui nunc  
extat, atque adeo hoc istud fragmentum conti-  
net: sicut ipse etiam adnotauit Sigonius.

Quis non cum miserrimum.] Sic emenda-  
ui, approbante Sigonio: quanquam in omni-  
bus, quos uidi, libris eum miserrimum. Pau-  
lo autem superius quoque pro, in facinorosis,  
legerem, cum facinorosis. sic enim etiam lib.  
I. locutus est. Antipater digladietur cum Car-  
neade. nisi si id sane sic dictum quis esse con-  
tendat, ut illud, haberi in magnis uiris, esse  
in clarissimis ciuibz, reponi in suis, pro inter  
magnoz, inter clarissimos, inter suos. cum hæc  
scripsissem multo ante, Regis postea Nonium  
uidere mihi contigit, qui manifeste legit, cum  
facinorosis.

Quod si liceret utiis.] In meo Lactantia,  
ex quo hoc fragmentum descriptum est, legi-  
tur,



Andr. Patric.

tur, ad eundem modum ad quem Sigonius re-  
posuit, nisi quoddam deerrauissent, pro deerraf-  
sent, & felicior pro facilior, extat repositum,  
sic: Quod si liceret ijs, qui in itinere deerrauis-  
sent, sic uitam deuiam secutos corrigere erro-  
rem penitendo, felicior esset emendatio teme-  
ritatis. correxi: Quod si liceret ut ijs, qui in  
itinere deerrauissent, sic uitam deuiam secu-  
tis &c. Vel, Quod si liceret, ut qui in itinere  
deerr. sic uit. deuiam secutos &c. uide Lactan-  
tium lib. VI. cap. XXIII.

Academico sapienti. ] Ex eodem illo Au-  
gustini loco, ex quo se Sigonius reliqua attu-  
lisse significat, quanquam librarius quidem e-  
ius pro; Academico sapienti, scripsit per er-  
rorem, Academicos sapienti.

Quasi libera turba temulentorum, quæ-  
rentium tantum. ] Prius erat, quæren-  
tium tamen. sensus est. Epicurus conuocat de  
hortulis, suorum turbam quasi liberam, id au-  
tem est omnibus curis solutam, illud tantum  
quærentem, quem &c. Ibidem autem dixit,  
teste populo, pro eo quod alibi, secundo populo.

In quorum rixam si Academicus incur-  
rerit. ] Prius incurrit: meus Augustinus,  
incurrerit.

Et hac & illac autem admouerit. ] Puto  
legendum, & huc & illuc.

De

In Tom. III. Fragm. 169

Dere tanta deliberandum esse pronun-  
tiat. ] Imitatio Terentij Phorm. Ego am-  
plius deliberandum censeo, res magna est.

Mos fuit Academicis. ] Augustinus con-  
tra Academicos sic habet. quisquis putat hoc  
sensisse Academicos, ipsum Ciceronem audi-  
at: ait enim illis morem fuisse occultandi sen-  
tentiam suam, nec eam cuiquam, nisi qui se-  
cum ad senectutem usque uiuissent, aperire  
consueuisse. ut sane uideatur fragmentum esse  
ad talem aliquem modum conformandum,  
qualem expressimus. facile autem existimari  
potest fragmentum esse ex Academicis, id  
quod ipsa Augustini librorum inscriptio po-  
test commonescere: sin minus hinc sumptum  
est, at certe alicunde, & erit inter incerta  
reponendum.

In ea, quæ ad librum de natura  
deorum pertinent.

FiCTORQ. item cera. ] In fragmen-  
tis prioribus legebatur, fiCTORq. cera. quod mi-  
hi, cum alia etiam ex causa non satisfaceret,  
recurrere ad exemplar Lactantij ipsum, quod le-  
git, FiCTORq. item cera. Equidem quod repe-  
ri reposui. sed si dicendum est quod sentio, ali-  
quid præterea desidero. Omnino de ijs, qui ce-  
ra

ra

Andr. Patric.

ra fingere solebant, locus est apud eundem Ciceronem vi. Verr.

Non sunt ista. ] Ex Laetantio lib. i. cap.

iii. Etsi autem ibi librum, unde desumpserit, non nominat, tamen ex ijs, quæ scribit, facile libros de deorum natura conijcimus. sic enim habet. intelligebat Cicero, falsa esse, quæ homines adorarent. nam cum multa dixisset, quæ ad euersionem religionum ualerent, ait tamen non esse illa uulgo disputanda &c.

In ea, quæ ad librum de diuinatione pertinent.

PRAETEREA similiter. ] Libros de diuinatione duos habemus, sed primum in extremo imperfectum. unde hoc esse fragmentum existimo, desumptum ex Diomede lib. i. ubi ait de uerbo Excello, quod etiam altero casu à quibusdam excelleo dicebatur. Esse autem conciliabulum, quo hic utitur Cicero, ex latinis uocabulis, demonstrat Festus lib. iii. qui etiam illud interpretatur pro loco, ubi in concilium conuenitur.

In ea, quæ ad libros de legibus.

DEORVM profecto uitam. ] Sic in meo Laetantio. ante, Deorum profecto uita.

Ma-

In Tom. III. Fragm. 172

Magnum audaxque. ] Assentior opinanti Sigonio; ex secundo de legibus hæc uerba exci- disse. Etsi enim Atticus, cui adulatam Ciceronem scribit hæc uerba protulisse Laetantius, non solum in libro de legibus, sed etiam in Tusculanis differens inducitur, ut est apud Laetantium lib. i. cap. xv. tamen cum aperte significet Laetantius huic isti sententiæ etiam uerba illa adiecta fuisse, quæ extant manifeste de legibus. Virtutes oportere non uitia consecrari; profecto perspicuum est, quid de his quoque, quæ antegressa fuerunt, sit nobis indicandum: tum autem præterea, quod concludens totum hunc locum Laetantius paulo post, ita scribit. itaque præclaram illam tuam legem derideo, quam ponis his uerbis. Ne illa, propter quæ datur homini ascensus in cælum, mentem, uirtutem, pietatem, fidem, earumque laudum delubra sunt. Est enim hæc lex lib. 2. de legibus. Ex quibus omnibus, sit quoque & illud, ut si cui locum illum Ciceronis, in quo positam legem de Mentis, Pietatis, caterorumq. similium deorum consecratione explicat, corrigere libeat deformatum hoc tempore & deprauatum, is hoc isto ex Laetantio prolato fragmento, non mediocriter possit adiuuari: præsertim cum significet, huic sententiæ adiunctum illud fuisse quod diximus de uirtutibus



And. Patric.

*tutibus potius quam uitijs consecrandis, quod in libris excusis hodieq. extat, eodē in loco illo.*

Quoniam mors aut meliorem, quā.]

*Sic meus Lactantius. Et item, animo uigente: itemq. sensu carente: non ut erat: quoniam aut mors leuiorem, anima uigente, sensu carenti.*

Octo pœnarum genera. ] *Sumptum ex Augustino lib. XXI. ciuit. Dei. cap. II. de quo uide etiam P. Crinitum lib. XXV. cap. VIII.*

In ea, quæ ad librum de Fato  
pertinent.

ACIPENSER, qui admodum raro capitur. ] *De hoc uide Plin. lib. IX. cap. 17.*

In ea, quæ ad Timæum.

DEFENSTRIX. ] *Ex Prisc. lib. I. partitio-  
num uersuum principalium XII. Aeneid.*

ANDR. PATRICII

IN TOMVM QVARTVM

FRAGMENTORVM

M. TVLLII CICERONIS

SCHOLIÆ.

AD EOS libros M. Ciceronis, quos superioribus tomis comprehensos diuina nobis potissimum Caroli Sigonij opera atque diligentia tanquam ab inferis reuocauit, fragmentaq. eorum, tanquam ex naufragio tabulas, accurate recollegit, non nullos præterea in extremum hunc tomum coniectos, fragmentisq. connotatos apponendos existimauius: ut si quam Sigonij illa industria utilitatem attulerit hominibus studiosis, ea nostro quoque præsentis labore, post illum quidem, quem explendis quoque et explicandis superiorum librorum fragmentis suscepimus & absoluimus, plenior possit aliquantum & uberius apparere. Reseruauimus autem in hunc locum poemata potissimum: quorum tenuem quandam memoriam extare animaduertebamus inter cætera, quorum maiestati hæc ista concesserunt. equidem poemata Ciceronis hæc fuisse reperio.

Pon-

## And. Patric.

Pontius Glaucus.

Demetriaca.

Aratea.

Alcyones.

Vxorius.

Nilus.

Limo.

Marius.

Prognostica.

De consulatu lib. III.

De suis temporibus lib. III.

De quibus quidem singulis tum loquemur, cum fragmenta exponemus. hic modo de illis quaedam præfabimur, quorum fragmenta reperire nulla potuimus.

Scripserat igitur Pontium Glaucum, de quo poemate sic Plutarchus in eius uita. Adhuc prius cum esset, scripserat Pontium Glaucum, opus paruum, uersu tetrametro, quod etiamnum asseruatur. Sic Plutarchus. sed scripserat & Demetriaca quædam, & Vxorium, & Nilum. id quod ita esse, ex Iulio Capitolino colligitur, qui in Gordiano sic scribit. adolescens cum esset Gordianus, poemata scripsit, quæ omnia extant, & cuncta illa, quæ Cicero ex Demetrio, & Arato, & Alcyones, & Vxorium, & Nilum: quæ quidem ad hoc scripsit, ut Ciceronis poemata nimis antiqua uiderentur.

## In Tom. IIII. Fragm. 172

uiderentur. Hæc de ijs. cætera locis suis.

Quantus autem Cicero habitus fuerit poeta, ostendit Plutarchus, qui illum non solum oratorem, sed Rom. omnium poetam optimū scribit fuisse iudicatum. Etsi enim ipse palmam in hoc genere Q. ipsi fratri tribuat, ad cum ita scribens lib. III. in fine. Tibi uersus, quos rogas, & laura eis aduvas, mittam. et lib. III. De uersibus, quos tibi à me scribi uis, deest mihi quidem opera, quæ non modo tempus, sed etiam animum uacuum ab omni cura desiderat: sed abest etiam inuentionis, non enim sumus omnino sine cura uenientis anni: etsi sumus sine timore. simul & illud (sine ulla mehercule ironia loquor) tibi istus generis inscribendo priores partes tribuo, quam mihi. Et epistola sequente. Quod me de faciendis uersibus rogas, incredibile est mi frater, quam egeam tempore. nec sane satis commoueor animo ad ea, quæ uis, cauenda. ut obsecras uero, & ea quæ ipse ego ne cogitando quidem consequor, tu, qui omnineis isto eloquendi, & exprimendi genere superasti, à me petis? Facerem tamen ut possem: sed (quod te minime fugit) opus est ad poema quadam animi alacritate, quam plane mihi tempora eripiunt. Hæc inquam etsi ita scribat, tamen facile quid ex rei ueritate, quid ex fraterni amoris abundantia quadam profisciscatur,



## Andr. Patric.

ciscatur, internosci potest. Equidem si Q. in hoc genere tam præstitisset, quam præstitisse eum uideri uult M. ipse, non tam, ut opinor, anxie, nec tam solícite à fratre ea scribi postularet, quæ sæpe postulat: ut ex libris epistolarum ad eum scriptarum potest intelligi. Omnino M. ipsius poemata à Casare probari Q. ipse ad eum scripserat, ut est lib. II. illarum epistolarum, epistola Ad IIII. non, quanquam magis ne id ob argumentum, an ob artem & compositionem, hoc tempore non disputo. laudes enim profecto Casaris fuisse tum uidetur persecutus. sed non desunt tamen, qui poemata &c. ipsius rideant. de quo nos quoque alibi loquemur.

## In Phænomena ex Arato.

CONSTAT, inquit Crassus apud Cic. lib. de orat. I. inter doctos, hominem ignarum astrologiæ ornatissimis atque optimis uersibus Aratum de cælo stellisq. dixisse. Cum igitur sic de illius uersibus, quemadmodum hic sub Crassi persona declarauit, iudicaret M. Tullius, fecit non inuitus, ut in prima quasi ætate sua uersus hos illius uersibus suis latinis exprimeret, ad suam suorumq. hominum & utilitatem, & uoluptatem. quod totum sic Lucilius Balbus.

ex-

## In Tom. IIII. Fragm. 173

exprimit apud ipsum, lib. de natura deorum II. Vtar, inquit, carminibus Arati, eis, quæ à te admodum adolescentulo conuersa, ita me delectant, quia latina sunt, ut multa, ex ijs memoria teneam. Et D. Hieron. Noster, inquit, Tullius Platonis libros ad uerbum interpretatus est, & cum Aratum iam Romanum exametris uersibus edidisset, in Xenophontis Oeconomico lusit. De Arati opere ita iudicauit Quintil. lib. x. capite primo. Arati materia, inquit, motu caret, ut in qua nulla uarietas, nullus affectus, nulla persona, nulla cuiusquam sit oratio: sufficit tamen operi, cui se parem credidit. Ob id non Cicero ipse tantum, sed etiam Vergilius, quem D. Augustinus optimum appellat poetarum, Aratum, in ijs, quæ sunt extremo lib. I. Geor. de uentis, imbribus, & reliquis eiusmodi, fuit imitatus. Et Casar ipse Germanicus uidetur suum etiam Aratum uersibus conscripsisse, relatum omnino ex hoc isto Græco. uersus Germanici citantur plerique à Lactantio in diuinis institutionibus. Omnino ipsius uersibus ne Paulus quidem Tharsensis noster, maximus Dei maximus, & filij eius Iesu Christi legatus, uti erubuit apud Areopagitas Athenis, act. XVII. τὸ γὰρ καὶ γερὸς ἐποιεῖ. Plura de Arato, lege apud Suidam.

Z 2

Ab

Andr. Patric.

**Ab Ioue.]** Ex Cic. 11. de legibus. Ordine igitur, inquit. nam huic tibi totum dicamus dicemus. *M.* Ab Ioue musarum primordia, sicut in Arati carmine orsi sumus. Est autem mendum in quibusdam libris, dicamus, diem maiore musarum primordio. Exprimunt autem Græcum illud, *Εκ διός ἀρχόμεθα τὸν ἑδαιότ' ἀνδρῶν ἑσπεύοντες Ἀπέρτον.* Ad quæ alludens Verg.

*Ab Ioue principium musæ.* *Ab Ioue principium musæ.* **Malebant tenui.]** Græcum ad manum non habui. bonam enim earum adnotationum partem scripsi pestem urbis fugiens, & ruri cum humanissimo atque optimo uiro P. Miscoiio tempus traducens. Cæterum uidetur poeta primam illam ætatem, rudem quidem ingenij, sed illustrem probitate et uita innocenter acta, describere: qualem poetæ auream propterea appellant. Existimauimus autem ad initium pertinere, quod poeta à Ioue, ut habet fragmentum primum, exorsus, fortassis res ipsius gestas carmine fuerit persequutus, indeq. de aurea, argentea, & reliquis ætatibus egerit. Ex quo fit, ut uehementer etiam uerear, ne illud ex hoc eodem loco desumptum sit, quod extat apud Ciceronem ipsum lib. de nat. deorum 11: ex quo pleraque alia fragmenta in hunc librum Phænomenorum descripta sunt.

**Ferreæ tū uero proles exorta repente est,**

In Tom. II II. Fragg. 174

**Ausaq. funestū prima est fabricarier ensē,**  
**Et gustare manu uictū domitūq. iuuēcū.**  
quanquam uideo qui hæc ex alio quopiam poetâ ueteri esse credat. Equidē huius de quo loquimur fragmenti meminit Lactan. lib. v. cap. v. Saturno, inquit, regnante, nec dissensiones erant, nec inimicitia, neque bella: neque ulli omnino gladij, qui nudarentur, fuerūt. Quis enim præsentē ac uigente iustitia, aut de tutela sui, cum nemo insidiaretur, aut de perniciē alterius cogitaret, cum nemo quicquam concupisceret?  
**Malebant tenui contenti uiuere cultu.**

ut Cicero in suo ait Arato, &c.

**Et Iouis in regno.]** Hoc de Astrea dictum esse, satis idem iste Lactantius, qui fragmentum adducit, testatur. Postquam Saturnus, inquit, à filio pulsus, in Latiumq. delatus est, Deseruit propere terras iustissima uirgo. Sed non, ut ait Cicero,

**Et Iouis in regno cœliq. in parte resedit.**  
**Cætera labuntur.]** Hæc omnia ad illum usque locum, Exin contortis, sumpta sunt ex 11. nat. deorum: recitantur autem à Lucilio, ad exprimenda nomina inerrantium stellarum. Quorum omnium interpretatio et longior est, quam ut hinc debeat, et ea tamen conditione, ut aliunde facile peti possit.

**Hac fidunt duce.]** Hunc uersum sic refert.



And. Patric.

Lucullus apud Ciceronem 11. Acad. quest.  
Qua fidunt duce nocturna Phœnices in alto.  
Coniungendum autem esse cum superiori, pa-  
tet ex eodem hoc isto loco, loquitur enim de  
Cynosura.

Nam cursu interiore. ] Ibidem 11. Acad.

Quæ cursu interiore. Sed ibi, ut  
seruiret orationi, hic uersuum ipsorum for-  
mam uidetur recitare.

Toruuus Draco. ] Huius uersus meminit e-  
tiam Prisc. lib. XIII. & XIII. in fine. le-  
git autem pro supra, supera, & retorquens,  
pro reuoluens.

Id caput autem. ] Hoc uidetur extremum  
esse exametri: quanquam ita quidam scripse-  
runt, ut non poetæ narrantis, sed Lucilij con-  
nectentis poetam, uerba esse uiderentur. sic  
enim est in uulgatis libris.

Id autem caput

Attingens defessa. & quæ sequi.

Atque oculos urget. ] Citat hunc uersum  
etiam Prisc. lib. VII.

Nupam autem scorpionum interpretatur.

Spicum illustre. ] Citat hunc uersum etiam  
Seruius in 1. Georg. sed sic,

Spicum illustre gerês insigni corpore uirgo.

Auriga. ] Hoc contra uidetur principium exa-  
metri; sed tamen in uulgo excusis sic ponitur,

ut

In Tom. IIII. Fragm. 175

ut uideatur esse Lucilij.

At capra. ] Versus imperfectus. quod non ad-  
notarem, nisi sensu etiam & uerbis, non mo-  
do numero, imperfectum iudicarem.

Contra hædi exiguum iaciunt. ] Quid si,  
Iaciens.

Cuius sub pedibus. ] Hoc etiam manifeste  
principium est exametri, & tamen in excusis  
aliter collocatur.

Equibus hinc subter. ] Hæc usque ad illum  
locum, Et terris uolucris, petita sunt, ex ijs  
fragmentis, quæ solent uulgo ad aliquos libros  
apponi Ciceronis; sed ita, ut tamen etiam  
quædam extent in lib. secundo de deorum na-  
tura; quæ singula notabimus.

Pisces, quorum alter. ] Hic uersus cum se-  
quenti etiam in 11. de nat. deorum reperitur,  
nullo discrimine, nisi quod pro, horrifonis, ibi  
legitur, horriferis.

Quem summa. ] Hoc etiam in secundo libro  
de deorum natura.

Paruas Vergilias. ] Etiam in secundo, sed si-  
ne, paruas. In eo autem uersu qui præcedit,  
genus in nominatiuo pro genu, utitur, sicut in-  
fra etiam aliquoties in nominatiuo & accusa-  
tiuo, certe in genitiuo eadem terminatione u-  
surpasse illum in eodem hoc poemate, adno-  
tauit Seruius in 111. Æne.

Z 4 Inde

Inde fides. ] Et hoc, sed pro connexa, est  
connexa.

Nanque est ales. ] Hoc quoque, sed sic, In-  
de est ales.

Quam gelidum ualido. ] Etiam hoc cum  
quatuor sequentibus, sed legitur, Tum geli-  
dam, in uersu primo. In uersu autem quar-  
to, pro cursum, currum.

Vt sese ostendens emergit. ] Etiam hoc  
cum sequente, sed sic in primo; Vt sese emer-  
gens ostendat; & in secundo, pro flexum,  
plexum.

Quam propter nitens. ] Et hoc, sed, quem  
propter, uidelicet, quod ibi refert ad Scorpiū,  
hic ad Sagittam.

At propter se. ] Et hoc, nullo discrimine, si-  
cut & illud, quod uersu ab hinc sextodecimo  
sequitur, Exinde orion.

Feruidus ille canis. ] Et hoc: sed quod hic  
refulgens, ibi est, refulget.

Curriculum nunquam. ] Et hoc cum sequen-  
te uersu, est in eodem illo; secundo libro: sed  
in sequenti uersu pro prolabitur, prolabitur.

Hanc aries. ] Item & hoc cum uersu insequen-  
te: sed pro squamosi corpore, habet, squa-  
moso corpore.

Serpentem poteris proceraque. ] Et hoc,  
sed tantum,

aspi-

aspicies proceraq. & c. ni olq. 2

In sequenti uersu pro, caudarum parte, cau-  
darum à parte.

Inde Nepæ. ] Hic uersus & sequens ita refer-  
tur ibidem, nibilo immutato.

Cedit equi partis. ] Et hoc cum sequenti, o-  
mnibus integre conseruatis.

Hic sese infernis de partibus. ] Hic uersus  
etiam cum superiore, sed pro inferni de parti-  
bus, infernis è partibus, legitur.

Iu medioq. sinu. ] Quatuor uersus sese con-  
sequentes etiam reperiuntur in eodem isto  
de nat. deorum, nullo immutato, nisi pro ex-  
trema, extremam. rectius mea sententia.

Quinque pari spatio par tristis esse reli-  
ctas. ] Legendum & distinguendum, Quin-  
que pari spatio, partis tris esse relictas.

Hoc motu radiantis. ] De hoc sic Cicero ip-  
se in libro de oratore. Nobis ne si cupiamus  
quidem, distrahere uoces conceditur. indicant  
orationes ille ipsa horridula Catonis, indicant  
omnes poetæ, præter eos, qui ut uersum face-  
rent, sæpe hiabant, ut Næuius.

Vos, qui accolitis Histrum fluiuium, at-  
que Algidam.

et ibidem.

Quam nūquā nobis Graii atque barbari.  
at Ennius sæpe,

Scipio



Scipio inuict.

*et quidem nos.*

Hoc motu radiantis Etesiae in uada ponti.

*sic Cicero : esse autem uersum ex Arato , præter coniecturam meam , etiam nisi fallor , affirmat P. Victorius in suis uarijs lectionibus. sed liber ad manum non erat.*

Sub pedibus. ] Hoc ex Prisciano libro sexto sumptum est.

Tertia sub cauda. ] Ex eodem libro Prisciani.

Nauibus assumptus. ] Hoc ex Prisciani libro septimo. Quid sint autem aplustra , sic docet Festus. Aplustra nauium sunt ornamenta : quæ quia erant amplius , quàm essent necessaria usui , etiam amplustra dicebantur. Legerem autem pene , sensum spectans , Nauibus absumptis . memini uero & Iuuenalem aplustrium sic facere mentionem Sat. x.

Videturq. triremis

Aplustre , &amp; summo tristis captiuus in arcu.

Humanis maiora bonis creduntur.

Huic supera. ] Ex eodem Prisciano lib. 14. in fine.

Quem neque tempestas. ] Ex Prisc. lib. x. uidetur autem esse ex extremo phynomenorum.

In Alcyones.

**SCRIPSISSSE** Ciceronem poemata hac inscriptione , testatur Iulius Capitolinus in Gordiano , cuius uerba superius recitauimus. Cum enim uellet , inquit , Gordianus Imp. peruentera uideri Ciceronis poemata , scripsit & ipse quoque iisdem inscriptionibus aliquot , inter quæ Alcyones fuerunt.

Alcyon genuit. ] Desumptum ex Non. dict. Præuius : incertum tamen ex quo poemate . ego huc retuli , primo ipso nomine admonitus.

In Limonem.

**FUISSSE** usitatam apud Græcos Limonis inscriptionem in libris , testatur uel Plinius in præfatione suæ historiæ plane , sicut illas quoque , τριγυρτα , τετραγυρτα , πενταγυρτα , & quas ibidem Plinius , & Gell. lib. 11. cap. ultimo commemorat . Fuisse etiam Ciceronis quoque Limonem , fragmentum ipsum indicio est , quod Donatus recitat in uita Terentij : cuius quidem uerbis laudatur Terentius .

**D**E Mario plena est omnis Rom. historia, Plutarchus etiam ipsius est uitam diligenter persecutus. Ciceroq. adeo ipse, ne Arpinati suo suæ quoque uocis suorumq. scriptorum deesset testimonium, scripsit uersibus hunc istum librum, quem Marium appellauit, quod in eo municipis sui Marij res gestas fuerit persecutus, ut hac ratione & uiro quidem laudatissimo debitum suæ uirtutis redderet testimonium, & Arpinum quoque germanam suam patriam uersibus celebraret. De quo sic scriptum extat lib. 1. de legibus: Lucus quidem ille, & hæc Arpinatium quercus agnoscitur sæpe à me lectus in Mario. Et mox: Q. sit ita sanè. ueruntamen, dum latine loquentur literæ, quercus huic loco non deerit, quæ Mariana dicatur, eaque, ut ait Scæuola de fratris mei Mario,

Canescit sæclis innumeralibus.

Ex quo etiam apparet poema hoc in adolescentia etiam tum Ciceronem conscripsisse, cum uidelicet adhuc apud hunc Scæuolam iuri civili operam daret, ut in scholijs in lib. de iure ciuili diximus.

Et item. A. Hoc iam non ex te Quinte quero, sed ex ipso poeta, tui ne uersus hanc quercum seue

seuerint, an ita factum de Mario, ut scribis, acceperis. M. Respondebo tibi equidem, sed non ante, quam tu ipse mihi responderis Attice, certo ne (sic enim lego) non longe à tuis ædibus inambulans, post excessum suum Romulus Proculo Iulio dixerit, se deum esse etc. De hoc eodem libro sic lib. XII. epistolarum ad Atticum. Heri quidam urbani, ut nidebantur, ad me mandata & literas attulerunt à C. Mario C. F. eum multis uerbis agere mecum, per cognationem, quæ mihi secum esset, per eum Marium quem scripsissem, per eloquentiam L. Crassi ausi sui, ut se defenderem.

Nuntia fulua Iouis. ] Ex lib. 1. de legibus desumptum. quare glandifera, inquit Quintus, illa quercus ex, qua olim euolauit Nuntia fulua Iouis miranda uisa figura, Nunc sit hæc. sed cum eam tempestas uetustas ue consumpserit, tum erit his in locis, quam Marianam quercum uocent. Etsi enim nec librum Quintus, nec poetam illic nominet, de quo uersum recitat, tamen, cum quercum Marianam nominet, satis, ut opinor, indicat, de Mario hæc sumpta esse.

Hic Iouis altifoni. ] Hoc ex lib. 1. de diuin. quid illo, inquit Q. ad M. fratrem, auspicio diuinius, quod apud te in Mario est, ut utar potissimum te auctore? Hic Iouis altifoni etc.

Descri-



And. Patric.

Describit autem his uersibus auguriam, uel quod Mario, cum adolescens adhuc nidum Aquilæ cum septem pullis reperit, factum est, ut tradat Plut. uel potius, quod ipse deinde urbe pulsus, in quercu fortasse notarat. unde, quod hic generaliter, arboris in trunco ait, libro de legibus initio, quercui Mariana uidetur tribuere.

Præpetibus pennis. ] Festus, Gellius, Macrobius.

Sinistris. ] In auspicijs sinistra dicuntur à sinendo. Festus, Plutarchus, ceteri. Cicero 2. diuin. Haud ignoro, quæ bona sint, sinistra nos dicere, etiam si sint dextra.

In prognostica.

**P**RÆTER ea, quæ ex Arato conuerterat, ut diximus, Cicero scripsit etiam prognostica, simili fere argumento, similiq. tractatione opus, usque adeo, ut illa etiam lib. 11. de diuinat. Aratæa appellare uideatur. quo quidem in opere, rerum quasdam præfensiones complexus uidetur fuisse, uti apud ipsum scriptum extat lib. 1. de diuin. quem locum paulo post recitabimus. uidetur autem illa Afranio & Metello coss. confecisse, uti ex epistola prima lib. 11. ad Att. constare potest, quæ  
ijs

In Tom. IIII. Fragm. 179

ijs coss. profecto scripta est. Prognostica, inquit, mea cum oratiunculis propediem expectata.

Atque etiam uentos. ] Sumpta omnia ex libro 1. de diuin. quo quidem in loco Q. frater, cum genera diuinandi, in illud quod artis, & in id quod naturæ est, diuississet, eorumq. omnium euenta magis quam causas quæri oportere dixisset, medicorumq. observationes ad id comprobandum attulisset, Age ea, inquit, quæ quanquam ex alio genere sunt, tamen diuinationi sunt similia, uideamus.

Atque etiam uentos, & q. s. et addit, Atque his, inquit, rerum præfensionibus prognostica tua referta sunt. Quod autem rem ipsam attinet, scribit etiam Verg. 1.

Georg. in eandem istam sententiam:

Cōtinuo uētis surgētibus, aut freta ponti Incipiūt agitata tumescere, & aridus altis Mōtibus audiri fragor, aut resonātia lōge Littora misceri, & nemorum increbescere murmur.

Canafulix. ] Hoc est, quod idem etiam canit Verg.

Iam sibi tum curuis male temperat unda carinis,

Quum medio celeres reuolant ex æquore mergi,

cla-

Clamoremq. ferunt ad littora, quumq.  
 marinæ  
 In sicco ludunt fulicæ, notasq. paludes  
 Deferit, atq; altâ supra uolat ardea nubē.  
 Fuscaque. ] *Idem Verg.*  
 Tum cornix plena pluuiam uocat impro-  
 ba uoce,  
 Et sola in sicca secum spaciatur harena.  
 Vos quoque signa. ] *Idem Verg.*  
 Et ueterē in limo ranæ cecinere querelâ.  
*Ad hunc autem locum respexit proculdubio ip-  
 se Cicero, cum ita scribit Att. lib. xv. equidē  
 etiam pluuias metuo, si prognostica nostra ue-  
 rasunt. ranæ enim pntopdusiv.*  
 Mollipedesq. boues. ] *Verg.*  
 Aut illum surgentem uallibus imis  
 Aeris fugerē grues, aut bucula cælum  
 Suspiciēs patulis captauit naribus auras.  
 Iam uero semper uiridis. ] *De hoc loco ita  
 Plinius lib. xvi. cap. xxv. Est & alia,  
 inquit, manifestior ratio mirabiliore naturæ  
 providentia, in qua Ciceronis sententiam ipsius  
 uerbis significabimus.*  
 Iam uero semper, & q. f.  
 Ex loco autem Plinij correxī in Cicerone id,  
 quod ratio etiam ipsa pedum & numerorum  
 requirere uidebatur. nam cum in Cicerone le-  
 geretur, Lentiscus triplici solita grandescere so-

tu

tu, reposui ex Plinio, solita est.  
 Ast autem tenui. ] *Ex Prisc. lib. xviii.  
 & xv. in fine.*  
 Ut cum luna. ] *Ex eodem lib. x.*  
 Caprigeni. ] *Ex eodem lib. vi. initio.*

## In libros de consulatu.

LIBRORVM de consulatu inuenio tria gene-  
 ra Ciceronem confecisse. Primo orationem, de  
 qua iam dixi, eum orationes explicarem, in il-  
 la quidem oratione, quæ contra concionem Q.  
 Metelli inscripta fuit: & si quid est, quod dicen-  
 dum adhuc sit, inferius dicitur. Secundum ge-  
 nus librorum de consulatu, fuit Græcus com-  
 mentarius, de quo lib. i. ad Att. Commenta-  
 rium cōsulatus mei Græce compositum misi ad  
 te. Et epistola item sequente. De meis scriptis  
 misi ad te Græce perfectum cōsulatum meum.  
 eum librum L. Cossinio dedi. puto te latinis me-  
 is delectari, huic autem Græco Græcum inui-  
 dere. alij si scripserint, mittemus ad te, sed mi-  
 hi crede, simulatq. hoc nostrum legerunt, ne-  
 scio quo pacto retardantur. Et epistola prima  
 lib. ii. ad eundem Att. kal. Iun. eunti mihi  
 Antium, & gladiatores M. Metelli cupide re-  
 linquenti, uenit obuiam tuus puer: is mihi lite-  
 ras abs te, & commentarium consulatui mei

Aa

Grace



Grace scriptum reddidit . in quo letatus sum ,  
me aliquanto ante de ijsdem rebus Grace item  
scriptum librum L. Cossinio ad te perferendum  
dedisse . nam si ego tuum ante legissem , fura-  
tum me abs te diceret . quanquam illa tua (le-  
gi enim libenter) horridula mihi atque incom-  
pta uisa sunt : sed tamen erant ornata hoc ipso ,  
quod ornamenta neglexerant ; et , ut mulieres ,  
ideo bene olere ; quia nihil olebant , uidebantur .  
meus autem liber totum Isocratis *μυποθνήμιον* ,  
atque omnis eius discipulorum arculas , & non  
nihil etiam Aristotelica pigmenta consumpsit :  
quem tu Corcyrae , ut mihi alijs literis signifi-  
cas , strictim attigisti , post autem , ut arbitror ,  
à Cossinio accepisti . quem tibi ego non essem au-  
sus mittere , nisi eum lente ac fastidiose proba-  
uissem . quanquam ad me scripsit iam Rhodo  
Possidonius , se , nostrum illud *ὑπομνημα* cum le-  
geret , quod ego ad eum , ut ornatiùs de ijsdem  
rebus scriberet , miseram , non modo non exci-  
tatum esse ad scribendum , sed etiam plane per-  
territum . Quid quæris ? conturbauit Græcam  
nationem . ita uulgo , qui instabant , ut darem  
sibi quod ornarent , iam exhibere mihi molesti-  
am destiterunt . tu , si tibi placuerit liber , cura-  
bis ut & Athenis sit , & in cæteris oppidis  
Græciæ . uidetur enim posse aliquid nostris re-  
bus lucis asferre . Tertium genus fuerunt li-  
bri

bri tres uersibus conscripti Latinis , in quorum  
altero Vrania loquebatur , in tertio Calliope :  
nam de primo nihil constat . de his libris sic idem  
ipse Cicero eodem illo , ex lib. 1. epist. ad Att.  
loco adnotato . Latinum si perfecero , ad te mit-  
tam . Tertium poema expectato , ne quod ge-  
nus à me ipso laudis meæ prætermittatur . Quæ  
locum ego quidem , contra aliorum opinionem ,  
sic intelligo . Misi ad te Græcum , mittam et La-  
tinum , si perfecero . Statim autem significat ,  
quid ad perfectionem desideretur . Tertium ui-  
delicet poema expectato . id autem est , ut ego  
intelligo , tertium librum uersibus conscriptum ,  
qui solum ad Latinum perficiendum desidera-  
tur , cum duos iam confectos habeam . Quod au-  
tem mox inquit , ne quod genus laudis &c. sic  
simpliciter accipio , quod , cum duobus iam su-  
perioribus libris , quos se confectos habere in-  
nuuit , multa laudum suarum genera fuerit uer-  
sibus persecutus , nunc , ne quid sit quod in hoc  
genere prætermisisset uideatur ; tertium se addi-  
turum librum pollicetur . Tertium igitur genus  
librorum de consulatu fuit poema tribus libris ,  
ut dixi , constans . Quartum genus , si cui adden-  
dum uidebitur , illud forte addendum esse uide-  
ri poterit , de quo sic ad Luceium ipse Cicero li.  
v. fam. Cum enim satis illum adhortatus fuisset  
ad consulatum suum scriptis illustrandum ,

subiungit. Si suscipis causam, inquit, conficiam commentarios rerum omnium. quos sane illum etiam confecisse, indicio potest esse locus quidam ex lib. 1111. ad Atticum. ubi Cicero sic scribit. Tu Luceio, inquit, nostro librum dabis. ualde enim proclive est de illis commentarijs intelligere, quos se Luceio confecturum pollebatur per epistolam: praesertim cum eius etiam epistolae paulo ante, scribens ad eundem Atticum, meminerit, Epistolam, inquit, Luceio quam misi, qua, res meas ut scribat, rogo, fac ut ab eo sumas, ualde bella est, eumque ut appropere adhorteris, & quod mihi ita se facturum rescripsit, agas gratias. Equidem poemate de consulatione, Afranio & Metello coss. suprema uidetur manus fuisse imposita. nam in ea epistola, quae est tertia, lib. 11. ad Att. perscripta illis coss. uersus iam tum ex libro 1111. eius poematis ita recitantur, ac si non modo iam perfecti, sed etiam Attico essent notissimi. Hunc autem istum commentarium, quem in quarto genere librorum de consulatione constituo, Marcellino et Philippo demum coss. scribere est aggressus: sicut non difficulter posset demonstrari, si quis modo tempus data illius ad Luceium epistolae considerauerit. Omnino in hunc istum commentarium ea uidentur fuisse coniecta, quae Luceius ipse deinde in historia exprimere & imitari

ri deberet. Consulatum enim Ciceronis à multis fuisse celebratum magnopere constat, sicut de Attico ex epistola 1. lib. 11. epistolarum ad ipsum, et ex Cornelio Nepote in ipsius uita: de Archia ex oratione pro ipso: de Sallustio, ex ipsius historia: de plerisque etiam alijs, aliunde. Nec mirum id sane uideri debet. Erat enim consulatus Ciceronis uere, ut Curio dicere erat solitus, ἀποδείκνυσις quadam, cuius rebus gestis Cicero memoriam sui nominis ad immortalitatis & sanctitatis opinionem consecrarat. Eum Terentiae uxori diuinis etiam prodigijs praemonstratum fuisse constat ex Servio, qui, dum illud Virg. eglog. 1111. interpretatur, *aspice corripuit tremulis altaria flammis*.

Sponte sua, dum ferre moror, cinis ipse, ait poetam ad illud respexisse, quod de se ipso in poemate Cicero testatus fuerat, Terentiae, dum post sacrificium libare uellet, uisam flammam in cinere, quae res maritum ipsius eo anno futurum consulem designabat. Quod eò etiam admonui libentius, ut primi etiam libri fragmentum aliquod, uel certe fragmenti loco aliquid habere possimus. nam ego id sane, quod narrat Seruius, ad primum librum existimo pertinere: quanquam Plutarchus de hoc isto aliter disserat. Praetermissum autem fuisse in ijs libris, quemadmodum Caesar, obiectu togae Curionis,



seruatus esset ab impressione eorum, qui Ciceronem domum e senatu, post latam sententiam in coniuratos, deducebant, ostendit Plut. in uita Caesaris.

Principio ætherio. ] Desumptum ex lib. i. de diuin. ubi sic Q. fr. Quid de fulgurum ui, inquit, dubitare num possumus? non ne cū multa alia mirabilia, tum illud in primis? cū Summanus in fastigio Iouis opt. maximi, qui tum erat fœdilis, cœlo ictus esset, nec usquam eius simulachri caput inueniretur, aruspices in Tiberim id depulsum esse dixerunt, idq. inuentum est eo loco, qui est ab aruspibus demonstratus. Sed quo potius utar aut auctore, aut teste, quā te? cuius edidici etiam uersus, & libentem quidem, quos in secundo consulatu Vrania misa pronuntiat:

Principio ætherio &c.

Sunt autem uersus, in quibus Cicero, uel potius Vrania Ciceroni, ea prodigia enumerare uidentur, quæ, Catilina petente consulatum, ipso cos. Cicerone dij immittere uidebantur, de quibus Plut. in uita Cic. & ipse Cicero or. i. i. Catil. Nam ut illa omittam, inquit, uisas nocturno tempore ab occidente fœces, ardoremq. cœli, ut fulminum iactus, ut terræ motus, cæteraque, quæ tam multa nobis cos. facta sunt, ut hæc, quæ nunc fiunt, canere dij immortales uiderentur.

Et

Et quæ seq.

Tu quoque cum tumulos Albano in monte. ] Albanorum tumulorum meminit etiam in ea, quæ est pro Milone prope sinem.

Maſtaſti lacte Latinas. ] Solebant enim populi, qui Latinas ferias erant celebraturi, lac et alia secum in Albanum montem adferre, inde autem carnes petere, ut nos alio quodam loco ostendimus copiose.

Nam pater altitonans. ] Hos uersus tres sequentes repetit etiam Laſtantius lib. i. i. cap. xvii. sed medio nonnihil commutato. sic enim habet. Ipse suas arces atque inclyta templa petiuit. putat autem ijs uersibus Ciceronē alludere ad illud Lucretij, cum dicit de Deo:

Tum fulmina mittat, & ædes

Ipse suas disturbet.

Loquuntur enim uersus Ciceronis de icto fulmine Capitolio, quæ de re tota est etiam illud in eadem illa oratione i. i. in Catil. Memoria, inquit, tenetis, Cotta & Torquato cos. complures in Capitolio turres de cœlo esse percussas, cū & simulachra deorum immortalium depulsa sunt, & statuae ueterum hominum deiectæ, & legum æralique facta. Tactus est etiam ille, qui hanc urbem condidit, Romulus, quem inauratum in Capitolio paruum, atque lactentem uerberibus Lupinis inbiantem fuisse meministis. quo

Ad 4 quidem

quidem tempore, cum aruspices & tota Heruturia conuenissent, cædes atque incendia, & legum interitum, et bellum ciuile ac domesticum, et totius urbis ac imperij occasum appropinquare dixerunt, nisi dij immortales omni ratione placati suo numine prope fata ipsa flexissent. Itaque illorum responsis tunc et ludi decem per dies facti sunt, neque res ulla, quæ ad placandum deos pertineret, prætermissa est, ijdemq. iusserunt simulacrum Iouis facere maius, & in excelsis collocare, & contra atque ante fuerat, ad orientem conuertere, ac se sperare dixerunt, si illud signum, quod uidetis, solis ortum, & forum, curiamq. conspiceret, fore, ut ea consilia, quæ clam essent inita contra salutem urbis atque imperij, illustrarentur, ut à senatu populoq. R. perspicui possent. atque illud ita collocandum consules illi statuerunt, sed tanta fuit operis tarditas, ut neque à superioribus consulibus, neque à nobis ante hodiernum diem collocaretur. Hæc Cicero. Vigebat autem tum quoque ijs cons. coniuratio, in qua Catilina quoque fuit, ut scribit Sallustius in Catil. Conflagrationis istius Capitolij meminit præterea Cicero VI. Verr. Diuinitus, inquit, extitit illa flamma, non quæ deleret Iouis opt. max. templum, sed quæ præclarius magnificentiusque deposceret.

Omnes

Omnes ciuili generosam.] Lego generosa, quanquam præterea de mendo uidendum.

Ac clades patriæ.] De detecta coniuratione loquitur. quæ historia est notissima.

Atque animo pendens.] Nonius Marcellus, uerbi, euentus, diuersa genera declarans, hunc etiam uersum adfert, ex secundo, ut ipse citat, libro consilatus. Pertinere uidetur, aut ad illam sollicitudinem, cum uereretur Cicero, ne à C. Cornelio & Cethego occideretur domi, simulantibus salutationem: aut cum detecta iâ per Allobroges coniuratione, & coniuratis plebisque comprehensis, secum agitare, quid ijs factururus esset.

Interea cursus.] Ex Cicerone lib. ad Att. II. desumptum. Sic scribit Cicero, hic sunt hæc: coniunctio mihi summa cum Pompeio, si placeat, etiam cum Cesare, reditus in gratiam cum inimicis, pax cum multitudine, senectutis otium. sed me κατὰ τὴν αἰσῶν meam illa commonet, quæ est in libro. III.

Interea cursus, &c.

Et mox, Hæc mihi cum in eo libro, in quo multa sunt scripta ἀπὸ τοῦ πατρὸς, Calliope ipsa præscripserit, non opinor esse dubitandum, quin semper nobis uideatur.

ἢ τὸ αἰσῶν ἀπὸ τοῦ πατρὸς περὶ τῆς αἰσῶν:

Hæc de ijs uersibus. Si quis est autem, qui ad

eos



eos quoque de consulatu libros, fragmentum, quod superius in or. de suo consulatu retulimus, existimet pertinere, cum hoc non uehementer pugnabimus, illud unum admonebimus, quod ne ipsum quidem ualde necesse est, uitiata esse fragmenti uerba, cum sic, ut sunt, sub leges exametri cadere non possint. Quanquam etiam, si ad orationem referas, uix integrum locum esse, & à labe immunem, posses obtinere. sic enim habet, *libros de consulatu*.

Quorum luxuries fortunata cēsa peperit.

In librum de suis temporibus.

DE hoc libro sic scribit ipse ad P. Lentulum Ciliciam proconsulem. Scripsi etiam uersibus tres libros de temporibus meis: quos iam pridē ad te misissem, si esse edendos putassem. sunt enim testes, et erunt sempiterni meritorum tuorum erga me, meaēq. in in te pietatis. Quid autem complexus eo fuerit, inscriptio ipsam indicat, ut in re nota disertum uelle uideri minime necesse sit. Sed quemadmodum quidē in libro de Consilijs suis fecimus, ut hunc istum de suis temporibus librum, ab illo differre ostenderemus, apertis ipsis signis atque indijs, ita hic quoque discrimen aliquod demonstremus, inter hoc istud et illud de suo Consulatu, quod proxime praecessit,

cessit opus, quod sane huic & genere scribendi, & materia, & librorum numero, et plerisque alijs rebus persimile uideri potest. Sit igitur positum, quod confirmatum iam fuit, libros de Consulatu Afranio et Metello coss. perfectos fuisse. Inde enim constabit planissime, libros de suis temporibus diuersos ab illis extitisse. Sic enim scribit de ijs Cicero ad Lentulum. Quod rogas ut mea tibi scripta mittam, quæ post discessum tuum scripserim, sunt orationes quædā, quas Menocrito dabo, &c. Scripsi etiam Aristotelico more tres libros in disputatione ac dialogo de oratore &c. Scripsi etiam uersibus tres libros de temporibus meis, & q. s. atqui Lentulus post Afranij & Metelli consulatum anno demum quarto in Ciliciam profectus fuit. Constat igitur, quod uolumus, libros de consulatu, cum multo ante perfecti fuerint, quàm libri de temporibus inchoati, manifestissime ab ijs diuersos esse atque differentes. illud fortassis etiam obsignatione dignum, quod etsi, Vallam secuti, fragmenta quædam in hunc librum contulerimus, tamen fit nescio quomodo, ut dubitare uideamur ad hunc ne librum reuera pertineant. Cum enim alterius eius fragmenti in oratione in Pisonem fiat mentio, quam esse Cn. Pompeio Magno II. M. Crasso II. coss. habitam uult Padianus, hos autem libros Cicero in epistola ad

ad Lentulum, quæ sequenti anno, etiâ sub extremum L. Domitij, & Appij Claudij consularis, scripta fuit, editos nondum fuisse testatur, fit, ut alterum horum necessario suspicer, aut Asconium in tempore orationi Pisonianæ designando aberrasse, Fenestellamq. potius audientem esse, qui eam anno posteriori ultimam habitam esse scribit: aut uero Vallam ipsum falsum esse, qui hæc ista fragmenta, de quibus loquimur, ex ijs libris desumpta fuisse profitetur. De quo alias considerabimus. In ijs iisdem profecto libris, extitisse scribit idē Valla, illud quod sine libri nomine Ciceroni tribuit Quintilianus lib. 11. cap. 1. & quod reprehensum fuisse & derisum scribit à nonnullis, à Ioue se in concilium deorum aduocatum, à Minerva omnes artes edoctum fuisse, quæ sibi, ut inquit idē Quintilianus, Cicero, secutus quædam Græcorum exempla, permiserat. De qua re etiam uideo fieri mentionem in ea, quæ Sallustio in Ciceronem tribuitur oratio.

Cedant arma togæ. ] Eius uersus mentio est, ut iam dixi, in ea in Pisonem, ubi multis uerbis respondet ad eius uersus inuidiam. habet autem ibi pro lingua, laudi. Concedat laurea laudi. Respondet item pro eodem uersu in 11. Philip. sed eius initium tantum recitat. Libro certe primo de officijs ita scribit ad filium. Illud autem opti-

optimum est, in quo me inuadi solere ab inuidis & improbis audio. Cedant arma togæ, concedat laurea lingua. ut enim alios omittam, nobis rempub. gubernantibus non ne togæ arma cessere? Sallustius, si modo est Sallustius, in Ciceronem sic. Etiam ne aures nostras onerabis tuo odio? etiam ne molestissimis uerbis insectabere? cedant arma togæ, concedat laurea lingua. Quasi uero togatus, & non armatus ea quæ gloriaris confeceris. cui Tullius ipse, si modo etiam est Tullius. An ego tunc falso scripsi, Cedant arma togæ, qui togatus armatos & pace bellum oppressi? Vide etiam Quint. lib. 11. cap. 1. et Seruium in 1. Aen. Eodem autem respexisse etiam uidetur Plin. lib. VII. cap. 30. dum ita affatur Ciceronem. Salue primus omnium parens patriæ appellate, primus in toga triumphum, linguæq. lauream merite, & facundie Latiarumq. literarum parens etc. et Cassius ad ipsum Cicer. XII. fam. Est enim tua toga omnium armis felicior. Hæc de sententia uersus. ceterum unde ipse desumptus sit, tantum habeo dicere, quæ de Valla superius adnotau.

O fortunatam. ] Citat hunc uersum Diomedes lib. 11. sed suppresso Ciceronis nomine. Meminit & idem ille, quisquis tamen est, qui se Sallustium profitetur, in ea in Ciceronem. Atque is, in-



inquit, cū eiusmodi sit, tum audeo dicere, O fortunatam natam me cos. Romam Te cos. fortunatam Cicero, immo uero infelicem & miserā, quæ crudelissimam &c. Meminit et Quintilianus lib. eodem 2. cap. 1. & supra lib. 9. cap. 4. De hoc Iuuenalis ad hunc modum Sat. 10.

Ingenio manus est & cæruix cæsa, nec unquam

Sanguine caudidici maduerūt rostra pusilli.  
O fortunatā natam me consule Romam.  
Antoni gladios potuit contemnere, si sic Omnia dixisset. Ridenda poemata malo.  
Quā te cōspiciat diuina Philippica famā,  
Volueris à prima quæ proxima, &c.

Ergo Ciceronis uersum dubitari nō potest. quo autem ex libro ita in ora hominū uenerit, quicquid habuimus, quod dici possit, exposuimus.

Quod autem hunc uersum Iuuen. inter ridicula poemata commemorat, arbitror ad eundē quoque Senecam respexisse, qui lib. 111. de ira sic scribit. Non aquis quendam oculis uidisti, quia de ingenio tuo male locutus est. Recipis hanc legem? Ergo te Ennius, quo non delectaris odisset, & Hortensius similitates tibi indiceret, & Cicero, si derideres carmina eius, inimicus esset. Omnino enim idem scribit lib. 111. declam. Ciceronem, inquit, eloquentia sua in carminibus destituit.

In

## In libellum iocularem.

PRAETER eos libros, quos superius poeticos Ciceronis nominauimus, uidetur etiam scripsisse libellum nescio quem iocularem, de quo tantum habeo dicere, quantum infra in ipsius fragmenti patebit explicatione. Certe huc Lactantium alluisse arbitror, cū lib. 111. cap. XIII. sic scribit ad Ciceronem sermone conuerso. Idē, inquit, in consolatione, id est in opere non ioculari, hanc de philosophia sententiam tulisti &c. Equidem, uersibus ne hic liber cōscriptus totus fuerit, uix habeo ut affirmem.

Fundum Varro. ] De hoc sic Quintilianus lib. VIII. cap. ultimo. cum hyperboles eam partē, quæ ad augendam orationem pertinet, exposuisset. Nec pauciora sunt, inquit, genera minuendi.

Vix ofsibus hærent.

Et quod Cicero in quodam ioculari libello:

Fundum Varro uocat, quem possim mittere funda:

Ni tamē exciderit, qua caua funda patet.

Sensus est. quanquam modicus etiam locus fundus dici potest, cum fundum non magnitudo ipsa faciat, sed domini affectio, & designatio, tamē Varronis cuiusdam designatio ridicula potest

And. Patric.

test uideri, qui tam exiguis finibus fundum definiuit ac designauit, ut totus quantus est, fundamitti possit, immo ut propter paruitatem uix in cavitare fundæ hærerè possit: Quod dixi de fundorum designatione, repetitum est ex *Vl piano l. locus, ff. uerborum significationibus. ali bi tamen legitur, quo possim mittere funda: & item, ni lapis exciderit. Hæc de libello ioculari. uidetur etiam scripsisse epigrammata quædam. certe Plin. epistolarum lib. v. II. meminit epigrammatis cuiusdam in Tironem, cuius sententiam quoque ibidem uersibus suis recitat eiusmodi, de Cicerone loquens.*

Nam queritur, quod fraude mala frustratus amantem

Paucula cœnato sibi debita suaui Tyro  
Tempore nocturno subtraxerit.

In incerta.

**E S S E** hæc quidem Ciceronis, tam certum est, quam quod maxime: cæterum quo pertineant, & ad quem Ciceronis libros referantur, cum diuinare nec ualde promptum, nec nimis etiam tutum esset, omnia sub incertorum inscriptione comprehendere libuit. Verum quoniam nonnulli sustulimus ex hoc loco, quæ huc erant per Sigonij librarios coniecta, ut ego existimo, impertune,

In Tom. IIII. Fragm. 187

tune, ne sit, quod in nobis desiderari possit, & ipsa quidem hoc in loca nobis referenda, & simul causa reddenda fuit propositi institutiq. nostri. Legebatur primum fragmentum eiusmodi.

**Vt** corpora nostra sine mente, ita ciuitas sine lege suis partibus, ut neruis, ac sanguine, et membris uti non potest.

Hoc cum extet in ea pro Cluentio, delendum esse duximus. Legebatur deinde.

**Vt** remiges sine gubernatore, ita milites sine imperatore nihil ualent.

Id quod nos Quintiliani potius quam Ciceronis esse iudicauimus. uide Quint. lib. v. cap. II.

Illud autem,

Profecto omnis istorum disputatio, quam quam uberrimos fontes uirtutis et scientiæ contineat, tamen collata cum horum actis, perfectisq. rebus uereor ne tantum uideatur attulisse negotiis hominum quandam oblectationem otii,

In Hortensio retulimus, mirifice enim cum illo argumento quadrare uidebatur. Erat & illud,

**Vtrum** melius sit, dii immortales sciunt, hominem autem arbitrer scire neminem.

Erat: sed & Sigonius in erratis admonuit delendum esse, & nos uidimus extare, lib. I. Tusculanarum quæst.

Deinde illud,

Illius quippe scripta sunt auctoritate di-

Bb gmissi-



gnissima, qui nullum uerbum non quod  
reuocare uellet, sed quod reuocare de-  
beret, emisit. Quod nos non tam Ciceronis, quam Augustini allu-  
dentis ad Ciceronem esse indicandum; quod Au-  
gustini erat, induximus, quod Ciceronis, repo-  
suimus. de quo etiam non nihil in scholijs in Ca-  
tonem locuti fuimus. quod autem sequebatur,  
Cicero scribit id esse optimum, quod cum  
te facile credideris consequi imitatio-  
ne, non possis. Item: Nō se id egisse,  
ut ita diceret, quo modo se quilibet pos-  
se confideret, sed quo modo nemo:

Id duobus quasi fragmentis constabat, quorum nos  
alterum erasimus: sensum enim magis, quam  
uerba Ciceronis referebat: de quo uide Oratorem  
Ciceronis: alterum retinuimus. Erat & illud,  
Verumq. est illud Ciceronis, qui ait, ho-  
minem naturæ obediētem homini no-  
cere non posse.

Nos autem esse ulterius passi non sumus, cum ex-  
tet aperte III. offic. Illudq. etiam,

Homines autem ingeniosi quid de hoc exi-  
stimauerint, ex dicto Ciceronis appa-  
ret, qui ait, diuinitus extitisse illam  
flammam, non quæ terrestre illud domi-  
ciliū louis deleteret, sed quæ sublimius,  
magnificentiusq. deposceret:

Ex

Ex his fragmentis erasimus. extat enim 6. Verr.

Illaq. etiam

Nemo iustus potest esse, qui mortem, qui  
dolorē, qui exilium, qui egestatē timet:  
Impetratum est à ratione, ut peccare sua-  
uitatis causa liceret:

Prorsus hinc sustulimus, suisq. locis reliquimus,  
alterum II. off. alterum in oratore. quanquam  
etiam non à ratione impetratum legitur, sed à  
consuetudine. Cætera libenter retinuimus, il-  
lisq. etiam alia addidimus, quæ nobis partim  
auctoritatibus uindicanda, partim scholijs il-  
lustranda sunt.

Aristoteles ueteres philosophos. Reposui,  
ut in Sigonij libro legebatur. nunc in Laëtan-  
tio meo ita legitur lib. 3. cap. 28. Aristoteles  
ueteres philosophos accusans, ait eos aut stultif-  
simos, aut gloriosissimos fuisse, & q. s. Esse me-  
hercle uerba Ciceronis, indicat ibidē Laëtātius.  
Doctissimos habuit auctores, nec quid  
certi sit. Olim legebatur, doctissimos habuit  
amatores, ne quid certi sit. sed ego facile etiam  
sine libro, sic, ut reposui, legendum esse statu-  
bam: in qua mea coniectura magis etiam ex li-  
bro meo Laëtantij confirmor. is ita habet. Tul-  
lius, inquit, expositis horum omnium de immor-  
talitate, ac morte sententijs, nescire se quid sit  
uerum, pronuntiauit. Harum, inquit, sententia-

Bb 2 rum

rum quæ uera sit, Deus aliquis uiderit. Et rursus alibi, Quoniam utraque, inquit, earum sententiarum doctissimos habuit auctores: nec quid certi sit, diuinari potest. In quo prius testimonium ex Cicerone quod adfert, est in Tusculana 1. posterius alibi est, ut scribit Lactantius. me si quæris, ego, ubi sit, nescio.

Recteq. Tullius.] Reliqui, ut erat positum. quam sic quidem manifeste est Lactantij. illa uero, Qui remp. gubernent, & quæ sequuntur, haud facile negauerim esse Ciceronis. quanquã, si rem ipsam attendas, dici sane potest omnia Lactantij esse. Tullium autem auctorem quoddam citat, id ex 1. offic. peti posse, ubi expositis duobus quasi uitæ generibus, philosophico & civili, Neutrorum, inquit, omnino contemnenda est sententia: sed & faciliior, & tutior, & minus alijs grauis aut molesta uita est otiosorum; fructuosior autem hominum generi, & ad claritatem amplitudinemq. aptior eorum, qui se ad Remp. & ad magnas res gerendas accommodauerunt.

Eorum quippe opinioni.] Etiam hoc sic reliqui, cum uideretur omnino aliter esse conformandum. non reperio autem in Augustino de uita beata, sed in lib. 4. contra Iulium Pelagianum. unde constat esse Ciceronis. Sensus fragmenti est, ut puto: Hominis fortis & sapientis, uel

uel certe iam hominis, summum bonum differre manifeste ab ijs bonis, quæ non hominũ sunt, brutorum animantium propria, quæ uidelicet tota in perfusione illa dulci, & quod uno uerbo dicimus, uoluptate sensuum sunt prorsus constitata. Quod totum contra Epicureorum opinionem dicitur: qui, ut scribit Cic. 1. Academ. ad Varronem, simpliciter pecudis & hominis bonum idem esse censent. unde illa Sardanapali reprehensio v. Tusc. qui in busto ita incidi iusserat. Hæc habeo quæ edi, quæq; exsaturata libido Hausit: at illa iacent multa, et præclara relictæ.

Quid aliud, inquit Aristoteles, in bouis, non in regis sepulchro inscriberes? Et illa Milonis Crotoniatæ in de Senect. qui quum iam senex esset, athletasq. se in curriculo exercetes uideret, aspexisse lacertos suos dicitur, illachrymansq. dixisse, At hi quidem iam mortui sunt. non uero tã isti lacerti, inquit Cato, mortui sunt, quàm tu ipse mortuus es nugator. Neque enim ex te unquam es nobilitatus, sed ex lateribus et lacertis tuis. Omnino, nisi admodum fallor, fragmentum hoc extare ad uerbum apud Ciceronem ipsum existimo, ijs quidem in libris, qui hodieq. extant: sed locus non succurrit. Similem tantum huic adferre possum hoc tempore, illum, qui est v. Tusc. sub finem. Polyphemum Homerus,



inquit Cicero, cum immanem ferumq. finxisset, cum ariete etiam colloquentem facit, eiusq. laudare fortunas, quod quæ uellet ingredi posset, & quæ uellet attingeret. Recte hic quidem, inquit Cicero, nihilo enim erat ipse Cyclops, quam aries ille, prudentior. Hæc ibi Cicero. Sed mea quidem sententia est alius, ut dixi, locus proprius de ipso Africani bono, quem quidem dum inuestigo, fragmentum loco moueri non ceseo. alioqui uidendum an hoc istud fragmentum ex primo, aut 3. de finibus exciderit.

Nullum unquam uerbum. ] Cætera, ut iam dixi, ex hoc loco sustuli. Recte autem fecisse me, is profecto iudicabit, qui epistolam ipsam Augustini legerit, ex qua hoc sumptum est. Mirum autem, ni hæc dicantur de Catone et ad Catonem pertineant, sicut etiam in eo exponendo libro admonuimus.

Etenim si nemo est. ] Ni ita aperte Lactantius fateretur, loco quidem à Sigonio assignato, uerba esse Ciceronis, existimare ipsius esse Lactantij, cum allusione quadam ad id, quod est III. off. Quid interest, inquit Cicero, utrum ex homine se conuertat quis in belluam, an in hominis figura immanitatem gerat belluæ? Illud enim remotius est quodammodo, quod eodem illo libro paulo anto scribitur. ut membra, inquit, quædã amputantur, si & ipsa sanguine et tanquam

quam spiritu carere cæperunt, & nocent reliquis partibus corporis: sic ista in figura hominis feritas & immanitas belluæ à communi tanquam humanitate corporis segreganda est. Cæterum Lactantius meus hoc loco, pro qui non mori, legit, quin emori.

Nihil esse, quod sit manibus. ] Non deleo, neque enim audeo, sed certe, cum hæc scribit Lactantius, ad illud quasi respicere uidetur, quod est in ea pro Marcello ad hunc modum. nihil est opere, aut manu factum, quod aliquando non conficiat et consumat uetustas. Quod etiam totidem uerbis citat idem iste Lact. lib. 6. c. 11. Hoc miror enim querorq. hominem ita. ]

Meus Quintilianus, querorq. quæquæ hominẽ. Meliora unguenta. ] Hoc bis citatur à Plinio, primum ut citat etiam Sigonius, lib. xvi. cap. v. uerbis à Sigonio nihil discrepantibus: iterum lib. xiii. cap. 11. sic. In M. Ciceronis monumentis inuenitur, unguenta gratiora esse, quæ terram, quam quæ crocum sapiunt, quando etiam corruptissimo in genere magis tamen iuuat quædam ipsius uitij sèueritas. Quibus ex uerbis Plinij, sententia quasi uerborum Ciceronis colligi potest, eodem ueluti spectans, quod etiam uulgare illud uerbum pertinet, quod Plautus usurpat in Mustellaria, Bene olet, quia nihil olet, & quod Varro in Menippea Bella-

ria, inquit ea maxime sunt mellita, quæ mellita non sunt. uide Macr. lib. 111. Equidem, quid sit terram olere, exponit ipse Plinius lib. quem dixi. xvii. cap. v.

Illa tamen æqualitas. ] Id est perpetuus nec interruptus eiusdem felicitatis tenor. ita correxi, cum tamen et in Sigoniano, & in meo exemplari, qualitas, legeretur. uidi enim profecto respicere debere sententiam ad particulam perpetim, uel, ut in meo est exemplari, perpetuo, quæ particula ibi paulo ante fuit antegressa. Hanc meam emendationem cum misissem ad Sigoniu, rescripsit uir ingenuus se approbare; et quoniã inter reliquas meas emendationes, hanc istam reponendi locus tum nõ esset, inter erratorum typographicorum emendationem collocauit.

Quæ sequuntur fragmenta, omnia sunt reperta à nobis, à nobisq. huc reposita.

In libris de repub. ] Ex Plinio in præfatione, ubi ita scribit. Est benignum ( ut arbitror ) & plenum ingenui pudoris, fateri per quos profeceris, non ut plerique ex ijs, quos attigi, fecerunt. Scito enim conferentem me auctores, deprehendisse à iuratis & proximis ueteres transcriptos ad uerbum, neque nominatos, non illa Virgiliana uirtute ut certarent, non Ciceroniana simplicitate, qui in libris de rep. Platonis

nis se comitem profitetur: in consolatione filia Crantorem, inquit, sequor: item Panætium de officijs. quæ uolumina eius ediscenda, non modo in manibus habenda quotidie, nosti, & q. s. Et si autem in libro de consolatione ostēderimus, hoc istud fragmentum triplici membro consistens, singulatim posse diffecari, sic ut una pars ad lib. de rep. altera ad consolationem, tertia ad officia pertineat: tamen ut omnibus satisfaceret, hic etiam integrum referre uoluimus.

Omnium pectora &c. Nullæ sunt occultiores. ] Vtrunque desumptum ex Augustino. is lib. xix. cap. v. de ciuit. sic habet. Qui inter se, inquit, amiciores solent esse, quàm qui una etiam continetur domo? Et tamen quis inde securus est, cum tanta sæpe mala ex eorum occultis insidijs extiterint, tanto amariora, quanto pax dulcior fuit, quæ uera putata est, cum astutissime fingeretur. Propter quod omnium pectora sic attingit, ut cogat in gemitum: quod ait Tullius, Nullæ sunt occultiores insidiæ, quæ hæ, quæ latent in simulatione officij, aut in aliquo necessitudinis nomine. Nam eum, qui palam est aduersarius, facile cauendo uitare possis. hoc uero occultum, intestinum, ac domesticum malum non solum existit, uerum etiam opprimit, antequam prospicere atque explorare potueris. Sic Augustinus. esse igitur hic quiddam



dam Tullianum, idem ipse fatetur Augustinus.  
ceterum illud ne; *non potest*, *alium*, *in proloquio*

Omnium pectora sic attingit, ut cogat  
in gemitum; *alio tempore* *alio tempore* *alio tempore*

An vero illud potius, *non potest*, *alium*, *in proloquio*

Nullæ sunt occultiores insidiæ, quam quæ  
latent in simulatione officii, aut in ali-  
quo necessitudinis nomine; *non potest*, *alium*, *in proloquio*

Dubium uideri potest. De qua re ego quidē sic iudi-  
co, si in Augustino uitij nihil est: de quo quidē

uerbor, uerbum **ATTINGIT**, intuens,

quod neque de pace, obstante sententia, neque  
de malis, grammatica acclamante, dici potest.

illamq. præterea periodum considerans, Nullæ  
sunt occultiores: quæ duriter nescio quomodo

superioribus adhæret. sed certe si, ut dicere cœ-  
peram, Augustini liber non est uitatus, uerba

illa, omnium pectora sic attingit &c. puto esse  
Ciceronis, ex libro quidē aliquo qui interijt. ut

non immerito hic inter incerta, uideantur esse  
reponenda. sin autem in Augustino mendū est,

mibi profecto illius sententiæ uim intuenti, quæ  
est in 1. de officijs; Totius autē iniustitiæ nulla ca-

pitalior est, quàm eorū qui tum cum maxime  
fallunt, id agunt ut uiri boni uideantur, omnia

esse uidentur Augustini. hæc autem uerba,  
Nullæ sunt occultiores, &c. allusionem esse pu-

to ad id quod ex Cicerone recitauī. *non potest*, *alium*, *in proloquio*

enab

Ar-

Arcera. ] De hoc fragmento sic Nonius, Arce-  
ra plaustrum est rusticum tectum undiq. quasi  
arca. Hoc uocabulū, inquit idem, & apud Var-  
ronem et apud M. Tulliū inuenitur. De Tullia-  
no igitur libro cū dubitarem, inter incerta re-  
posui. Nam de Varrone illud scio, in lib. ip-  
sius de lingua latina quarto inueniri. Vide de  
hoc ipso fragmento Gell. lib. xx. cap. 1.

Existimaui. ] Ex Nonio de uaria significatione  
sermonum in dict. depono. Citat M. Tullium  
suppressō libro. lego autem ibi pro, honestissi-  
mas, honestissime has.

Ferem. ] Ex Fortunatiani Rhetorica. uulga-  
ria, inquit, illa uerba, quibus utitur uulgus.  
ut M. Tullius, & Seracum, & ferem dicere  
non dubitauit.

Ad militiam euntibus. ] Ex Seruio in v. Aen.  
illud Custodem ad se comitemq. impubis Iuli.

Cū parcere, uel lædere. ] Ex Marcellino, lib.  
xix. in fine. Imitandus sit Tullius, cum parce-  
re, uel lædere potuisset, ut ipse affirmat, igno-  
scendi quærens causas, & q. f.

Infelices esse. ] Ex eodē hoc isto Marcell.  
lib. xxvi. prope finē. Imperator enim, inquit,  
promptior ad nocendum, criminantibus patēs,  
& finireas delationes adsciscens, per supplico-  
rum diuersitates effrenatus exultauit, senten-  
tiæ illius Tullianæ ignarus, docentis infelices ef-

se

se eos, qui omnia sibi licere existimant.  
 De plebeia fece. ] Ex August. contra Cresco-  
 nium grammaticum lib. II. sub finem [ aut lib.  
 XII. ] puto autem sellularios, opifices esse à sel-  
 la dictos, in qua sedendo quotidianum quæstum  
 exercerent: Cic. ITL. Catil. Nulli sunt inuen-  
 ti tam aut fortuna miseri, aut uoluntate perdi-  
 ti, qui non ipsum illum sella atque operis, &  
 quæstus quotidiani locum, qui non cubile &c.  
 saluum esse uelint. Sellulariorum nomine usus  
 est etiam Linius lib. VIII. Opificium quoque  
 uulgus, inquit, & sellularij, minime militiæ ido-  
 neum genus, exciti dicuntur.  
 Erythreo oppido. ] Etiam ex Marcellino lib.  
 XXXI. Asia nomen horrebat: ubi Erythreo  
 oppido superpositum montem Mimanta & Ho-  
 merum scripsisse & Tullium, doctis referenti-  
 bus, audiebat. de monte Mimante lege etiam  
 Plin. lib. V. cap. XXIX.  
 Qui fuit locus relig. ] Ex Diomede lib. II.  
 ubi de paronomasia.  
 Lex dei præclara. ] Ex Lactantio lib. VI. cap.  
 XXIII. in fine.  
 Atque adeo in plerisque. ] Ex eodẽ Lactan-  
 tio lib. I. cap. XV. Hæc Cicero, inquit, de natu-  
 ra deorum docet, dicens. suscepit autem uita ho-  
 minum, consuetudoq. communis, ut beneficijs  
 excellẽtes uiros in cælum fama, ac uoluntate tol-  
 leret.

leret. Hinc Hercules, hinc Castor, hinc Pollux,  
 hinc Aesculapius, hinc Liber. Et alio loco, at-  
 que alio in plerisque ciuitatibus intelligi po-  
 test &c. Lego autem pro, atque alio, atque ad-  
 eo. Locus haud scio an ad lib. III. de rep. per-  
 tineat, ubi sermo est de Romuli & aliorum con-  
 secratione.  
 Ruettare. ] Ex Festo & Paulo lib. XVI. Ru-  
 etare, inquit Paulus, non ruetari dicendum est.  
 Flaccus: Videtis alios ruettare & respuere pul-  
 cherrima superbia. Cicero tamen, inquit, ruetta-  
 rent, dixit. Festi liber hoc loco, & plerisque  
 alijs, ambustus est.  
 Dic mihi quæso. ] Ex Quintiliano lib. V. cap.  
 XI. ubi tractat de simili. sic enim scribit. In hoc  
 genere, inquit, maxime queritur, an simile sit  
 quod infertur, etiam in illis interrogationibus  
 Socratis, quorum paulo ante feci mentionem, ca-  
 uendum ne incaute respondeas: ut apud Aeschi-  
 nem Socraticum male respondit Aspasia Xeno-  
 phontis uxor, quod Cicero his uerbis transfert.  
 Dic mihi quæso &c.

REGISTRVM.

ABCDEFGHIKLMNOPQRS  
 TVXYZ Aa Bb.

Omnes sunt quaterniones.



## Errata.

## Corrigenda.

In præfatione pro Padneuo,  
ibidem, Præmissiensis,

8. b. 13. ad Tuniculo ad eadem.

9. b. 14. subiectum?

10. b. 19. Sylla.

13. b. 12. lenissimæ.

14. a. 2. propter hoc.

14. b. 4. rationes.

32. a. 5. non modo integra.

38. b. 22. flagitium ne alteri.

45. a. 24. eludens.

61. a. 9. tulio.

77. b. 15. quasi.

80. a. 16. locupletatos.

89. a. 9. peccere.

89. a. 17. custodia.

92. a. 10. infiqui.

93. a. 26. mihi ue tu.

119. b. 13. uanauerit.

123. a. 16. patientur.

126. a. 15. typis.

127. a. 3. διοικητικά.

127. a. ult. ισχύμαφε.

127. b. 4. τεκτονικόν.

ibidem. κτάσαι.

132. a. 21. hic bis locus.

134. b. 2. equirum.

138. a. 2. nnum.

139. a. 8. Eornicius.

ibidem. Vilaensis.

144. b. ult. accessit.

162. b. 24. Oseam.

Padneuo;

Præmissiensis

ab Ianiculo ad eadem.

subiectum?

Sylla

lenissimæ

præter hoc

orationes

delendum totum hoc

fragmentum. neque e-

nim Ciceronis, sed Var-

ronis est li. i. de re rust.

flagitium ue alteri

elucens.

ratio

qualis

locupletatos

parcere

custodia

insigni

mihi ne tu

nanauerit

patienter

lippiis

διοικητικά

ισχύμαφε

τεκτονικόν

κτάσαι

hic locus

equitum

num

Gornicius.

Vilnensis

accessit

Oseam





Wells

Corrigenda





20

Champer

1895

